




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.10







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.10





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.10



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.10





*Ex Libris Joannis Nencini*  
*1874*



LIBRERIA  
CENTRALE-FIRENZE  
INIZIO  
VENEZIA



*Alb. 2/1.*


*6989*

*12*









D. GREGORII NYSSAE  
PONTIFICIS, MAGNI  
BASILII FRATRIS, DOCTISSI-  
MVS IN HEXAEMERON  
COMMENTARIVS:

*Aliquot tum eiusdem, tum aliorum auctorum  
orationes pulcherrimæ, quarum  
argumenta in proxima  
pagina perspicies:*

*Gregorij, rerum admirabilium effectoris,  
de anima libellus:*

PETRO FRANCISCO ZINO,  
VERONENSI, INTERPRETE.



VENETIIS, M. D. LIII.



D. GREGORII NYSSAE PONTIFICIS  
In hexaemeron commentarius.

In hominis procreatione orationes duae incerti auctoris.  
Eiusdem Gregorij oratio in diem natalem Domini nostri  
Iesu Christi.

Eiusdem oratio in Christi resurrectionem.

Eiusdem oratio in Christi ascensum in coelum.

Eiusdem oratio in Pentecosten.

Eiusdem oratio in eos, qui acerbius alios iudicant, & ad  
eos, qui indigent poenitentia.

Eiusdem formula perfecti hominis christiani.

Eiusdem oratio, qua docet, non esse dolendum in eo-  
rum obitu, qui in fide dormierunt.

Eiusdem orationes duae, quibus ad amandos & beni-  
gnitate complectendos pauperes cohortatur.

D. Gregorii Nazanzeni  
Theologi

Oratio una in idem argumentum.

D. Gregorii rerum admirabilium  
effectoris

De animalibus.



2  
CLARISSIMO ATQVE OPTI-  
MO VIRO, PETRO CONTARENO,  
PATRITIO VENETO, PETRVS  
FRANCISCVS ZINVS S. D.



INVICTISSIMVS,  
& sanctissimus ille uir,  
Petre Contarene nobilissi-  
me, qui singulari uirtu-  
te maximas & grauissi-  
mas perferens calamita-  
tes, patientis cognomen  
inuenit, sapienter & ue-  
re mortalem hanc hominū  
uitam militiā appellauit. Nam cū ex animo corporeq;  
constemus, et horum utrunque uel per se, uel cum alte-  
ro, uel cum rebus externis possit considerari, quis, nisi  
sensibus menteq; careat, perpetuas elementorum, in cor-  
pore nostro ad internecionē usque decertantiū, nescit inē-  
micitias? quis tam multa ipsum incommoda extrinse-  
cus semper urgentia non uidet? quis periculosissimum  
animi cum ipso corpore certamen non experitur? quis  
assiduam in animo uirtutum cum uitiis, spiritus cum  
sensu, hominis noui cum ueteri contentionem non sen-  
tit? quis acerbissimas hominum, tum bonorum cum  
improbis, tum improborum inter ipsos, dimicationes nō  
cernit? quis denique antiquissimi atque immanissimi  
hostis Diaboli, innumerabili satellitū manu genus unū

A ii



uersum humanum, atque adeo singulos homines nunc  
quam non oppugnantis, uim, fraudes, ac dolos ignorat?  
Ut non tam accusandus, detestandusq; esse uideatur pri-  
mus hominum parens, qui iucundo pomi suauissimi  
aspectu, dulciq; charissimæ coniugis hortatu se ab ho-  
ste calidissimo uinci miser sit passus, quàm perpetuo col-  
laudandus, et summo atque incredibili amore diligendus  
humanissimus seruator noster, ac Deus IESVS, qui pro  
nobis & nascens, & moriens, non solum hostem hunc  
crudelissimum, mortemq; ipsam unà cum reliquis no-  
stris aduersarijs ipse deuicit, uerum etiam nobis eam lar-  
gitus est uim, atque robur, ut eos ipsi quoque superare-  
mus. siquidem ea nobis præsidia, adiuumentaq; tribuit,  
quibus protecti, instructiq; nec uulnerari unquam, &  
hostes confodere facile possemus. Etenim cū arma illa cō-  
munia, quibus homines natura quodā modo semper mu-  
niri potuerunt, nempe prudentiā, iustitiā, fortitudinē,  
temperantiā nobis cōmendasset, longeq; firmiora, &  
politiora reddidisset; nouis præterea nos induit, & orna-  
uit, ut fidei scuto, charitatis lorica, galea spei salutis,  
& gladio spiritus, quod est uerbū Dei. Certaminis tem-  
pus, totam singulis hominibus uitam constituit; campū  
seu circum, aut stadium, orbem terrarū, in quo, tan-  
quam in pulcherrimo theatro, intersunt pugnae cœlestes  
spiritus spectatores, inter quos ipse studiosissimus sedet  
adiutor, & æquissimus iudex, optatissimā immortalis  
gloriæ, sempiternæq; felicitatis coronā uictoribus do-  
naturus. Beati, qui tam opportuno tempore nati sunt:  
beatiores, qui sumptis armis in certamen descendunt:  
beatissimi, qui strenue constanterq; pugnando talium

spectato-  
probato-  
propositi-  
ndat? A  
q; pauca  
res, qui  
obicient  
ma: pau-  
pugnantes  
rito & a  
a cœlestib  
lu uel in  
riosus,  
gnatoru  
do se p  
illud in  
mibi con  
la contru  
exissimo  
theo Pon  
dinis gra  
uir, inno  
beraliter  
singulari  
expressi  
uite die  
gerimo  
deuota  
stantie  
ris hom



spectatorum oculis placent, & iudicis sententia com-  
probantur. Quis, certissima uictoriae spe, amplissimisq;  
propositis premijs, non ad certandū promptissimus ac-  
cedat? Attamen, quod ualde miserandū, ac dolendum  
est, paucos uidemus, qui arma uelint induere: paucio-  
res, qui non ea, si induerint, uel statim, uel paulo post  
abijcientes, aut fugiant; aut hosti manus dent immanissi-  
mo: paucissimos, qui ad finē usque certaminis fortiter  
pugnātes perseuerent. Quod si qui sunt eiusmodi, uel me-  
rito & ab inferis metuēdi, et mortalibus admirandi, &  
a coelitis amandi existimantur. nullū enim spectacu-  
lū uel infernis hostibus horribilius, uel hominibus glo-  
riosius, uel beatis illis mentibus iucundius esse potest pu-  
gnatore illo christiano, qui fortiter in omni uita dimicā-  
do se strenuum semper, inuictumq; praestiterit. Equidem  
illud in maximis Dei erga me beneficijs numero, quod  
mihi concesserit, praeclara aliquot eius generis spectacu-  
la contueri. quorum illud admirabile, & praecipuum  
existimo, quod adolescēs adhuc, ac plane puer in Io. Mat-  
thaeo Pontefice Veronensi, quem honoris, & amplitu-  
dinis gratia nomino, perspexi. Fuit enim eximius ille  
uir, innocentiae, frugalitatis, continentiae, diligentiae, li-  
beralitatis, sanctitatis, ac uirtutum omnium specimen  
singulare, & re ipsa factisq; optimi Pastoris exemplum  
expressit. Is iam inde ab ipsa pueritia ad ultimū usque  
uitae diem, quo plaudentibus coelitis choris ab inte-  
gerrimo iudice palmam tulit, fortissimo semper animo  
decertauit, nunquam pedem retulit, nunquam de con-  
stantiae deiectus est gradu. cumq; reliquos sui gene-  
ris homines in prima acie pro grege sibi commissio sem-

A iii



per excubans, acriter aduersus omnia uitia, ecclesiæq;  
aduersarios, & rerum nouarum cupidos pugnans uici-  
set, se ipsum denique superauit. Id cum multis alijs in  
rebus, tum in ea potissimum apparuit, quod, cum sacer-  
dotijs, & diuitijs abundaret, sacerdotia uiris optimis, &  
probatissimis, quos ea recte administraturos putabat,  
commendauit, diuitias & rem omnem familiarem pau-  
peribus ita distribuit, ut cōsanguineis, propinquisq; suis  
nihil relinqueret præter memoriam nominis, exem-  
plumq; uitæ suæ. Quorsum hæc tam longe, inquires, re-  
petita de uiro mihi notissimo & amicissimo? Vt ad te  
nimirum per hominem tibi coniunctissimum aditum  
mihi patefacerem, cuius ego multas, magnasq; uirtutes  
tum demum sum admiratus, cum illustri ipsius testimo-  
nio comprobatae sunt. Nam cum animaduernerem, ho-  
minem sapientissimū, qui omnes in christiana Rep. uir-  
tute præstantes uiros perspectas & cognitos habebat, ijs,  
quibus debebat, declarasse, te unum ex omnibus à se  
adoneū existimari, qui eo munere, quod ipse diligen-  
tissime atque integerrime gesserat, fungeretur: cœpi  
mecum ipse cogitare, quidnam potissimum tantus ille  
uir in te perspexisset, ut tam præclare de te sentiret. Li-  
cet enim te in amplissima Rep. ex familia nobilissima, di-  
uitijs, honoribus, clientelis abundanti, natū esse scirem,  
non tamen adduci poteram, ut crederem, eum his rebus  
adductum te cæteris prætulisse. Itaque cū rem attentius  
inuestigare, in eam sententiam descendi, ut illū qua-  
dam animi, atque ingenij similitudine id præstitisse iudi-  
carem. Quemadmodum enim ipse neglectis omnibus  
ijs, quæ maxima uulgus putat, pro quibus assidue digla-

diatur, se  
rat, scilicet  
malum te  
nam cur  
iue colen  
ut, puerit  
sta, quæ  
cū uiro for  
tuo, pro B  
sapientius  
ragrasses  
tutis, atq;  
fieres, uo  
complur  
ca sacra  
IESVS  
tus est. In  
tusq; noll  
sum, & in  
trie uelle  
d plerisq;  
ret, ut pa  
ribus co  
nunqua  
singulos  
lam lo. d  
mo. Ea  
culendu  
fuit, ut  
enam



diatur, se totū uirtutis, religionis, pietatisq; studiis addixerat, sic intelligebam, te eisdem studiis à puero ita inflammatum teneri, ut, posthabitis rebus omnibus, in eam unam curam incumberes, qua uirtutem, religionem, pietatē colens, Deo quāgratissimus euaderes: eo factū esse, ut, pueritia bonis in disciplinis summa cū laude transacta, quum in Gallia triennium & eo amplius adolescēs cū uiro fortissimo & clarissimo equite Zacharia, patre tuo, pro Reip. libertate gloriaq; in carcere traduxisses, sapientiumq; multorum exemplo regiones plurimas peragrasses, quo perspectis multarum ciuitatum institutis, atque hominum moribus prudentior, ac melior fieres, uolueris etiam, ut beatus olim Hieronymus, aliq; complures uiri sanctissimi, Palastrinā inuisere, & ea loca sacratissima, in quibus seruator & Deus noster D. IESVS pro nobis & nasci, & uiuere, & mori dignatus est. Inde reuersus in patriam, cū honores, magistratusq; nolles suscipere, quod ea res rectum animi tui cursum, & institutum impeditura uideretur, nec tamen patriæ uelles ciuis inutilis esse, eam partem arripuisti, quæ à plerisque neglecta nihil inuidiæ, nihil periculi cōtineret, ut pauperum curam gereres, & Christum in pauperibus coleres. Quod quidem studium semel amplexus nunquam deferere uoluisti, sed in eo diligentius in dies singulos excolendo perstitisti. His de causis præclarā illam Io. Matthæi de uirtute tua opinionem natam existimo. Easdem ob causas te mihi semper obseruandum & colendum iudicauī. In quo mihi Deus adeo propitius fuit, ut ad intimam familiaritatem, & beneuolentiam tuam aperiens aditum, occasionem obtulerit, ut, quem

A iiii



uoluntate mihi diligendū , & obseruandum suscep-  
ram, eundem, multis eius in me officijs, & meritis pro-  
uocatus, necessario, nisi ingratius esse uellem, amare, co-  
lere, atque obseruare deberē . Tuorū autem erga me be-  
neficiorū illud mihi gratissimū fuit, quod, cum Pata-  
uium bonarum artium gratia me superioribus annis  
una cū ornatissimo adolescente Antonio Giberto contu-  
lissem, tu nobis adest tuas, amplas, atque magnificas, &  
omni necessaria supellectile instructas, ad habitandum  
non uerbis solum, ut fit, obtulisti, sed, eas ut accipere-  
mus, coegisti. Eodemq; tempore sacerdotium, cuius confe-  
rendi ius ad familiam tuam clarissimam spectat, multis  
ad tum ambiendo, tum flagitando spē iam deuoranti-  
bus, mihi, nihil ea de re cogitanti, ultro detulisti, Vene-  
rūshumanissime scriptis ad me literis, quibus orabas, ut  
illud accipere ne recusarem. cumq; ego liberalissimi ani-  
mi tui magnitudinem admiratus, gratias agens rescri-  
psissem, me tam egregiū amoris in me tui pignus sine  
magna rustici, pusilliq; animi nota repudiare non posse;  
tu rursus humanissimis, ac suauissimis uerbis ita re-  
spondisti, ut non dedisse beneficiū uiderere, sed accepisse.  
Hæc ego libentissime cōmemoro, tum quia nihil in  
omni mea uita mihi gratius, aut iucūdius accidit; tum,  
ut, quando propter amplitudinem tuam, tenuitatemq;  
meam referre gratiā nequeo, testatum relinquam, me  
tibi & plurimis, & honestissimis nominibus esse deuin-  
ctum, utq; omnes non solū innocentiae, religionis, pie-  
tatis, continentiae, sed etiam ueræ liberalitatis exemplū  
in te suspiciant, & imitētur. Et quoniā scio, te, quam-  
uis mira sedulitate, Christum in pauperibus fouendo,

Martha  
Maria  
sacri lite  
licomme  
sex diu  
cum Rom  
Reueren  
uira tua  
michi; s  
ret, anim  
commen  
platur, u  
tem in v  
in eius  
quam  
uehem  
duas ad  
admodu  
to etiam  
so attrib  
antur, an  
rio adhu  
simam il  
tat, per  
tum pio  
mo, que  
adolesce  
tariolum  
tur: ut  
ne con



5

Martham amaleris, aliquid tamen quotidie spatij cum  
Maria tum diuinās res meditando, tum precationibus, et  
sacris literarum studijs incumbendo consumere, dono ti-  
bi commentariolum hunc B. Gregorij Nyssæ Pontificis in  
sex dierum opificium, quem ego superioribus mensibus,  
cum Roma abessem, & Balneoregi cum illustrissimo ac  
Reuerendissimo Cardinali Reginaldo Polo, patrono meo,  
uiro tuā studiosissimo, atque amantissimo, commorarer,  
mihiq; singulari eius benignitate non nihil otij suppete-  
ret, animi gratia in latinū conuertere. Verum, quia in eo  
commentariolo uir sanctus mundi fabricam ita contem-  
platur, ut naturalē tantummodo, et historię congruen-  
tem in rebus procreatis ordinem explicet, eas ob res, quas  
in eius cōmentarioli exordio ipse persequitur; tu autem,  
quamuis huiusce generis scripta non aspernere, ijs tamen  
uehementius delectaris, quæ ad uitā, moresq; pertinent;  
duas adiunximus orationes in hominis procreationem  
admodum pias, quæ licet ab eiusdem auctoris, & mul-  
to etiam magis à Basilij Magni, cui eas à quibusdam fal-  
so attributas audio, scribendi consuetudine abesse uide-  
antur, antiquissimæ tamen sunt, & aut ab ipso Grego-  
rio adhuc iuvene forte compositæ, antequam absolutis-  
simum illum librum de homine, qui græce, latineq; ex-  
tat, perscripsisset, aut ab aliquo eiusdem ætatis uiro  
tum pio, tum minime indocto. certe in codice uetustissi-  
mo, quem mihi doctissimus atque humanissimus idem  
adolescens Antonius Gibertus accommodauit, commen-  
tariolum ipsum in mundi fabricam statim subsequun-  
tur: ut, quoniam in eo omittitur de hominis procreatio-  
ne consideratio, ipsæ locum illum explerent. Addidimus



aliquot alias eiusdem auctoris orationes, ut pulcherrimam illam in diem natalem Christi, in eius ascensum in coelum, in Pentecosten, in eos, qui acerbius indicant, quiq; indigent poenitentia, duas praeterea longe doctissimas, & elegantissimas, quarum altera perfecti christiani formula traditur, altera demonstratur, non esse dolendum in eorum obitu, qui in fide dormierunt. Accedet Gregorij illius rerum mirabilium effectoris oratiuncula de animi immortalitate. Cum his poteris ipse coniungere tres illas de pauperibus amandis & benignitate complectendis, quas antea tibi muneri misimus. Ex quibus omnibus tanquam ex totidem suauissimis floribus cõtexetur munusculum nostrum: quod tu pro singulari humanitate tua libenti animo ut suscipias, te etiam atque etiam rogo. Vale. Romæ, Kalendis Ianuarij,  
M. D. LIII.

Ex libro beati Hieronymi de scriptoribus Ecclesiasticis.

Gregorius Nyssenus, frater Basilij Casariensis, ante paucos annos mihi & Gregorio Nazanzeno contra Eunomium legit libros, qui & multa alia scripsisse, & scribere dicitur.

D. G.  
PO  
BA  
ME  
F



bes? Vis  
tus de mu  
prodidit  
quidem ab  
dine quod  
sibi ipsi  
monitrem  
stri in iude  
quã qui le  
ipso Mos  
& merito  
rationem  
lo prouen  
illud iplu



6  
D. GREGORII NYSSAE  
PONTIFICIS, MAGNI  
BASILII FRATRIS, IN HEXAE-  
MERON INTERPRETATIO, AD  
PETRUM FRATREM.



VID agis, homo  
Dei? cur ea nos, quæ  
uires humanas supe-  
rât, aggredi, & onus,  
quod non modo su-  
stineri, sed ne suscipi  
quidem, ut ego sen-  
tio, sine reprehensio-  
ne potest, subire iu-

bes? Vis enim, ut, quæ cœlesti numine affla-  
tus de mundi procreatione Magnus Moses  
prodidit monumentis literarum, quæ primo  
quidem aspectu inter se contraria uideantur, or-  
dine quodam disponam, sanctamq; scripturam  
sibi ipsi consentientem ac constantem esse de-  
monstrem, idq; post diuinam illam Patris no-  
stri in idem argumentum commentationem;  
quã qui legerunt, non minus, quàm ea, quæ ab  
ipso Mose perscripta sunt, omnes admirantur,  
& merito mea quidem sententia. Nam quam  
rationem habet cum grano spica, quæ & ex il-  
lo prouenit, & illud est, uel potius quæ, cum  
illud ipsum ui sit, magnitudine tamen ab eo, &



Matt. 13. d

pulchritudine, & formæ differt uarietate, eandem rationem habere dicas cum oratione Magni Moſis, ea, quæ à Magno Baſilio accuratio-  
re ſtudio ſunt elaborata? etenim quæ paucis ille uerbis complexus eſt, & explicauit, ea doctor noſter ſublimi philoſophia ſic adauxit, & cumulauit, ut non ſpicam, ſed arborem effecerit, ad ſimilitudinem grani ſinapis, quod regno cœlorum comparatum eſt. in accipientis enim animo excultum arbor fit, cogitationumq; magnitudine undique dilatatur, & ramorum loco præceptis & inſtitutis expanditur, propoſitoq; pietatis ſine ſic effertur in ſublime, ut excelsæ etiam altæq; mentes, quæ uolucres cœli uocantur in Euangelio, ſub talium ramorum magnitudine queant nidos conſtruere. Quæſtionum enim explanatio eſt animi quidam ueluti nidus; in quo mens inſtabili ſollicitudine, ſciendiq; ſtudio, tanquam multiplici uolatus errore, feſſa conquieſcit. Quonam igitur pacto tali tantæq; ſermonum arbori liceat exiguum noſtræ cogitationis plantulam comparare? An uero neque tu imperas, neque nos unquam conaremur, patris magiſtriq; noſtri ſtudio laborem noſtrum opponere? Iraque agricolas potius imitabimur, qui mirabili quadam ratione ex una eademq; planta uarios fructus percipiunt. id autem aſſequuntur inſerendi artificio, quod eiufmodi eſt. puſillum aliquod ex arbore quapiam germen, unâ cum cortice baſi

illius ſubi  
ioris aliqu  
includunt  
regermer  
fat. Me  
germen, a  
nempe præ  
caſioneq;  
more quo  
efficiat, ar  
cepille, qu  
opificium  
luminari,  
ad ſolem  
cum reliq;  
nequeat, u  
conſtituat  
ſperam, &  
quoque cœ  
cum de tert  
lus, dubitat  
dunt. etenim  
cœlum, po  
mero cœli  
lum præter  
n; cum neq;  
ſit cœlum,  
quam anti  
pio factum  
creatæ ſunt



illius subiecto decerptum, in alterius arboris maioris aliqua parte sic incisa, ut ei cortex quadrer, includunt, ut naturali maioris arboris humore germen illud enutritum coalescat, ramusq; fiat. Meam itidem ego cogitationem, quasi germen, aut surculum exiguum magnæ arbori, nempe præceptoris nostri sapientiæ inseram: occasioneq; mihi inde suppeditata, tanquam humore quodam irrigatus, pro uiribus ramus eius efficiar. arbitror enim quosdam haud recte percepisse, quid ille sibi in iis, quæ in sex dierum opificium conscripsit, proposuerit: ideoq; calumniari, quod dilucide non explicarit ea, quæ ad solem pertinent, quo modo post tres dies cum reliquis stellis conditus fuerit, quasi fieri nequeat, ut mane & uespera diurnum spatium constituatur, nisi omnino sol & occidens uesperam, & oriens mane conficiat. Duorum quoque cœlorum procreationem nō capientes, cum de tertio cœlo mentionem faciat Apostolus, dubitationem in hac parte manere contendunt. etenim, cum in principio factum sit unum cœlum, postea uero firmamentum; nec illi numero cœlum aliud ascriptum sit: tertium cœlum præter hos duos negant posse demonstrari; cum neque post firmamentum aliud effectū sit cœlum, nec principii ratio patiat, ut quidquam antiquius cogitemus. nam si in principio factum est cœlum, inde nimirum res procreatæ sumpserunt initium. alioquin recte prin-

2. Cor. 13. a



2. Cor. 12. a

cipium non fuisset appellatum, si principium ip-  
 sius alterum extitisset. quod enim ordine secun-  
 dum est, principium nec est, nec dicitur. Atta-  
 men Paulus tertium coelum commemorat, quod  
 mundi fabrica non habet, quemadmodum &  
 hic secundi mentio quaeritur. Qui haec & alia  
 eiusmodi loquuntur, hi mihi non videntur pro-  
 positum Patris nostri doctrinae finem intue-  
 ri, qui in amplissima Ecclesia, populum fre-  
 quentissimum alloquens, pro audientium in-  
 telligentia sermonem moderabatur. In tanta  
 enim multitudine, licet essent non nulli, qui al-  
 tiores etiam disputationes intelligerent, pluri-  
 mi tamen doctrinae subtilitatem non capiebant,  
 utpote homines imperiti, atque opifices, & ne-  
 gotiis uilibus occupati, & mulieres in eiusmo-  
 di disciplinis minime exercitatae, & puerorum  
 turba, aetateque prouecti senes, qui omnes ora-  
 tione facili instituendi, recreandi que erant, &  
 per res procreatas, quae cernuntur, earumque  
 pulchritudinem ad rerum omnium auctorem,  
 procreatoremque perducendi. Quare si quis ex  
 praceptoris consilio dicta ipsius expenderit, ni-  
 hil dubitationis relinquetur. neque enim uer-  
 borum contentiones aucupabatur, nec facile  
 sese quaestionibus implicabat, sed simplici uer-  
 borum expositione audientium simplicitati sic  
 orationem suam accommodabat, ut uariam ta-  
 men externae philosophiae doctrinam redolens  
 peritioribus etiam satisfaceret. Quamobrem

eam & im-  
 bantur. I  
 do infra p  
 rin rerum  
 lum introit  
 his explica  
 rerum con  
 modo, cce  
 esset, diuin  
 autem extit  
 si ad subie  
 nocte dieq  
 quid ei fu  
 si initio fi  
 quo pacto  
 & compon  
 quo modo  
 fuit? Tum  
 nes, quasi f  
 lesti, figur  
 quae fluxa f  
 da in curuo  
 in pronas fi  
 quo modo  
 cumque a f  
 bebit firmi  
 binur, cum  
 profus int  
 repellat: Q  
 uidetur el



eam & imperiti intelligebant, & eruditi admirabantur. Tu uero, si, ut in monte Sinai, relicto infra populo simul cum magno Mose quaeris in rerum arcanarum contemplationis nebulam introire, ubi ille cum esset, uidit ea, quæ uerbis explicari non possunt; necessariumq; cupis rerum conditarum ordinem cognoscere, quomodo, coelo, terraq; confectis, lux quidem, ut esset, diuinum mandatum expectarit, tenebræ autem extiterint etiam sine mandato: Præterea, si ad subiectum aerem illustrandum, & tempus nocte dieq; distinguendum nulla re lux indiguit, quid ei fuerit opus, ut sol conderetur: Ad hæc, si initio simul cum coelo terra fuit procreata, quo pacto fuerit incompressa. nam si facere, & componere nihil inter se uidentur differre: quo modo, quod factum est, incompressum fuit? Tum, quæ ad aquam pertinent, quaestiones, quasi fieri non possit, ut super apside celesti, figuraq; globosa, & rotunda consistant, quæ fluxa sunt. quomodo enim natura humida in curuo confideat, quæ de sphaeræ fastigio in pronas figuræ partes necessario defluit? aut quo modo, cum id, quo sustinetur, instabile sit, cumq; à sua basi semper delabatur; in se ipsa habebit firmitatem? aut quo modo non dissipabitur, cum incitatissima poli conuersio nihil prorsus infidens inhærensq; sibi non abiiciat, ac repellat? Quin etiam istis contra dicentibus non uidetur esse uerisimile, ut, quæ humida sunt,

Exo. 19.



consumantur, cum & fontium, & fluminum,  
 & maris, & lacuum aquas in eadē semper men-  
 sura consistere uideant, exceptis quibusdam  
 fontibus, qui ex imbrium niuiumq; uicopiam  
 aquarum in superficie sitam colligentes, torren-  
 tium instar, pro facultate, quæ sursum proue-  
 nit, uel augmentur, uel deficient. Nam ex qui-  
 bus perennia fluentia manant, nec ullum decre-  
 mentum fit, aut incrementum, in iis nihil hu-  
 moris consumi, manifesto constat. Quod enim  
 consumitur, eandem perpetuo mensuram ob-  
 tinere non potest. Ac ne ignis quidem, si mo-  
 do eam uere naturam habet, ut aquam consu-  
 mat, mensuram propriam tueretur, aut nullum  
 augmentum, nutrimentum'ue susciperet. Ne-  
 que enim fieri potest, ut eius natura ex mate-  
 ria consumpta non augeatur. Hæc, & similia  
 si tu diligenter indagans, & rebus sublimibus  
 incumbens, ea, quæ à Mose in caliginis ob-  
 scuritate conspecta sunt, & ipse perspicere cu-  
 pis, & multitudini patefacere, prudentiæ tuæ  
 consuluerim, ne alium spectares, sed ad eam  
 gratiam confugeres, quæ in te est, & ad Spiri-  
 tum reuelationis, qui precibus exoratus re-  
 rum diuinarum, & altissimarum arcana refera-  
 bit. Verum, quoniam ex Apostolica lege de-  
 bemus mutuo nobis ipsi seruire; laudabilisq;  
 seruitutis proprium est, factis ea, quæ manda-  
 ta sunt, exequi: precationibus tuis adiuuanti-  
 bus operam dabo, ut, quantum fieri poterit,  
 quæstiones

quæstiones  
 quam ex  
 ell nulla  
 mundi pr  
 sine dice  
 duxerit.  
 stentq; ne  
 tu dicente  
 vero quic  
 munem o  
 ut sine illa  
 babiliter d  
 fendere,  
 ut calum  
 hisce scrip  
 re, sed an  
 hoc argum  
 tur expect  
 ex sancta s  
 re nostro  
 munem o  
 mur. Nob  
 ciliemus,  
 traria. Qua  
 stro verbo  
 curam inc  
 propria p  
 creationis  
 Inprim  
 terram, &



quaestiones has breuiter explicem. Sed antequam exordiar, illud testatū volo, mihi certum esse, nulla in re contradicere iis, quæ à Basilio in mundi procreationem conscripta sunt, etiam si me dicendi ordo ad aliam expositionem adduxerit. Rata igitur sint illius scripta, præstentq; nec ullis, nisi Testamenti, diuino Spiritu dictante exarati, monumētis cedant. Nostra vero quicūque legerint, & aliquid præter communem opinionem inuenerint, sic accipiant, ut sine ullius iniuria in dicēdi exercitatione probabiliter disputata. Neque enim propositū defendere, aut dogma constituere profiteamur, ut calumniantibus occasionem præbeamus, nec hisce scriptis interpretationis doctrinam tradere, sed animum, & cogitationem nostram in hoc argumento duntaxat exercere. Nemo igitur expectet à nobis, ut quaestionibus, quæ vel ex sancta scriptura, vel ex iis, quæ à præceptore nostro statim declarata sunt, quæq; in communem opinionem cadere videntur, implicemur. Nobis enim nō est propositum, ut ea conciliemus, quæ protinus apparent inter se contraria. Quamobrem liceat nobis ex instituto nostro verborum sensum explorare, & in eam curam incumbere, ut vocibus in significatione propria permanentibus certum rerum procreationis ordinem, ac seriem contemplemur.

In principio (inquit) fecit Deus coelum, & terram, & reliqua, quæ deinceps mundi fabri-

Gen. I.

B



eam, & ea, quæ sex dierum spatio facta sunt, complectuntur. Caterum, priusquam eorum, quæ scripta sunt, expositionem aggrediamur, illud nobis positum, constitutumque sit, in natura diuina cum voluntate ita concurrere potestatem, ut Dei potestatis mensura sit ipsa uoluntas. Voluntas autem est sapientia. Sapientia uero proprium est, non ignorare, quo modo unumquodque fiat. porro cognitionem potestas sequitur. Quapropter simul & facienda cognouit, & nulla interposita mora concurrere rerum effectrix uis, quæ cognita perficeret, & sine ullo interuallo cum uoluntate coniunctum opus continenter ostensum est. quandoquidem potentia, uoluntas est, eodemque momento prospicit, quo modo res fiant, & occasiones præbet, ut cogitata sint facta. Quamobrem omnia, quæ in Deo sunt, ad rerum procreationem pertinentia simul cogitantur, uoluntas, sapientia, potestas, & rerum ipsarum natura. Quæ cum ita sint, nemo amplius, quo modo, aut, unde, perscrutando inquirendoque torqueatur. solent enim quidam ad hunc modum percontari. si materia, inquiunt, Deus uacat, unde materia? quo modo aut quantum ex eo, qui caret quantitate? aut aspectabile ex illo, qui cerui non potest? aut ex eo, qui nulla mole circumscriptus est, id, quod aliqua omnino magnitudine amplitudineque concluditur? Hæc & alia omnia eiusdem generis, quæ in ipsa materia uidentur, quoniam pacto, aut unde produxit ille, qui in natura

suam nihil  
de materia  
hinc solutio  
nec potest  
se mutuo  
di, ut sim  
tur. si quid  
te factorum  
stas in ipso  
inde, si &  
potentia: n  
positione  
ad illud  
omnia p  
potentia  
tem, graui  
duritiam,  
liditatem,  
interualle  
quædam,  
vnum per  
currentib  
tiaque præ  
aliquo m  
accedim  
quibus pr  
lum, & te  
brum co  
nem duo  
qui sen



fua nihil habet eiusmodi? Ad singulas enim, quæ de materia proferantur, quæstiones, una illa nobis solutio est: Nec Dei sapientiam, impotentē; nec potentiam, insipientem proponi: sed inter se mutuo coniuncta esse, & utraque vnum ostendi, ut simul pariterq; in utroque alterum cernatur. siquidem & sapiens ipsius voluntas potestate factorum est declarata, & effectrix eius potestas in ipsius sapiente uolūtate perfecta est. Proinde, si & in eodem, & simul sapientia est, atque potētia: nec ignorat, quo modo ad rerum compositionē inueniatur materia, nec inualidus est ad illud efficiendum, quod nouit. Itaque cum omnia possit, ad rerum procreationem sapienti potentiq; uoluntate simul omnia cōtulit, leuitatem, grauitatē, densitatē, raritatem, mollitudinē, durtiam, humiditatē, siccitatem, frigiditatem, caliditatem, colorem, figurā, circumscriptionem, interuallum: quæ quidem singula sunt tenues quædam, nudæq; notiones: nihil enim horum vnum per se materia est, sed cunctis inter se concurrentibus materia fit. Si igitur sapientiæ potētiaq; præstātia & omnia nouit, & potest omnia, aliquo modo fortasse ad excelsam Moſis uocē accedimus, qui, In summa, inquit, (sic enim Aquilas pro, in principio, uertit) fecit Deus cælum, & terram. Quoniam enim procreationis librum composuit propheta, ut ad Dei cognitionem dux esset, idq; Moſi propositū fuit, ut eos, qui sensibus obnoxii, deuinctiq; sunt, per ea,



quæ cernuntur, ad illa perduceret, quæ sensibus  
comprehendi nõ possunt; coelo autem, & terra,  
nostra per oculos cognitio terminatur: iccirco  
extrema eorum, quæ sensu à nobis percipiun-  
tur, tãquam res omnes complectentia nomina-  
uit, ut ea, quæ complectuntur, à Deo facta esse  
cõmemorans, comprehenderet, quidquid ab il-  
lis cõtinetur, & pro eo, ut diceret, simul omnia  
Deum fecisse, in summa siue in principio, di-  
xit, eum fecisse coelum, & terrã. Vtriusque au-  
tem vocis vna significatio est. & principium  
enim, & summa, æque declarant, simul. Quare  
per summam ostendit omnia simul fuisse pro-  
creata, & per principium cuncta momento, &  
sine ullo temporis spatio facta fuisse significat.  
Principium enim non patitur, ut vllum interual-  
lum cogitemus. Nam ut punctum est principiũ  
lineæ, & indiuiduum corporis, sic momentum  
ipsius temporis. Rerum igitur simul omnium  
constructio ab incredibili potentia Dei profe-  
cta principium à Mose, seu summa, in qua confi-  
stit vniuersitas, nominatur. Ille, dum rerũ ex-  
trema prosequitur, tacite etiam indicat, quæ ip-  
sis comprehenduntur extremis. Extrema dico,  
habita ratione sensus humani, qui nec sub ter-  
ram penetrat, nec coelum transcendit. In princi-  
pio igitur mundum esse conditum dicens, signi-  
ficat rerum omniũ occasiones, & causas, & po-  
testates à Deo fuisse confectas, & ad primum vo-  
luntatis illius motum res singulas extitisse, cœ-

lum, zhe  
animalia, p  
lo cerneba  
inquit pro  
fiant. Sed  
mundi pa  
ria quæda  
ut unum a  
mum exti  
necessario  
tura coge  
& reliqua  
nato, & c  
naturæ o  
ita singul  
instituis  
imperant  
alsignat, i  
quid enim  
dam uelu  
cum De  
tiam, ip  
Deum n  
Iccirco c  
tequam  
bris ton  
qui sub  
effulsera  
tenebris  
que illu



lūm, æthera stellas, ignem, aera, mare, terram,  
 animalia, plantas, quæ quidem omnia Dei ocu-  
 lo cernebantur, potestatis ratione conspicua, ut  
 inquit propheta: Qui videt omnia prius, quàm Dan. 3. 6.  
 fiant. Sed potestate, sapientiâq; ad singularum  
 mundi partium perfectionem collata, necessa-  
 ria quædam series ordine quodam cōsecuta est,  
 ut unum aliquod ex tota rerum uniuersitate pri-  
 mum extiterit, & apparuerit. Deinde post illud  
 necessario alterum secutum. Tum, ut artifex na-  
 tura cogebat, tertium, & quartum, & quintum,  
 & reliqua deinceps non casu, & fortuna inordi-  
 nato, & celeri quodam motu, sed, ut necessarius  
 naturæ ordo in rebus disponendis requirebat,  
 ita singula facta fuisse narrat, & de naturalibus  
 institutis philosophatur. Quasdam etiam uoces  
 imperantis Dei, singulis rebus, quæ generantur,  
 assignat, idq; recte, & conuenienter facit. Quid-  
 quid enim ordine sapienterq; factum est, quan-  
 dam ueluti uocem Dei uicissim refert. Itaque  
 cum Dei naturam ignoremus, ipsam poten-  
 tiam, ipsamq; sapientiam animo concipientes,  
 Deum mente nos credimus comprehendisse.  
 Idcirco quando conditus est orbis uniuersus, an-  
 tequam singulæ partes ipsius apparerent, tene-  
 bris totus obtegebatur. quia splendor ignis,  
 qui sub materiæ particulis latitabat, nondum  
 effulserat. Etenim, quemadmodum filices in  
 tenebris obscuræ iacent, licet uim lucidam, at-  
 que illustrantem naturaliter in se contineant,



quippe quæ pariant ignem, si inter se collidantur; scintilla uero ab ipsis prolata, splendore illius ipsæ quoque cernuntur: sic obscura cæcæque erant omnia prius, quàm perlucida, atque illustrans natura in apertum proferretur. Nam cū vno diuinæ volūtatī motu nuper indistincta rerum vniuersitas simul extitisset; omniaque elementa inter se cōcreta permixtaque essent; ignis, qui ubique disseminatus erat, obscurus iacebat, materiæque impotentia supprimebatur. uerum, quoniam uis eius uelox, atque agilis est, simul atque rerum naturæ ad mundi constitutionem à Deo motus principium atque incitatio adhibita est; ante illa omnia, quæ grauiora sunt, exiliens, lumine cuncta statim illustrauit. Hoc autem sapientiæ ratione fecit potentia conditoris, qui, ut eius iubentis oratio à Mose describitur, fiat, inquit, lux, & facta est lux. oratio enim, & ratio in Deo, ut ego sentio, est opus, & factū. Quidquid enim ab eo fit, ratione fit. Et in iis, quæ à Deo proficiunt, nihil à ratione alienum, nihil inordinatū, aut fortuitum animaduertitur. Quare credendum est, in rebus singulis sapientem quandam, ac solertem inesse rationem, longe tamen præstantiorem, quàm ut aspectu nostro comprehendatur. Quod igitur dixit Deus, quando rationis imperantis ea uox est, non indignam, opinor, Deo cogitationem suscipiemus, si ad rationem rei procreatæ infinitam dictum retulerimus. Sic enim has uoces

magnus est  
inquens, i  
rem con  
nuoce de  
in rebus ge  
circa celo  
ificio sum  
lionis con  
tos muner  
enarrare, &  
erudit eos  
gerent, &  
tumque se  
pectarent  
semines  
ut sapienti  
cir, orati  
late, disti  
gnificis qui  
esse dixisset  
ederet in  
multo, quā  
posuit, in  
prodigiore  
ce prophet  
fecit  
nissime de  
bis consist  
potestatem  
anteuerit



magnus etiam Dauid nobis exposuit, omnia, *Psal. 103. c*  
 inquit, in sapientia fecisti. Nam imperantia  
 rerum conditarum uerba, quæ à Mose ex diui  
 na uoce descripta sunt, Dauid ipse conspectam  
 in rebus generatis sapientiam appellauit. Quo  
 circa coelos etiam, ait, narrare gloriâ Dei. Ar  
 tificiosum nimirum, quod in ipsis ex conuer  
 sionis concentu spectaculum uisitur, apud peri  
 tos munere fungitur orationis. coelos autem  
 enarrare, & firmamentum annunciare dicens,  
 erudit eos, qui eiusmodi uerba crassius intelli  
 gerent, & fortasse uocis etiam sonum, distin  
 ctumq; sermonem ex narratione coelorum ex  
 pectarent, dum inquit, nō esse loquelas, neque  
 sermones, quibus non audiantur uoces eorum, *Psal. 18. d.*  
 ut sapientiam, quæ in rebus procreatis perspi  
 citur, orationem esse declaret, licet haud articu  
 late, distincteq; pronuncietur. Rursus, cū ma  
 gnificis quibusdam uocibus Deum sibi locutū  
 esse dixisset Moses, dum admiranda illa signa  
 ederet in Aegypto, id ipse Dauid sublimius  
 multo, quàm ut quilibet suspicetur, explicauit,  
 posuit, inquit, in eis uerba signorum eius, &  
 prodigiorum ipsius in terra chan. *Psal. 104. c*  
 Hac enim uo  
 ce propheta uim earum rerum admirabilium ef  
 fectricem, ratione quadam eas executam, pla  
 nissime demonstrauit, cum nō rationem in uer  
 bis consistentem, sed signorum efficiendorum  
 potestatem ita nominaret. Sic igitur etiam tunc  
 anteuertit, & celeritate mobilitateq; sua uis illu



minandi à rerū uniuerſitate ſecelſit, ſeq; ipſam  
 ab aliis naturis ſeiunxit, atque ita ſplēdida illius  
 potentia illustratus eſt orbis. Qua autem ratio-  
 ne hæc effecerit ignis natura, ſolius Dei eſt ex-  
 plicare; qui naturæ uim inſeruit illuminandi at-  
 que illuſtrandi. quod ſcriptura ſua Magnus  
 etiam Moſes teſtatur, cum ait; Dixit Deus, fiat  
 lux, eiufmodi uerbis, ut arbitror, ſignificans, di-  
 uinam orationem eſſe lucis opus omnem huma-  
 nam cogitationē ſuperantem. Nos enim, quod  
 factum eſt, tantūmodo aſpicimus, ſenſuq; per-  
 cipimus, & admiramur. Vbi autem ignis lati-  
 tans repente generetur, ſiue ex lapidum colli-  
 ſione, ſiue ex aliarum rerum attritu proſiliat,  
 & quænam uis id, quod ab ipſo comprehendit-  
 ur, exedat, atque conſumat, quæq; aerem flā-  
 ma colluſtret, neque cernere poſſumus, neque  
 ulla cogitatione cōplecti, ſed in ſolo Deo tam  
 mirificæ rei rationem reconditam eſſe dicimus,  
 qui, arcana poteſtatis ratione, in igne lucem in-  
 generat. Quemadmodum ſermone ſuo Moſes  
 atteſtatur, dixit, inquiens, Deus, fiat lux, & fa-  
 cta eſt lux. Et uidit Deus, lucem eſſe bonam.  
 Vere enim Dei ſolius eſt, intueri, quo modo  
 fit ita bona. Imbecillitas autem naturæ noſtræ,  
 quod fit, perſpicit illa quidem, qua ratione au-  
 tē fiat, nec perſpicere poteſt, nec laudare. lau-  
 dantur enim, quæ cognoscuntur, non autem  
 quæ ignorantur. Vidit igitur, inquit, Deus,  
 lucem eſſe bonam, & diſmiſit Deus inter lucem,

& tenebra  
 quodam o  
 ad Deū aut  
 ut ego ſer  
 ordine ſe  
 primum f  
 la lucida,  
 rerum uni  
 ad id, quoc  
 reret, ſeq;  
 reliqua ele  
 bant, obſ  
 bra erant  
 in fortun  
 eſſe Dei  
 tribuſſet  
 celerem e  
 perq; mo  
 patet. Et  
 ligenda p  
 narration  
 factum eſt  
 enim igno  
 ut alia m  
 omne leg  
 ut eas, qu  
 exponat  
 ſenſibus  
 oſtendat  
 terrime



& tenebras. Rursum Moses, quod naturali quodam ordine, atque concentu sit, necessario ad Deū auctorem refert, ex iis, quæ dicta sunt, ut ego sentio, docens, omnia, quæ necessario ordine se consequentia, proditura erant, Deo primum fuisse cognita. Etenim cum natura illa lucida, atque illustrandi uim habens, quæ in rerum uniuersitate disseminata, dispersaq; erat, ad id, quod sibi cognatum, ac simile erat, accurreret, seq; tota colligeret, necessario ea, quæ à reliqua elementorum materia contexta remanebant, obscurabantur, & hæc obscuratio tenebræ erant. Quod igitur consecutum est, ne quis in fortuitum aliquem casum reiiceret, Moses esse Dei opus asseruit, qui rebus conditis eam tribuisset facultatem. Ignis autem naturam, & celerem esse, & ad superiora tendentem, semperq; mobilem, ex iis, quæ uidentur, cuilibet patet. Et hæc quidem per hoc principium intelligenda proponuntur. Illud autem in genere narrationis historice à Mose cōscriptum est: Et factum est uespere, & factum est mane. Quis enim ignorat, cum res procreatæ ita diuise sint, ut aliæ mente, aliæ sensibus comprehendantur, omne legislatoris studium nunc eò dirigi, non, ut eas, quæ mente atque animo percipiuntur, exponat, sed ut ex iis, quæ cernuntur, rerum sensibus obnoxiarum ornatum & dispositionē ostendat? Cum igitur ignis, qui natura sua celerissime sursum tendit, tanquam sagitta ab arcu



emissa ab aliis elementis progrediens ex uniuersitate rerū ante exiluiſſet, &, quā cogitari poſſit celerrime, ceteras ſenſui affines res pertranſiſſet, nec motum rectum longius ualeret producere, quōd res illæ, quæ mente ſolum percipiuntur, nullo pacto cum iſtis, quæ ſenſibus ſunt expoſitæ, qualis eſt etiam ignis, cōmiſceri queant, ſummam mundi regionem obtinens in orbem neceſſario motum egit. Ab inſita enim vi naturali cum uniuerso mundo ferri compellitur, locum autem, per quem recta motione feratur, non habet, quōd & res ſenſibus expoſitæ ſuis quæque finibus continentur, & quæ animo tantum cōprehenduntur, ignis curſum, ut ante diximus, non ſuſcipiunt, iccirco in ſuprema orbis regione proſpere degens circumuertitur. Itaque Moſes ignis motum conſiderans, non ait lucem procreatam in eiſdem partibus permanſiſſe, ſed uehementi motu craſſiorem rerū molem obeuntem & obſcuris attuliſſe ſplendorem, & illuſtratis tenebras reliquiſſe. Hac autē lucis tenebrarumq; ſucceſſione æquis temporis interuallis in regione inferiori peracta, Moſes, ut nihil eorum, quæ ordine conſecuta ſunt, aut fortuito, aut ab alia cauſa principium habuiſſe declararet, diei noctiſq; denominationem Deo tribuens, appellauit, inquit, lucem diem, & tenebras noctem. Nam cum illuſtrandi uis naturaliter non poſſet quieſcere, ubi lux per ſummam circuli partem tranſiens ad ſuperiora per-

uenit, nec  
craſſiorem  
minuit. I  
minuit. R  
circulum p  
afferret, ill  
puſculum  
monem rep  
bis ordo ex  
poſita ſunt,  
di cōtinent  
fecit Deus  
interpretat  
ſummi ſuſſi  
mus. Ex o  
oſtendi, qu  
dia compre  
quidem ad  
lum, & terr  
que circun  
dixit, in ma  
quæ ſinibus  
per extrem  
complexu  
quæ ſunt in  
enim: terra  
ſita: ut plan  
teſtare in p  
tanquam u  
tionem co



uenit, necesse fuit, ut inferiora obscurarentur, crassiore natura, ut par est, splendorem nō admittente. Ignis igitur abscessum uesperam nominauit. Rursus autem cum ignis supremum circulum percurreret, & superioribus lumen afferret, illud ipsum factum uocauit mane, crepusculum sic appellans. Sed paulo altius sermonem reperamus, ut expositionis allatæ à nobis ordo ex iis, quæ sparsum in sancta scriptura posita sunt, comprobetur. Verba, quæ mundi cōtinent opificium, sic habent: In principio fecit Deus cœlū & terram. Hæc nos ita sumus interpretati, ut rerum omnium procreationem simul fuisse constitutam ex iis significari dixerimus. Ex eo enim, quod continet, illud etiam ostendi, quod continetur. Nam extremis media comprehenduntur. Extrema uero, quantū quidem ad sensum pertinet humanum, sunt cœlum, & terra. His enim aspectus hominū utrinque circumscribitur. Quemadmodū enim qui dixit, in manu eius esse fines terræ, media etiam, *psal. 94. a* quæ finibus concludūtur, intellexit: sic Moses per extremitates, vniuersam orbis materiam complexus est. quæ quidem opinio ex verbis, quæ sunt interiecta, confirmatur. Scriptum est enim: terra autem erat inuisibilis, & incomposita: ut planum fieret, omnia quidem fuisse potestate in primo Dei ad procreandum appulsu, tanquam ui quadam seminis ad mundi procreationem coniecta, actu uero res singulas minime



fuisse. Terra enim, inquit, erat inuisibilis. Quod perinde est, ac si diceretur, erat, & nō erat. si quidem ad eam nondum concurrerant qualitates. Cuius quidem sententiæ indicium est, quod inuisibilis fuisse dicitur. Quod enim uidetur, color est: color autem est quidam ueluti fluxus ex superficie figuræ: figura uero non est sine corpore. Quamobrem si inuisibilis erat, & colore carebat omnino. quod autem coloris est expers, figuram non habet. & quod eiusmodi est, corpore uacat. Quare in subita illa mundi molitione simul cum reliquis rebus omnibus inerat terra. restabat autem, ut, id, quod est generari, qualitates adhiberentur. Etenim ex eo, quod inuisibilem eam fuisse dicit scriptura, nec aliam ullam in ipsa qualitatē fuisse demonstrat. Quod autem incompressam uocat, indicat eam nōdum corporeis proprietatibus fuisse concretam & condensatam. Hoc autem ex Symmachi, & Theodotionis, & Aquilæ interpretatione clarius fit, cum primus eorū dicat: terra autem erat iners, & indistincta: alter autē, erat inanis, & nulla: tertius uero, erat nihil, & nihilum. Ex his enim, ut ego quidem sentio, intelligitur terra ex eo, quod iners esset, nondum actu fuisse, sed sola potestate. Quod autem indistincta, nondum singulas qualitates inter se proprie fuisse separatas, sed orbem uniuersum in confusa quadam, & indistincta qualitate, cum nec color, nec figura, nec moles, nec amplitudo, nec

vlla alia ei  
stincta in se  
nobis, inani  
ui qualitat  
mus, mund  
suscipere  
& in se nihil  
cōpleretur  
Epicuri dep  
ratione reli  
quiddam il  
principio,  
lam fuisse  
stendens,  
rum ad inf  
musq; qu  
mino ab ign  
ceps factur  
aquarum c  
mo firmam  
sine aliud il  
phi tradide  
rum, sed cō  
rez, & qua  
extremum  
sua perpet  
pniadici.  
resistenti  
tem est de  
tate gravi



ulla alia eiusmodi qualitas propria ratione distincta in subiecto cerneretur. Idem significat nobis, inanis, & nulla. Nam uoce illa, inanis, uis qualitates separans indicatur, ut intelligamus, mundi conditorem potestatem qualitatum susceptricem produxisse, quæ quidē inanis erat, & in se nihil continebat, antequam qualitatibus cōpleretur. Terciam interpretationem, ut ex Epicuri depromptam philosophia, sine cōfide ratione relinquendam existimo. Simile enim quiddam illa quoque declarat de primo rerum principio, uoces inanes effingens, per easq; nullam fuisse rerum non subsistentem naturam ostendens, cui simile est nihil, & nihilum. Verum ad institutum nostrum reuertamur, uideamusq; quo modo supremo naturæ sensilis termino ab igne semel occupato, firmamentū deinceps factum sit, quod superiorum & inferiorū aquarum confinium esse dicit. Ego enim existimo firmamentum, siue sit unum ex quatuor, siue aliud illa complectens, ut externi philosophi tradiderunt, non esse corpus solidum, ac durum, sed cōparatione sempiternæ, & incorporeæ, & quæ tactu non percipitur, proprietatis, extremum illud naturæ sensilis, quod ignis uis sua perpetuo mobili ambit, firmamentū à scriptura dici. Quis enim nescit, quod solidum est, resistenti quadam duritie condensari? quod autem est densum, & durum, ac resistens, qualitate grani non uacat. quod uero natura graue



GREG. NYSS.

est, sursum ferri non potest. At rebus cunctis  
sensilibus superius est firmamentum. ex quo  
fit, ut nihil in eo crassum, aut corpulentum co-  
gitari possit. sed, ut dictum est, rerum, quæ cor-  
pore uacant, & animo tantum comprehendun-  
tur, comparatione, quidquid sensibus est obno-  
xium, solidum, firmumq; dicitur, licet naturā,  
quā maxime cogitari possit, subtilem obti-  
neat. Merito igitur, quod ignis ambitu cōpre-  
henditur, comprehenditur autem quidquid ex  
crassa materia constat, id propriis semel termi-  
nis circumscriptum, ob naturalem materiæ cras-  
situdinem ad superiorum differētiā uocatum  
est firmamentum. Quemadmodū autem & lu-  
cem, diem; & tenebras, noctem; sic illud, cœlū,  
appellauit. Atque ab hac quidem expositione  
diuisio aquarum interpositu interiectuq; firma-  
menti cōstituta non abhorret, & scripturæ cōue-  
nit: sic enim post illa, quæ de terra scripta sunt,  
sequitur: Tenebræ erant super abyssum, & spi-  
ritus Dei ferebatur super aquā. Arbitramur igi-  
tur tantum abesse, ut spiritus tenebrarū, spiritus  
Dei sit, quantū abest ab omni malo. quod innu-  
merabilibus sanctæ scripturæ testimoniis possumus  
cōprobare, quæ Deū & lucem esse ueram,  
& habitare lucem inaccessam affirmant. Spi-  
ritus autem Dei ea, super quæ fertur, similia fa-  
cit iis, quæ in luce sunt. Quamobrem aqua, su-  
per quam Dei spiritus ferebatur, in luce erat  
omnino, & à tenebris separata: & ideo illi non

Io. 1. b.  
1. Tim. 6. c.

erat opus,  
retur. Qua  
fecto, supe  
fact ab ill  
flum; et fir  
ntendence  
ra uocetur  
templation  
gnificatur;  
ret. Nam &  
ab ignis ma  
dum igitur  
quiddam  
tas: sic etia  
etiam discis  
riora peten  
super terre  
tur. Verum  
breuiter rep  
mentum, q  
est rerum,  
ultra illum  
re percipiunt  
cies est, nec  
in uertuali  
quāritas, in  
coelo cernit  
uerborum  
fitione con  
rum, qui



erat opus, cum in tenebris non esset, ut illustra-  
 retur. Quæ si recte considerata sunt, aqua pro-  
 fecto, super qua ferebatur spiritus Dei, diuer-  
 sa est ab istarum aquarum natura, quæ deorsum  
 fluunt, et firmamento ab aqua graui & ad inferio-  
 ra tendente seiungitur. Quod autem in scriptu-  
 ra uocetur aqua etiam illa, quæ, sublimiori con-  
 templatione diuinarum mentium plenitudo si-  
 gnificatur; ne quis id alienum, aut nouum pu-  
 tet. Nam & Deus ignis consumens est, attamen  
 ab ignis materia purus intelligitur. Quemadmo-  
 dum igitur, cum audis Deum esse ignem, aliud  
 quiddam ab isto igne diuersum esse illum cogi-  
 tas: sic etiam, cum diuino spiritui aquam subie-  
 ctam discis, ne putes illam esse istam, quæ infe-  
 riora petens in terram fluit. Nam spiritus Dei  
 super terrenis istis, atque instabilibus non fer-  
 tur. Verum; ut clarius nobis hic sensus pateat,  
 breuiter reperamus ea, quæ dicta sunt. Firma-  
 mentum, quod vocatum est cælum, terminus  
 est rerum, quæ sensibus comprehenduntur. quod  
 ultra illum terminum est, id res illæ, quæ men-  
 te percipiuntur, excipiunt, in quibus nec spe-  
 cies est, nec magnitudo, nec situs in loco, nec  
 interualli mensura, nec color, nec figura, nec  
 quantitas, nec quidquam aliud eorum, quæ sub  
 cælo cernuntur. Nec quisquam arbitretur, nos  
 uerborum interpretationi ex hac morali expo-  
 sitione confusionem afferre, ut opinionibus eo-  
 rum, qui ante nos interpretati sunt, faueamus,

Dent. 4. d.



dicamusq; potestates illas, quæ defecerunt, abyssum dici; principem uero tenebrarum intelligi tenebras illas, quæ super abyssum erant. Nunquam enim ita delirarem, ut res à Deo factas malas esse ducerem, cum perspicue summam colligens diuina scriptura dicat: Et uidit Deus cuncta, quæ fecerat, & erant ualde bona. Quod si, quæcunque Deus fecit, sunt bona, abyssus autem, quæq; ad illam pertinent, à numero eorum, quæ facta sunt à Deo, non excluduntur: & hæc igitur in ordine suo bona, etiam abyssus ipsa, licet lux rebus insita nondum circa illam splenderet. Proinde cum in scriptura abyssum audio, multitudinem aquarum significari dico. Sic enim in Psalmis quoque describitur: cõturbatae sunt abyssi, multitudo sonitus aquarum. Tenebras autem circa illam audiens, uim illustrandi in rerum vniuersitate firmam nondum eluxisse intelligo. Aquarum uero separationem per firmamentum consecutam, dicens, à scriptura, nihil absurdum, aut à nominis significatione alienum mihi facere uideor, si discrimen inter earum naturas intelligam, atque vnum genus illarum sursum tendere, nihil grauitatis habere, & ignem leuitate superare mihi persuadeam, adeo ut super naturam calidam manens, illius subiectæ nec motu conuellatur, nec ardore in diuersum ordinem commutetur, sed igni subtercurrenti nullum ad se accessum præbens, integrum maneat. Quo modo enim, quod materia caret, ei se locum accommodet,

accommodet  
autem illam  
stus, & ceteris  
deorsum fe  
gustu digni  
& cognita  
ginur. An  
tur, nec flua  
nis coarctat  
tur, sed ex  
liratum, qu  
ratur spirit  
& omnib  
sit; qui no  
naturamq;  
ac mente  
tereos, qu  
nem. Nam  
simus, quib  
te sola perc  
conuersion  
tis termina  
stituit, ult  
prehensa,  
proprietas  
igitur natu  
bitale est  
mamenti  
nostram  
uifit Deus



accōmodet, quod ex materia constat? Alterum autem illud esse, cuius naturam & oculis, & gustu, & tactu cognoscimus. Quæ enim hic, & deorsum fertur aqua, & perlucida cernitur, & gustu dignoscitur, eam, natura eius perspecta, & cognita, ad aliam notionem transferre nō cogimur. At quæ illic aqua dicitur, cum nec uideatur, nec fluat, nec ullis prorsus eiusmodi terminis coerceatur, quibus natura humida continetur, sed extra locum sit, & expers omnium qualitatū, quæ sub sensum cadunt, super ipsa feratur spiritus Dei, & supra cœlos esse credatur, & omnibus, quæ sensu cognoscuntur, superior sit; qui non à communi aqua diuersam putet, naturamq; sensibus non obnoxiam, sed animo, ac mente solum comprehensam existimet, inter eos, qui iudicare possunt, arbitror esse neminem. Nam, ut ex superiore disputatione cōclusimus, quidquid mouetur, à natura, quæ mente sola percipitur, exclusum est, circa se ipsum conuersionem habet. Natura uero locorū spatiis terminata, rebus, quæ mouētur, fines constituit, ultra quos natura, sola intelligentia comprehensa, nullisq; locorum, aut interuallorum proprietatibus obnoxia reperitur. supremum igitur naturæ sensilis terminum, extra quem nihil tale est, qualia sunt ea, quæ cernimus, firmamenti nomine declarari dicimus, sententiam nostram scriptura uerbis illis approbante: Diuisit Deus inter aquam, quæ erat sub firma-

C



mento, & aquam, quæ erat super firmamentum. Ex his enim patet, ne initio quidem hæc cum illa fuisse confusam, sed, cum esset nomine coniuncta, nullam tamen habuisse naturæ permixtionem. Neque enim dicitur: Erat subter aut supra firmamentum: sed hæc erat sub firmamento, illa erat supra firmamentum. Quod si una statim in tenebris, altera prorsus in luce, & à tenebris seiuncta, nimirum illa, super qua spiritus, quæ simul etiam fuit supra firmamentum, quod interiectum est. Quæ de rerum vniuersitatis constitutione excogitauimus, & quo modo in naturæ potentia reliquis rebus lux nõ sit posterior, licet scriptura tenebras prius, quàm lucem commemoret, quæq; de firmamento probabiliter attulimus, & de aquarum differentia, quæ illas nominis cõmunionem coniunctas in grauem, leuemq; diuidens, diuersas de utraque ipsarum opiniones affert, hæc & his familia sunt: quæ utrum recta & conuenientia sint, iudicet prudens auditor. Posteaquam igitur, quæ cernuntur, aquæ, ab illis, quæ intelliguntur, secretæ sunt, mediumq; inter duplicem aquarum naturam confinium interiectum est coelum, quod simul cum terra, atque omnibus iis, quæ ad mundi constitutionem collata sunt, in principio factum esse dicitur, nunc autem perfectum, & nominatum in demonstratione firmamenti, ignis ambitu definiti, ostenditur, alter lucis circuitus rursus & obscurauit id,

quod erat  
eadem, quæ  
dies. Nece  
mer rerum  
enim aliud  
fuit. Quod  
scriptione  
Quare cur  
gnoscat  
culi amb  
spere, & f  
alterum  
uero con  
ptura nu  
xit, ordin  
significa  
re, & fact  
hæc facta  
progredie  
dit necessa  
mandatum  
se confirm  
re cogite  
randam per  
auctorem  
tum igne  
ris seiunct  
lemo pra  
postulare  
putarent



quod erat subiectū uicissim, & illustrauit, idq;  
eadem, quæ antedicta est, ratione uocatum est  
dies. Necessario autem atque ordine natura nu-  
meri rerum uniuersitatem ingressa est. Neque  
enim aliud est numerus, nisi unitatum compo-  
sitio. Quidquid autem præfinita aliqua circun-  
scriptione consideratur, unum appellamus.  
Quare cum circulus undique perfectus in se co-  
gnoscat, recte scriptura in nomine unum cir-  
culi ambitum constituit, dicens: factum est ue-  
spere, & factum est mane dies unus, & rursus  
alterum ambitum itidem unum. Vtriusque  
uero compositio duo reddidit. Atque ita scri-  
ptura numeri naturam mundi partibus adiun-  
xit, ordinis consequentiam nominibus nume-  
ri significans, factum est enim, inquit, uespe-  
re, & factum est mane dies unus. Cum igitur  
hæc facta essent, rerum natura rursus ordine  
progrediens antecedentibus consequens addi-  
dit necessario. Atque huic item operi diuinum  
mandatum anteit, animos ubique nostros Mo-  
se confirmante, ne quid sine Dei nutu consilte-  
re cogitemus, sed, quæ singulis in rebus admi-  
randa perspicimus, ad Deum eorum opificem,  
auctoremq; referamus. omni ergo tum lucida,  
tum ignea natura propriis qualitatibus à cate-  
ris seiuncta, atque distincta, aeris constitutio si-  
lentio prætermittitur, cum tamen ordinis ratio  
postularet, ut, igne constituto, de ipso aere dis-  
putaretur: qui, cum leuis sit, cum ignis leuita-



re quandam habet cognationem; deinde de natura graui uerba fierent. Moses autem omisso aere de hac ipsa differit. Quod quidem ille non ideo facit, quòd nihil ad mundi constitutionem aer conducat, aut quòd seclusus sit ab elementorum potestate, sed quia fortasse natura molli ac facile cedenti præditus res omnes in sese suscipit, easdemq; præ se fert, cum nec colorem proprium, nec figuram, nec speciem habeat, sed alienis & coloribus, & figuris informetur. Nam & lucis fulgore splendidus fit, & tenebrarum interuentu niger, & obscurus. Per se enim nec splendidus, nec obscurus est, sed omni figura, omniq; colorum specie imbitur, & ad omnium rerum, quas suscipit, motum se accommodat. Etenim nullo labore illis utrinque cedit, & hinc, atque illinc, utcunque moueantur, ad earum magnitudinem circuncisus pone succedit. Quin etiam si humidum ex amphora, quodcunque in ea fuerit, effundatur, aer et effusum amplectitur, & ultro in interiores uasis partes ingrediens uacuum occupat. His, & aliis innumerabilibus argumentis aeris natura mollis, & facile cedens ostēditur. Quare cum in eo uersetur hominum uita, cumq; omnis propè uiuendi facultas, & sensuū actio in aere uim suam obtineat: siquidem per ipsum audimus, odoramur, & animam ducimus, quod uitæ munus maxime proprium ac necessarium est: qui enim respirandi, idem simul fe-

cit etiam u  
Moses illu  
bis elemen  
trimur, ra  
tionem fac  
infram n  
nem, atq  
ciuntur, e  
sequitur.  
sapiens &  
conditatu  
est, Deu  
quidquid  
instrumē  
quæ in i  
tur, exp  
litas cum  
nisi uere d  
terram pr  
mnibus e  
daetis, ac  
ipsa seclu  
bitam, &  
nere, atq  
ses huius  
se dicit, re  
dem ego  
infram f  
cognatu  
pareat a



cit etiam uiuendi finem: iccirco sapientissimus  
Moses illum, ut cognatum, coniunctumq; no-  
bis elementum, in quo ab ipso statim ortu enu-  
trimur, tacite præterit, ad huius partis declara-  
tionem satis esse putans, innatam illam, atque  
insitam naturæ nostræ cum aere coniunctio-  
nem, atque habitum. Quæ uero in ipso conspi-  
ciuntur, ea quo modo se habeant, figillatim per-  
sequitur. Etenim cum dies secundus transisset,  
sapiens & numeris omnibus absolutus rerum  
conditarum ordo, quo aqua à terra separata  
est, Dei uox mandatumq; dicitur. Vere enim,  
quidquid sapienter fit, Dei uerbum est, non  
instrumētis ullis uocalibus enunciatur, sed iis,  
quæ in ipsis rebus conditis admirabilia uiden-  
tur, expressum. Nam cum adhuc terrena qua-  
litas cum natura humida commixta esset, cuius  
nisi uere diuinæ potestatis, ac sapientiæ fuit, uel  
terram propriis qualitatibus ita densare, ut, o-  
mnibus eius similibus particulis in solidum re-  
ductis, ac constipatis, humiditatem insitam ab  
ipsa secluderet, uel aquam terræ cauernis cohi-  
bitam, & inclusam ab eius permixtione secer-  
nere, atque in unum congregare? Iccirco Mo-  
ses huic rei admirandæ sermonem Dei præfui-  
se dicit, mandatum ipsius explicantem: quo qui-  
dem ego rationem rerum conditarum naturæ  
insitam significari iudico. Dixit, inquit, Deus,  
cogantur aquæ in congregationes suas, & ap-  
pareat arida. Necessarium naturæ ordinem cer-



nis, quo modo, expressa aqua ab ipsa terra, quod ab humiditate secretum est, exarescat. & quo modo, cum id, quod humidum est, non amplius in coeni morem cum terra permixtum sit, receptaculis quibusdam cingatur aqua, ne propter naturam fluxam dispereat, si effusio ipsius nulla re coerceatur. Mihi non uidetur alienum, de aquis, quæ super coelos sunt, iterum mentionem facere. Nam si necesse est, ut hic apte ad aquas suscipiendas terra formetur, quæ quibusdam finibus earum fluenta cohibeat, naturæq; instabili firmam stabilitatem suam opponat: qui fieri potest, ut aqua illa superior, si uere est aqua, super re mobili consistat, nec super curua re iacens dispergatur? Etenim si unam & eandem utriusque naturam esse statuimus; necessarium est, ut, quæ in his aquis conspiciamus, eadem omnia de illis cogitemus. Ergo coeli terga dissecta sunt, atque excauata in ualles, earum similes, quæ propter interualla mōrium in terra sunt, ut illis aqua coerceatur. At quid dicent, quando poli conuersione id, quod superius nunc est, inferius fiet, pocula ne aliqua in orbibus excogitabunt, ne aqua suspensa ex cauis effluat? Vorax est, inquit, ignis, materiaq; indiget flammam perpetuo nutriente, ne succedentis extingatur inopia, & à semet ipso consumatur. Ego uero, licet magna præceptoris nostri uox huic sententiæ fauere uideatur, rogabo ta-

tamen eos  
negrauer  
ordinē sequ  
ut leges, au  
atna ipsu  
nem ordi  
oratio nol  
merit, ad  
tur ad ea, q  
mus? Non  
qualitates  
tis uidere  
positis pu  
mentis, q  
frigiditatē  
altera elem  
inter se qu  
& mollitia  
in horum  
rium cogn  
possumus  
nutri, ne  
tem auge  
elementi  
proprietat  
aliquis, fr  
& hec est  
tuo inter  
quod alte  
pacto ne



tamen eos, in quorum manus hæc inciderint, ne grauius ferant, sed patiantur, me institutum ordinē sequi. Neque enim opiniones nostras, ut leges, auditoribus proponimus, sed ex doctrina ipsius occasionem arripientes consentaneum ordinem intuemur. Quamobrem & hæc oratio nostra, si quidem à decoro non abhorruerit, ad eius sapientiam referetur. Quid igitur ad ea, quæ contra dicebantur, respondebimus? Non solum in igne, & aqua contrarias qualitates perspicimus, sed in singulis elementis uidere licet quandam proprietatum cum oppositis pugnam. Quemadmodum enim in elementis, quæ commemorauimus, contraria est frigiditati caliditas, siccitas humiditati: sic in altera elementorum oppositione contrariæ sunt inter se qualitates, soliditas, & raritas; duritia, & mollitia; grauitas, & leuitas; & siquid aliud in horum utroque proprium; alteri contrarium cognoscitur. Vt igitur in his dicere non possumus, contrarium unum altero contrario nutriri, nec grauitatis consumptione aeris leuitatem augeri, neque terræ densitatem oppositi elementi raritatem efficere, aut reliquas eius proprietates alere aereas qualitates: sic inquiet aliquis, frigidum quidem, & humidum, calido, & sicco esse contraria, non tamen sequi, ut mutuo inter se interitu nutriantur, neque ex eo, quòd alterum non sit, alterum esse. Hoc enim pacto neutrum consisteret, si utriusque uis in al



terius interitu sita foret. par enim in utroque  
 corrumpendi alterum potestas est. & semper  
 ex superantis potentia uicti perniciēs nascitur.  
 idq; experimento confirmatur. Si materiam  
 aliquam ignis apprehenderit, deinde aqua conii  
 ciatur, mutuum utriusque uidebimus exitium.  
 Quod enim in utroque dominatur, alterum per  
 dit, cum utrunque alterius potentiae superanti  
 pariter cedat. Quandiu enim æqualis est utrius  
 que uis, mutua utrinque tentatur internecio, &  
 neutrum altero alitur, aut nutritur, sed utrun  
 que simul uicissim deletur. Ut eas feras non di  
 cemus mutuam sibi uiuendi facultatem præbe  
 re, quæ sese uicissim deuorant, sic humidum,  
 & siccum ita contraria sunt, ut neutrum ab alte  
 ro conseruetur, si unum alterius interitu nutria  
 tur. Quamobrem mihi magis consentaneum  
 uidetur, ut ita statuamus, quoniam omnia,  
 quæ Deus fecit, ualde bona, pulchraq; sunt, in  
 singulis inspicere pulchritudinis perfectionem o  
 portere. Additio enim illius particulæ, ualde,  
 significationem intendit, eamq; perfectionem,  
 cui nihil desit, planè declarat. Nam ut in ani  
 malium genere, quamuis innumerabiles diffe  
 rentias cernamus, generali tamen rerum com  
 mendatione cōuenire dicimus, ut unumquod  
 que pulchrum esse dicatur. Quæ tamen laus, &  
 commendatio non refertur ad eam speciem, &  
 formam, quæ conspicitur. Alioqui nec scolo  
 pendra, nec terrestris rana, nec, quæ ex putri

materia g  
 chra. No  
 lus interu  
 prastantia  
 singula, q  
 bent. Non  
 quod bos  
 que eorū  
 ad stabili  
 rumpendi  
 etiam elem  
 gula tam  
 enim un  
 pulchritu  
 non eger  
 sibi à De  
 propriis  
 non ex eo  
 seq; natura  
 est ualde p  
 propriis  
 mensura  
 uoluntati  
 ra, inquit  
 non auge  
 nis. Quo  
 genere est  
 bus ipsis  
 quæ nam  
 ne longe



materia generantur, animalia essent ualde pulchra. Non enim rerum speciem diuinus oculus intuetur. Nec quadam coloris, formæq; præstantia pulchritudo definitur, sed eo, quod singula, quatenus sunt, naturam perfectam habent. Non enim in eo situm est, ut equus sit, quod bos non sit, aut contra, sed quod in utroque eorū se ipsam natura conseruat, propriasq; ad stabilitatem suam obtinet facultates, nec corrumpendi, sed conseruandi uim habet. Sic etiam elementa, licet aliter inter se habeant, singula tamen in se ualde sunt pulchra. Propria enim unumquodque ratione completum est pulchritudine. Pulchra est terra, quippe quæ non eger aeris interitu, ut terra sit, sed naturali sibi à Deo insita potestate sese conseruans in propriis qualitatibus manet. Pulcher est aer, non ex eo, quod terra non sit, sed quod ipse est, seq; naturæ suæ uiribus sustentat. Sic etiam aqua est ualde pulchra, & ignis pulcher est ualde, & propriis uterque qualitatibus absolutus in ea mensura, qua primum generatus est, diuinæ uoluntatis uirtute perpetuo conseruatur. Terra, inquit, in æternum stat, non imminuitur, non augetur. Aer in propriis seruat terminis. Quonam igitur pacto aqua sola ex eorum genere est, quæ consumuntur? Præterea in rebus ipsis inter se comparandis uidemus eam, quæ naturā ac uim igneam obtinet, magnitudine longe præstare. Nam illi, qui de rebus subli

Eccl. 1. 4.



mibus philosophantur; solem ipsum multis partibus terra maiorem esse facile demonstrant. Neque enim umbram terræ longius in aerem protendi, quod, superante solis magnitudine, radio rû accessu in turbinis morem contrahatur & coarctetur. Quod si totum hoc, quod ex terra & aqua conficitur, cum ipso tantum sole comparatum, tam exiguum est, ut multis partibus excellet solismagnitudo: quandiu tantulum istud humidum tanto igni nutrimentum subministrasset? Atamen omnibus seculis uidemus mare pariter exundans, & fluminum cursus eisdem finibus, & modis contineri. Quo quidem experimento nihil humidum consumi probatur, & quemadmodum initio non ex humiditatis interitu ignis ortum habuit, sed ab eadem constitutus est potestate, sic, ut nihil humida natura, quo ipse maneat, perturbetur, in primo suo statu perpetuo conseruatum iri. At enim, inquit, sæpenu-mero terram imbre madefactam uidemus, deinde, sole uehementius calefaciente, eandem exarescere, quæ paulo ante erat irrigua. Quoniam igitur, inquit, abiit humiditas illa, si radio- rum ardore non est consumpta? An, quæ in do- lio est aqua, si in alterum dolium transfundatur, statimque exinanitur, quod plenum erat; quia in uno aqua non est, ne in altero quidem erit? Hoc si quis ad elementa retulerit, nihil er- rabit. Idem enim est, ex uno uase in alterum a- quam transfundi, & humiditatem è terra exu-

gi, in aere  
quando  
midum  
tur. Huius  
sioribus è  
uaporibus  
fuit, tanta  
lis perspic  
dam uapo  
tem proxi  
potest, qu  
coagmen  
tur, atque  
re fluitat  
num con  
aere gutta  
dicas attra  
tur, sed n  
imber effu  
mixto, uap  
pluuiam,  
rum coe  
fluit. Quo  
pores cog  
in se ipsu  
tatur, ac c  
germina  
bemides  
tas, aut se  
terrenum



gi, in aeremq; transportari. Naturaliter enim, quando superiorum caliditas ad se attrahit, humidum subtilitate partium à terra sursum tollitur. Huiusce rei illud indicium fit, quòd crassioribus è profundo terræ plerunque sublatis uaporibus caliginosum quoddam corpus defluit, tantaq; fit uaporum coagmentatio, ut oculis perspicue cernatur. Aliàs autē tenuior quædam uaporis fit exhalatio, quæ ad aeris tenuitatem proxime accedit, nec prius oculis percipi potest, quàm inter se coacta, atque concreta coagmentatione sua nubem efficiat, Tenues igitur, atque humidi uapores illi leuitate sua in aere fluitant. Quòd si maior humidi copia in unum confluens grauitatem acquirit, tunc ex aere guttatim cadit. Itaque quod ex terra caliditas attrahit, & extollit, id ab ea non consumitur, sed nubes euadit: qua quidem compressa, imber efficitur. Hoc autem rursum terræ commixto, uapor confurgit: qui reductus in nubem, pluuiam, & imbrem parit. Vnde uapores iterum cōcipit terra, qui in nubes coagmentati defluunt. Quod autem defluxit, rursum per uapores cogitur, atque ita orbis quidam fit, qui in se ipsum redit, & iisdem uestigiis assidue uertitur, ac circumuoluitur. Quòd si plantas, ac germina obieceris; respondebo, omnia in orbem itidem commeare. Humor enim per plantas, aut semina in germina confluit. Tum, quod terrenum est, consequitur: quibus admissis, res



## GREG. NYSS.

enutrita crescit, & augetur. At ubi exaruerit,  
 ita dissoluitur, ut singulae partes ad elementum  
 sui simile reuertantur. Etenim cum in particu-  
 lis suis aer sit rarus, tenuibusq; uaporum parti-  
 bus longe tenuior, quidquid in ipso est, ad co-  
 gnatum sibi elementum per ipsum transit. Sic  
 enim & puluis, licet diu in aere diffusa iactetur,  
 tandem redditur terrae: & humor non perit, sed  
 aliquid omnino sibi coniunctum, ac simile inue-  
 nit, cui admixtus, auctusq; partium similium  
 accessione, rursus in nubem concrevit, atque  
 ita per pluuiae guttas in naturam suam restitui-  
 tur. Ex quo fit, ut mundi partes, quae ordine  
 constitutae in uniuersitate rerum uidentur, eun-  
 dem modum & mensuram, quam opificis sa-  
 pientia cuique ad mundi pulchritudinem initio  
 praescripsit, tueantur, atque conseruent. Illud  
 obici posse non ignoro, saepenumero in maxi-  
 mis caloribus nubes per aerem disiectas ferri, in  
 quas si diutius aliquis aciem oculorum intende-  
 rit, redarguet quodam modo rationem eorum,  
 qui asserunt, naturae humidae nihil consumi.  
 Nam turbulentae nubis sectiones, quae multum  
 aeris spatium occupant, primum quidem ni-  
 mia ardoris uii accensae magnitudinem contra-  
 hunt, deinde incendio exiccatae penitus abolen-  
 tur, adeo, ut, humore ab aestu consumpto, ni-  
 hil omnino relinquatur. Quo quidem argu-  
 mento uaporum ratio refellitur. Nubes enim  
 in superiore turbulenti uentosiq; huius aeris par-

te constituta  
 ra sua tenui-  
 res, & exha-  
 rem, quae te-  
 niam habet  
 Nam tenuis  
 sum admittit  
 rum uertice  
 quos nec  
 rare, nec  
 quam animi  
 te uitam a  
 dam in aer  
 fioribus te  
 periora co  
 in montium  
 manent in  
 in ea parte  
 Quin etiam  
 las quidam  
 sapientes, c  
 torum enim  
 aeris partes  
 quo simul  
 ob infirmit  
 quidem de  
 to simul ex  
 possint uap  
 re, ut ex il  
 fieri uider



re constitutæ nihil grauiorum uaporum in natu-  
ræ suæ tenuitatem admittunt, cum omnes uapo-  
res, & exhalationes crassiores illam aeris par-  
tem, quæ terram propius ambit, natura præfi-  
nitam habeant, nec ulterius progredi possint.  
Nam tenuis atque ætheria illa regio nihil cras-  
sum admittit. Quidam, se montium altissimo-  
rum uertices uidisse, memoriæ prodiderunt, in  
quos nec nubes ascendere, nec uenti aspi-  
rare, nec uolucres magis aduolare possint,  
quàm animalia, quæ humi demersa sunt, in ae-  
re uitam agere. ut perspicuum sit, esse quen-  
dam in aere terminum constitutum, quem cras-  
sioribus terræ exhalationibus transilire, ut ad su-  
periora conscendant, non liceat. Quamobrem  
in montium cacuminibus ad æstatem usque per-  
manent niues, nec liquefiunt, quòd humorum  
in ea parte concretio assidue refrigerat aerem.  
Quin etiam igneos tractus, quos proficientes stel-  
las quidam uocant, ex eadem causa fieri docent  
sapientes, qui res eiusmodi profitentur. Ven-  
torum enim uii crassiores quasdam, ac densiores  
aeris partes in regionem ætheriam compelli,  
quò simul atque peruenerint, incēdi, flāmamq;  
ob insitum uenti impetum fluentem ferri, quo  
quidem deficiente flammam quoque cum uen-  
to simul extingui. Quamobrem cum dici non  
possint uapores, extincta nube, rursus cōsiste-  
re, ut ex illis, quemadmodum in inferioribus  
fieri uidemus, relictī humidi reditus sperari



queat, necesse est, eorum sententiam approba-  
 re, qui humidum exuri, & in nihilum redigitra-  
 dunt. Ego uero, ut uaporum humorem ab  
 exuperante incendio consumi concedam (stul-  
 ti enim ac pertinacis hominis iudico, rebus per-  
 spicuis aduersari) tamen, quoniam undique ue-  
 ritatem indagantes fatigari non decet, assero, na-  
 turæ humidæ mensuram nihil imminutam con-  
 seruari, & quod cōsumptum est, rependi pror-  
 sus, atque restitui. Quod autem in hac me sen-  
 tentia confirmat, hoc est: ignis, ut ex actione  
 ipsius hic apud nos experimur, non omnes ma-  
 teriæ, quam corripit, qualitates depascitur.  
 Exempli gratia, in olei materia humiditas, po-  
 steaquam à qualitate frigida seiuncta est, facile  
 ab ignis caliditate attrahitur, & inflammatur.  
 Sed non solum in flammam oleum conuer-  
 titur, uerum etiam post ignem ex olei humida-  
 te ortum aridus cinis efficitur. id quod aper-  
 te perspicitur ex lucernæ fuligine, qua ea, quæ  
 supra flammam sita sunt, nigrescunt. Quod si  
 diutius fiat, ipsi loco ex lucernæ fuligine infe-  
 ctio moles quædam accrescit, atque adhæret.  
 Ex quo planum fit, oleum per ignem exicca-  
 tum in minutissimas & aspectum nostrum effu-  
 gientes particulas commutari, atque ita aerem  
 petere, indeq; desiliens in terram, confidere.  
 Minutissimarum autem fuliginis particularum  
 in aere fieri effusionem, ex eo potest intelligi,  
 quòd nares hunc ipsum aerem attrahentium

nigra sunt  
 respirantes e  
 propterea q  
 ctionem acco  
 humiditatem  
 ut materiæ  
 les, & quæ  
 dissecta non  
 humidum d  
 autem tota r  
 uerso humi  
 festum eni  
 Quod aute  
 edocemur  
 esse, nemo  
 bit. Atqui  
 puluis effi  
 in igne, par  
 te in siccitat  
 deletur, at  
 nebula, seu  
 coactio, atq  
 nissima hu  
 dore nubes  
 indiuiduum  
 humidam c  
 omnino di  
 in uapore c  
 grauitas, &  
 aduersantur



nigræ fiunt. Quin etiam id, quod ex pectore  
respirantes emittunt, nigrum esse conspicitur,  
propterea quod fuliginis colore per aeris attra-  
ctionem accedente fit infectum. Ex his constat  
humiditatem olei sic in siccitatem commutari,  
ut materiæ magnitudo per tenuissimas particu-  
las, & quæ aciem oculorum effugiunt, in aere  
disiecta non deleatur. Si quis igitur, ut hoc olei  
humidum duntaxat in siccum conuertitur, non  
autem tota materia penitus aboletur, sic de uni-  
uerso humido cogitauerit, non errabit. Mani-  
festum enim est, totum ex partibus constare.  
Quod autem de parte discimus, idem de toto  
edocemur. Vnam autem genere humiditatem  
esse, nemo, ne pertinacissimus quidem, nega-  
bit. Atqui humiditas ab igne combusta tenuis  
pulis efficitur: & omne humidum, dum est  
in igne, particularum qualitatem ex humidita-  
te in siccitatem conuertit, non autem penitus  
deletur, atque consumitur. Quoniam igitur  
nebula, seu nubes nihil aliud est, nisi uaporum  
coactio, atque concretio; uapor autem est te-  
nuissima humidi exhalatio: necesse est, cum ar-  
dore nubes exaruerit, minutissimum illud, &  
indiuuium uaporis corpusculum, quamuis  
humidam qualitatem non seruet, non tamen  
omnino disperdi, & aboleri. Quatuor enim  
in uapore considerantur, humiditas, frigiditas,  
grauitas, & quantitas. Ex his quæ naturæ ignis  
aduersantur, ea uel ipsius exuperantis abolen-



tur. Quamobrem nec humidum, nec frigidum in igne sita, manent eiusmodi. Quantitas uero ab ignis natura non discrepat, quandoquidem & ignis in quanto consideratur, & cum quanto quantitas non pugnat. Itaque uaporis quantitas ab humidi & frigidi qualitate seiuncta seruiatur. Quæ autem ex grauitate qualitas uapori naturaliter inest, unà cum magnitudine conseruatur. pariter enim & humida, & frigida grauem naturam habent. Ex hac rerū serie mens nullo labore cognoscer, quo modo aqua fiat terra, commutataq; uaporis qualitate naturam similem assequatur. siccum enim, & graue qualitatis, quæ terræ inest, propria sunt, in eaq; uapor exustus conuertitur. Ac mihi quidem non faciendum uidetur, ut principium hoc assecuti, consequentem ordinem, ad quem consideratio ipsa nos per uerisimilia ad ueritatem ducens progreditur, omittamus. Videtur enim ob hanc causam & mare semper in propriis terminis permanere. Quoniam accessio illa, quam ex confluentibus aquis assidue paulatim acquirit, exhauritur, & consumitur à caliditate, quæ cucurbitulæ instar tennes humidæ naturæ uapores attrahit. Verum, quia mediterranea loca, & quæ magis ad Aquilonem uergunt, huic rationi uidentur aduersari, propterea quòd, cum in his partibus ob aeris ambientis frigiditatem mare non admodum calefiat, uaporum confectio torpeat, eam dupliciter

citer confectio  
licet inuenerim  
men, & cor  
unuerfum  
iunctione  
quamobrem  
quod austr  
bus dimi  
deorsum n  
dum id, qu  
Deinde, cu  
fectum, sic  
stionem co  
his est sicc  
mare pari  
minibus ill  
ræ propri  
ignis accen  
reddat, ita  
omnia mar  
ta, sic ad fa  
ciente diu  
aquæ tenu  
expellit è  
do propter  
furdum est  
miditatem  
riente aere  
in nubilu  
cidant, &



citer confirmabimus. Primum igitur dicimus, licet innumerabilia maria uideantur, unum tamen, & continuum esse mare in sese per orbem uniuersum commens, nec ullo pacto à coniunctione sua diuulsum, atque seiunctum: quamobrem, si perpetua caliditatis præsentia, quod australe est, succendatur, in illis item partibus diminutionem sentiri, aquis sponte sua deorsum naturaliter confluentibus ad explendum id, quod exhaustum & exinanitum est. Deinde, cum totum mare, ex quauis aqua confectum, sit salsum, parem fieri uaporum digestionem comprobari. Salsorum enim naturalis est siccitas. Quare si qualitas hæc per totum mare pariter diffusa est, pariter etiam agit in omnibus illius partibus. Id enim cuiusque naturæ proprium est, ut ex ui sua agat. Nam ut ignis accendit, & nix refrigerat, & mel dulcia reddit, ita sal exiccat. Quocirca cum passim per omnia maria salis exiccatio natura sit distributa, sic ad facilem uaporum digestionem prospiciente diuina sapientia: omnes enim partes aquæ tenues sal quodammodo excludit, atque expellit e mari, quippe quod domineretur humido propter insitam naturæ siccitatem: non absurdum est existimare, æquabiliter undique humiditatem consumi, mare per uapores exhauriente aere. Quod autem omnis aereus humor in nubibus fiat, atque inde pluuiæ in terram decidunt, & nos superius ostendimus, & prophe-

D



Amos. 5. c.

tia opus eiusmodi Deo tribuens docet his uerbis: qui uocat aquā maris, & fundit eam super faciem terræ. Et cum alia multa, tum nubes à superiore caliditate accendi, & penitus exiccari re ipsa didicimus. Quare non est prætereunda quæstio, quæ nobis ex iis, quæ dicta sunt, ordine occurrit. Sic enim aliquis obiiciat. ex commemorato olei exemplo intelleximus, materiam subiectam etiam post combustionem non aboleri, sed in aerem secedere, atque ignis ui in terram redigi, eo cōsumpto, quod eius qualitati contrarium erat. Quamobrem qui potest humida natura semper imminuta, atque integra permanere, cum uaporum humorem, ut declaratum est, ubique caliditas arefaciat, & in ficcā qualitatem conuertat? Cur, cum humidum exhaletur, & calido tam sit obnoxium, ut in tenuia, atque indiuidua corpuscula per uapores dissectum, in aridam qualitatem ab eo necesse sit commutari, non ea uerior existimetur opinio, quæ asserit esse quandam aquarum copiam, qua semper instauretur, & sufficiatur id, quod ab igne consumptum, ac deperditum est? præsertim cum scripturæ testimonio confirmari possit, quæ tradit apertas fuisse cataractas cœli, cum aquis altissimis omnes montium uertices superantibus submergi terram oporteret. Hoc ego scripturæ testimonium dicam alio eiusdem scripturæ testimonio refelli posse. Solet enim diuina scriptura à propria uerborum si-

Gen. 7. c.

gnificatione  
& claudere  
mirum apoc  
aperta, clau  
magna fice  
bis est exp  
bus & me  
tione, qua  
gnificari ar  
tempore su  
nubes è m  
aperuerit;  
cœli disre  
tur esse, i  
ri aerem,  
num con  
periore se  
quæ graui  
non uento  
ipsa uola  
uoltris im  
facile ure  
lia cœli. A  
lant, cœli  
hæc ita se  
quæstio,  
mutatio l  
pum non  
quintus in  
indagant



gnificatione recedere. Quid igitur, per aperire,  
 & claudere, uelit intelligi, cōsideremus. Ea ni-  
 mirum aperiuntur, quę clausa sunt; & quę sunt  
 aperta, clauduntur. Sole olim dominante, cum  
 magna siccitas esset, ea res in scriptura hisce uer-  
 bis est explicata. Clausum est cœlum annis tri-  
 bus & mensibus sex. Quare ea scripturę ora-  
 tione, qua dicuntur apertę cataractę cœli, si-  
 gnificari arbitror ipsum cœlum fuisse clausum  
 tempore siccitatis. Quo quidem tempore cum  
 nubes ē mari sublata, pluuia demissa, cœlum  
 aperuerit; constat, ne tunc quidem, firmamento  
 cœli disrupto, ex aquis, quę super illo dicun-  
 tur esse, imbrem defluxisse, sed cœlum appella-  
 ri aerem, qui terram ambiens uaporibus termi-  
 num constituit, quo à subtiliore natura illa su-  
 periore seiungantur, ultra quam nihil eorum,  
 quę grauiora sunt, potest aspirare, non nubes,  
 non uentus, non uapor, non exhalatio, non  
 ipsę uolucres. Quod autem aer hic capitibus  
 nostris impendens cœlum in scriptura uocetur,  
 facile intelligimus, dum in ea legimus, uolati-  
 lia cœli. Aerem enim per ea, quę in ipso uo-  
 lant, cœlum dici cognoscimus. Cæterum licet  
 hæc ita se habeant, nondum explicata est illa  
 quæstio, quo modo uaporum in siccum com-  
 mutatio humidum uī naturę calidę consum-  
 ptum non imminuat. Aliud præterea ordine se-  
 quitur inquirendum, quod accuratiore studio  
 indagantes forte consequemur. Audisti pro-

Luc. 4. c.

3. Reg. 17.

D ii



Fsa. 40. c.

phetiam diuinæ potestatis magnitudinem ex  
 iis, quæ in rebus procreatis admiranda cernun-  
 tur, enarrantem hoc modo: Quis manu dimen-  
 sus est aquam, & coelum palmo, & pugillo ter-  
 ram uniuersam? Quis in statera montes, & ual-  
 les in lance collocauit? His uerbis, ut arbitror,  
 aperte docet propheta, propriam singulis ele-  
 mentis præscriptam esse mensuram à Dei o-  
 mnia complectentis potestate, quam ille ma-  
 num, & palmum, & pugillum uocat, suis unun-  
 quodque terminis & mensuris coercentem.  
 Neceffe est igitur, si Dei potestas coelum dimen-  
 sa est, si manus eius aquam, si pugillus uniuersam  
 terram, si ualles in statera constituit, si mon-  
 tibus pondus præfinit, omnia mensuram, ac  
 modum tueri suum, nihil eorum augeri, nihil im-  
 minui, quæ mensus est Deus, quæq; ipsius po-  
 testate continentur. si nulla autem rebus acci-  
 dit accretio, nulla diminutio, ut prophetia te-  
 statur, in sua prorsus unumquodque mensura  
 perpetuo manet, cum natura ipsa rerum com-  
 mutabilis cuncta uicissim conuertat, & unum  
 in aliud mutet, idemq; rursus conuersione mu-  
 tationeq; pristinum in statum reducat. Sed  
 quia uaporem hunc humidum in flamma posi-  
 tum, siccitate per combustionem acquisita, in  
 qualitatem terrestrem transire ex superiore o-  
 lei exemplo satis ostendimus, deinceps confide-  
 randum est, utrum, uaporis materia in contra-  
 riam conuersa, reliquæ ipsius combustione

tubilior  
 possint.  
 felis pot  
 go illa sub  
 ner sublim  
 num sibi e  
 tibus, tes  
 de uapori  
 ad superi  
 compella  
 ratione m  
 eis cogn  
 miq; con  
 bus attra  
 dum uide  
 restres ei  
 misceant  
 starent; it  
 modi in e  
 renur; &  
 cuius esse  
 fina, liq  
 uero eo, e  
 siti qualie  
 necesse est  
 lis redact  
 rum, & a  
 gnitione  
 ferius ma  
 quæniq;



subtiliores, ac tenuiores effectæ supra manere possint. Hoc autem exemplis item nobis manifestis poterimus inuestigare. Neque enim fuligo illa subtilissima perpetuo hic in aere permanet sublimis, sed per aeris raritatem ad cognatum sibi elementum transiens, terræ, & parietibus, tectorūq; laquearibus adhærescit. Quod de uaporibus illis quoque cogitandum est, ut ad superiorem, igneamq; regionem à uentis compellantur, & in humidæ qualitatis commutatione materiam seruet, arefactisq; ad id, quod eis cognatum est, ac simile, detrahantur, humiq; confideant. Naturalis enim rebus omnibus attrahendi uis insita est: ut minime absurdum uideatur, si uapores quidam, sicci, ac terrestres effecti, terræ siccitati, & qualitati commisceantur. Quod si ex olei materia cuncta constarent; in crassitudinis qualitate uapores eiusmodi in colorem nigrum exustione conuerterentur; & ex specie illa conspecta, quid fieret, cuius esset perspicuum. Verum quia subtilissima, liquidissimaq; natura in uaporibus est, hi uero eo, quem supra diximus, modo in igne positi qualitatem humidam in siccam conuertunt, necesse est, ut, quidquid illud fuerit, quod ex illis redactum animo comprehenderimus, purum, & aereum aliquid, quod subtilitate sua cognitionem effugiat, cogitemus. Sin quispiam sensui magis, quàm rationi credendum putat, quæritq; oculis indiuidua, ac cæca illa corpuscu-

D iii



la contueri, is poterit aerem talibus particulis refertum aspicere, quando radii solis per fenestram excepti, eam aeris partem clariorem reddiderint, quæ splendore fuerit illustrata. Hic enim infinita corpusculorum in aere uolantium multitudo, quæ in reliquo aeris spatio oculis cerni non potest, radiorum beneficio perspicitur. Si quis igitur aciem oculorum intenderit, corpuscula illa subtilia assidue defluentia deorsum ferri conspiciet. Quod autem in una parte aeris ostenditur, indicio est, idem in universo mundo fieri, siquidem inter se continuus est, & ex partibus compactus. Porro si tenuia hæc indiuiduaq; corpuscula, quæ in aere iactantur, in terram defluunt, certumq; est, ætheriam speciem non discerpi in ea, nec dissipari, quando confractionem, atque effusionem eiusmodi non patitur ignis natura: necesse est, ut credamus, materiam esse illorum uaporum, quorum digestionem ante considerauimus: qui cum humidi sint, à calida attrahuntur natura, exusti q; ac terrestres effecti non amplius in aere continentur, sed rursus in terram reuertuntur. Quemadmodum autem cibus in nobis per concoctionem in tenuem quandam qualitatem immutatur, & cuicunque corporis parti per digestionem accesserit, eam auget; cumq; in corporis constitutione uaria sit membrorum in sicco, & humido, & calido, & frigido differentia, quocunque cibus concoctus digestusq; perue-

nerit, talis  
qua suscipi  
tatem dige  
commoda  
eodem pat  
fr accelsio  
obrem qu  
rit, illius p  
subit, fitq;  
in lapide,  
à quo susci  
tatur. Qu  
putet esse  
deat, ego  
hilo mini  
est, cū ter  
tibus eā ne  
tis transfer  
ne nostram  
nobis enim  
mus aquar  
obtinuit, p  
esse progr  
sine enim  
ue reuertat  
tionem aq  
aquarum  
matur. N  
turam ite  
nostra re



nerit, talis euadit, qualis est ea corporis pars, à qua suscipitur, quæ quidem opportune tenuitatem digestionis comprehendit, eamq; sibi accommodat, & similem, ac propriam reddit: eodem pacto, licet non sentiat, assidua terræ fit accessio per indiuidua illa corpuscula. Quam obrem quidquid alicubi cohæserit, & coaluerit, illius partis, à qua susceptum est, naturam subit, fitq; gleba in gleba, arena in arena, lapis in lapide, & quodcunque fuerit solidum illud, à quo suscipitur, in eiusdem naturam commutatur. Quod si quis in lapide propter duritiam putet esse difficile, licet id ipsum ratio persua-deat, ego tamen cum illo non decertabo. Nihilominus enim conficietur, quod propositum est, cū terrestri materia deorsum fluens, à partibus eā non suscipientibus ad suscipientes à uentis transferatur. At aliquis dicet fortasse, orationē nostram non eò tendere, quò proposuimus: nobis enim fuisse propositum, ut ostenderemus aquam semper in ea mensura, quam initio obtinuit, permanere, imprudenter autem illuc esse progressos, ut cōtrarium confirmaremus: siue enim digesti uapores in igne confideant, siue reuertantur in terram, utraque re diminutionem aquæ pariter sequi, eoq; ipso copiam aquarum ostendi, quòd omnino semper absumentur. Necessarium igitur erit, ut rerum naturam iterum consideremus, quo disputatio nostra rectius per ipsam ad finem propositum

D iiii



perducatur. Quanam igitur est rerum natura? Nihil eorum, quæ cernuntur ordine terram ambire, constans, firmum, & immutabile constitutum est à rerum omnium opifice Deo: sed omnia inter se uicissim commutantur. Inest enim quædam uis, cuius perpetuo quodam in orbem motu cuncta hæc inferiora circumaguntur, & permutantur, rursusq; in semetipsa reducuntur. Quæ quidem cōmutatio cum fieri nunquam cesset, necesse est, in alia uicissim omnia transire, & per eadem iterum uestigia remeare. Nihil enim horum à se ipso conseruaretur, nisi cum altero genere commixtum naturam suam obtineret. Quo modo, inquires, illa commutandi uis per quatuor elementa in orbem com meat? Neque enim quælibet ex quibuslibet uicissim fiunt, neque commutationis circulus per res singulas æqualiter uagatur. sed aqua quidem per uapores in aerem refunditur, uapores autem pabulo flammæ sumministrato terrestres fiunt, in cinerem quodammodo reducti, posteaquam cum igne uersati sunt. His uero susceptis terra mutationis in se circulum sistit. Neque enim aquæ natura rursus ortum habet è terra. Qua quidem ratione relinquitur considerandum, utrum terra in aquæ naturam mutari possit. Quod dum inuestigamus, nemo orationem nostram ut longiorem accuset. Videmus ea, quæ natura sunt sicca, sponte sua naturali quadã proprietate madefieri. Vt in sa-

de licet int  
more aliq  
cum sicca  
sis liquor  
suum in ha  
lis etiam  
exiccatur  
soluitur.  
ut ex prin  
ordinem  
una quali  
aliis elem  
compreh  
aliæ simi  
pariter co  
aqua sicci  
Horum n  
qua pug  
Aqua rem  
tur, sed in  
niens ut re  
tur: Disce  
gidum &  
se concilia  
que à terr  
cessitudin  
suolumu  
ris quidet  
spicitur, &  
& eius in



le licet intueri, & in metallis, & in iis, quæ ex humore aliquo congelante consistunt. Horum cum siccitas propria sit, tamen, si quidam ex ipsis liquor descendat, humida fiunt, siccitatemque suam in humidam qualitatem conuertunt. Talis etiam cernitur mellis natura, quod calore exiccatum, rursus casu aliquo in humorem resoluitur. Sed hæc omittantur. Præstat enim, ut ex principio aliquo necessario disputationis ordinem persequamur. Animaduertimus, non una qualitate elementa singula constitui, & ab aliis elementis separari, sed uariis qualitatibus comprehendi, quarum aliæ inter se pugnant, aliæ simul inspiciuntur, & pugnantibus inter se pariter cohærent, & quadrant. Vt in terra & aqua siccitas & humiditas coniungi nequeunt. Horum tamen utrique ex æquo frigiditas inest, qua pugnantes quodam modo deuinciuntur. Aqua item & aer grauitate leuitateque separantur, sed in his quoque frigiditas utrique conueniens ut medium quoddam uinculum spectatur: Discrepat aer ab igne ea, quæ est inter frigidum & calidum, differentia, sed leuitate inter se conciliantur, atque conueniunt. Ignis denique à terra leuitate seiungitur, sed siccitatis necessitudine copulantur, & foedus ineunt. Quæ si uolumus declarare, sic exordiamur. Frigiditas quidem in terra simul, & aqua, & aere perspicitur, maiori tamen ex parte congruit aquæ, & eius in se quodam modo naturam conseruat,



iniuriamq; à siccitate prouenientem propellit  
 ea repugnantia, quam habet cū calido. Quem-  
 admodum igitur adest calido siccitas naturalis,  
 nec ignis solus in alio potest ostendi: sic dicen-  
 dum est, cum humido frigiditatem coniungi,  
 ac deuinciri. Quòd si humidum simul & frigi-  
 dum aquæ naturam constituunt, frigida autem  
 qualitas terræ naturaliter inest: sequitur, ut pote-  
 state & aqua insit in terra, & terra in aqua. Na-  
 turalis enim humidi cum frigido copulatio non  
 permittit, ut unum ab altero penitus seiunga-  
 rur: sed, etiam si contingat aliquando, ut alte-  
 rum in se ipso separatim consistat, id non pla-  
 ne solum est, sed potestate utrumque in uno  
 perspicitur. Nam ut, humido in aerem diffuso,  
 frigiditas uaporum particulas insequitur: sic è  
 contrario, in intimis terræ partibus frigido com-  
 morante, humiditas cognatam qualitatem non  
 derelinquit: sed frigida uis, quæ terræ natura-  
 liter inest, tanquam aliquod humidæ naturæ se-  
 men efficitur, semperq; ex se coniunctam sibi  
 qualitatem gignit, cum uis illa commutandi ue-  
 hementi frigiditate terram in aquam conuertat.  
 Harum rerum si quis à nobis rationem & cau-  
 sam exquirat, rogetq;, quæ uis ex æquo solidū  
 in humidum conuertat: quod illi respondeam-  
 us, non habebimus, ut in reliquis etiam o-  
 mnibus, nempe quo modo aqua in aerem dif-  
 fundatur, & quod deorsum tendit, infideat le-  
 ui, graueq; in leue conuertatur. Hæc enim fie-

ri sensu ipse  
 natura fiant  
 quicquid ex  
 probari cup  
 plo facile p  
 ram siccam  
 sed primu  
 nes. quod f  
 frigidiora,  
 at si ad ma  
 turbida qua  
 imo profu  
 lorem soli  
 ris: licet ip  
 tur, tamen  
 bus undiq  
 completur  
 opera facto  
 undique in  
 par est eue  
 unum coga  
 conficitur,  
 frigiditate  
 constituitur  
 taq; fluena  
 aditus, terra  
 autem aqua  
 giditas, ill  
 trionibus  
 abundant



ri sensu ipso percipimus: quo modo autem a  
natura fiant, ratione docere nō possumus. Sin  
quispiam experimentis hanc opinionem com-  
probari cupiat, id adducto puteorum exem-  
plo facile præstabimus. Neque enim, si ter-  
ram siccam effodias, protinus aquam offendes,  
sed primum tactu nescio quid uliginosum sen-  
ties. quòd si fodiendo altius ire pergas ad loca  
frigidiora, glebam magis coenosam inuenies.  
at si ad magis adhuc frigida loca descenderis,  
turbida quædam aqua apparebit. sin autem sub  
imo prorsus solo, quò minus uerisimile sit ca-  
lorem solis penetrare, lapidem aliquem incide-  
ris: licet ipsius lapidis densitas obsistere uidea-  
tur, tamen uenæ quædam aperiuntur, ex qui-  
bus undique defossus puteus aquis affluentibus  
completur. Quod igitur in loco manu, atque  
opera facto, excavatoq; contingit, ut humor  
undique in puteum confluat; id in omni loco  
par est euenire, cum humor se naturaliter in  
unum cogat, atque conseruet. Sic ergo aqua  
conficitur, frigidum madefacit, & humor ex  
frigiditye totam aquæ naturam perficiente  
constituitur. Ex aqua uero coacta, congrega-  
taq; fluentum generatum, quacunque derur-  
aditus, terram aperit, & fons appellatur. Quòd  
autem aquarum ortus auctor & causa sit ipsa fri-  
giditas, illud indicium sit, quòd loca septen-  
trionibus propinquiora frigidioraq; magis  
abundant aquarum copia. Aprica enim pro-



fecto, & opaca, depressaq; , essent æqualiter aquis irrigua, si frigiditatis absentia nihil aquarum ortum impediret. Quemadmodum autem ex imbrium guttis collecta aqua torrentes nascuntur; licet guttas ipsas separatim aspiciens, singulas per se pusillum quiddam & pro nihilo habendum existimes: sic ex humoris sensim de terra manantis copia multis fluentis coactis oriuntur flumina: quorum si quis magnitudinem, perennesq; cursus consideret, undenam suppeditari tantam aquarum abundantiam existimabit? Num aliquos sibi in terræ finibus lacus confinget? Quinam, obsecro, tanti lacus esse queat, qui, nisi noua assidue accedant auxilia, non breui tempore exhauriantur? At alios, inquis, lacus excogitabimus. Ego uero requiram, quidnam alios illos rursus exhaustos explebit. Quod si alios, atque alios lacus inueneris, ego uicissim interrogabo, unde omnes tandem exinaniti complebuntur. cogeris igitur progredi in infinitum, atque ita oratio tua lacus lacubus accumulans, ne fontibus defint lacus, unde postremo aqua ortus principium habeat, nunquam consistet. Quamobrem, cum reperienda sit causa, qua primæ aquæ natura constituitur, magis consentaneum est, eam in ipsos fontes conferre, quam sub terra lacus confingere, quorum ratio commentitia statim ab aquæ natura deorsum tendente labefactetur, & conuellatur. Quo modo enim sursum fluat, quod, deorsum

ut fluat, na  
gentes lacu  
cum perene  
bus effluant  
exinanitu  
stigitur e  
bus aquam  
transmutat  
tantum ex  
nuitur, que  
bus instaur  
mutua nob  
tio claudic  
in alterum  
Exempli  
aer. Aer m  
catur. Quo  
ab humido  
qualitatem  
Ex quo fit,  
elementa ui  
ferantur, ne  
redundet, a  
primum co  
neant. Ex i  
aquæ supra  
natura discer  
turam ignis  
lidum frigus  
mido siccu



ut fluat, naturam habet? Præterea, quàm ingentes lacuum moles erunt excogitandæ, quæ, cum perēnes tot aquarum copię seculis omnibus effluant, & nihil unquam reponatur, non exinaniantur tamen, nec exhauriantur? Constat igitur ex iis, quæ dicta sunt, ideo fluminibus aquam non deficere, quòd terra in illam transmutatur. Terræ uerò magnitudo, licet tantum ex ea copiarum erumpat, non immittitur, quoniam assidue ab exiccatis uaporibus instauratur. His ita cōstitutis non amplius mutua nobis elementorum inter se commutatio claudicabit. Apparet enim ordo, quo unius in alterum commutatio est ortus illius causa. Exempli gratia aqua per uapores sublata fit aer. Aer madefactus in superiore flamma exiccatur. Quod terrenum est, per ignis naturam ab humido secernitur, terræq; redditum per qualitatem frigidam in aquam commutatur. Ex quo fit, ut sine ullo impedimento semper elementa uicissim inter se commeent, & circumferantur, nullumq; ex illis aut consumatur, aut redundet, atque exuberet, sed omnia in quæ primum constituta sunt mensura perpetuo maneat. Ex iis, quæ disputata sunt, sequitur, ut aquæ supra firmamentum sitæ ab hac humida natura discrepent. Patet enim humidi pastu naturam ignis non ali: demonstratumq; est, calidum frigido non enutrirī, sed extinguī, & humido siccum deleri, nō adiuuari. Quamobrem



tempus est, ut orationem nostram aliò conuer-  
 tamus, quæramusq; , quo modo tertio die fa-  
 ctæ sint omnes, quæ in cœlo sunt, stellæ. Quòd  
 igitur omnibus rebus admirandis, quæ procrea-  
 tæ sunt, diuinum quoddam mandatum impe-  
 riumq; sigillatim præcesserit, ex Mosis historia  
 sic excelsa hæc decreta complectente in supe-  
 rioribus animaduertimus, didicimusq; , diui-  
 nam uocem non esse mandatum uerbis expres-  
 sum, & explicatū, sed artificem ac sapientem in  
 rebus singulis potestatem, qua ea, quæ in ipsis  
 cernuntur admirabilia, perfectæ sunt, primaq;  
 Dei uoluntate statim omnino rerum uniuersita-  
 tem extitisse, ordinemq; sapientiæ in ipsis infi-  
 tæ necessario permanentem diuinorum manda-  
 torum uim, & seriem obtinere. Breuiter enim  
 rerum, quæ sensu percipiuntur, procreationem  
 complectens, mundum uniuersum ostendit, in  
 principio, inquit, fecit Deus cœlum & ter-  
 ram. Quibus uerbis rerum uniuersitate com-  
 prehensa, deinceps naturalem quendam singu-  
 larum ordinem persequitur. Simul igitur cum  
 reliquis rebus omnibus generata est lux, sed  
 non extemplo rebus omnibus præluxit, quan-  
 diu partes rerum obscuræ uim eius illustrantem  
 impediuerunt, at simul atque rebus procreatis  
 ornatus occasio, atque incitatio concessa est à  
 Deo, ignea uis illustrandi præfulsit omnibus,  
 sibiq; naturæ leuitate, ac mobilitate, patefacta  
 uia, prosiliuit. Ac tunc quidem uniuersa in se

coacta mun-  
 partibus in-  
 erant, diuina  
 non sit, ex  
 Siquis tamē  
 ellegere  
 etiam sermo  
 cat, præcipi  
 fiant. Veru  
 xerit, multip  
 tiā in rebus  
 phera dicit  
 Apostolus  
 tas lux, a  
 à stella in  
 sunt discrim  
 lus enumer  
 unumquod  
 henditur, ut  
 recte possin  
 atq; differe  
 beant, nos  
 si dixerimus  
 dem totam  
 tam fuisse  
 late mobil  
 noremq; pr  
 natura diff  
 se satis ad  
 dam, ut, qu



coacta mundum obibat: mox autem propriis  
 partibus in ea, quæ sibi cognata coniuncta;  
 erant, diuisa est. Quod autem eius una natura  
 non sit, ex iis, quæ uidentur, perspicuum est.  
 Si quis tamē lucem ex omnibus coactam unam  
 esse genere dicat, non errabit. quando diuinus  
 etiam sermo singulari uoce uniuersam signifi-  
 cat, præcipiens, ut lux, non autem, ut plures  
 fiant. Verum si quis ea, quæ uidentur, aspe-  
 xerit, multiplicem illustrantis potentia differē-  
 tia in rebus animaduertet. Quapropter etiā pro-  
 pheta dicit: Qui facit luminaria magna solus. Et  
 Apostolus, alia, inquit, est claritas solis, alia clari-  
 tas lunæ, alia claritas stellarū. stella enim differt  
 à stella in claritate. itaque multa lucis omnino  
 sunt discrimina. Et quanquam omnia, quæ Pau-  
 lus enumerauit, illustrandi uim habent, & sua  
 unumquodque potestate, claritateq; compre-  
 henditur, ut cuncta communi nomine lux una  
 recte possint appellari, certæ tamen in his distin-  
 ctæq; differentia spectantur. Quæ cum ita se ha-  
 beant, nos à uero minime recessuros existimo,  
 si dixerimus, ita Mosē intellexisse, initio qui-  
 dem totam uim illustrandi in unum congrega-  
 tam fuisse: uerum, cum multæ essent in subti-  
 litate mobilitateq;, quantum ad maiorem mi-  
 noremq; præstantiam pertinet, in uniuersitatis  
 natura differentia, trium dierum spatium fuisse  
 satis ad eam uera certa q; ratione distinguen-  
 dam, ut, quod in natura ignea maxime erat sub-

*Psal. 35. a.*

*1. Cor. 15. a.*



tile, ac leue, & purum, à materia remotum, summum rerum, quæ sub sensum cadunt, fastigium obtineret, quod autem inertius, ac segenius, intra subtilioris leuiorisq; complexum confisteret, & hoc rursus ex infinitæ proprietatis differentia in septem lucis partes diuideretur, omnes inter se similes, atque cognatas, seiunctas autem à rebus, quæ diuersi generis forent. omnibus ergo particulis, quæ in solis illustrantem naturam coniectæ sunt, concurrentibus, unum quiddam magnum effectum est. Quod itidem euenit in luna, cæterisq; tum errantibus, tum nō errantibus stellis, ut similitudinem cuiusque particularum concursus unam aliquam earum efficeret, atque ita omnes confectæ sunt. Contentus autem Moses, ex iis luminare tantum maius, & luminare minus nominasse, cæteras omnes communi nomine stellas appellauit. Quod autem fatigetur mens nostra, & pondere suo pressa non possit diuinæ sapientiæ subtilitatem assequi, nemo admiretur, sed naturæ nostræ tenuitatem excuset: cum qua præclare agitur, non si nulla in re aberrauerit, sed si uel unam consequi potuerit. Hæc autem dico, illuc respiciens, quæ sit ratio huius trium dierum spatii, quod satis fuerit ad ea distinguenda, quæ luce prædita sunt. Est enim aliqua nimirum ratio, licet præstantior sit, quàm ut eam nos intelligere ualeamus, qua temporis huius mensura rebus lucidis disponendis præscripta est, adhibito temporis

totum  
monu, fact  
adeo, ut, cu  
tiz, in suo  
priorate co  
us infinita fi  
fufio est,  
diuina sapi  
tate singul  
riorem reg  
fer occupa  
que signu  
gulis stell  
locis col  
sua ducta  
ubi proci  
& his simi  
tat, & imb  
quod ratio  
finitum tri  
distinctior  
infinita est  
circa terra  
magna D  
stellarum  
uallum ar  
posse, in  
dente igit  
neque heb  
propinqu



to temporis modo & quantitati actionis ignis in  
 motu, facta; lucis diuisione pro earum natura,  
 adeo, ut, cum sint in eis innumerabiles differen-  
 tiæ, in suo tamen singulæ situ à naturali pro-  
 prietate collocatæ sint, quò nimirum naturæ  
 uis insita singulas duxit. Nec ulla consecuta con-  
 fusio est, aut perturbatio, propter ordinem à  
 diuina sapientia pro naturali cuiusque proprie-  
 tate singulis adhibitum immutabilem, ut supe-  
 riorem regionem circulus obliquus, seu signi-  
 fer occuparet, in hoc autem certam unumquod-  
 que signum sedem obtineret, in signis uero sin-  
 gulis stellæ nō fortuito, sed ordine suis quæque  
 locis collocarentur, æquabiliq; ac naturali ui-  
 sua ductæ immobiles, ac firmæ permanerent,  
 ubi procreatoris sapientia præscribebat. Hæc,  
 & his similia sunt ea, quæ mens aspiciens hæsi-  
 tat, & imbecillitatē, ac segnitiam suam accusat,  
 quòd rationem excogitare non possit, quæ præ  
 finitum trium dierum spatium ad tot stellarum  
 distinctionem satis fuerit: aut quo modo, cum  
 infinita esset inerrantis sphæræ ab iis, quæ sunt  
 circa terram, distantia, in medio mundi spatio  
 magna Dei sapientia solem cōstituerit, ne, cum  
 stellarum splendor propter immensum inter-  
 uallum ante deficiat, quàm ad nos peruenire  
 possit, in perpetuis tenebris uiueremus. Splen-  
 dentē igitur solis uim ita supra nos collocauit, ut  
 neque hebetarentur eius radii lōginitate, nec  
 propinquitate nimia molestiam afferrent; aut

E



quo modo materiae magis immersum magisque  
 crassum lunae corpus inferius constitutum sit,  
 oberretque terrae proximam regionem; aut qua-  
 lis sit splendor eius, quae cum obscura sit, illu-  
 strandi tamen habet facultatem. Naturae enim  
 ipsius crassitudo proprium nitorem obtundit,  
 sed opposito solis radiorum lumine ab illustran-  
 di ui non est prorsus aliena. Cæteram sapientiae  
 singulis in rebus conspicuae rationem naturae  
 nostrae infirmitas intueri non potest, quendam  
 tamen mundi totius ordinem in iis, quae facta  
 sunt, ex descriptione legislatoris ab iis, qui me-  
 diocriter norunt dispicere, quae ex quibus con-  
 sequantur, per quasdam coniecturas utcumque  
 cognosci posse arbitror. Quamobrem repeta-  
 mus ordinem eorum, quae facta sunt. sic autem  
 habet. Lucem uniuersam mobilitate sua ante  
 alia prodeuntem firmamenti absolutio ab ignis  
 circulo definita consequitur. Leui autem natu-  
 ra à grauioribus separata, graues inter se quali-  
 tates distinguuntur, in terra & aqua constitutae.  
 inferiore uero natura exornata, subtilis, & le-  
 uis, excelsaque, quoniam non omnis erat inter  
 se similis, interiecti temporis spatio ex illa com-  
 munitate in cognatas diuiditur proprietates. in  
 qua innumerabilis stellarum multitudo expo-  
 sita pro insita cuique propria ui, mundi fasti-  
 gium occupat, atque ita in sua quaeque sede hæ-  
 ret, ut, cum semper circumferatur, nunquam ta-  
 men locum relinquat suum. Horum enim ut

ordo immen-  
 lis. Post  
 do loco, e-  
 temq; circ  
 & quarto  
 locitatis.  
 est à supe  
 tura tard  
 sunt, nor  
 quod, illi  
 apparuer  
 gnitudin  
 tus quid  
 ne, utri  
 uenit in  
 tuis par  
 poris in  
 Quare n  
 Mose ita  
 pertinet,  
 cōstitutae,  
 do uideri  
 naturali,  
 Tunc fin  
 rum illud  
 ferentis:  
 luna. A  
 uim hab  
 differen  
 ut uider



ordo immutabilis est, sic natura semper mobilis. Post uelocissimum motum sequitur secundo loco, quæ uelocitate proxima est, subeuntemq; circulum obtinet, tertio deinceps alia, & quarto, ad septimum usque pro ratione uelocitatis. Tanto enim unaquæque longius abest à superiore, quanto illa ad mouendum natura tardior est. Hæc igitur quarto die facta sunt, non quòd tunc fuerit lux procreata, sed quòd, illustrandi ui pro natura sua simul coacta, apparuerint cum reliquæ stellæ, tū illæ, quæ magnitudine cæteris præstant, sol & luna, quorū ortus quidem occasio exitit in lucis procreatione, utriusque autem constitutio (quando mouetur in tempore, quidquid mouetur, & mutuis particularum concursus eget aliquo temporis interuallo) tribus diebus perfecta est. Quare non absurde conditus orbis à magno Mose ita describitur, ut, quantum ad materiam pertinet, simul omnia dicantur uirtute opificis cōstituta, singularis autem eorum, quæ in mundo uidentur, distinctio ordine quodam, ac serie naturali, eo spatio, quod dictum est, absoluta. Tunc simul uniuersa lux exitit, tunc omnis rerum illustrantium natura propriis distincta differentiis apparuit, quarum è numero sol est, & luna. Ac quemadmodum ea, quæ fluentem uim habent, non sunt unius generis omnia, sed differentia quadam inter se uicissim discrepant, ut uidere licet in oleo, & aqua, & argento uiuo,

E ii.



quæ si quis omnia simul in uno uase confundat, parua interiecta mora primum aspiciet argentum uiuum ob grauiorem deorsumq; tendentem naturam in fundo totum confidere, licet omnia commixta sint: deinde aquam simul coactam omnem succedere: postremo olei congregatas particulas super natare, & super utroque consistere. eodem pacto de re nobis ad disputandum proposita possumus coniecere, illud unum in exemplo tantum commutantes, ut, quod illic propter grauitatem, hic contra propter leuitatem eueniat. In prima enim rerum constitutione, quæ leuitate sursum tendebant, quandiu ob naturalem uim insitam celeritate ualebant, pariter omnia concurrerunt, tum ex uelocitatis præstantia ipsa quoque inter se distincta sunt. Ut igitur in exemplo proposito rerum fluentium secretio, & separatio materiam singularium non constituit, sed iam factam distinxit, distinctamq; demonstrauit, sic in trium dierum spatio illustrans solis natura, potestasq; facta non est, sed, cum in uniuersitate rerum diffusa esset, simul coacta est, & coniuncta. Si quis autem à nobis & tertii coeli rationem petat, quod

2. Cor. 12.  
A.

Moses non scripsit, sed Paulus uidit, & in ipso tanquam in adytis sapientiæ consistens arcana audiuit, ab iis, quæ exposita sunt, tertium illud coelum non abesse respondebimus. Videtur enim mihi Magnus etiam Apostolus uincens omnes superiores, totius naturæ, quæ sensu

percipitur,  
gressum esse  
ditur, cum  
reum fuerit  
re, inquiet  
Deus scit. r  
terium coe  
huiusce m  
Paulo tert  
enim diuid  
ptura con  
cat. Abuer  
ne uerbor  
& nubes,  
tus perue  
& coeli nu  
pliciter coe  
las uoces, t  
cant aqua  
latilia uol  
coeli. De  
tum appe  
ra inclui  
errantes r  
Fecit De  
mamente  
uis distine  
rati per  
lud saltig  
obnoxia



percipitur, terminos transcendisse, ad eamq; ingressum esse, quæ animo menteq; comprehenditur, cum spectaculum illud minime corporeum fuerit, ut ipsemet significat, siue in corpore, inquit, nescio: siue extra corpus, nescio. Deus scit. raptum eiusmodi hominem usque ad tertium cœlum. Summum igitur illud culmen huiusce mundi, quem aspicimus, arbitror à Paulo tertium cœlum appellari. Tripliciter enim diuidit omne, quod cernitur, & ex scripturæ consuetudine singulas partes cœlum uocat. Abutens enim quodam modo significatione uerborū, spatium illud crassioris aeris, quod & nubes, & uenti, & excelsi uolucrum uolatus perueniunt, cœlum unum nominat, cum & cœli nubes dicit, & uolucres cœli. Nec simpliciter cœlum hoc uocat, sed adiungit etiam illas uoces, sub firmamento. Dicit enim, producant aquæ reptilia animarum uiuentium, & uolantia uolantia super terram sub firmamento cœli. Deinde alterum cœlum, & firmamentum appellat spatiū illud, quod inerranti sphaera inclusum consideratur, in quo stellæ, quas errantes nominant, peruagantur. Sic enim ait: Fecit Deus luminaria magna, & posuit ea in firmamento cœli, ut lucerent super terram. Cuius distinctum orbis ornatum utcunque consideranti perspicuum est, hæc infra supremum illud fastigium contigisse, quod omnia sensibus obnoxia complectens, eaq; seiungens à rebus il

E iii



2. Cor. 4. d.

lis procreatis, quæ mente solum, & intelligentia comprehenduntur, firmamentum, & coelum appellat. Ea igitur, quæ uerbis explicari non possunt, cupiens Apostolus, &, quemadmodum nos item hortatur, nihil eorum spectans, quæ cerni queunt, cum ea, quæ uidentur, temporaria sint, quæ autem non uidentur, æterna, diuina uirtute sublatus peruenit eò, quò desiderio ferebatur, cumq; sacras literas à pueritia didicisset, uerbis scripturæ usitatis rem ipsam expresseit, tertium coelum appellans, harum trium sectionum, quæ in mundo uidentur, extremam. Relicto enim aere, superatoq; medio illo spatio, in quo errantium stellarum orbes uersantur, summum ætheriorum finium ambitum transcendit, & ad firmam illam, quæ sola mente percipitur, naturam perueniens, paradiſi uidit pulchritudinem, & audiuit ea, quæ humana natura non loquitur. Hæc tibi, uir Dei, ad propositas nobis à prudentia tua quaestiones respondimus, nullis orationis pigmentis morales allegorias conquirentes, nec inexploratum prætereuntes quidquam eorum, quæ nobis opponebantur, sed, propria uerborum significatione seruata, naturæ ordinem disputando persecuti sumus, & nihil eorum, quæ primo aspectu contraria uidebantur, ab aliis discrepare pro uiribus demonstrauimus. In reliquis autem ad mundi procreationem pertinentibus, quæ sex dierum spatio facta sunt, im-

morari sup  
mis illa præ  
ad eam disp  
minis opifi  
bi, uir opti  
cimus  
manus hi  
ut in neut  
putetis ad  
ctum argu  
putationem  
ron ab eo  
propter e  
dinem re  
mum app  
scripta su  
ratio à uer  
missum fu  
tiatua, uel  
re, quæ de  
duæ duor  
stint, quo  
rent: nec e  
tabernacu  
rum, & a  
rentibus fi  
tur existim  
stra hac  
beantur,



morari superuacaneum duximus, cum subli-  
 mis illa præceptoris uox nihil omiserit, quod  
 ad eam disputationem pertineret, excepto ho-  
 minis opificio, quod proprio libro, quem ti-  
 bi, uir optime, ante hunc misimus, nos expli-  
 cauimus. Te autem, & omnes, ad quorum  
 manus hi libri peruenerint, rogatos uolumus,  
 ut in neutro illorum me studio præceptoris  
 putetis aduersari: sed in priore quidem reli-  
 ctum argumentum suscipientem addidisse dis-  
 putationem de homine iis, quæ in Hexaeme-  
 ron ab eo fuerant elaborata: in hoc autem  
 propter eos, qui in scripturæ monumentis or-  
 dinem requirunt, ad hæc scribenda sic ani-  
 mum appulisse, ut uerborum uis in iis, quæ  
 scripta sunt, seruarietur, & naturalis commen-  
 tatio à uerbis non dissentiret. Si quid autem o-  
 missum fuerit, ne graue sit, uel tibi pro sapien-  
 tia tua, uel quicumque hæc legerit, ea perfice-  
 re, quæ deesse iudicabit. Neque enim illa ui-  
 duæ duorum obolorum oblatio diuitibus ob-  
 stitit, quo minus ampla ipsi sua munera offer-  
 rent: nec qui pelles, & ligna, & pilos Mofi ad  
 tabernaculum exædificandum obtulerunt, au-  
 rum, & argentum, & lapides pretiosos offe-  
 rentibus fuerunt impedimento. Nobiscum igitur  
 existimabimus actum esse præclare, si no-  
 stra hæc munuscula in pilorum numero ha-  
 beantur, modo per uestram auro contextam

E iiii

Matth. 12.  
d.

Exod. 35.c.



GREG. NYSS.

Exo. 39. b.

purpuram orationi imponatur super indumen-  
tum, cui nomen est, Rationale, & Declaratio,  
& Veritas, sicut appellat Moses, qui tales ami-  
cus sacerdoti confecit, mandato Dei,  
cui cum unigenito filio, & spi-  
ritu sancto gloria, & im-  
perium in secula  
seculorum.

Amen.

IN EA S  
FACIAN  
GIN



ris ualenti  
uenio. Iniqui  
nantes, tu  
ad coelum,  
terram, &  
didicerim  
tionemq;  
non parehe  
stri, cum e  
non cernu  
inspexerim  
efficiat, ut  
alia cernu



37  
IN EA SCRIPTURAE VERBA,

FACIAMVS HOMINEM AD IMA

GINEM ET SIMILITVDI

NEM NOSTRAM,

ORATIO I.



EBITAM auribus  
uestris expositionē, cu-  
ius nomine tāquam ære  
alieno uobis iam pridem  
obstrictus sum necessa-  
rio, cuiusq; solutionem  
adhuc non ingrati animi  
uitio, sed infirma corpo-  
ris ualitudine impeditus distuli, persoluturus ad-  
uenio. Iniquū enim esset, cū ea, quæ ad feras, tum  
natantes, tum gradientes, tum uolantes, quæq;  
ad coelum, ad eaq;, quæ in coelo sunt, quæq; ad  
terram, & ad illa, quæ sunt in terra, pertinent,  
didicerimus, ea nobis, quæ ad ortum procrea-  
tionemq; nostram spectant, à diuina scriptura  
non patefieri. Quemadmodum enim oculi no-  
stri, cum ea, quæ sunt extra se, uideant, se ipsos  
non cernunt, nisi leue quippiam, ac solidum  
inspexerint, unde refractus obtutus, ac refluens  
efficiat, ut se ipsi intueantur, sic animus noster  
alia cernens, se ipsum non uidet, nisi scripturis.



inhæserit, atque incubuerit. Quod enim in illis est lumen, reflectitur, facitq; , ut nos ipsi perspiciamus, & cognoscamus. Verum, quoniam eas negligimus, nec scire curamus, quo modo facti, constructiq; simus; inde fit, ut, quid, qualesue simus, ignoremus, & eorum, quæ in nobis sunt, licet minima, maximeq; rerum omnium facilia, atque in promptu sint, nullam notitiã habeamus. Ac tamen multæ facultates in corpore humano dignoscendo omne suum studium collocarunt (si enim medicam artem consideres, facile animaduertes, quàm multa de usu partium eius tradiderit, quàm multa de interiori nostra structura in sectionibus excogitarit, quàm abditas, occultasq; vias patefecerit, ut unum totius corporis cõcentum, atque concordiam, uehicula spiritus, sanguinis ductus, attractionem animæ, ac domicilium, caloris sedem in corde, perpetuum spiritus in præcordiis motum, atque alia innumerabilia inuestigauerit) tamen eorum nos omnium ignari sumus, quippe qui in eiusmodi studium nihil incumbimus, nec est ferè quisquã, qui scire curet, quid ipse sit. Facilius cœlum, quàm nosmet ipsos cognoscere possumus. Quamobrem, quod in te admirandum est, homo, ne contempseris. Paruus tu quidem es, ut opinaris, sed præsens oratio te magnum esse deprehendet. Iccirco sapiens David, qui se ipsum diligenter explorare nouerat. mirabilis, inquit, facta est scientia

*Paf. 38. a.*

IN VE  
tua ex me. V  
mirifica licet  
est scientia tua  
quo corpus  
scens, ex par  
madueto. I  
& similitud  
aperte tamen  
& ad quem r  
clesia de his  
dem habet o  
Faciamus h  
gnosceret. I  
scripta est, f  
dato dicent  
sultatione: f  
tio: pelagus  
bentis uocen  
piscum gen  
quæq; uolan  
ta sunt. Hic  
habetur con  
fiat homo. I  
Non proiecti  
sed consiliu  
modo tale a  
ciamus: sapi  
quid deest a  
ductus cons  
elaboratur



ua ex me. Vndenam cognitionem tui ratione  
 nificata licet inueniri? ex me. Mirabilis facta  
 st scientia tua ex me. Artificium sapientie tue,  
 quo corpus meum constructum est, cogno-  
 cens, ex parua fabrica magnum opificem ani-  
 naduerto. Faciamus hominem ad imaginem  
 & similitudinem nostram. Paucis, sed satis  
 perte tamen demonstratum est ante, quæ sint,  
 & ad quem referantur hæc uerba, Et habet Ec-  
 lesia de his demonstrationes, immo uero fi-  
 em habet omni demonstratione firmiorem.  
 aciamus hominem. Hinc incipe te ipsum co-  
 noscere. Nondum in ulla molitione hæc uox  
 cripta est, facta fuit lux, sed simplici Dei man-  
 lato dicentis, fiat lux. Cælum, sed sine con-  
 ulatione: stellæ, sed nulla præcessit delibera-  
 io: pelagus, atque innumerabilia maria ad iu-  
 bentis uocem extiterunt. Eodem modo omnia  
 iscium genera, bestię, & cete, quæ natant,  
 quæq; uolant animalia, Dei iubentis uerbo fa-  
 ta sunt. Hic nondum est homo, & de homine  
 abetur consilium. Non, ut aliis in rebus, dixit;  
 fiat homo. Disce pretium ac dignitatem tuam.  
 Non proiecit mādato, & iussu procreationem,  
 sed consilium, ac deliberatio fuit in Deo, quo  
 modo tale animal produceretur in uitam. Fa-  
 ciamus: sapiens consulit, artifex meditatur. Ec-  
 quid deest arti eius? Quanam difficultate ad-  
 luctus consulit, ut absolutum, & perfectum,  
 elaboratumq; faciat charum opus suum? an ut



ostendat, te perfectum esse apud Deum? Duas aduerte personas, unam, quæ loquitur, alteram, ad quam dirigitur oratio. Cur autem non dixit, facito, sed faciamus hominem? ut imperium, ac dominatum intelligeres: ne, patre cognito, filium ignorares: ut scires patrem fecisse per filium, & filium paterna creasse uoluntate, laudaresq; patrem in filio, & filium in spiritu sancto. Commune eorum opus extitisti, ut ipsos pariter adores, & colas, ne uenerationem, cultumq; diuidas, cum unicam esse diuinitatem intelligas. Vide historiam ex figura, & theologiam ex ui. Et fecit Deus hominem. Faciamus, inquit, & fecit. ne multiplicem Deorum numerum crederes. Si enim plures fecisse dicerentur, adduci possent homines, ut plures sibi Deos confingerent. Nunc autem scriptum est: Faciamus: ut cognoscas patrem, & filium, & spiritum sanctum: Et, Fecit Deus hominem: ut diuinitatem coniungas, atque unam esse scias, unam dico, non unitate personarum, sed potestate: ut, cum ad adorandum accedis, Deum unum laudes, & colas, nec in Deorum multitudinem distraharis. Nō dixit: Fecerunt hominem Dei. Sed: Fecit Deus hominem. Propria est hypostasis, siue persona patris, propria filii, propria spiritus sancti. Cur igitur nō tres Dei? quia una diuinitas. Quam enim in patre cernis diuinitatem, eandem cernis in filio. Et quam in filio, eandem in spiritu sancto. Quo-

IN  
niam una  
patre in fili  
utriusque  
procreation  
logiam. Fa  
stram. Ad  
nam modo  
ribus, & in  
nionibus e  
quit ille, fa  
mitem habet  
præditus est  
citur & in  
scriptura  
Talis ne ig  
absurdæ op  
Dei magni  
Deus, simp  
formam ulla  
more iudæo  
reis illum ce  
tua circumse  
prehendi cir  
gita, & hui  
de, quam co  
nem tuam.  
quam capere  
plicitate nat  
gnitudine, t  
us. Vbi qu



iam una in utroque forma, & principium à  
 patre in filio idem est, iccirco unus apud nos  
 utriusque cultus, & eadem collaudatio. Nostræ  
 procreationis exordium ueram continet theo-  
 ogiam. Faciamus hominem ad imaginem no-  
 tram. Ad imaginem Dei facti sumus. Quo-  
 am modo ad imaginem eius? Animos à uulga-  
 ribus, & imperitis, ac stultis illis de Deo opi-  
 nionibus expiemus. Si ad imaginem Dei, in-  
 uit ille, facti sumus, formam Deus nostræ fi-  
 gure, & similem habet, oculis, auribus, capite, manibus,  
 ræditus est, coxarumq; uertebis, quibus ful-  
 tur & insidet, quandoquidem sedere Deum  
 scriptura tradit, pedibus item, quibus incedit.  
 alis ne igitur Deus? Recedant ab animo tuo  
 absurdæ opiniones. Abiice cogitationem, quæ  
 Dei magnitudinem imminuit. Figura uacat  
 Deus, simplex est. Noli, cum de illo cogitas,  
 formam ullam confingere, & comminisci. Ne  
 more iudaico Magnum extenuas. Noli corpo-  
 reis illum cogitationibus amplecti, aut mente  
 circumscribere. Ea est magnitudine, ut com-  
 prehendi circumscribiq; nequeat. Magnum co-  
 gitasti, & huic magno plus etiam atque etiam ad-  
 de, quàm cogitasti, atque ita exple cogitatio-  
 nem tuam. Neque enim, quæ infinita sunt, un-  
 quam capiet. Figuram ne finge. Potentia, sim-  
 plicitate naturæ, rerum procreatarum tum ma-  
 gnitudine, tum pulchritudine cognoscitur De-  
 us. Ubique est, & omnia comprehendit, & tan-

Psa. 46. b.



gi, uiderique non potest. Amplitudo est quantitate carens, quam non capit animus tuus. Nec magnitudine concluditur, nec figura coercetur, nec potentia continetur, nec temporibus comprehenditur, nec finibus cohibetur. Nihil eorum, quæ sunt circa nos, cum Deo similitudinem habet. Quo modo igitur dicit scriptura, nos esse factos ad similitudinem Dei? Quæ ad Deum pertinent, recensuimus: quæ ad nos spectant, consideremus. Nihil profecto in forma corporis est, quod eius imagini congruat. Est enim forma corporis caduci, ac fragilis. in caduco autem, & fragili non imprimitur, quod corrumpi non potest, nec corruptum incorrupti est imago. Corpus augetur, imminuitur, consenescit, immutatur, aliud in senectute est, aliud in iuuentute, aliud cum prospera utitur ualitudine, aliud cum morbis iactatur, aliud cum metuit, aliud cum gaudet, aliud quando satiatum, atque expletum est, aliud quando siti, fame uetorquetur, aliud in pace, aliud in bello, alius uigilantis, alius dormientis est color. Vigilans rubore magis perfunditur, quoniam calor extra progreditur. Dormiens autem calore intus compresso pallefcit. Quoniam igitur pacto, quod tot immutatur modis, simile sit ei, quod est immutabile? ei, quod eodem semper est statu, id quod nunquam consistit? Vnde arum instar res nostræ nos fugiunt, &, antequam uideantur, defluerunt. Aliud ex alio uidetur

humanum  
tura immu  
carentis, qua  
mus, quod in  
que ipse Do  
dum attuler  
mine ad ima  
& præsit pife  
belius, & qu  
ne? in anime  
ne? caro ne  
longe est in  
cum carne  
rum comp  
tur, ac uim  
cipatus? in  
corporis in  
bus infirmis  
superior. I  
quæ pro arb  
cunque uol  
aguntur, &  
alimagine  
quitur. At e  
Ostende no  
Est ne ratio  
inquit, is, q  
parur, tamen  
in diem. Qu  
hominem,



humanum corpus. Ad imaginem nostram? natura  
 iræ immutabilis erit caduca similitudo? forma  
 arentis, quæ formam habet? Vbi ergo quære  
 mus, quod imaginem referat? Nimirum in iis,  
 quæ ipse Dominus dixit. Si quid meum in me  
 um attulero, id ne suscipiatis. Faciamus ho-  
 minem ad imaginem, & similitudinem nostram,  
 præsit piscibus maris, & uolatilibus cœli, &  
 bestiis, & quæ sequuntur. corpore ne, an ratio-  
 ne? in animo situm est hoc imperium, an in car-  
 ne? caro nostra multorum animalium carne  
 longe est imbecillior. Qui enim hominis caro  
 cum carne cameli, aut bouis, aliarumq; fera-  
 rum comparari potest, cui collata facile supera-  
 tur, ac uincitur? In quo igitur consistit hic prin-  
 cipatus? in rationis præstantia. Quanto enim  
 corporis imbecillitate homo reliquis animanti-  
 bus infirmior est, tanto est rationis excellentia  
 superior. Ingentes enim moles, ac pondera,  
 quæ pro arbitrio suo transferunt homines, quo-  
 rumque uolunt, solertia, non corporis uiribus  
 aguntur, & permouentur. Faciamus hominem  
 ad imaginem nostram, de interiori homine lo-  
 quens autem dicitur. At enim, dices, tu de ratione differis.  
 Ostende nobis hominem ad imaginem Dei.  
 Estne ratio homo? Audi Apostolum: Licet,  
 inquit, is, qui foris est, noster homo, corrup-  
 tur, tamen is, qui intus est, renouatur de die  
 in diem. Quonam pacto? Duplicem agnosco  
 hominem, unum qui uidetur, alterum abscon-

2. Cor. 4.  
 4.



ditum, quem ille ipse, qui uidetur, non cernit. Interiorem igitur habemus hominem, & duplices quodam modo sumus. Ego enim simile, qui intus est homo. Quæ uero sunt extrinsecus, non ego illa sum, sed illa sunt mea. Neque enim ego sum manus, sed ratio, quæ in animo est. Manus autem exterioris est hominis pars. Quamobrem corpus est hominis instrumentum, est animi instrumentum. Si quidem homo proprie animo cēsetur. Faciamus hominem ad imaginē nostram. Hoc est, illi rationis præstantiam tribuamus. Et præsit. Nō inquit, faciamus hominem ad imaginē nostram, & irascatur, & concupiscat, & moereat. Perturbationes enim nō cadunt in imaginem Dei, sed ratio perturbationis moderatrix ac domina. Et præsit piscibus. Tibi simulatque procreatus es, imperium est attributum. Qui magnum in multos annos à Rege principatum accipit, homo ab homine, à mortali mortalis, non tantam, quantam tu, obtinet potestatem. Ille enim à Rege princeps constituitur, ut uni tantum regioni præsit. Tu autem à Deo terræ totius imperium accepisti. Diuinaq; uox non in tabulis ligneis, aut uoluminibus, quæ à tineis corrumpuntur, sed in ipsa natura inscripta est. Præsit. quibus autem præsit? His nimirum omnibus: præsit piscibus, bestiis terræ, uolatilibus cœli, & uniuersis animantibus, quæ mouentur super terram. Non dixit, faciamus hominem ad imaginem & similitudinem



nem nostram, & uescatur ex omni ligno fructifero, quod fructum habet in semetipso. Secundo loco ea, quæ ad carnem pertinent, constituentur. Primo autem, ac potissimum illa, quæ ad animum spectant. Prima nobis imperandi potestas decernitur. Ad imperandum natus es homo. Quid ergo perturbationibus seruis? cur dignitatem abiicis tuam? cur te peccato tradis in seruitutem? cur te constituis mancipiū diaboli? Rerum constitutus es princeps: cur naturæ tuæ gravitatem proiecisti? At seruus diceris: cur moeres corporis seruitute, ac non potius principatu tibi à Deo tradito gaudes, & gloriaris? Cum uides dominum tuum uoluptati mancipatum, corpus autem tuum illi, nonne intelligis, te nomine duntaxat esse seruum, illum contra nomine tantum potiri dominatu, re autem in grauissima seruitute detineri? illum scorto deuinctum, & obstrictum cernis, tu autem scorta despicias atque aspernaris. itaque tu perturbationis dominus es, ille uoluptatum, quæ ab te deuictæ sunt, seruus. Faciamus ergo hominem, & præsit. Vbi est imperandi uis, illic & imago Dei. Præsit piscibus. Primum nobis datum est imperium in ea, quæ habitatione à nobis seiuncta sunt. Non dixit, præsit animantibus, quæ simul cum ipso sunt educata, sed piscibus, qui uitam in aquis degant. Primo igitur nobis in pisces traditum est imperium. Quo modo autem piscibus imperamus? Si propter la-

F



cum aliquem conspiceris, facile potes animadu-  
 uertere, quo modo ad umbram tuam omnes tre-  
 pident, ac contremiscant. Quis herus familiam  
 tumultuantem domi repente consistens ita se-  
 dat, praesentiaq; sua cuncta in ordinem redigit,  
 ut uniuersum natantium genus ad unius homi-  
 nis aspectum figuram mutat, ut non amplius li-  
 bere degere, nec per maris lacus ue summas un-  
 das natare audeat? Delphinus ipse, qui inter  
 animalia, quæ in aquis degunt, plurimum po-  
 test, hominem ueretur, & obseruat. Sic homi-  
 ni in ea datus est principatus. Quid, cum ratio-  
 ne ad illa accedis, & omnia superas, non ne illis  
 dominaris? Animaduerti ego solertiam homi-  
 num, qui, hamis ad cetos capiendos confectis,  
 atque esca pro ratione magnitudinis eorum de-  
 glutientium adiecta, summis illis funibus, qui-  
 bus hami suspensi sunt, utres ex altera parte  
 uento plenos alligant, eosq; demittunt super  
 mare. At immania cete hamos simul cum esca  
 deglutientia, utres quidem in profundum tra-  
 hunt, uerum, cum ea sit utrius natura, ut sur-  
 sum tendant, rursus ad maris superficiem re-  
 trahuntur, & cum suo confixa nutrimento sur-  
 sum deorsum tumultuantur, iactataq; obstupe-  
 scunt, & modo hoc, modo illud dimetiuntur  
 mare, donec, multo frustra labore cōsumpto,  
 defessa, fameq; domita, atque hamis compre-  
 hensa tandem occidunt, & cum utribus trahun-  
 tur, & uenatoris præda fiunt, ceduntq; paruo

IN  
 grandia;  
 namis, q  
 allecatus,  
 tina per un  
 adducit not  
 loerit, na  
 in a Deo  
 ret. Ex q  
 Zygenæ;  
 ni, & reli  
 sint. Præ  
 uem; ac  
 uel nom  
 terram  
 ut impe  
 maltam  
 ferre poi  
 inclusum  
 munt? Qu  
 excogita  
 extruxit f  
 lru suffo  
 curaq; de  
 simas qu  
 Parheras  
 nis specie  
 ram disce  
 rum stul  
 antecell  
 non afo



grandia, imbecillo ualentia. Quid ita? Quoniam is, qui rationis præstantia dominatum est assecutus, tanquam mancipia nequam, ac fugitiua per uim ad officiũ reuocat, quæ alio pacto adduci non potuissent, ut, cum ultro parere non uerint, necessario seruiant. Adeo uis imperandi à Deo homini insita & ingenita ubique patet. Ex quo fit, ut ei & Xiphia, seu Gladii, & Zyganæ, & Balanæ, & Serræ, & Vituli marini, & reliqua terribilia cetorum genera subiecta sint. Præsit piscibus maris, & bestiis terræ. Grauem, ac frendentem leonem non aspicias, cuius uel nomen ipsum ferri non potest, fremitusq; terram tremefacit? Ecquod tantum est robur, ut impetum eius queat sustinere? Nullum animal tam uiribus confidit suis, ut leonis uim perferre possit. Attamen illum in paruo uiuario inclusum uides. Quis ipsum cohibuit, ac domuit? Quis exiguum ingenti animali carcerem excogitauit? Quis raros caueæ lignæ cancellos extruxit feræ, quo respiraret, ne suo ipsa anhelitu suffocaretur, sed libere animã duceret, securaq; degeret? quis? nonne homo? Is sæuissimas quasque feras sibi ludum facit. Nonne Patheras illudit obiecta charta, depictam hominis speciem præferente? Illæ correptam chartam discerpunt. Homo uero infra positus ferarum stultitiam deridet. Nonne igitur omnibus antecellit? Quid de uolucris dicam? in aera non ascendit homo: at auum uolarum uir-



tionis assequitur. Nihil enim rationem coercere potest. Hæc, quæ in profundissimis pelagi partibus sunt, scrutatur. Venatur ea, quæ terram incolunt. Capit, quæ uersantur in aere. Vidisti aliquando in summo arboris ramo insidentem uolucrem securam, atque homines aspersionem. hanc tamen puer ludens comprehendit. Calamos enim calamis subiicit, eosq; summos illinit uisco. Tum per ramos, ac folia clam ita disponit, & locat, ut uiscum non appareat oculis uolucris in sublimi uersantis: atque ita exiguo contactu superat, obstrictamq; tenet eam, quæ aerem incolit, quæ in æthere uagatur. Infra manet homo, infra est illius manus. sed citius ascendit cogitatio. Atque ita nihil est, ad quod ille arte non perueniat. Alites retibus, sagittisq; petit, & earum audiores esca allicit. Nonne aliquando uidisti aquilam, inhiatē prædæ, plagis irretiri? Sic quæ uolatu sublimia petebat, humanis illecebris deorsum trahitur. Omnia hominis manui subiecit Deus. orbem uniuersum cōpleuit, & hominem principatus expertem esse noluit. Ne dixeris, te ab iis, quæ in aere uersantur, superari. Ratione enim & illa tibi subiecta sunt, sicut eorum, quæ per terram gradiuntur, & serpunt, ratione dominus es. Vides in quo cōsistat, te factum esse ad imaginem Dei? Et fecit Deus hominem. Quid igitur est homo? Ex iis, quæ de ipso cognouimus, & audiuius, cum definiamus. Neque enim

IN  
iam opus  
mus, nequ  
oratione in  
Dei, ration  
est, imagin  
definition  
um in ca  
Ad imagi  
xit Deus  
camini, &  
dixit etia  
aquæ rep  
est ita. E  
& reple  
est mihi  
etiam til  
ra. cresci  
malia, &  
instam p  
Sic & equ  
cetera an  
per asid  
nunt au  
norem u  
ra comm  
Crescite,  
u fuis, m  
mus. Ne  
nio ita  
artatem



iam opus est, ut alienas definitiones mutue-  
 mus, neque eas ab externa uanitate sumptas in  
 oratione ueritatis inferamus. Homo est opus  
 Dei, ratione præditum, ad eius, à quo creatum  
 est, imaginem factum. Si quid amplius in hac  
 definitione desideratur, considerent ii, qui mul-  
 tum in caducæ sapientiæ studiis elaborarunt.  
 Ad imaginem Dei factus est homo. Et benedi-  
 xit Deus homini, & ait. Crescite, & multipli-  
 camini, & replete terram. Eodem modo bene-  
 dixit etiam piscibus. Et dixit Deus, producant  
 aquæ reptilia animarum uiuentium, & factum  
 est ita. Et ait Deus: crescite, & multiplicamini,  
 & replete aquas. Quid igitur, inquires, amplius  
 est mihi? Necessario hæc, quæ communicauit  
 etiam tibi; & alia propria te manent mune-  
 ra. crescis enim, quemadmodum & reliqua ani-  
 malia, & paulatim per incrementa ex parua ad  
 iustam perfectamq; magnitudinem peruenis.  
 Sic & equi, & canes, sic & aquilæ, & cycni, &  
 cætera animantia eduntur paruula, paulatimq;  
 per assiduas accessiones ad absolutum perue-  
 niunt augmentum, rursumq; paulatim ad mi-  
 norem molem reuertuntur. Quæ igitur natu-  
 ræ communia sunt, ea largitus est etiam nobis.  
 Crescite, id est, enutrimini, & cum parui geni-  
 ti sitis, magni euadite. Et incrementi sit termi-  
 nus. Neque enim, quoniam in primo septen-  
 nio ita uertimur, ut altero septennio in aliam  
 ætatem immutemur, sic in omni uita debemus



per septennia de ætate in ætatem commutari.  
 Primum septennium puerilem ætatem continet, cuius ætatis terminum indicat dentium immutatio, cum in locum eorum, qui ceciderunt, alii succrescunt. Alterum rursus augmenti principium fit ad finem usque anni quartidecimi. Atque hæc est secunda in pueris immutatio. Nam qui primum est infans, aut puerulus, tum fit puer, post autem puber, ac deinde uir, & hic incrementi termini præfiguntur. Crescite igitur, non ita tamen, ut, si quis centum annorum uitam assequatur, à primo anno ad centesimum usque semper augmentum suscipiat. Ea uox, crescite, sapienter dicta prudenter adhibet modum. Crescite. Crescite ad certum terminum, non continua, perpetuaq; auditionis mensura. Pro ratione enim primæ illius in utero constitutionis crescendi termini præscripti sunt. Ea nanque constitutio convenientem crescendi opportunitatem coniunctam habet. Dentes exciderunt: cognoscimus, incrementi quantum accesserit. Filiolum, cum tertium ætatis annum impleuit, metitur mater. Duplo enim maior, quàm tunc sit, futurus est ille, cum erit perfectus uir. Hunc habet humana natura terminum, atque mensuram. In primo secundoq; septennio abundat humiditas, mox deficit, caliditas manet, membra corroborantur. in principio imbecilliores sunt homines, cum nondum perfecti sint. Recens enim

IN V  
 illorum car  
 perferendo  
 xat, agitat  
 quoniam in  
 tum perfect  
 nio comp  
 laboribus  
 tum incipi  
 tanquam f  
 cit atque co  
 tura ordin  
 det ab illi  
 editum p  
 usque pr  
 semper il  
 mini, ne i  
 ro propag  
 inquam, n  
 degeremu  
 sed imper  
 terra don  
 que qua p  
 nec ubi g  
 Has enim  
 ut incolet  
 ram omni  
 plenus e  
 gnoscim  
 atque in  
 ca, quæ



illorum caro compacta est, eoq; minus est ad  
 perferendos labores idonea. Leuitatem duntra-  
 xat, agilitatemq; tunc animal acquisiuit. Itaque,  
 quoniam in tertio septennio altitudinis augmen-  
 tum perfectum est, lata deinceps corporis ampli-  
 tudo comparatur. Etenim posteaquam natura  
 à laboribus in altum augendi respirauit, in la-  
 tum incipit progredi, & ædificii sui fastigium,  
 tanquam fundamentis substratis aduētisq;, ful-  
 cit atque confirmat. Agit hæc quidem ipsa na-  
 tura ordine suo. Cuius tamen ordinis uis pen-  
 det ab illo primo Dei mandato, quod semel  
 editum per omnia, quæ procreantur, ad finem  
 usque progreditur. Crescite, inquit, ne in uno  
 semper statu res permanerent. Et multiplica-  
 mini, ne in uno tantum consisterent, sed nume-  
 ro propagarentur. Et replete terram, replete,  
 inquam, non habitatione: nimis enim anguste  
 degeremus, si tota à nobis terra compleretur:  
 sed imperio, & potestate, quam nobis in ipsa  
 terra donauit Deus. Replete terram. Non uri-  
 que qua parte nimio solis ardore combusta est,  
 nec ubi glacie immensoq; frigore obriguit.  
 Has enim regiones, non coegit Deus homines,  
 ut incohererent: sed nos dominos constituit, ut ter-  
 ram omnem imperio repleremus. Non ne re-  
 plemus eam, quando ratione dimetiendo co-  
 gnoscimus, quanta sit eius pars calore exusta  
 atque inhabitabilis, quantaq; ad boream exposi-  
 ta, quæ propter frigorū uim inutilis, est, & coli



non potest . Non'ne terram repleuimus ? Non  
 ne, quod in ea utile erat, elegimus, quod autem  
 ad transigendam uitam inutile, abiecimus ? Di-  
 cendo, replete terram, nos terræ dominos con-  
 stituit Deus . Nec, quia uniuersæ usum non ha-  
 bemus, ideo non sumus illius domini . Neque  
 tu totius frumenti, quod emisisti, iccirco non es  
 dominus, quoniam pars eius est ad comeden-  
 dum utilis, pars inutilis . Sordes, lapides, pa-  
 leas, & si quid aliud, quo uesci commode ne-  
 queas, immixtū est, excernis, & abiicis, quod  
 autem purum est, seligis, & ad usum, & uictum  
 reseruas tuum . Sic terra nobis donata est, par-  
 tim ad habitandum commoda, partim ad aran-  
 dum, colendumq; necessaria, partim ad pascen-  
 das quadrupedes apta . Dic mihi, non'ne pos-  
 sum arbitrati meo terrā disponere, quando mu-  
 nere illius, qui me procreauit, dominus eius sum  
 constitutus ? Et præsit piscibus maris, & bestiis  
**terræ** . Ita nobis benedixit Deus, hāc legem tu-  
 lit, hāc largitus est dignitatem . Et fecit Deus ho-  
 minem, ad imaginem suam fecit eū . Non'ne de  
 monstrationem hanc esse mancā uobis decla-  
 rāui ? Faciamus hominem ad imaginem & simi-  
 litudinem nostram . Vnum habet procreatio,  
 ad imaginem . nunquid alterum deest, ad simi-  
 litudinē ? An aliter decreuit, aliter fecit ? Nun-  
 quid eum in procreando poenituit ? An est infir-  
 mitas in procreatore, ut aliud cōsuluerit, aliud  
 effecerit ? An est in sermone nugatorium ali-

IN V  
 quid, & sup  
 faciamus ho  
 ad similitud  
 ad similitud  
 do intellex  
 Etenim si f  
 nitur . Dic  
 pura redu  
 redundat,  
 ergo necess  
 nem, & si  
 xit . Et fec  
 multitudin  
 impium  
 farium il  
 cōsiliū  
 scriptura  
 neque con  
 tioid præ  
 ad imagine  
 in creation  
 Nam, ut fi  
 cipio pro  
 efficiamus  
 luntateq;  
 quod ad a  
 testas nob  
 stamus .  
 nos effice  
 nisi nobi



quid, & superuacaneum? ut idem fortasse sit, faciamus hominem ad imaginem, & faciamus ad similitudinem: & qui ad imaginem dixit, ad similitudinē dixisse uideatur. At si hoc modo intellexerimus, scriptorem accusabimus. Etenim si sic habet, uox uacat, & bis idem ponitur. Dicere autem uerbum aliquod in scriptura redundare, est graue nefas. Quod si nihil redundat, nihil est inane, nihil superuacuum, ergo necesse est hominem esse factum ad imaginem, & similitudinem Dei. Cur igitur non dixit: Et fecit Deus hominem ad imaginem, & similitudinem suam? Quid? non potuit fortasse? impium est id dicere. Decreti ne poenituit? nefarium istuc uel cogitare. Nunquid dixit, & cōsiliū mutauit? Minime uero. Ergo neque scriptura hoc dicit, neque creator non potest, neque cōsiliū irritum fuit. Cur igitur silentio id pratermissum est? Faciamus hominem ad imaginem nostram, & similitudinē. Vnum in creatione, alterum in electione positum est. Nam, ut fieremus ad imaginem Dei, dum principio procrearemur, obtinuimus. Vt autem efficiamur ad eius similitudinem, proposito uoluntateq; consequimur. Atque huius quidem, quod ad arbitrium pertinet ac uoluntatem, potestas nobis inest, re autem & factis ipsi praestamus. Nisi Deus anteuertisset dicens cum nos efficeret, faciamus & ad similitudinem, nisi nobis eam largitus esset potestatem, ut ad



Matth. 5.  
8.

eius similitudine effingeremur, nunquam ef-  
semus illum uiribus nostris affecuti. Nunc  
autem potestate nos fecit similes Dei. Po-  
testatem autem tribuens, ut eius similes red-  
deremur, permisit nobis, ut essemus illius si-  
militudinis effectores, quo merces operis no-  
stra foret, ne nostræ similitudinis laudem au-  
ferret. Quando enim effigiem aliquam cernis  
diligenter elaboratam, & exemplar optime re-  
ferentem, non ipsam laudas, sed pictorem ad-  
miraris. Quapropter, ut mea, non alterius esset  
admiratio, reliquit mihi, ut ad eius similitudi-  
nem fierem. Ex imagine habeo, ut ratione sim  
præditus: ex similitudine autem, ut bonus effi-  
ciar. Estote perfecti, sicut pater uester coele-  
stis perfectus est. Vides, quo modo nobis Do-  
minus illud ad similitudinem reddat? Quoniam  
solem suum oriri facit super malos, & bo-  
nos; & pluit super iustos & iniustos. Si ode-  
ris scelera, si iniuriarum memoriam deleueris,  
si hesternas similitates, & inimicitias obliuione  
uoluntaria deposueris, si fratrem amore, bene-  
uolentia, benignitate, misericordia complexus  
fueris, Deo similis euades. Habes igitur imagi-  
nem ex eo, quod rationis es compos: similitu-  
dinem autem, quia uirtutem, probitatem, & bo-  
nitatem amplecteris. Suscipe igitur uiscera mi-  
sericordiæ, beneficentiam exerce, ut induas  
Christum. Per quos enim misericors, & beni-  
gnus es, per eos Christum induis, Christi-que ne

IN V  
eelsitudine  
ris; ac deum  
est humanæ  
Eximus  
homo in cre  
ad similitud  
rem coron  
do tibi pate  
dedit, alter  
perficiens e  
mercedem  
militudine  
enim aliud  
Deo simili  
tura? Pro  
stianus, op  
Christum:  
eius signifi  
si capias in  
dias simili  
dum, esto  
beneficent  
Dei similes  
cientem fru  
re uerba sa  
nem ad ima  
her jara ser  
Quid igitur  
uirum du  
lum & for



cessitudine & cōiunctione cum Deo coniunge-  
 ris, ac deuinciris. Atque hoc modo historia  
 est humanæ uitæ institutio atque informatio.  
 Faciamus hominem ad imaginem. Habeat  
 homo in creatione sua, ut sit ad imaginem: fiat  
 ad similitudinem. Vbi tibi gratia? Quamob-  
 rem coronaris? si creator omnia dedit, quo mo-  
 do tibi patet ascensus in cœlum? Vnum igitur  
 dedit, alterum inchoatum reliquit, ut te ipse  
 perficiens dignus fias, qui à Deo præmium, &  
 mercedem consequaris. Quo modo igitur ad si-  
 militudinem efficimur? Per Euangelium. Quid  
 enim aliud est, esse christianum, nisi habere cū  
 Deo similitudinem, quatenus capit humana na-  
 tura? Proinde, quoniam accepisti, ut esses chri-  
 stianus, operam da, ut sis Deo similis, indue  
 Christum: quo autem pacto illum indues, nisi  
 eius signeris nota, nisi Baptismum suscipias? ni-  
 si capias incorruptionis indumentum? Repu-  
 dias similitudinem Dei? si Dixissem tibi, age-  
 dum, esto similis Regi, nonne amicum me ac  
 beneficium existimares? Nunc autem uolo te  
 Dei similem esse, & orationem te Deum effi-  
 cientem fugis & aspernaris? & aures obstruis,  
 ne uerba salutis exaudias? Et fecit Deus homi-  
 nem ad imaginem suam. Homine (inquit mu-  
 lier) ita scriptum est, ut uir tantum intelligatur.  
 Quid igitur ad me? At, ne hominis appellatione  
 uirum duntaxat intelligeres, subiecit, mascu-  
 lum & foeminam fecit eos. Et mulier perinde,



atque uir ad imaginem Dei facta est. Eundem honorem habent ambæ naturæ, pares uirtutes, eadem certamina, idem iudicium. Ne dixeris, sum imbecilla. Imbecillitas in carne est, in animo autem uis ac robur. Quoniam igitur æqualis est uirtus, par etiam sit bonorum operum demonstratio. Non temere mulieri ea data est mollitudo, sed ut ad humanitatem facilior sit, ad misericordiamq; propensior. In rebus autem, quæ fortitudinem postulant, robusta est; in uigiiliis & laboribus constans. Quando potest hominis natura cum fœminæ fortiter uitam agentis natura contendere? Quando potest homo firmam mulierum in ieiuniis continentiam imitari? Quando potest æquare sedulum earum in precationibus studium, piam ad lacrymandum propensionem, & pronam ad benemerendum facilitatem? Vidi ego fœminam clam honestissimo utentem furandi genere. Hæc inscio marito de re familiari pauperibus largiebatur. Pro uiri felicitate, pro familiæ prosperitate, pro incolumitate filiorum imperabat, coelans uirum, sed pro ipso uiro. Pro ipso donabat, qui factum nesciebat. Id enim præstabat, in gratiam illius, qui uidet in abscondito, nec benefacta sua diuulgabat. Et mulier igitur habet, ut ad imaginem sit. Ne consideres hominem, qui extrinsecus est. Ille enim est tanquàm uelum. Animus autem sedet intus in uelo etiam corporis imbecilli. Animi honore sunt æqua-

IN  
les; in uelis  
familis has,  
tiam exerce  
mnes amore  
lera fuge; p  
Vipiscibus  
bationes &  
pera. Et p  
bus, quæ su  
ipso bestias  
eas quidem  
stiarum mu  
exilimes  
cundia, qu  
est quom  
animo tuo  
fraudent  
hypocrisis,  
turapitur ac  
Qui præcep  
non ne est  
se? non ne  
bis fera not  
ribus infami  
amatores, i  
quisque ad  
in alicuius  
ut aliquo a  
tur. Ex qu  
fera. Crea



est. E  
 pares  
 m. Ne  
 arne  
 amigit  
 norum  
 ulieri  
 tem fac  
 r. In re  
 ant, rob  
 as. Qu  
 na for  
 uando p  
 uis con  
 tare sed  
 a, piam  
 onam  
 di ego  
 furandi  
 liari pa  
 re, pro  
 e filiorum  
 fo uiro  
 par. Id  
 er in ab  
 Et mulier  
 onfider  
 nim est  
 s in uel  
 re sunt

es, in uelis est differētia. Quamobrem, ut Deo  
 similis fias, liberalitatem amplectere, beneficen  
 tiam exerce, innocentiam sectare, fraterno o  
 mnes amore, beneuolentiaq; prosequere, sce  
 ra fuge, peccati perturbationibus dominare.  
 Ut piscibus præsis ratione carentibus, pertur  
 bationes & animi motus rationi contrarios su  
 era. Et præsit bestiis. Impera bestiis omni  
 us, quæ sunt in te. Quid? inquires, ego ne in me  
 iso bestias habeo? Tu uero bestias habes, &  
 as quidem innumerabiles. plurima in te est be  
 tiarum multitudo. Ac ne me contumeliosum  
 xistimes, dic, amabo, parua ne bestia est ira  
 undia, quando latrat in corde tuo? non ne ea  
 st quouis cane crudelior? Quid? in callido  
 nimo tuo dolus latitans, non ne quouis urso  
 rauidulento sæuior est? Quid? non ne fera est  
 ypocrisis, uel immanissima? Qui autem impe  
 di rapitur ad cōtumeliam, non ne scorpius est?  
 Qui præceps ad uindictam ultionemq; fertur,  
 non ne est uipera grauiissima? Quid avarus ip  
 e? non ne lupo est rapacissimus? Nulla in no  
 bis fera non inuenitur. Qui foeminarum amo  
 ribus insaniunt, non ne furiosi sunt equi? Equi  
 matores, inquit, & emissarii facti sunt. unus  
 quisque ad uxorem proximi sui hinnibat. Sic  
 n alicuius feræ naturam quisque conuertitur,  
 at aliquo animi uitio perturbationeq; uinci  
 tur. Ex quo fit, ut innumerabiles in nobis sint  
 eræ. Credis igitur, te ferarū esse dominum, ac

Hier. 5. 6.



principem, si illis, quæ foris sunt, imperes, eas autem, quæ intus uersantur, non domes, ac regas? Quorsum tibi ratio, qua leones uincis, eorumque fremitum non reformidas, cum ipse dentibus frendas ut leo, & præ iracundia uocem confusam, & perturbatum clamorem emittas? Quid enim grauius, aut acerbius est, quam cum iracundiæ furor totus erumpere nititur, nec intus ullo modo contineri potest? Cum ab aliqua perturbatione uictus est homo, non iam ipse imperat, sed in eius animo perturbatio dominatur. Quamobrem, cum ita creatus sis, ut bestiis imperes, & serpentibus, & uolatilibus, perturbationibus impera. Ne permittas cogitationem tuam sublinem uagari. Ne finas animum leuitate instabilem ferri. Datum est tibi, ut auiibus præsis: absurdum erit, si uisco uolantes illas ita capias, ut ipse leuis sis, efferarisque superbia. Ne sublimes spiritus tollas, ne intumesceas, ne tibi nimium placeas, aut plus detestentias, quam patiatur humana conditio. Ne laudibus inflatus extollaris, ne te ipse iactites, aut magnum aliquid esse putes. Alioquin eris uolucrum similis, quæ natura leues, & instabiles huc illuc assidue feruntur, & uolitant. Tu uero igitur animum moderare, eique impera, si uis rebus omnibus imperare. Hac ratione nobis in animantia tributum imperium nos monet, ac disponit, ut ipsi nobis imperemus. Turpe enim est, ut, qui domi suæ seruus est, gentibus domi-

IN  
nerit: &  
timus ad  
tur. Fam  
nare, & q  
disponere  
rium exerc  
debet, sese  
fusa pertu  
sum cura.  
mo, quod  
At, qui ne  
detur. Qu  
merito ui  
perare ne  
dignus.  
ius prou  
quique deb  
stram adiu  
mus, ex n  
guaque uer  
thesauros p  
tis semini  
ministr  
giaru  
m



netur: & is Reip. tractet gubernacula, qui seor  
 nutus obseruat, qui meretricis arbitrio regi-  
 ones iungit. Familiam propriam oportet recte guber-  
 nare, & quæ intus sunt, ratione atque ordine  
 disponere ac moderari, nec in alios uelle impe-  
 rium exercere, cum ratio iis, quibus imperare  
 debet, sese subiecerit. Si res tuæ domesticæ cō-  
 usæ perturbataq; sunt, ut bonus medicus te ip-  
 sum cura. Nosmetipsos primū curemus. Ne-  
 no, quod leonem non uicerit, condemnatur.  
 At, qui non superauit iracundiam, passim irri-  
 letur. Qui perturbationibus non est superior,  
 merito uituperatur: qui uero feras immanes su-  
 perare non potest, nulla reprehensione uidetur  
 dignus. Et hæc quidem hætenus Dominus, cu-  
 us providentia factum est, ut hæc scriberentur,  
 quiq; debilem atque hæsitantem linguam no-  
 stram adiunxit, ut ea uobis utcunque explicare-  
 mus, ex nostræ cogitationis imbecillitate, exi-  
 gua; ueritatis adumbratione magnos nobis  
 thesauros præbeat, ex paruis magna, & minu-  
 tis seminibus perfectos cognitionis fructus sub-  
 ministret, & nobis omnibus tandem lar-  
 giatur, ut absolutum diuinorum ser-  
 monum fructum percipiamus  
 in cœlis: cui gloria & im-  
 perium in secula  
 seculorum.  
 Amen.



GREG. NYSS.  
IN HOMINIS PRO-  
CREATIONEM,

ORATIO II.



APIENS ille Sa-  
lomon, nō sapientia  
uerbis ad suadendum  
aptis, sed doctrina  
sancti spiritus erudi-  
tus, in iis, quæ paulo  
ante à nobis lecta sūt,  
hominem extollens  
exclamabat, Magna,

inquiens, res est homo, & præclara, uir miseri-  
cors. Ego autem stulte mecum ipse reputans,  
tum, quæ mihi animus suggerebat, tum quæ  
ex scriptura didicerā, considerabam, quōnam  
modo magna res esset homo, cum mortale sit  
animal, innumerabilibus obnoxium perturba-  
tionibus, quippe qui, ex quo in lucem est edi-  
tus, ad senectutem usque perpetuo innumerabi-  
lium molestiarū, & incommodorum examine  
conflictetur. De quo scriptum est, Domine,  
quid est homo, quōd memor es eius, aut filius  
hominis, quia reputas eum? Dauid ut animal ui-  
le despicit hominem, quem Salomon ut ma-  
gnū & præclarū quid effert & commendat.  
Hanc mihi dubitationem adimit historia, quæ  
de

Faf. 8. b.

IN H  
de homin  
Deum acc  
formale  
quiddam  
tantum ei  
pretio dig  
cōsideres  
do locutu  
est lux. I  
tionem. I  
supranos  
fectum.  
ueloculi  
mus ma  
sunt. M  
uaria tun  
uerbo fa  
tus est m  
fiat firma  
homine,  
in lumina  
procreati  
gnatur ex  
Angelo  
minem te  
aut illud  
bene uolu  
sumptū  
rificem  
admodū



de hominis ortu legitur. Nūc enim audiui-  
 mus, Deum accepisse de limo terræ, atque hominem  
 formasse. Quibus ex uerbis & nihil, & magnū  
 quiddam esse hominem intellexi. Si naturam  
 tantum eius aspicias, nihil est homo, & nullo  
 pretio dignus: sin honorem, quo affectus est,  
 cōsideres, magna res est, ac præclara. Quo mo-  
 do locutus est Deus? fiat, inquit, lux, & facta  
 est lux. Perpende hominis, & lucis procrea-  
 tionem. Dixit, fiat firmamētum, & magnum  
 supra nos cœlum extensum est, uerbo Dei con-  
 fectum. Et stellæ, & sol, & luna, & quascūque  
 uel oculis cernimus, uel animo comprehendi-  
 mus magnitudines, uerbo, ut essent, assecutæ  
 sunt. Mare, & terra, & ornatus eorum, tam  
 uaria tum animalium, tum plantarum genera  
 uerbo facta sunt omnia. Homo quo'nam fa-  
 ctus est modo? Non dixit: fiat homo, ut dixit,  
 fiat firmamentum. Amplius aliquid cernis in  
 homine, quàm in luce, quàm in cœlo, quàm  
 in luminaribus. Omnibus antecellit hominis  
 procreatio. Accepit Deus. Manu propria di-  
 gnatur corpus nostrum formare. Non iussit  
 Angelo. Nō, ut cicadas, sponte sua protulit ho-  
 minem terra. Non ministris Potestatibus hoc,  
 aut illud faciendum mandauit, sed manu sua  
 beneuolus artifex terrā accepit. Si illud, quod  
 sumptū est, aspicias, quid homine uilius? Sin ar-  
 tificem cōsideras, quid homine maius? Quem-  
 admodū propter materiam eo nihil abiectius,

G



sic propter effectoris dignitatem præclarius ni-  
 hil. Et accepit Deus. Cur autem, cum ante di-  
 ctum sit, & fecit Deus hominem, hic in eius  
 procreatione, tanquam id non intellexerimus,  
 in historia dicitur: & accepit Deus pulverem è  
 terra, & formavit hominem? Tradiderunt iam  
 quidam uerbum illud, formavit, ad corpus re-  
 ferri: fecit autem, ad animum. Quæ quidem  
 ratio forte nõ abhorret à uero. Vt cum expo-  
 nendum esset, hominem esse factum ad imagi-  
 nem Dei, scriptum sit, fecit: cum autem esset  
 explicanda, quæ ad corporis constitutionem  
 pertinerent, ea uox, formavit, adhibita fuerit,  
 præsertim cum Dauid ipse discrimen horum uer-  
 borum docuisse uideatur, dum diceret: Manus  
 tuæ fecerunt me, & formauerunt me. Fecit ho-  
 minem interiorem, exteriorem formavit. For-  
 mare enim congruit luto, facere autem imagi-  
 ni Dei. Quamobrem formata est caro, animus  
 uero factus. Expositis igitur ante, quæ ad con-  
 stituendum animum spectant, nunc ea narrat,  
 quæ ad corpus conflandum pertinent. Hæc sit  
 una ratio. Altera est, quòd illic rem summa-  
 tim perstrinxit, hic modum, quo facta est, ex-  
 plicat, & enarrat. Ante fecisse Deum audiuit:  
 nunc, quo modo fecerit, intelligis. Etenim si  
 simpliciter scriptum esset: Fecit: cogitares, ho-  
 minem fuisse factum, ut feras, ut cete, ut plan-  
 tas, ut herbas. Quocirca, ut te cum agrestiori-  
 bus intelligeres nihil habere commune, Mo-

Psal. 118.

IN H  
 les prop  
 ficium ex  
 terra. Tu  
 ratione fe  
 terra, hon  
 Cogita q  
 Naturæ ti  
 illa, quæ  
 tio coinq  
 cidat è m  
 que cõfla  
 enim ali  
 gloriam  
 modatu  
 dæ mate  
 rit orbis  
 to ad uer  
 centiam  
 sunt, rec  
 Crescite  
 Duplex  
 terum ar  
 excolitu  
 scit, dum  
 magnitu  
 dictum e  
 naturale  
 Nobis a  
 ascende  
 bar Pa



ses proprium & singulare Dei in te creando arti-  
 ficiū explicauit. Sumpsit Deus puluerem ē  
 terra. Tunc, quid Deus fecerit, dixit: nūc, qua  
 ratione fecerit, exponit. Puluerem sumpsit ē  
 terra, hominemq; propriis manibus formauit.  
 Cogita quemadmodum formatus sis, homo.  
 Naturæ tuæ artificium cōsidera. Dei manus est  
 illa, quæ te formauit. Caue, ne Dei opus flagi-  
 tio coinquinetur, ne peccato peruertatur, & ex-  
 cidās ē manu Dei. Tu es uas à Deo fictum, at-  
 que cōflatum, lauda effectorem tuum: neque  
 enim aliam ob causam factus es, nisi ut ad Dei  
 gloriam celebrandam esses instrumentū accom-  
 modatum. Ac diuinæ quidem gloriæ celebra-  
 dæ materiam tibi, tanquā liber scriptus, sugge-  
 rit orbis hic uniuersus. Tibi enim mente prædi-  
 cto ad ueritatis cognitionē nuntiat ex se magnifi-  
 centiam Dei. Quapropter eorum, quæ dicta  
 sunt, recordare. Et benedixit eis Deus, & ait:  
 Crescite, & multiplicamini, & replete terram.  
 Duplex est incrementum, unum corporis, al-  
 terum animi. Augetur animus, cum disciplinis  
 excolitur, atque perficitur. Corpus autem cre-  
 scit, dum ex paruo ad iustum, & cōgruentem  
 magnitudinis modum accedit. Crescite, igitur  
 dictum est ratione carentibus animalibus, ut ad  
 naturalem corporis perfectionem peruenirent.  
 Nobis autem, ut interioris hominis progressu  
 ascenderemus ad Deum, quemadmodum facie-  
 bat Paulus, quæ quidem retro sunt, obliui-

Philip. 3.c.



Gen. 21.

scens, ad ea uero, quæ sunt priora, extendens se ipsum. Augmentum fit cōtemplatione, pietatis cultu, dum ad meliora progredimur, dum eorum, quæ uera sunt bona, cupiditate quotidie magis inflammamur, dum, quod præcessit, post nos relinquimus, & ad id pietatis, quod reliquum est, pro uiribus contendimus. Talis erat Isaac, de quo testimonium illud scriptura prodit, quod proficiens crescebat, donec magnus effectus est. Neque enim consistebat, neque paululum auctus decrescebat, sed magnis semper spatiis progrediebatur. Crescebat uirtutum studiis, & officiis. Crescebat magna modestiæ, & temperantiæ progressione. Crescebat iustitia, & æquitate. His gradibus ad uirilem ætatem peruenit. Sic progrediens & crescens uir iustus ad summum boni fastigium extollitur. Crescite igitur perfectione illa, quæ Deo placet, quæ fit in homine interiori. Multiplicamini Ecclesiæ fœcunditate. Ne in uno concludatur cognitio Dei, sed in omnem terram promulgetur salutis Euangelium. Multiplicamini. Qui? Vos, qui in Euangelio geniti estis. Replete terram, carnem uobis ad ministrandum datam bonis actionibus replete. Repleatur oculus earum rerum aspectu, quæ rectæ sunt. Repleatur manus operibus bonis. Repleantur itidem pedes ad uisendos pauperes, & ad ea, quæ oportet, exequenda proficiscentes. Omnia denique membra nostra re-

11  
pleantur  
significat  
tio, quæ  
manibus,  
figitur ex  
est ad ima  
animalia  
corporeis  
illa quide  
tem terrar  
bonis ope  
mne sign  
fit uobis  
Omnia  
pisces, a  
pilia, &  
uir. Sed  
fceremur  
mur. Ecc  
quit, & b  
& herba  
& omnib  
cernimur  
enim fru  
legi natu  
cum hor  
radium  
Domini  
ut omni  
tur, inq



pleantur obseruatione mandatorum Dei. Hoc  
 significat ea uox, Replete. Atque ita illa ora-  
 tio, quæ communis est nobis cum reliquis ani-  
 mantibus, proprie refertur ad nos, cum intel-  
 ligitur ex ea ratione, qua honorati sumus, & fa-  
 cti ad imaginem Dei. Crescunt enim cætera  
 animalia corporeis incrementis, nos autem in-  
 corporeis, & ad spiritum pertinentibus. Atque  
 illa quidem terram replent multitudine, nos au-  
 tem terram corporis nostri nobis coniunctam  
 bonis operibus replemus. Ecce dedi uobis om-  
 ne lignum habens fructum in semetipso, ut  
 sit uobis in escam. Ne prætercurrat Ecclesia.  
 Omnia legitima sunt. Non dixit; Dedi uobis  
 pisces, ad uescendum. Dedi uobis cete, & re-  
 ptilia, & quadrupeda. Non enim ob id ea crea-  
 uit. Sed prima lex concessit, ut fructibus ue-  
 sceremur. Adhuc enim paradiso digni putaba-  
 mur. Ecquod hic lateret mysteriū? Vobis, in-  
 quit, & bestiis, & uolucris dati sunt fructus,  
 & herba, ad uescendum. Et uolucris cœli,  
 & omnibus animantibus terræ. Atqui multa  
 cernimus animalia fructibus non uesci. Quo-  
 enim fructu uescitur pardus aut leo? Hi tamen  
 legi naturæ subiecti fructibus alebantur. Sed  
 cum homo recessisset à mandato, & extra pa-  
 radisum uitam ageret, post diluuium uidens  
 Dominus homines contumaces, concessit eis,  
 ut omnibus uescerentur. omne, quod moue-  
 tur, inquit, & uiuit, erit uobis in cibum, quasi

Gen. 9.4



olera uirentia tradidi uobis omnia . Quo quidem concessio , reliqua item animalia comedendi licentiam nata sunt . Ex eo tempore & leocrudiuorus , & uultures cadauerum auidi . Neque enim , simul ac geniti sunt , terrā circumlustrabant . Nondum quidquam interierat eorū , quæ uel à Deo facta , uel genita erant , quo uultures nutrentur . Neque natura separabat & dissoluebat : uigebat enim . Neque uenatores occidebant : nondum enim uacabant homines eiusmodi studio . Neque feræ dilaniabant : neque enim erant crudiuoræ . Nec ipsi uultures uesci cadaueribus assueuerant : quoniam nondum erant cadauera , nondum foetor , nondum talis uulturum cibus : sed omnia more Cyciorum uictitabant : omnia in pratis pascebantur . Et quemadmodum uidemus canes herbas curationis causa sæpe comedere : non quòd ille cibus eis sit naturalis , sed naturæ quodam instinctu commoniti feruntur ad id , quod salutiferum illis futurum est : sic crudiuora tunc animalia erant , non ut sibi uicissim insidias struerent , sed ut mox ad pristinam redirent consuetudinem . Cæterum homo reuertitur ad pristinum statum , improbam , ærumnosam , seruilēq; in uictu sollicitudinē omittens . Sic enim ad uitam redit eius similem , quam degebat in paradiso , à carnis perturbationibus remotam , securam , & liberam , & cum Deo atque Angelis coniunctam . Hæc à nobis dicta sunt , non

quod hoc  
uelimus  
licitatem  
quā tra  
uictu reb  
cum uari  
simul ing  
illis para  
ta lignu  
risq; uol  
adulteri  
quos , &  
suffime  
tia , co  
quo m  
tribus fr  
uitates  
menta  
nim senti  
uolumu  
tur , im  
fugiente  
feminib  
reliqua  
saria , a  
enim de  
procrea  
propter  
minus a  
Dicant



quòd homines ab usu ciborum à Deo concesso uelimus excludere, sed ut præteriti temporis felicitatem ostendamus. Qualis ea uita fuerit, quàm tranquilla, quàm diues, quàm paucis in uictu rebus homines indiguerint, quo modo cum uariis generibus epularum peccandi causæ simul ingressæ fuerint. Postquam enim à ueris illis paradisi deliciis excidimus, nec amplius uitæ lignum intuemur, nec honestis illis, præclarisq; uoluptatibus frui, gloriari uel possumus, adulterinas nobis delicias excogitauimus: coquos, & pistorum inuenimus: uaria bellariorum suffimentorumq; genera, ut lapsus illius solatia, comparauimus. Vt ægrotis, qui graui aliquo morbo confluantur, cum solitis uoluptatibus frui non possint, quasdam odorum suauitates, & alia eiusmodi congruentia oblectamenta medici subministrant, & infirmis eorum sensibus blandiuntur. Verum si nunc etiã uolumus uitam illam, quæ in paradiso agebatur, imitari, ad eam, uaria ista ciborum genera fugientes, pro uiribus accedamus, fructibus, & seminibus, & leguminibus uitam sustentemus, reliqua autem, ut superuacua, minimeq; necessaria, abiiciamus, & aspernemur. Quamuis enim detestanda non sint, utpote nobis ab ipso procreatore cõcessa, sumenda tamen non sunt propter carnis oblectationem. Et requieuit Dominus ab omnibus operibus suis septimo die. Dicant Arithmetici, & qui talibus incumbunt

G iiii



studiis, quiq; sapientiam eiusmodi faciunt plurimi, senarium numerum cum mundo simili esse genitum, esse numerum foecundum, multaq; ex se numerorum genera parientem, & suis perfectum partibus, & quaecunque de ipso in disputationibus suis dicere consueverunt. Cumq; de senario abunde per otium dixerint, etiam de septenario differant. Sterilem esse demonstrant, quippe qui nec alium ex se numerum generet, nec ab alio ipse generetur. Ego, ne sermonem causa uestra iam institutum omitam, ad ea, quæ sunt cognitu facilia, me conuertam. Si quis autem peritus est istiusmodi facultatis, is cognoscat, talium etiam rerum thesaurum apud nos esse reconditum. Quare si magni facienda est Arithmetica, hic eius sunt semina. Nobis autem non est curæ, ut parua hæc ex mundi sapientia surripientes quasi magnum aliquid nostris orationibus inferamus. Ut igitur constet, nos contemnere, quæ ipsi admirantur, silentio ipsa transeamus, præsertim cum eorum cognitio non ita facile à quouis è populo percipi possit, & qui me audiunt, non tam res, quæ moueant admirationem, quàm quæ mores & uitam instruant, postulent, & expectent. Præclarus est dies septimus. Nam & sabatum apud Iudæos septimo cæsetur die. Et septimus annus ab eisdem obseruatur, ac remissionis annus dicitur. Licebat enim illis terram sex annis colere, septimo anno inaratam ac libe-

ram relin  
uerant  
no septim  
apud ipsos  
stra quoq;  
cadit iustu  
constituit  
ne Enoch  
rium. Se  
cepit, in e  
ingressus  
tio mund  
tinebant  
Adam C  
nouit P  
frater m  
rum dixi  
enim disc  
rio nō rec  
sciebat D  
peccabit  
sed septie  
ties centi  
cauit? ne  
minus d  
uauerat  
prenatio  
missioni  
ius indic  
mundi



ram. relinquebant, cum in promissionis terra  
 uersarentur. Sex annis seruebat Hebræus, an-  
 no septimo liberabatur à seruitute. Septimo *Pro. 24. b.*  
 apud ipsos anno captiuitas soluebatur. Sed no-  
 stra quoque uideamus. Septies, inquit, in die  
 cadit iustus, & resurget. Sic nos Hebdomadam  
 constituimus. Septimus à mundi procreatio-  
 ne Enoch mortem non uидit. Ecclesiæ myste- *Heb. 11.*  
 rium. Septimus ab Abraham Moses legem ac-  
 cepit, in qua uitæ mutatio, solutio iniquitatis,  
 ingressus iustitiæ, Dei peregrinatio, constitu-  
 tio mundi, rerum agendarum præscriptio con-  
 tinebatur. Septima & septuagesima ætate post  
 Adam Christus apparuit. Septenarii mysteriū *Matth. 13.*  
 nouit Petrus. quoties, inquit, peccabit in me  
 frater meus, & dimittam ei? usque septies? pa-  
 rum dixit, nondum mysterium didicit. Adhuc  
 enim discipulus est. Usque septies? à septena-  
 rio nō recessit discipulus. dixit discipulus, quod  
 sciebat Diuitis Dominus abundauit. Quoties  
 peccabit, & dimittam? cur non dixit, sexies,  
 sed septies? Cur non respondit Dominus, Cen-  
 ties centies, sed septenarii numerum multipli-  
 cauit? nec Petrus aliud interrogauit, nec Do-  
 minus discessit à septenarii regula. Obser-  
 uauerat Petrus ex antiqua traditionis norma, se-  
 ptenario numero contineri quandam uim re-  
 missionis peccatorum, quietis perfectæ, cu-  
 ius indicium sabbatum est, Et dies septimus à  
 mundi procreatione. Petrus septies. Domi-



Gen. 4. e.

nus septuagies septies. Cæterum etiam peccata septies puniuntur. Non ne sic ait: Qui occiderit Cain, septuplum punietur, neque illic. Octuplum dixit, sed septuplum. Quid ita? parumper expecta, & mysterium inuenies. Primum peccatum Cain septuplo uindictatur, secunda cædes Lamech septuagies septies. Itaque si septima Petri dimissio ad Cain ultionem refertur, septuagesima septima Domini condonatio ad Lamech ultionem referetur, ut, quantum delictum est, tanta sit etiam gratia, & ubi paruum delictum, parua uenia. cui enim parum dimissit, parum etiam amat. Vbi abundauit delictum, superabundauit & gratia. Ecquod ergo mysterium est? septima dies dicitur tempus iudicii, in quo & peccator septies punitur, & eximie iustus septuagies septies remuneratur. Dei benignitas per ænigmata nunc quidem futura nobis ostendit. Tunc autem ipso præsentem perspicua & manifesta erit ueritas. Tunc enim patebit, quibus quisque præmiis sit dignus. septuplam igitur ultionem nobis peccatoribus debitam dominus condonabit, si per confessionem, & poenitentiam hic eum placauerimus. Quamobrem, cum formidandum illum diem non ignoremus, ultionemque peccatoribus reseruata sceleribus eorum congruentem; anteuertamus, peccataque nostra resipiscendo dilua-

Luc. 7. g.  
Rom. 5. d.

11  
mus, ut po  
primus hic  
zum om  
ta. Et req  
plus munc  
plus nupt  
non agri  
& metu  
certamine  
dibilis. In  
expectabi  
aberit, n  
quo iuste  
secundo  
punitur  
res pro  
Quis no  
Angeli qu  
que stent  
men iudic  
abstergit  
disruper  
defluent  
pescunt  
uentum e  
fuit. Tum  
lentur à  
catorum  
orsum fe  
primus



mus, ut poenas illas grauissimas euitemus. Septimus hic igitur dies septimi illius diei, quo  
xuum omne perfectum erit, est iudicium & no-  
ra. Et requieuit Deus ab operibus. Nulla am-  
plius mundi opera erunt in illo die, nullæ am-  
plius nuptiæ, non contractus, non mercaturæ,  
non agri cultus, sed omnis terra in formidine  
& metu, omnes res procreatæ in iudicio, &  
certamine uersabuntur. Sudor, & labor incre-  
dibilis. Ipsi etiam iusti cum timore sententiam  
expectabunt. Nec ipse Abraham à certamine  
aberit, non ut in gehennam abiiciatur, sed in  
quo iustorum ordine collocetur, primo ne, an  
secundo, an tertio. Dominus è coelis, disrum-  
puntur coeli. Potestates apparent. Vniuersæ  
res procreatæ perterrefactæ contremiscunt.  
Quis non timeat, quis non formidet, cum ne  
Angeli quidem à metu sint uacui, sed ipsi quo-  
que stent rationem Deo reddituri? Gloriosa ta-  
men iudicis præsentia metum omnibus bonis  
abstergit. Non ne audis Esaiam dicentem, si  
disruperis coelos, à facie tua præ timore montes  
defluent. Mare congeliat, res omnes obstu-  
pescunt, natura est mortua, ad illū è coelis ad-  
uentum omnis dicendi ratio torpet, & contice-  
scit. Tunc iusti quidem ut stellæ in cælum tol-  
lentur à terra. Peccatores autem proprio pec-  
catorum pondere depressi, circumuolutiq; de-  
orsum ferentur turpissimi ac despectissimi. Se-  
ptimus igitur ille dies ab hoc septimo declara-



tur: Et requieuit Deus die septimo ab omnibus operibus suis. Quæ ad uitam hanc pertinent, eo die non erant. Quiescent iuuenum studia. Nulla erit de nuptiis consultatio. Nulla sciendorum liberorum sollicitudo. Nulla parandi auri cura. Sacculi, & arcæ auarus obliuiscetur. Non prædiorum locuples, non honoris & famæ ambitiosus, & gloriæ cupidus recordabitur. Hæc omnia procul aberunt à nostris cogitationibus. Animus in timore constitutus ad rerum imminentium expectationem excubabit. Timor enim omnem aliam cogitationem ab animis nostris expellet. Nam ubi Dei timor adest, nullæ perturbationum macula mentem nostram contaminant. Hic septimus dies illius est diei septimi signum & nota. Sumpsit Deus puluerem è terra, & formauit hominem. Non est absoluta mundi procreatio, nec rerum series interrupta, ut narratio de nobis introduceretur. Sed dictum est: Fecit Deus hominem, & requieuit ab omnibus operibus. atque his explicatis commode nos docet, quo modo hominem fecerit. Sumpsit Deus puluerem, inquit, è terra. Cum puluerem audis, disce timorem humanum deponere. Ne suspicias hominum personas. Cur spiritus tollis? Cur de te magnifice sentis? Quando tibi cogitationes inciderint, quibus intumescas, quibus inflammeris, illud tibi in memoriam reuoca, quo modo creatus sis. Sumpsit Deus pul-

uerem è te  
radiscoden  
uisci. Num  
cum illa na  
tera, in te  
negotiaris  
ra, siue m  
conditioni  
meliosus e  
mili statu i  
potes, qui  
esse dicari  
xit, ex te  
ram intu  
Terram  
bitem hic  
nus dixit,  
me è terra  
Quanto au  
lor est am  
ueterem m  
Quare non  
uo ortum  
hominem  
rat mihi ce  
pouishon  
ignarus, pl  
ignatur nob  
excitari fe  
ra semper



uerem è terra, & hominem formauit. Si à ter-  
 ra discederes, forte conditionis tuæ posses obli-  
 uisci. Nunc autem ab ea nunquam discedis, sed  
 cum illa naturaliter coniunctus es. Incedis in  
 terra, in terra conquiescis, in terra litigas, &  
 negotiaris. Quamobrem quidquid agis in ter-  
 ra, siue magnum id sit, siue paruum, abiectæ  
 conditionis tuæ monumentum habes. Contu-  
 meliosus es, & iracundus: unde tibi ex tam hu-  
 mili statu indignatio, & iracundia? Ferre non  
 potes, quòd ignobilis, & obscuro loco natus  
 esse dicaris, contendisq; ut iis, qui tibi male di-  
 xit, ex te peius audiat? Oculos demitte, ac ter-  
 ram intueri, & confestim ira tua sedabitur.  
 Terram aspice, & tecum ipse sic cogita: Igno-  
 bilem hic me, & è seruo natum appellauit. Mi-  
 nus dixit, quàm id, quod res est. Neque enim  
 ne è terra genitum uocauit, sed ex homine.  
 Quanto autem terra, quæ conculcatur, nobi-  
 lior est animo præditus, ac uiuens homo? Ego  
 materem matrem aspicio agnoscoq; terram.  
 Quare non est ignominiosum atque turpe, è ser-  
 uo ortum esse, sed præclarum & honorificum,  
 hominem esse procreatum. Hic autem dum pu-  
 tat mihi contumeliam dicere, imprudens me  
 potius honorauit. Ego enim naturæ meæ non  
 ignarus, plane scio, qui sim, & unde sim. Hæc  
 igitur nostri ortus è terra recordatio nunquam  
 excitari sœuireq; sinat iracundiam. Rationi ter-  
 ra semper suppetias ferat, eamq; semper com-



monefaciat. Quando cupiditate flagras, & ea co-  
 citatus curris, per terram curris. Cogita quo-  
 nam sis peruenturus, si te in terram dissolutum  
 iri cōsideraueris: reprimetur cupiditatis furor.  
 Terra es, & in terram reuerteris. Cogita mem-  
 bra ista tua, quæ nunc ita uigent, paulo post  
 nulla fore. Membris autem corruptis, in pul-  
 ueremq; reductis, cupiditas ista, qua nunc in-  
 flammari, nō erit amplius. Naturæ tuæ remi-  
 niscere, & omnis ad peccandum impetus per-  
 fringetur. Hæc cogitatio ab omni peccato nos  
 auocet, atque deterreat. Formauit Deus homi-  
 nem de limo terræ. Honestas submissio, com-  
 monitio naturalis. si dixisset, Formauit Deus  
 hominem, ex homine materiam sumens, ec-  
 quando hominem illum uidissemus, ut natura  
 cōditionisq; nostræ possemus admoneri? Abie-  
 ctæ sortis nostræ monumentum in promptu est  
 ex iis, quæ calcamus. Terram aspice, teq; ex  
 humili contemptaq; illius materia genus duxis-  
 se recordare. Quid igitur nobis uilius? quid ab-  
 iectius? Quid magis conuenit nobis, quàm ut  
 nos summissemus, & pro nihilo putemus?  
 Vidisti superbū aliquem, & arrogantem, uir-  
 riis indutum uestimentis, & splendidum annu-  
 lum cum pretiosa pala gestantem in digito, at-  
 que ostentantem, Serumq; filis amictum, ac  
 seruis stipatum, coma demissa, flaua, studio-  
 seq; compta, torquibus aureis exornatum, &  
 sellis argenteis insidentem, superbe uel inceden-

tem, magni  
 iactantem  
 sumptibus  
 illi omnes  
 floribus ad  
 aut obuiam  
 ducunt uel  
 cum magni  
 do uideris  
 cognatos,  
 multantes  
 qui res eius  
 te opinio  
 hominem  
 melce, su  
 in Deus  
 protinus in  
 Dei. Nū  
 modum est  
 admodum  
 Minime u  
 eius tantum  
 Vidisti, q  
 mar, exep  
 si referat  
 tem, si fecer  
 congruent  
 concessum  
 est eiusmo  
 omnes illi



agras & magnifice de se sentientem, magnifice se  
 . Cognitantes ob seruorum, adulatorumq; quos  
 ram diti impetuosis mēsis allicit, ob salutationes, quas  
 cupiditate omnes in forum afferunt, dum ei cum li-  
 . Cognitatoribus aduenienti aut è subselliis assurgunt,  
 gent, patit obuiam procedunt, aut eum deducunt, re-  
 corrupti acunt'ue? Quando principes istos aspexeris  
 sta, quam magna præconis uoce prodeuntes, quan-  
 Naturas uideris eos huic terrorem iniicientes, illi in-  
 am impugnatos, alium proscribentes, alium capite  
 omni petulantantes, tu eane formidaueris, ne'ue illos,  
 manit Deus res eiusmodi iubeant, fueris admiratus. Ne  
 a submissis opinio fallat. Memento, Deum conflasse  
 e, Formam hominem è limo terræ. Si quid aliud est, exte-  
 riam sume esse, sin terræ puluis, aspernare. Et forma-  
 stemus, ut Deus hominem. Ea uox: Formauit: non  
 s admonet rotinus in homine faciēdo, declarat artificium  
 um in pro dei. Nunquid formauit hominem, quemad-  
 um aspice, modum è luto figuli aliquid effingunt, aut quē-  
 ateria genui, modum ex ære conflant aliquid statuarii?  
 ois uilius? anime uero. Nam statua quidem extrinse-  
 e nobis, quus tantum speciem ac similitudinem præfert.  
 o nihilo putidisti, quo modo statua mores aliquos expri-  
 & arrogat, at, exēpli gratia uel iram, indignationemq;  
 plendit, referat imperatorem: uel muliebre lenita-  
 rem in de, em, si foeminam aliquam: uel aliud quippiam  
 filis amicu congruens ei, quod effingitur, quatenus arti-  
 ta, flaua, oncessum est. At opus formatum à Deo non  
 s exornat, it eiusmodi. Sic enim hominem conflauit, ut  
 erbe'ue in mnes illius partes intus etiam informaret,



atque distingueret . Si tantum suppeteret oriū,  
ut possem tibi humani corporis fabricam expli-  
care , operam darem , ut ex te ipso Dei sapien-  
tiam in homine formādo cognosceres , teq; ue-  
re paruum esse mundum intelligeres . Nec ma-  
le fecerunt , qui hoc nomine hominem com-  
mendarunt . Multæ in hoc negotio totæ ferè  
uerfantur artes , ut naturales medicorum fa-  
cultates , ut gymnastarum obseruationes , quæ  
de proportionē , congruāq; membrorum inter-  
sedimensione , aut æquali humorum copia , &  
corporis obesitate disputāt . Hæ nanque omnes  
corporis nostri considerant artificium . Vnde  
autem mihi tanta dicendi uis & ubertas oratio-  
nis , ut plane possim explicare , quā multa  
unico illo uerbo : Formauit : comprehendan-  
tur ? Nam quæ faciliora sunt , & in promptu ,  
etiam metacente cognoscitis . Formauit Deus  
hominem , rectum . Singularem hanc tibi , ho-  
mo , formam concessit , quam alii dedit anima-  
lium nulli . Quamobrem ? quia singularem  
etiam actionem erat traditurus . Reliqua ani-  
malia sunt bruta , & illa spectant , ad quæ nata  
sunt . Ad partum genita sunt , pecora . Itaque  
pronam deorsumq; uergentem formam habēt ,  
ut uentrem , & , quæ uentri subiecta sunt , ui-  
deant . Si quidem eorum felicitas est expletio  
uentris , ac uoluptas . Homo uero non uentrem  
despicit , sed superiora contuetur . Caput illi  
sublime est ; ut genus cœleste suspiciat . Oculi

non

IN H  
non tend  
ras natura  
stia, ubi  
cum Chri  
Christus e  
mate mor  
tises, ut  
humi dei  
uoluptate  
agas. Icci  
Ecclesiast  
non ad ca  
cella ac f  
Qui aute  
humi de  
ronandi.  
compress  
sed decor  
sublime. C  
fatis unus e  
ut sibi uic  
unum alre  
uis si ab ut  
lior: à diu  
mior est.  
& concu  
coniungre  
quam adu  
copulatur  
propinqu



non tendunt in terram. Quocirca ne uim infe-  
 ras naturæ tuæ. Terrena ne spectes, sed coele-  
 stia, ubi Christus est. Si consurrexistis, inquit, *Col. 3. a.*  
 cum Christo, quæ sursum sunt, quærite, ubi  
 Christus est. Sic igitur formatus es, & forma  
 tua te monet, ad quem natus sis finem. Geni-  
 tus es, ut Deū uideas, & contempleris, non ut  
 numi deiecta serpat uita tua, non ut pecudum  
 uoluptates confecteris, sed ut uitam coelestem  
 agas. Iccirco sapientis oculi (ut sapiens inquit *Eccl. 2.*  
 Ecclesiastes) in capite sunt ipsius. Cur autem  
 non ad caput, sed in capite? nempe ut, quæ ex-  
 celsa ac sublimia sunt, intueantur & spectent.  
 Qui autem ea non aspicit, sed terrena, is oculos  
 numi defixos, ac sepultos habet. Oculi ergo  
 rotundi. Caput supra humeros positum, non  
 compressum, ne sit humile, atque abiectum,  
 sed decoro ceruicis culmine fultum tollitur in  
 sublime. Geminæ oculorum pupulæ. Nonne  
 satis unus erat oculus? cur igitur duo dati sunt?  
 ut sibi uicissim essent auxilio, ut deficientem  
 unum alter cōsolaretur. Præterea, quia uidendi  
 uis si ab uno tantum proflueret, esset imbecil-  
 lior: à duobus autem fontibus emanans, fir-  
 mior est. simul enim utrinque progrediens,  
 & concurrens, atque in unum confluens  
 coniungitur. Etenim ab utroque oculo tan-  
 quam à duplici euripo longe prodiens coit &  
 copulatur. Nonne conspicias senes, qui res in  
 propinquo sitas intueri non possunt? Vbi au-  
 H



tem obrutus tanquam concurrentibus undis in  
 unum confluxerit, res ipsæ firmitus compre-  
 henduntur. Iam oculorum custodiæ quàm  
 multæ sunt? Tunica intus una, sed hæc non erat  
 satis. neque enim molem una conficeret, aut  
 si conficeret, crassitudine sua cernendi uim ob-  
 teneret, atque impediret. Quamobrem neces-  
 se fuit, ut esset etiam perspicua, & leuis. Vna  
 igitur perspicua, altera tenuis: illa quidem  
 crystallina, hæc autem cornea: & quæ prote-  
 git, firmior; quæ intus est, tenuior, ne aditum  
 intercluderet: tertia crystallina, ut in se splen-  
 dorem conspicuum contineret. Accedunt pal-  
 pebræ, quæ sunt oculorum integumenta, &  
 propugnacula, & domicilia, atque custodes.  
 Neque enim manus eos tueri potuissent. Nam  
 dum oculis ipsæ ferrent auxilium, illi interim  
 læderentur. Quocirca præsto sunt palpebræ,  
 quæ supra excubant, & simulatque detrimen-  
 tum præsenferunt, statim oculos obtegunt &  
 defendunt. Quare & pupillæ sub tali uelo col-  
 locatæ non facile lædi possunt. Soli ex omni-  
 bus membris oculi palpebrarum tegumentis  
 operi contingi nolunt. Densâ adest pilorum  
 seges. cur? ut superioris atque inferioris pal-  
 pebræ complexus acrior sit. Pili enim illi in-  
 ter se connexi atque impliciti sunt quædam ue-  
 luti uincula. Ad hæc minutas procul arcent  
 bestiolas, lanuginosasq; sordes pupillis appro-  
 pinquare non sinunt, seq; illis imbecillis atque

omni ini-  
 bent. Arg-  
 cora, tum  
 non ne tibi  
 aciem ocu-  
 confirma-  
 procul pe-  
 supercilii  
 dissecta n-  
 etu coniu-  
 rectius m-  
 ni lumie-  
 tum oc-  
 nem, n-  
 illi ut m-  
 ste uine  
 commur-  
 tu lædi qu-  
 lis comm-  
 ductis, ut  
 colæ mol-  
 manum d-  
 gere. Per-  
 ne iniuri-  
 conficiunt  
 us, quæ si  
 secta sunt  
 attingunt  
 in præse-  
 cturos d-



omni iniuriæ obnoxiiis propugnatores præ-  
bent. Atque ita eorum custodia nobis cum de-  
cora, tum etiam utilis est. Quid? supercilium,  
nonne tibi adiumento est, quo rectius dirigas  
aciem oculorum? id, quod hoc argumento  
confirmari potest. Quando conaris aliquid  
procul positum intueri, cur manum extensam  
superciliis imponis, nisi ut uidendi uis supra  
disiecta ne temere dissipetur? sed manus obie-  
ctui coniunctior ulterius feratur, & acutius, ac  
rectius munere fungatur suo? sic obtenta ma-  
nu luminis transitus dirigitur. Ergo supercilia  
tum oculos regunt, tum sudoris multitudi-  
nem, ne ab ea contegantur, propellunt, seq;  
illi ut murum obiciunt. Quis agricola tam re-  
cte uineam disponere, circumiectaq; macerie  
communire possit, ut nullo torrentium impe-  
tu lædi queat, ut Deus oculos nostros superci-  
liis communiuit, sic à naribus utrinque circun-  
ductis, ut hac illac sudor affluens nullam agri-  
colæ molestiam præbeat, quamobrem à uite  
manum dimoueat, dum cogitur illum abster-  
gere. Per suos enim ductus ab opifice factos si-  
ne iniuria defluit, & oculi opus suum libere  
conficiunt. Nos dies ipse deficiat, si unum ex  
iis, quæ summo artificio in nobis à Deo per-  
fecta sunt, persequi uelimus, ut ex hoc, quod  
attigimus, facile potestis intelligere. Verum  
in præsentia negotii cuiusdam causa nos iter fa-  
cturos dimittite, ut celeriter uobis incolumes



GREG. NYSS.

redditi, quod reliquum est æris alieni persol-  
uamus, illius auxilio confisi, qui nos procrea-  
uit, quiq; singulas in nobis partes  
tam egregie perfecit, & ab-  
soluit: cui gloria in se-  
cula seculorum.

Amen.

DIVI

PONT

LEN



obrem, qu  
nostræ, ne  
ciamur sac  
lis autem tu  
tio. Incert  
essenon op  
dicuntur, p  
fratres, cla  
nus exaudi  
Quandoque  
pingens uer  
tate tubis u  
celebratæ  
sterium ef



<sup>59</sup>  
DIVI GREGORII NYSSAE

PONTIFICIS IN DIEM NATALIS

LEM D. N. IESV CHRISTI

ORATIO.



VCCINATE,  
inquit David, in neo-  
menia tuba, in in-  
signi die solennitatis ue-  
stræ . Cœlestis au-  
tem doctrinæ institu-  
ta omnino sunt in-  
star legis apud eos,  
qui audiunt. Quam-

*Psalm. 80. 4.*

obrem, quoniam adest insignis dies solennitatis  
nostræ, nos item observemus legem, & effi-  
ciamur sacræ celebritatis buccinatores. Lega-  
lis autem tuba, ut declarat Apostolus, est ora-  
tio. Incertum enim, inquit, tubæ clangorem  
esse non oportere, sed sonis distinctū, ut ea, quæ  
dicuntur, perspicua sint. Edamus igitur & nos,  
fratres, clarum aliquem sonum, qui non mi-  
nus exaudiat, quàm si ederetur cornea tuba.  
Quandoquidem & lex in umbræ figuris ante de-  
pingens veritatem, in tabernaculorum celebri-  
tate tubis ut caneretur, mandavit. Et præsens  
celebritatis argumentum, veri tabernaculi my-  
sterium est. In hac enim humanum ei taberna-

*Cor. 14. 6.*

*Lev. 23.*

H iii



culum figitur, qui propter nos formam hominis induit. In hac tabernacula nostra, quæ morte corruerant, instaurantur ab eo, qui ab initio construxerat ædificium. Nos etiam ea uerba psalmi cum uocali Dauide plaudētes dicamus: Benedictus, qui uenit in nomine Domini. Quo

*Psal. 117. d.* modo autem uenit? non nauigio, aut curru aliquo, sed incorrupta uirginitate in uitam humanā traiecit. Hic Deus noster, hic Dominus, & illuxit nobis, ut diem hanc solennem constitueret in cōdenſis usque ad cornua altaris. Quod autem mysteriū, fratres, in iis, quæ dicta sunt, continetur, neutiquam ignoramus. scimus enim uniuersas res procreatas esse ueluti templum quoddam Domini, à quo procreatæ sunt. Verum, quia superinducto peccato obstructa erant ora illorum, qui uicti fuerant, & exultationis uox obticuerat, & dies festos celebrantiū consensus distractus erat, quum humana natura cū beatarum mentium natura in celebrando non conueniret, iccirco uenerunt Prophetarum &

*Psal. 98.* Apostolorū tubæ, quas lex corneas uocat, quia ex uero unicorni confectæ sunt. Hæ spiritu sancto inflatæ continuum ueritatis sonum protulerunt, ut, auribus eorum, qui propter peccatum obsurduerant, patefactis, per frequentiam inferioris tabernaculi cum excellentibus illis mentibus, quæ ad altare superius astant, concinentem una solennitas concelebraretur. Diuini enim illius altaris cornua sunt eximiae & præ-



formantes coelestis naturæ Virtutes, & Principatus, & Potestates, & Throni, & Dominationes, quibus cum per tabernaculi excitationem in celebritate coniungitur humana natura renovatione corporum condensata. Nam condensari, & ornari, & indui idem est, ut illi, qui hæc intelligunt, interpretantur. Agite igitur ad spiritalem choream animos nostros excitemus, vobisq; chori ducem, & principem, & coryphæum Dauidem proponamus, & unâ cum illo dulcem illam emittamus uocem, quam ante cecinimus. Sic igitur rursus repetamus. Hæc est dies, quam fecit Dominus: exulemus, & lætemur in ea. In hac tenebræ incipiunt minui, & crescente splendore, noctis termini conrahuntur. Neque enim casu aut sponte sua contingunt hæc, fratres, in hac die solenni, qua humana uitæ splendet diuina uita: sed per ea, quæ ternuntur mētis aciem intendentibus, arcanum quoddam ostendit natura, ac tantum non uocem emittens docet eos, qui audire possunt, quid sibi uelit, quod in aduentu Domini dies augetur, & nox imminuitur. Mihi enim uideor eam sic loquentem exaudire: Considera homo, qui hæc aspicias, ex iis, quæ uidentur, ea tibi aperiri, quæ recondita sunt. Vides noctem ad summam longitudinem peruenisse, & cum progredi ulterius nequeat, consistere, ac regredi? Cogita exitiosam peccati noctem, quæ malis omnibus artibus aucta ad summum malitiæ

Psal. 117. d.

H iiii



Matth. 3.  
b.

cumulum uenerat, hodie recisam esse, ne longius serperet, atque illuc deinceps redigi, ut plane deficiat, ac deleatur. Vides uberiores lucis radios, & solem solito sublimiorem? cogita ueræ lucis præsentiam euangelii radiis totum orbem terrarum illustrare. Quod autem humanæ uitæ non ab initio, sed ab extremis temporibus Dominus apparuerit, hanc merito fortasse causam quispiã existimabit, quod qui, malitiam ut tolleretur, humanam uitam erat ingressurus, expectauit necessario, ut omne ab inimico satum propagatumq; peccatum germinaret, ac tum demum, ut legitur in euangelio, radici securim adinoui. Nam & qui præstant medendi facultate, dum febris adhuc corpus exurit, & ex causis morbum efficiētibus paulatim intenditur, obsecundant morbo, quoad uis ad summum peruenerit, nec cibi subsidium ullum ægrotanti præbent: at ubi malum constiterit, patefacto iam toto morbo, tunc artem adbibent. sic animorum ægrotantium medicus expectauit, dum malitiæ morbus, quo natura hominum uicta laborabat, se totum aperiret, ne latens aliquid incuratum remaneret, si curaret id solum, quod cerneretur. Itaque nec Noe tempestate, cum omnis caro in iniquitate corrupta esset, aduētu suo medicinam attulit, quia nondum sodomitici sceleris germen pullulauerat: nec tempore euerfionis sodomorum Dominus aduenit, quoniam in humana natura

multa adhuc  
Pharao  
tia: Nec  
Deus cor  
numiniqu  
Assyrioru  
adhuc in  
bat, ut pi  
sãq; plan  
Oporteb  
tũ, & à I  
Zacharia  
fecto, pi  
tur. Au  
adde & i  
Cumigi  
tisq; lux  
qui singe  
tunc Deu  
rantia re  
uenit, q  
rens De  
eti erant  
sub pecc  
duntior  
num uen  
ra lucis e  
bra mor  
Tunch  
tis capira



multa adhuc mala latitabant. Vbi enim impius  
 Pharao? Vbi indomita Aegyptiorum mali-  
 tia? Nec tunc igitur tempus fuit, ut huic uitæ se  
 Deus commiseret. Oportebat, ut Israelita-  
 rum iniquitas patefieret. Oportebat, ut regnū  
 Assyriorum, & superbia Nabuchodonosor,  
 adhuc in uita latitans, ostenderetur. Oporte-  
 bat, ut piorum cædes tanquam scelerata spino-  
 saq; planta ex mala Diaboli radice prodiret.  
 Oportebat, ut Iudæorum prophetas occiden-  
 tiū, & à Deo missos lapidibus obruentium, ac *Matth. 23.*  
 Zacharia tandem inter templum & altare inter-  
 fecto, piaculum admittentium rabies detegere-  
 tur. Ad sceleratorum germinum numerum  
 adde & infantium ab Herode patratam cædem.  
 Cum igitur malitiæ uis se totam effudisset, mul-  
 tisq; luxurians modis creuisset in animis eorum,  
 qui singulis seculis scelere insignes extiterant, *Act. 17. 2.*  
 tunc Deus, ut ad Athenienses Paulus ait, igno-  
 rantia tempora despiciens in diebus ultimis ad-  
 uenit, quando non erat intelligens, nec requi-  
 rens Deum, quando cuncti declinauerant & fa- *Psal. 13.*  
 cti erant inutiles, quando conclusa erant omnia *Rom. 3. b.*  
 sub peccato, quando iniquitas abundabat, quan- *Gal. 3. d.*  
 do uitiorum tenebræ ad summum usque termi-  
 num uenerant. Tunc apparuit gratia, tunc ue-  
 ræ lucis enituit radius, tunc in tenebris & um-  
 bra mortis sedentibus ortus est iustitiæ sol. *1sa. 9. 2.*  
 Tunc humanam carnem indutus multa serpen-  
 tis capita pede contriuit, ad terramq; allidens



conculcauit. Ne quis autem mala, quæ nunc in  
uita sunt, respiciens, falsa nos dicere suspiceretur,  
quod in extremis temporibus splenduisse nobis  
Dominum asseramus. Nam (obiiciat aliquis)  
qui tempora, quibus malitia retegeretur, expe-  
ctauit, ut illam auctam cumulatamq; radicibus  
euelleret, sic eam tollere, atque abolere cun-  
ctam debuerat, ut nullæ ipsius in uita reliquæ  
remanerent. Nunc autem & homicidia, & fur-  
ta, & adulteria, & reliqua omnia flagitia & scele-  
ra debacchantur. Is ergo, qui hæc spectans sic  
obiicit, insigni peruulgatoq; exemplo qua-  
estionem ipsemer soluat. Quemadmodum, cum  
serpentes interficiuntur, non continuo reliquas  
partes unâ cum capite mori uidemus, sed, cum  
interierit caput, illæ tamen adhuc uitam reti-  
nent, nec uitali priuantur motu: sic accidit in  
Draconis interitu. Etenim ingens cum esset ad-  
modum fera, quippe quæ singulis hominum  
ætatibus excreuerat, qui multiplex eius caput,  
idest uim illam malorum inuentricem, multa in  
se capita cōtinentem, sustulit, cæterarum ipsius  
partium tractus neglexit, ut interfectæ feræ mo-  
tum posteris ad exercitationis occasionem re-  
linqueret. Ecquod igitur collisum & effractū  
est caput? illud, quod impio consilio mortem  
intulerat, quod morsu mortiferum homini ui-  
rus iniecerat. Quamobrem qui mortis euerit  
imperium, uim, quæ in capite serpentis erat, ut  
ait propheta, contriuit. Quod autem huius fe-

Gen. 3. c.



in humana uita relictum fuit, quodq; quo-  
 d homines uitiorum motionibus permouen-  
 ur, squama peccati uitam irritat, atque asperam  
 eddit, potestate quidem iam mortuum est,  
 um eius caput contusum atque inutile factum  
 it: at, ubi tempus transierit, & ea, quæ mouen-  
 ur, constiterint, adueneritq; uitæ huius abso-  
 utio, quam expectamus, tunc & cauda & ex-  
 rema pars inimici, mors ipsa nimirum destrue-  
 ur, atque ita delebitur omnino cuncta malitia,  
 um omnes in uitam per resurrectionem reuoca-  
 i, qui iusti erunt, ad coelestem quietem accedent,  
 qui autem peccatis obnoxii, in geennæ ignem  
 detrudentur. Sed ad præsens gaudium reuerta-  
 mur, quod pastoribus nuntiant Angeli, coeli  
 enarrant Magis, & prophetiæ spiritus multis  
 ariisq; rationibus prædicat, ut etiam Magi gra-  
 tiæ præcones fiant. Nam qui solem suum oriri  
 facit super iustos & iniustos, quiq; pluit super  
 malos & bonos, cognitionis radium, & rorem  
 spiritus alienis etiam linguis demisit, ut aduer-  
 sariorum testimonio magis etiam apud nos ue-  
 ritas confirmareretur. Audiuiti Hariolum Ba-  
 laam meliori numine afflatum sic alienigenis  
 prædicentem. Orietur Stella ex Iacob. Ecce ti-  
 bi, qui ab eo genus duxerunt, Magi, ex prædi-  
 ctione ipsius nouum obseruant ortum stellæ,  
 quæ præter aliarum stellarum naturam & mo-  
 tus & status est particeps, & ad utilitatem hac  
 utitur uicissitudine. Etenim cum cæteræ stellæ

1. Cor. 15.  
d.

Matth. 5.

Num. 24.  
c.



Es. 9. d.

Exo. 3. e.

partim in orbe non errante semel infixæ statum immobilem sortitæ sint, partim nunquam cessent à motu, hæc & mouetur, dum Magis se ducem præbet, & stat, dum illis ostendit locū. Audis Esaiam clamantem: puer natus est nobis, & filius datus est nobis? Disce ab eodem propheta, quo modo natus sit puer, quo modo datus sit filius. Num iuxta naturæ legem? minime uero: inquit, legibus enim naturæ non paret, qui naturæ Dominus est. Quo modo igitur natus est puer? dic. Ecce, inquit, Virgo in utero concipiet, & pariet filium, & uocabunt nomen eius Emmanuel. Quod, si interpreteris, significat nobiscum Deus. O rem admirandam. Virgo mater efficitur, & permanet uirgo. Cernis nouum naturæ ordinem? In aliis mulieribus quandiu aliqua est uirgo, non est mater. Nam posteaquam est facta mater, uirginitatem non habet. Hic autem utrumque nomen in idem concurrit. Eadem enim & mater & uirgo est. Nec uirginitas partum ademit, nec partus uirginitatem soluit. Decebat enim, ut, qui in uitam humanam introibat, ut homines integros incorruptosq; seruaret, ab incorrupta sibi deseruiente integritate initium duceret. Nam hominum consuetudo expertem con nubii incorruptam appellat. Hoc mihi ante Magnus ille Moses per eam lucem, in qua sibi Deus apparuit, uidetur cognouisse, qui, cum rubus arderet, nec tamen consumeretur, ascen-



dam, inquit, & uidebo uisionem hanc magnā,  
 non loci motum, ut arbitror, per ascensum de-  
 clarans, sed temporis transitum. Quod enim  
 tunc per flammam & rubum significabatur,  
 progrediēte tempore, quod intercedebat, per-  
 spicue in mysterio uirginis apertū fuit. Quem-  
 admodum enim illic est rubus, & tangit ignem,  
 & non comburitur, ita hic est uirgo, quæ lu-  
 cem parit, & non corrumpitur. Quod autem  
 per rubum Virginis corpus, quod Deum sus-  
 cepit, intelligatur, ne te similitudinis pudeat.  
 Nam omnis caro propter peccati susceptio-  
 nem, & ob id ipsum tantum, quod est caro,  
 peccatum est. Peccatum autem in scriptura uo-  
 catur spina. Ac ne à proposito longius euage-  
 mur, forte non erit intempestiuum, si incorru-  
 ptæ matris testem eum, qui inter templum & al-  
 tare fuit occisus, proferamus. Hic est sacerdos  
 Zacharias, non sacerdos solum, uerum etiam  
 propheta. Ac prophetiæ quidem potestas in  
 Euangelii libro declaratur, cū uiam hominibus  
 munens diuina gratia, ne Virginis partus in-  
 credibilis putaretur, minoribus miraculis fide-  
 lium assensum sic exercuit, ut foemina sterilis,  
 & uir iam ætate confectus filium susciperent.  
 Hoc mirandi uirginis partus proœmium fuit.  
 Etenim sicut Elisabet, quæ sterilis ad senectū-  
 tem peruenerat, non potestate naturæ fit ma-  
 ter, sed ei diuino consilio filius nascitur, sic  
 quod in uirgineo partu nō credendum uidetur,

2. Reg. 23.

4.

Matth. 13.

Luc. 1.



si referatur ad Deum, credibile est. Quoniam igitur ex uirginitate prouenientem præcedit nuntius sterilis, qui ad uocem illius, quæ Dominum utero gerebat, antequam in lucem prodiret, in aluo matris exiliuit, simul ac natus est præcursor Verbi, prophetico spiritu Zachariæ silentium soluitur. Quæcūque autem differunt Zacharias propheta, ad futurum spectabant. Hic igitur diuino numine ad occultorum cognitionem ductus, cum uirginitatis mysterium in partu incorrupto non ignoraret, in sacro templo Virginem matrem à loco uirginibus per legem assignato non semouit, Iudæosq; docuit, naturam humanā unā cum reliquis omnibus rerum omnium effectori & regi ita subiectam esse, ut arbitrato suo eam ipse regeret, nō autem ab ea regeretur: itaque in manu ipsius esse, nouam ortus rationem moliri, quæ matrem esse uirginem non impediret, quamobrem eam se à uirginum loco non exclusisse. locus autem ille erat spatium quoddam inter templum & altare. Cum igitur audiuisent Iudæi, rerum omnium regem in uitam humanam diuino ordine prodisse, metuentes, ne regi subderentur, sacerdotem, qui hæc de ipso partu testificabatur, ad ipsum altare sacrificantem interfecerunt. Sed longe à proposito aberrauimus, cum ad Bethleem, de qua in Euangelio, oratione recurrere nos oporteret. Nam si uere pastores sumus, & propriis gregibus inuigilamus, ad nos utique

Matth. 23.  
d.



spectat Angelorum uox, quæ magnum hoc  
 gaudium nuntiat. Oculos igitur in cœlestem  
 exercitum intendamus, tripudium spectemus  
 Angelorum, diuinum ipsorum cantum audia-  
 mus. Quinam plaudentium sonus? Gloria (cla-  
 mant) in altissimis Deo. Cur diuino numini,  
 quod in altissimis cernitur, gloriam tribuunt?  
 Quoniam, inquiunt, & in terra pax. Ob hoc  
 spectaculum gaudio perfusi sunt Angeli. In  
 terra pax. Quæ prius detestabilis erat, quæ  
 spinis, ac tribulis plena solitudo, quæ damna-  
 torum exilium, quæ belli regio, hæc pacem susce-  
 pit. O rem admirabilem. Veritas de terra or-  
 ta est, & iustitia de cœlo prospexit. Talem de-  
 dit hominum terra fructum suum. Et hæc fiunt  
 pro bona in hominibus uoluntate. Deus hu-  
 manæ naturæ commiscetur, ut ad sublimitatem  
 diuinam hominem tollat. His auditis in Beth-  
 leem proficiscamur, nouum spectaculum con-  
 templemur. Quo modo partu suo uirgo læ-  
 teretur, quo modo lactet infantulū. Sed prius  
 auscultemus, quid de ipsa memoriæ proditum  
 sit. Virginis pater (ut ex historia quadam in-  
 certi auctoris accepi) fuit insignis quidam ci-  
 uis, obseruātia legis & uitæ probitate in primis  
 nobilis, qui sine filiis ad senectutem peruene-  
 rat, cum minus idoneā ad gignendum uxorem  
 haberet. Habebatur autem matribus ex lege  
 quidam honor, quo carebant foeminae, quæ li-  
 beros nullos susceperant. Quapropter & hæc

2. Cor. 13. b.

Psal. 84. b.

2. Reg. 6.



imitata id, quod de matre Samuelis scriptum est, ad sanctum sanctorum accedit, & supplex Deum orat, ne se legis benedictione finat excidere, cum nihil unquam admiserit contra legē. Quod si mater euaserit, se, quodcunque pepere rit, ei dedicaturam. Quamobrem cum uoti compos effecta filiam suscepisset, eam uocauit Mariam, ut ipso etiam nomine testaretur acceptum munus à Deo. Illam igitur, cum iam grandiuscula esset, nec ubere matris amplius indigeret, ducens ad templum Deo reddidit, & studiose promissum exoluit. Sacerdotes autem, quandiu paruula fuit, ad Samuelis similitudinem in sanctis ædibus educarunt, sed cum iam adulesceret, consulebant, quid'nam agerent de sacro illo corpore, ne Deum offenderent. Et enim naturæ legi illam subiicere, ut cuipiam in matrimonio collocata seruiret, absurdissimum uidebatur. Instar enim sacrilegii fuisset, si muneris Deo sacrati dominus homo fieret. Legibus enim erat cōstitutum, ut maritus dominaretur uxori. Mulierem rursus inter sacerdotes in templo uersari, atque in sanctis ædibus conspici, nec lex, nec grauitas permittebat. Deliberantes igitur in hanc sententiam diuinitus conuenerunt, ut eam connubii nomine cuipiam desponderent, qui tamen ad custodiam eius duntaxat esset idoneus. ad hoc autem munus aptissimus inuentus est Ioseph ex eadem tribu & patria, qua erat uirgo. Sacerdotum ergo consilio

Gen. 3. c.



consilio Ioseph puellam sponsam accipit. Quæ  
 ramentum coniunctio sponsalia non est egressa.  
 Tunc ad Virginem missus est Gabriel, qui ei  
 diuinæ uoluntatis arcanum aperiret. His autem  
 faustissimis uerbis usus est. Ave gratia plena,  
 Dominus tecum. Contraria hæc est oratio illis  
 uocibus, quas prima mulier audiuit. Tūc enim  
 illa doloribus propter peccatum damnata est.  
 Nunc autem in hac per gaudium dolor expelli-  
 tur. In illa molestiæ partum præcesserunt.  
 Huic partum lætitia prænuntiat. Ne timeas, in-  
 quit. Quoniam omnibus mulieribus timorem  
 affert partus expectatio, dulcis partus promif-  
 sione timor eximitur. In utero, inquit, concipies,  
 & paries filiū, & uocabis nomē eius Iesum.  
 Ipse enim saluū faciet populum suum à pecca-  
 tis eorū. Quid autem Maria? Audi pudicam uir-  
 ginis uocem. Quo modo erit mihi istud, quo-  
 niam uirum non cognosco? Angelus partum  
 nuntiat. At illa uirginitati inhæret, & integritatem  
 angelicæ demonstrationi anteponendam  
 indicat. Nec Angelo fidem non habet, nec à  
 proposito recedit suo. Interdixi, inquit, mihi  
 consuetudinem uiri. Quo modo istud erit mi-  
 hi, quoniam uirum non cognosco? Hæc Ma-  
 riæ uox declarat, ea, quæ ex historia incerti au-  
 ctoris commemorauī, non esse penitus absur-  
 da. Si enim liberorum causa ducta fuisset à Io-  
 seph, quo modo parituram Angelo præmun-  
 tianti, se rem nouam & alienam audire præ se

Luc. c. .1.

Gen. 3.6.

Matth. 1.  
d.



tulisset, cum ipsa quoque sese obstrinxisset naturæ lege, ut aliquando mater esset? Verum quia carnem Deo consecratam, tanquam sanctum aliquod oblatum munus, oportebat intactam integramque præstare, iccirco, licet, inquit, Angelus sis, licet è coelo uenias, licet id, quod ostenditur, naturam superet humanam, tamen me uirum cognoscere nefas est. Quo modo sine uiro mater ero? Ioseph enim sponsum noui, sed uirum non cognosco. Quid ad hæc auspex Gabriel? Quem thalamum statuit puro impollutoque connubio? Spiritus sanctus, inquit, superueniet in te, & uirtus Altissimi obumbrabit tibi. O beatum uterum illum, qui bonitatis præstantia ad se traxit animi bona. In reliquis enim omnibus uix animus purus spiritus sancti præsentiam capit: hic autem caro fit spiritus receptaculum. Sed & uirtus Altissimi obumbrabit tibi. Quid significat arcanus hic sermo? Christus Dei uirtus est & sapientia, ut ait Apostolus. Virtus igitur Altissimi, quæ Christus est, per aduentum spiritus sancti formatur in uirgine. Quemadmodum enim umbra ad præcedentium corporum figuram effingitur, sic forma & indicium diuinitatis Dei in uirtute ipsius, qui paritur, ostendetur, & imago, & signum, & adumbratio, & splendor exemplaris per admirabilem rerum effectiorem demonstrabitur. Verum hortatur nos Euangelium, ut in Bethleem oratione reuer-

1. Cor. 1. b.



tamur, & quæ in antro sint mysteria uideamus. Quidnam est hoc? Puer pannis inuolutus, & positus in præsepi, & uirgo post partum, incorrupta mater complectitur filium. Emitteramus illam prophetæ uocem: Sicut audiuius, sic uidimus in ciuitate Domini uirtutū, in ciuitate Dei nostri. Num hæc, quæ audiuius de Christo, fortuna & casu contigerunt, & scripta sunt, an historiæ subest aliqua ratio? Quid sibi uult hæc domini in antro sedes? hæc in præsepi reclinatio? cur tempore descriptionis tributorum in uitam ingreditur? An perspicuum est, eum, quemadmodum à legis execratione nos eripit factus ipse pro nobis execratio, & liuores nostros in se transfert, ut eius liuore nos curemur, sic etiam uestigalem fieri, ut nos à grauissimo uestigali, quod ab homine mors exigit, liberaret? Quod autem speluncam uidet, in qua paritur Dominus, cæcam hominum uitam, & sub terra demersam cogita, in qua nascitur ille, qui in tenebris ambulans & in regione umbræ mortis sedentibus se ostendit, pannis autem obuoluitur & fasciis constringitur, qui peccatorum nostrorum catenas subiecit & uincula. Præsepe uero, in quo Verbum gignitur, bestiarum est domus, ut cognoscat bos possessorem suum, & asinus præsepe Domini sui. Per bouem intellige illum, qui legis iugo subiectus est, per asinum autem, quod est animal ferendis oneribus natum, eum, qui simu-

Psal. 47. b.

2. Cor. 15.

d.

Esa. 53. a.

1. Petri. 2.

d.

Esa. 9. a.

Esa. 1. a.



*Psal. 103.*  
*b.*

*Io. 6. d.*

*Eph. 1. d.*

*Rom. 9. a.*

lacrorum cultus onustus est crimine. Cæterū commune rationis expertium animalium pabulum & uita fœnum est, producens, inquit, propheta, fœnum iumentis. Quod autem ratione præditum est animal, uescitur pane. Iccirco in præsepi, quod est animalium ratione uacantiū sedes, è coelo delapsus uitæ panis proponitur, ut & quæ à ratione remota sunt animalia, rationis cibo nutriantur, atque ita ratione decorentur. Medium igitur in præsepi se inter bouem & asinum utriusque Dominus locat, ut medium parietem maceriæ soluens duos condant in semetipso in unum nouum hominem, ab altero graue legis iugum eripiens, alterum simulacrorum cultus onere liberans. Sed oculos ad mirabilia cœlorum spectacula tollamus. Ecce enim non propheta solum & Angeli gaudium hoc nobis denuntiant, uerum etiam cœli rebus suis admirandis euangelii gloriam prædicant. Ex Iudæis, ut ait Apostolus, propheta Christus ortus est. Sed eius ortu nō illuminatur Iudæus. Peregrini & à testamentorū promissione benedictioneq; patrum alieni sunt Magi, qui cognitione populum Israelitam anteuertunt, & coelestem agnoscentes lucem, & in spelunca Regem non ignorantes. Hi munera afferunt; illi insidias struunt. Hi uenerantur; illi persequuntur. Hi Gaudent inuento, quem exquirebant; illi nuntiato ipsius ortu reformidant. Videntes enim, inquit, stellā supra locū, ubi erat puer, gausi sunt



gaudio magno ualde. Herodes autem audiens turbatus est, & omnis Hierosolima cū illo. Hi & tanquā Deo thus offerunt, & auro dignitatē regiam colūt. Et prophetica quadam gratia per myrrham mortis dispositionem subsignificant. Illi uero cunctos infantes unū in locum coactos interuentione tollendos censent. Quod eos mihi non solum crudelitatis, uerū etiam summæ dementiæ uidetur coarguere. Quid enim sibi uult ista puerorum trucidatio? cur ausi sunt homicidæ se tanto scelere obstringere? Quoniam nouum quoddam, inquiunt, mirandumq; cœli portentum regis indicium. Magis nunciauit. Quid igitur tum? aut portendenti signo fidem habes ut uero, aut, quod rumore iactatur, uanum putas. Si talis est, qui cœlos sibi fecerit inferuire, prorsus est supra manum tuam. Sin autem in potestate tua est, ut ille uel uiuat, uel moriatur, eum frustra pertimescis. Qui enim id agit, ut imperio tuo subditus ipse sit, pro quo molietur insidias? cur horrendum illud datur mandatum? cur impia fertur sententia, ut miseri infantes trucidentur? Quid peccarunt, quid morte, aut supplicio dignum admiserunt? Crimen unum duntaxat habent, quod nati sunt, & in lucē editi. Et propterea necesse fuit, ut ciuitas carnificibus compleretur? ut cogeretur matrum multitudo, & infantium populus, ut adessent etiam patres, & generis propinquitate coniuncti ad sæuum facinus congregarentur? Quis



oratione calamitatem describat? Quis acerbita-  
tem enarrans oculis aspiciendam proponat?  
mixtam illam lamentationem, luctuosum que-  
stum puerorum, matrum, propinquorum, pa-  
trum ad minas carnificum miserabiliter excla-  
mantium? Quis dicendo possit exprimere car-  
nificem gladio contra puerum irruentem, & tor-  
uo truciq; uultu contuentem, uerbisq; crudeli-  
bus alloquentem, una quidem manu corri-  
pientem infantulum, altera uero gladium adi-  
gentem? matrem porro ex altera parte filium  
ad se trahentem, obicientemq; cervicem su-  
am acuto gladio, ne miserum filium carnifi-  
cis manu necatum propriis oculis intueatur?  
Quis explicet ea, quæ patres agunt, reuoca-  
tiones, suspiria, postremos filiorum comple-  
xus? præsertim cum idem à multis fiat eodem  
tempore? Quis uariam multiplicemq; calami-  
tatem, & conduplicatos puerperarum dolores  
partus exponat? & acerrimas, quas admovebat  
natura, facies? Quo modo puer infelix & uberi  
simul inhareret, & per uiscera lethalem plagam  
acciperet? Quo modo misera mater simul in-  
fantis ori subderet ubera, & sinu sanguinē eius  
exciperet? Manus autem impetu sæpenumero  
carnifex uno gladii ictu filium & matrem con-  
fauciabat, & unus sanguinis riuus ex matris pla-  
ga & ex mortifero uulnere filii mixtus decur-  
rebat. Iam uero, cum nefaria Herodis sententia  
non solum nuper geniti necarentur, sed etiam ibi



li, qui alterum agebant annum, raperentur ad mortem, (scriptum est enim eum iussisse, binu- *Matth. 2. c.*  
los & minores interfici) uidere erat matres non paucas, quæ eo temporis spatio duos filios enixa fuerant. Quodnam igitur rursus in his spectaculum cernebatur, cum duo carnifices circa matrem unam essent occupati, unusq; prope currentem filium ad se raperet, alter autem latentem adhuc infantulum e gremio matris euelleret? Quid tum faciat mater infelix, cum natura bifariam in filios diuellatur, & utroque filio maternis uisceribus ex æquo faces admo-  
uente nesciat, utrum ex carnificibus prius sequatur, cum unus ex hac, alter ex illa parte pueros ad cædē trahat? præcurrat ne ad nuper genitum, confusos indistinctosq; gemitus emit-  
tentem? at inhibetur ab altero iam loquente, balbutienti; lingua matrem inclamante. Quidnam agat? quo se uertat? utrius uoci uoce sua respondeat? utrius gemitum gemitu excipiat suo? utrius defleat necem, cum uterque naturæ stimulis æque miseram feriat? Sed amoueamus aures ab hisce questibus, & ad lætiora dieiq; festo magis conuenientia cogitationem conuertamus, licet Rachel, ut inquit Prophe- *Hier. 31. c.*  
ta, clamans filiorum cædem deplorat. In die enim festo, ut ait sapiens Salomon, malorum *Eccl. 7. b.*  
deceat obliuisci. Quæ ante nobis celebrior dies hac esse potest, in qua malas diaboli tenebras discutienti iustitiæ sol per naturam nostram illu-



cer mundo? In qua, qui cecidit, excitatur? qui  
 uictus est, in gratiam recipitur? qui eiectus est,  
 reuocatur? qui è uita excidit, ad uitam redit?  
 qui seruitutem seruiuit, regni dignitatem asse-  
 quitur? qui mortis uinculis constrictus est, ad  
 regionem uiuentium reuertitur? Nunc ut pro-  
 pheta testatur, aëreæ mortis portæ confringun-  
 tur, ferrea conminuuntur uincula, quibus an-  
 te agnus hominum in mortis custodia detine-  
 batur. Nunc, ut cecinit Dauid, recluditur por-  
 ta iustitiæ. Nunc per totum orbem una uoce fe-  
 stum celebrantium clamor exauditur. Per ho-  
 minem mors, & per hominem salus. Primus  
 in peccatum lapsus est. Iacentem secundus su-  
 scitauit. A muliere mulier defensa est. Primæ  
 peccato aditum patefecit, hæc, ut testamenti pa-  
 teret aditus, ministra fuit. Illa serpentis consiliū  
 est secuta, hæc serpentis interfectorem exhi-  
 buit, & lucis auctorem in lucem edidit. Illa per  
 lignum induxit peccatum, hæc per lignum gra-  
 tiam intulit. Lignum autem crucis intelligo, cu-  
 ius fructus est semper uiuens, & gustantibus ui-  
 ta fit immortalis. nemo autem hanc gratiarum  
 actionem paschatis tantum mysterio putet con-  
 uenire. Sic enim cogitet, pascha quidem diui-  
 næ dispositionis esse finem, qui tamen finis con-  
 sequi nequeat, nisi principium antecedit. Quid  
 igitur antiquius est? ortus nimirum mortis dis-  
 positione. Huius igitur bona sunt pars bono-  
 rum ipsius ortus. Quod si quis munera, quæ in



Euangelis commemorantur, enumeret, si recenscat miracula curationum, in inopia & fame ciborum copiam, mortuorum è monumentis excitationem, subitam atque improvisam effectum uini, expulsionem dæmonum, uarias affectiones ad ualitudinem reuocatas, claudorum saltus, illitos luto cæcorum oculos, diuinam doctrinam, leges latas, arcanam similitudinum significationem, hæc omnia huiusce diei gratia comprehenduntur. Hæc enim bonorum, quæ deinceps consecuta sunt, omnium initium fuit. Quamobrem exultemus, & lætemur in ea. Negligamus, ut hortatur propheta, exprobrationem hominum, nec despectione ipsorum finamus nos uinci, qui diuinæ dispositionis & prouidentiae rationem irrident, quasi non decuerit Dominum subire corporis naturam, nec in hominum uita nascendo uersari. Ignorant enim rei mysterium, quo Dei sapientia nobis salutem afferre constituit. Eramus sponte peccatis nostris uenditi, & instar eorum, qui argento ueneunt, uitæ nostræ inimico mancipati. Quid tibi à Domino optandum fuit? non ne ut eripereris è seruitute? cur igitur curiose requiris modum? cur benemerenti benemerendi rationem præscribis? non secus ac si quis benemerito succenseat medico, quod se non hac, sed illa ratione curauerit. Quod si diuini consilii rationem curiositate ductus exquiris, hoc tibi satis sit intelligere non unum aliquod bonorum,

Psal. 43. c.



sed quidquid boni cogitatione ac mente concipitur, illud esse diuinum numen, potens, iustum, bonum, sapiens, omnia denique nomina, & notiones, quibus natura diuina declaratur. Considera igitur mihi, utrum in hoc beneficio, quo nos affecit, cernantur omnia, quæ dicendo percurri, bonitas, sapientia, iustitia, potentia. Vt bonus desertorem amauit, ut sapiens rationem inuenit, qua seruitute oppressum in libertatem uindicaret, ut iustus in seruitute continentem & emptionis iure possidentem non coegit, sed se ipsum pro illo, qui uictus erat, tradidit, & tanquam uas & sponsor debitum ipse persoluit, ut eum, qui obstrictus erat, liberaret. ut potens non uictus est in inferno, nec eius caro uidit corruptionem. Neque enim fieri poterat, ut uitæ auctor ac Dominus à corruptione uinceretur. At turpe, inquires, fuit, eum in uitam humanam ingredi, & carnis molestias experiri. Immo uero hic apparet muneris amplitudo. Etenim cum aliter è tantis malis homo liberari non posset, beatitudinis rex gloriam suam cum uita nostra commutauit. Ac puritas quidem ad nostras sordes sese demisit: sordes tamen ipsæ puritatem non attigerunt. Lux enim, ut in Euangelio legitur, in tenebris fulsit, tenebræ autem eam non comprehenderunt. Nam tenebræ, præsentia splendoris euanescent: sol in tenebris non obscuratur. Quod mortale est, absorbetur à uita, quemadmodum scribit Apo-

Act. 2. d.

Psal. 15. c.

Io. 1. b.

2. Cor. 5.

6.



stolus, non autem uita à morte consumitur.  
 Quod corruptum fuit, cum incorrupto serua-  
 tur. Corruptio autem ad incorruptionem non  
 accedit. Iccirco communis rerum omnium  
 procreatarū concentus exurgit Dominum suū  
 una uoce collaudantium, sic omni lingua coele-

*Philip. 2. b.*

stium, terrestrium, atque infernorum ex-

clamante, Dominus Iesus Chri-

stus in gloria est Dei pa-

tris, laudandus in

æternum.

Amen.



GREG. NYSS. PONT.  
**DIVI GREGORII NYSSAE**

PONTIFICIS IN SERVATORIS

Christi Resurrectionem oratio,  
in qua & de præfinito trium  
dierum spatio,

Et de Christianorum institutione Paschatis ex  
legis præscripto, deq; crucis mysterio, &  
nobili senatore Ioseph ab Arima-  
thæa nonnulla dicuntur.



**I** QVA Patriar-  
charum benedictio  
diuino spiritu confir-  
mata est, si quod in  
lege præmiū uitam  
ex uirtute instituen-  
tibus promissum, si  
quid ueritatis uete-  
rum historiarū anig-  
mata portenderunt, si quid boni prophetarum  
oracula prænuntiarunt, ea omnia hodierno mu-  
nere continentur. Quo nobis non aliter, quàm  
si spectaculo nobis aliquo proposito lumen  
unum ex innumerabilibus facibus conflatum  
præstringeret aciem oculorum, omnis Dei be-  
nedictio tanquam lux per se fulgens magnum  
hunc animis nostris splendorem ex multis & ua-  
riis scripturæ radiis prouenientem emittit. Li-  
cet enim ex singulis eius diuinis exemplis mu-



tuum huiusce celebritatis testimonium colligere. Quæris Abrahæ benedictionem? præsentia contemplare, & habebis id, quod requiris. Cœli stellas non uides? Has, inquam, stellas, quæ nuper ex spiritu nobis exortæ statim Ecclesiam ut cœlum exornarunt. stellarum enim radiis præclara uirorum uirtute pietatēq; præstantium gratia significatur: quos si quis Abrahæ filios ex promissione natos cœli sideribus similes dixerit, à ueritate non aberrabit. Mosem illum eximium admiraris, qui scientiæ cognitionisq; præstantia res omnes à Deo procreatas comprehendit? ecce tibi primæ mundi procreationis sabbatum, cui benedixit Deus. Ex illo sabbato præsens hoc sabbatū agnosce, quietis hunc diē, cui supra dies alios Dominus benedixit. In hoc enim uere ab omnibus operibus suis Deus Unigenitus conquieuit, qui diuino salutis humanæ curandæ consilio cum per mortem carni quietem præbuisset, & in id, quod erat, per resurrectionem reuertisset, quidquid iacebat secum exuscitans, uita, & resurrectio, & aurora, & mane, & dies in tenebris & umbra mortis degentibus factus est. Simili benedictione historia item referta est. Pater Isaac dilecto filio non parcens suo, & unigenitus oblatio, & uictima factus, & agnus loco illius, qui immolabatur. Licet enim totum in hac historia pietatis mysterium inueniri. Agnus è ligno cornibus hærens pendeat. Unigenitus autem

Gen. 26.

Esa 9.

Gen. 22.



holocausti ligna gestabat. Cernis, quo modo, quicuncta fert uerbo uirtutis suæ, is & lignorum, hoc est, peccatorum nostrorum fert onus, & super lignum extollitur, ferens quidem ut Deus, sublatus autem tanquā agnus? Sic enim spiritus sanctus utraque re magni mysterii figuram partitus est, ut per agnum mortis sacramentum significaret, per unigenitum autem uitam morte non ereptam ostenderet. Si uis & Mosem ipsum considerare, manuum extensione crucem describentem, eaq; forma Amalechitas in fugam uertentem, ueritate figuram expressam, & Amalec cruci cedentem animaduertes. Habes & Esaïam, qui gratiam hodiernam non parum illustrat. Ab ipso enim uirginem matrem, sine patre filium, sine dolore puerperam, sine labe partum prædisces. Sic enim loquitur Propheta. Ecce uirgo in utero concipiet, & pariet filium: & uocabunt nomen eius Emanuel, quæ uox significat, nobiscum Deus. Aequum erat autem, ut sine dolore hic paritus existeret. Etenim cum omnis uoluptas dolorem coniunctum habeat, necesse est, ut in iis, quæ ita copulata sunt, cum unum abest, alterum etiam absit. Itaque cum nulla concipiendi uoluptas antecesserit, ne pariendi quidem dolor est consecutus. Hoc autem Prophetæ uerbis etiam comprobatur, quæ sic habent: Antequam labor dolorum ueniret, effugit, & peperit masculum. Aut, quemadmodum alius in-

Exo. 17.

Esa. 7.

Esa. 66.



terpres ait: Antequam dolores sentiret, peperit. Ex hac, inquit, uirgine matre puer natus est nobis, & filius datus est nobis. Cuius imperium super humerum eius, & uocatur nomen eius magni consilii Angelus, Deus fortis, potens, princeps pacis, pater futuri seculi. Hic puer, hic filius, ut ovis, ad occasionem ductus est, &, tanquam agnus coram tondente se, obmutuit. Vel potius inquit Hieremias, hic est agnus ille mansuetus, qui ad uictimam ducitur. Hic est ille panis, cui lignum iniiciunt qui panis ligniq; sunt hostes. Immo uero illud e prophe-  
 tia, quod apertissimum, & clarissimum est, & quo mysterium planissime declaratur, accipiamus, Ionæ nimirum exemplum, qui sine of-  
 fensione in cerum ingressus, & sine molestia rursum egressus, cum in eius uisceribus tribus diebus, & totidem noctibus permansisset, Domini apud inferos commorationem indicauit. Hæc & horum similia oportet ex singulis scri-  
 pturæ locis indagare, atque seligere. Omnia enim illa ex præsentibus cernis. Et ex hodierna lætitia, ut in Euangelio legimus, tota lex pendet, & prophetæ. Et, quemadmodum Paulus ait, omnis scripturæ, diuino spiritu dictante exarata, legisq; summa in hac gratia concluditur. Hæc enim & malorum est finis, & bonorum principium. Nam mors regnauit ab Adam, imperii pestiferi ducens initium, & impotens illius dominatus ad Mosem usque permansit, cū

Es4.9.

Es4.53.

Hier.11.

Io.1.

Matth. 22.

Matth. 22.

2. Tim. 3.

Rom. 5.



eius uis à lege minime reprimeretur. Venit ui-  
 ta regnum, & solutum est mortis imperium.  
 Apparuit alia generatio, alia uita, alius uiuen-  
 di modus, ipsius naturæ nostræ commutatio.  
 Quæ nam generatio? quæ non ex sanguinibus,  
 neque ex uoluntate uiri, neque ex uoluntate car-  
 nis, sed ex Deo facta est. Quinam, inquit,  
 hoc fieri potest? Audi. nam paucis explica-  
 bo. Fœtus hic per fidē cōcipitur, per baptisma-  
 tis gratiam, & regenerationem in lucem editur:  
 nutricem habet Ecclesiam: huius doctrinam &  
 instituta fugit tanquam ubera: illi cœlestis panis  
 est cibus: ætatis perfectio est sublimis uiuēdi ra-  
 tio: nuptiæ consuetudo sapientiæ: liberi, spes,  
 domus, regnum: hæreditas & opulentia, deli-  
 ciæ paradisi: finis non mors, sed uita illa, quæ  
 dignis parata est beatissima, & sempiterna.  
 Hoc in melius commutationis initium uidens  
 Magnus ille Zacharias ambigit, quod illi no-  
 men imponat, quo modo præsentem gratiam  
 appellet. Etenim cum ea, quæ ad cruciatus,  
 mortemq; pertinent, percurrisset, de tempore  
 hoc, Neque dies, inquit, neque nox. Quibus  
 uerbis ostendit, neque diem, cum sol non ad-  
 sit, uocari posse, neque noctem, cum absint te-  
 nebræ, quas Deus, ut Moses scribit, noctem  
 nominauit. Quamobrem, cum & nox tene-  
 bris, & dies sole præscribatur, Propheta, Ne-  
 que dies, inquit, neque nox. Quod si neque  
 nox, neque dies tempus hoc dici potest, alio  
 nomine

Io. 1.

Gen. 3.



nomine profecto præfens gratia est appellanda.

Vultis exponam uobis, quid ipse sentiam? Hæc

est dies illa, quam fecit Dominus, à diebus illis *Psal. 117.*

longe diuersa, qui mundi procreationis initio

sunt constituti, quos temporis cursus dimeti-

tur. Alterius hæc est procreationis initium. In

hac enim die cælum nouum facit Deus, & ter- *Esai. 65.*

ram nouam, ut ait Propheta. Ecquod cælū?

fidei firmamentum. Ecquam terram? Cor bo-

num, ut inquit Dominus. Hæc enim terra bi- *Leu. 8.*

bit super se uenientem imbrem, & spicam mul- *Esai. 61.*

tiplicem parit. solis lux est uitæ mūditiā. Aer,

perspicua & præclara uiuendi institutiō. Stel-

læ, uirtutes. Mare, diuitiarum sapientiæ, & co-

gnitionis altitudo. Herbæ, & germina, bona

doctrina, diuināq; documenta, quæ populus

pascuæ, hoc est, Dei grex carpit, atque depa-

scitur. Arbores ferentes fructum, mandato-

rum obseruatio. In hac die uerus homo pro-

creatur ad imaginem, & similitudinem Dei.

Cernis, cuius mundi principium sit hæc dies,

quam fecit Dominus? Quam neque diem esse

dicit Propheta diebus aliis, neque noctem aliis

noctibus similem? Sed quod in hac gratia præ-

stantissimum est, nondum explicauimus. Hæc

mortis dolores dissoluit. Hæc mortuorum pri-

mogenitum edidit. In hac æreæ mortis por-

tæ confractæ sunt. In hac ferrei inferiorum ue-

stes comminuti. Nunc mortis carcer aperitur. *Heb. 6.*

Nunc captiuis libertas denuntiatur. Nunc cæ-



Luc. c. .1.

Esa. 9.

Esa. 10.

Esa. 29.

Iob. 5.

Iob. 40.

cis uidendi facultas præbetur . Nunc oriens ex alto inuisit eos , qui in tenebris & umbra mortis confidebant . Vultis etiam de tridui præfinito termino aliquid intelligere ? Illud dixisse contenti simus , tam exiguum temporis spatium fuisse satis , ut omnipotens sapientia in corde terræ existens magnam illam mentem in eo habitantem stultam redderet . Propheta enim magnam mentem , & Assyrium appellat . Quoniam igitur in corde , tanquam princeps in regia sua , mens creditur commorari , iccirco Dominus manet in corde terræ , ubi est mentis illius scelestæ domicilium , ut consilium eius stultum reddat , ut ait Propheta , & apprehendat sapientes in astutia eorum , & sapientes ipsorum conatus in contrarium uertat . Nam quia fieri nõ poterat , ut princeps tenebrarum meram lucis præsentiam attingeret , nisi partem aliquam carnis in ipsa conspexisset , iccirco , posteaquam diuinam carnem uidit , & res admirandas , quæ per ipsam à Diuinitate efficiebantur , aspexit , sperauit , se , si morte carnem affecisset , omnem etiam uirtutem , quæ in ipsa erat , superaturum . Itaque dum inhians ad carnis escam aspirat , Diuinitatis hamo transfixus est , atque ita draco per hamum ductus est , ut ait Iob , qui per se , quod futurum erat , prænuntians , hamo , inquit , draconem duces . Audiamus autem à Propheta , quænam iste draco in corde terræ inibat consilia , cum aduersus Domini carnem fauces ape-



ruit. Quid in eum dicit Esaias, illius redarguens. *Esa. 10.*

cogitata? Tu dixisti in corde tuo, In coelum  
ascendam, super astra coeli ponam solium meum,  
fedebo in monte excelso, supra nubes conscen-  
dam, & ero similis altissimo. Hac secum scele-  
ratum cor cogitabat. Ante uero quid magna  
illa mens in malitia, quid improbus ille Assy-  
rius secum ipse loqueretur, ex Esaiæ item uer-  
bis intelligamus. Dixi: Fortitudine manus. *Esa. 10.*

mea faciam, & prudentia sapientiae meae termi-  
nos gentium auferam, & fortitudinem eorum  
praedabor, & concutiam urbes habitatas, & or-  
bem terrarum uniuersum tamquam nidum com-  
prehendam, & tanquam oua derelicta tollam,  
& non erit, qui effugiat me, aut contradicat mi-  
hi. Hac ille spe deceptus eum, qui propter sua  
erga genus humanum beneuolentiam in terris  
nobiscum uersabatur, in se sucepit. Verum  
quam illi eorum loco, quae sperabat, euene-  
rint, Propheta calamitatem ipsius declarans  
aperte significat. quo modo, inquit, cecidit  
e coelo lucifer, qui mane oriebatur? Quo mo- *Esa. 14.*  
do contritus est in terram? super eum strata  
est putredo, indumentum ipsius est uermium  
operimentum. Et caetera, quibus interitus eius  
describitur, quae cuilibet licet ex Prophetæ scri-  
ptis intelligere. Mihi enim ad propositum re-  
deundum est. ob id igitur uera sapientia in arro-  
ganti corde terrae uersatur, ut magnam illam in  
malitia mentem deleat, ut tenebrae discutiantur



1. Cor. 15.

à luce, ut, quod mortale est, absorbeat à uita,  
 & extremo inimico, morte nimirum, destru-  
 cto, malum euertatur. Hæc tibi præscripto tri-  
 dui spatio cōfecta sunt. Num tarda uidetur hæc  
 gratia? Num nimis longo intervallo tantum bo-  
 num partū est? Vis eximiam uirtutem agno-  
 scere, quæ tam exiguo temporis spatio hæc ge-  
 sta sunt? Omnes mihi hominum ætates enume-  
 ra, quæ iam inde ab ipso primo malorum ortu  
 usque ad eorum interitum extiterunt: quot sin-  
 gulis ætatibus homines, quàm multa cunctis  
 ætatibus hominum millia fuerint. iniri'ne po-  
 terit numerus multitudinis eorum, per quos  
 malitia iure quodam modo hæreditario sic pro-  
 pagata est, ut malæ improbitatis diuitiæ in sin-  
 gulos dispertitæ singulorum studio, & opera  
 auctæ sint, atque ita fœcunda malitia ætatibus  
 ordine succedentibus perfusa creuerit in infini-  
 tum, donec ad summum mali cumulum perue-  
 niens totam naturam humanam occupauit? Sic  
 enim sine exceptione Propheta sententiam tu-  
 lit, Omnes, inquiens, declinauerunt, simul  
 inutiles facti sunt, adeo, ut nihil inueniretur,  
 quod malitiæ non esset instrumentum. Tan-  
 tum igitur malorum acernum ab ipsa mundi  
 constitutione ad mortem usque Domini cumu-  
 latum, & auctum qui tribus diebus dissoluit, &  
 euertit, paruam'ne tibi præstantis potentia, uir-  
 tutisq; suæ significationem dedit? Nonne uis  
 eius, rerum omnium, quæ monumentis histo-

Psal. 13.



riarum admirandæ commemorantur, apparuit  
 excellentissima? Quemadmodū enim Sampso- Iud. 14.  
 nis facinus eo magis admiramur, quod non so-  
 lum leonem uicit, sed eum sine labore supera-  
 uit, quodq; nuda inermiq; manu tantam feram,  
 tanquam ludēs occidit, & dilacerauit: sic ea re  
 Domini uirtus excelluit, quod nullo negotio  
 malitiam deleuit. Neque enim superioribus ca-  
 taractis patefactis, abyssisq; proprios terminos  
 transilientibus, & tumefactis, aquarum immen-  
 sa uis ingruit, quæ terram obruens uniuersam,  
 montesq; transcendens, & montium fastigia su-  
 perans, orbem tanquam nauigium simul cum  
 ipsis nautis, atque uectoribus demerserit. Ne-  
 que, ut Sodomitarū temporibus contigit, ignis,  
 & flammarum imber, quod corruptum erat,  
 purgans expiauit. Neque aliud quidquam acci-  
 dit eiusmodi. Sed simplex quædam & incom-  
 prehensa peregrinatio, sola uitæ, lucisq; præsen-  
 tia in tenebris, & regione umbræ mortis confi-  
 dentibus tenebras omnes dispulit, & mortem  
 ipsam interfecit. Aliud ne quidquam adiun- Es. 9.  
 gam iis, quæ dicta sunt? In serpente malum ex-  
 ortū est. Mulier draconis insidiis decepta fuit.  
 Mulieris illecebris uir ipse cecidit. Tribus hi-  
 sce gradibus malum emerfit. Quorsum hæc spe-  
 ctat commemoratio? Licet ex hoc mali ordine  
 quendam boni ordinem illi respondentem ani-  
 maduertere. Hæc tria cerno mali receptacula.  
 primum, in quo primo constitit: alterum, in



quod defluxit: Tertium, in quo postea inhaesit. Quare cum in his tribus redundarit, nempe in natura diabolica, & in genere mulierum, & in uirorum plenitudine, consentaneum fuit, ut trium dierum spatio morbus expelleretur, singulis generibus malitia laborantibus tributo curationis die, ut uno quidem uiri curarentur, altero foeminarum genus, extremo autem extremus hostis, mors, destrueretur, & qui mortis ministri sunt Principes, & Potestates Virtutum aduersariarum, & imperantium profligarentur. Nec admireris boni prouentum fieri temporis interuallo. Nam & in prima mundi procreatione momento poterat diuina uirtus cuncta perficere, attamen rerum fabricationi tempora distribuit: ut primo quidem die pars earum una constitueretur, secundo autem altera, atque ita deinceps reliquæ, donec omnia perfecta sunt, & absoluta, eo dierum numero, qui scriptus est, Deo cuncta perficente. sic etiam hic ea sapientiæ ratione, quæ uerbis explicari non potest, tribus diebus malum eiicitur, & excluditur ab hominibus, à mulieribus, & à serpentium genere, ut nobis nocere non possit. Hæc de trium dierum numeri causa cogitauimus, recte, nec ne, auditorum iudicium esto. Neque enim uerba nostra certam demonstrationis rationem habere uolumus, sed ita quærendo nos exercemus. Quòd si re ipsa præfinitum horum dierum numerum plane uis

perficere  
docem non  
qua eadem  
trium dierum  
quod d  
quo? Diu  
& qu  
quid dese  
mus esse u  
non autem n  
soluuntur  
nam a me,  
retraem eni  
em habeo i  
unfinito pe  
et. Qui enim  
expeditione  
no Iudæor  
uiniquam  
em malitia  
quorum &  
ti hancane  
adueni n  
sum offert  
ad existen  
peccatum to  
pus suum d  
magis nem  
dicitur, ag  
nam uictim



perspicere (neque enim illi parum deest, si post horam nonam parasceux tempus consideres, qua quidem hora Dominus patris manibus spiritum commendauit) paulisper attende, & fortasse, quod quæris, inuenies. Quoniam inquires pacto? Diuinæ potentiae magnitudinem considera, &, quod scire cupis, intelliges. Recordare, quid de se Dominus pronuntiarit, & eam ipsius esse uirtutem cognosces, ut uoluntate, non autem naturæ necessitate animam à corpore disjungat. Nemo enim, inquit, tollit animam meam à me, sed ego pono illam à me ipso. Io. 10. Potestatem enim habeo ponendi eam, & potestatem habeo iterum assumendi. Hoc nobis ita constituto perspicue patebit id, quod quæsitum est. Qui enim potestate sua cuncta disponit, non ex proditione sibi impendentem necessitatem, non Iudæorum quasi prædonum impetum, non iniquam Pilati sententiam expectat, ut eorum malitia sit communis hominum salutis principium & causa, sed consilio suo anteuertit, & arcano sacrificii genere, quod ab hominibus cerni non poterat, se ipsum pro nobis hostiam offert, & uictimam immolat, sacerdos simul existens, & agnus Dei, ille, qui mundi peccatum tollit. Io. 10. Quando id præstitit? cum corpus suum discipulis congregatis edendum, & sanguinem bibendum præbuit, tunc aperte declarauit, agni sacrificium iam esse perfectum. Nam uictimæ corpus non est ad edendum ido-

k iiii



neum, si animatum sit. Quare cum corpus edendum, & sanguinem bibendum discipulis exhibuit, iam arcana, & non aspectabili ratione corpus erat immolatum, ut ipsius mysterium peragentis potestati collibuerat. Et anima in illis erat, in quibus eadem ipsa potestas illam deposuit, simulq; cum diuina uirtute, quæ cum illa erat coniuncta, in ea regione cordis uersata est. Itaque si quis inde tempus incipiat dimittere, cum sacrificium Deo factum est à Magno illo Principe sacerdotum, qui ratione, quæ nec uerbis explicari, nec oculis perspicere potuit, se ipsum pro communi hominum salute tanquam agnum obtulit, non recedet à ueritate. Erat enim uespera, cum sacrum illud corpus comederunt: quam quidem uesperam nox, quæ parasceuem antecedit, excepit. Hiic successit parasceuæ dies, quæ nocte illa propter solis obscuracionem interiecta in dies duos & noctem unam diuisa est. Nam, si Deus noctem tenebras appellauit, tribus autem horis tenebræ factæ sunt super uniuersam terram, spatium illud in diei medio constitutum nox fuit, quæ singulis illius ex utraque parte sectionibus binos dies definiuit, unum quidem ab ortu solis usque ad sextam horam, alterum autem ab hora nona usque ad uesperam. Atque ita duas iam noctes habemus, & totidem dies. Hinc sabbati nox est subsequuta, & sabbati dies. Ex quibus tres dies, & noctes itidem tres conficiuntur. Reliquum est, ut

Gen. 1.  
Matth. 27.



Resurrectionis horam inquiramus : qua quidē inuenta, ueritas extrahit. Quando igitur surrexit Dominus? Vespere sabbatorū tibi Matthæus clara uoce denuntiat. Hæc est Resurrectionis hora perspicue in Euangelio descripta. Hic terminus fuit cōmorationis Domini in corde terræ. Vespere enim iam profunda, quæ quidem uespera noctis, quam una sabbatorum dies consequitur, principium erat, terræmotus factus est. Tunc Angelus in uestimentis fulgens reuoluit lapidem monumenti. Mulieres autem mane surgentes, cum diei iam lux appareret, & orientis solis splendor cerneretur, resurrexisse Dominum intellexerunt: qua autem hora res illa admiranda contigisset, non acceperunt. Angelus enim surrexisse quidem Dominum nuntiavit; quando autem surrexerit, non patefecit. At Magnus Matthæus solus ex omnibus Euangelistis tempus accurate descripsit, dicens Resurrectionis horam fuisse sabbati uesperam. Quæ cum ita se habeant, constat nobis præfinitum tridui spatium, post quintam uesperam ad uesperam sabbati tēpus ita dimetientibus, ut interiecta nox, quemadmodum dictum est, connumeretur, quæ parasceuem in dies duos, & noctem unam partitur. Decebat enim, ut in eius imperio, qui seculis dominatur, noua ratione spatia temporis accommodarentur ad rerum utilitatem, non autem res necessario statutis temporis terminis extenderentur, & diui-

Matth. 23.



Io. 10.

Heb. 3.

Matth. 12.

Luc. 23.

na potentia celerius bona nobis ad exitum perducende, termini temporis ita contraherentur, ut non pauciores tamen, quàm tres dies, & totidem noctes continerent, (hunc enim numerum mystica & arcana ratio postulabat) nec solita dierum & noctium spatia celerem diuinæ uirtutis actionem retardarent. Qui enim & ponendæ & rursus sumendæ animæ, cum uellet, habebat potestatem, poterat etiam, tanquam seculorum auctor, efficere, ut actionibus suis tempus inseruiret, non autem actiones temporis. sed rerum maximarum caput nondum attingimus. Illud enim à studiosis oportuit inuestigare, quo modo uno eodemq; tempore Dominus se tribus his dederit, cordi terræ, paradiso cū latrone, patrisq; manibus. Nam ad Pharisæos quidem, quemadmodum, inquit, Ionas fuit in uentre ceti tribus diebus, & tribus noctibus: Ad latronem autem, Hodie mecum eris in Paradiso: Ad patrē uero, In manus tuas commendo spiritum meum. Nemo enim aut paradisum apud inferos esse dixerit, aut inferos in Paradiso, ut eodem tempore utrobique fuerit, aut his patris manus indicari. At hæc pie considerantibus ne quæstione quidem fortasse uideantur digna. Qui enim diuina potentia sua ubique est, is & rebus adest omnibus, & nullo excluditur loco. Verum ego rationem aliam præterea memini me didicisse, quam uobis, si placet, breuiter explicabo. Quando spiritus sanctus in



uirginem uenit, eiꝑ; Altissimi uirtus obum- Luc. 10.  
brauit, ut homo nouus in ipsa gigneretur, qui  
propterea uocatus est nouus, quod à Deo præ  
ter hominum cōsuetudinem creatus est, ut Dei  
esset domicilium nō manufactum, neque enim  
in manufactis, hoc est, hominum opera con-  
structis Altissimus habitat, tunc sapientia sibi Act. 17.  
domum exædificante, obumbratione tanquam Pro. 9.  
signi forma intus ædificio constituto, duabus  
illis partibus, ex quibus humana constat natu-  
ra, (animum & corpus intelligo) potentia di-  
uina coniuncta est, sese utrique pariter commi-  
scens. oportebat enim, ut, cum utraque pars  
propter peccatum supplicio mortis esset obno-  
xia, si quidem animi à uita seiunctio uere mors  
est, corporis autem mors est ipsa corruptio &  
dissolutio, oportebat, inquam, ut uitæ con-  
iunctio ab utraque parte mortem expelleret.  
Itaque Diuinitate utrique hominis parti copu-  
lata, perspicua excellentis naturæ indicia patue-  
runt. Corpus enim attractu suo morbos curans  
Diuinitatem præ se ferebat. Animus autem po-  
tenti illa uoluntate diuinam uirtutem indicabat.  
Quemadmodum enim tangendi sensus est cor-  
poris proprius, sic animi proprius est uolunta-  
tis motus. Accedit leprosus corpore iam disso-  
lutus atque confectus. Quo modo curatur à Matth. 8.  
Domino? Animus uult, corpus attingit. Vtro-  
que modo expellitur morbus. statim enim, ut  
scriptum est, discessit ab eo lepra. Rursum cū



Matth. 15.

tot hominum millia apud se considerent in solitudine, noluit eos ieiunos dimittere. Manibus igitur panes fregit. Vides, quo modo Diuinitas utrique parti coniuncta per utranque declaratur, cum & corpus agat, & animus uelit? Verum non est necesse, ut res omnes admirandas eodem pacto perfectas recenseamus. Sunt enim omnibus notæ. Quamobrem ad id, cuius gratia hæc commemorauimus, reuertamur. Quo modo eodem tempore & apud inferos, & in Paradiso Dominus fuerit, quæritur. Cuius quidem quæstionis una solutio est, ut dicamus, nihil auium, aut inaccessum esse Deo, in quo omnia consistunt. Altera solutio est illa, ad quam nunc oratio nostra spectabat: nempe Deum, qui totum hominem per suam cum illo coniunctionem in naturam diuinam inuenerat, mortis tempore à neutra illius, quem semel assumpserat, parte recessisse. Nunquam enim illum suorum munerum poenitet. Diuinitas ergo uoluntate quidem animum à corpore diiunxit, sed in utroque tamen se manere demonstrauit. Nam per corpus, in quo corruptionem ex morte prouenientem non admisit, euectit eum, qui habebat mortis imperium: per animum autem latroni patefecit aditum in Paradisum. Vtrunque autem eodem tempore perfectum est, Diuinitate per utranque hominis partem hæc bona præstante, ut per corporis incorruptionem mortem ipsam dissolueret,

Rom. 14.

Act. 2.



per animi uero in sede propria constitutionem hominibus aditum in Paradisum aperiret. Quoniam igitur duplex est hominis concretio, simplex autem atque una Diuinitatis natura, cum homo dirimitur atque distrahitur, Diuinitas ipsa, quæ indiuidua est, non separatur, sed contra potius propter unitatem naturæ diuinæ, quæ utrique hominis parti ex æquo inest, quæ seiuueta, separataq; erant, rursus coeunt, & coniunguntur. Atque ita ex partium cōiunctarum diuisione mors sequitur, ex diuisarum autem coniunctione resurrectio. Quod si quæris, quomodo in Paradiso se patris manibus cōmendarit, tibi sublimis Esaias respondebit de cœlesti Hierusalem, quam nihil aliud, nisi Paradisum esse credimus, ex Dei persona: descripsi meos, inquit, tuos in manibus meis. Quare si Hierusalem, hoc est, Paradisus, in manibus patris descripta est, constat eum, qui in Paradiso sit, in patris manibus, in quibus descriptionem habet diuina ciuitas, commorari. Ac de his quidem hætenus. Verum quia Iudæi uehementer institutum nostrum accusant, non alienum erit, ut, quæ nobis obiiciunt, breuiter refellamus. Dicunt igitur in Paschate celebrando sic à Mose quartumdecimum lunæ cursus circuitum in lege præscriptum esse, ut septem diebus pane sine fermento & herbis amaris pro obsonio uescerentur. Qua propter, si quartumdecimum, inquit, diem obseruatis, simul

Esa. 49.

Exo. 13.



etiam hos cibos comedite . Sin illos respuitis ;  
 cur in die obseruando studium ponitis ? Neque  
 enim dicendum est , quæ ab eodem legislatore  
 sunt constituta , partim esse tanquam iusta atque  
 animis utilia comprobanda , partim ut iniusta &  
 inutilia repudianda . His argumentis conclu-  
 dunt , aut omnia , quæ in paschate celebrando  
 iussa sunt , aut nihil obseruare nos oportere .  
 Quid autem nos ad hæc ? Meminerimus nobis  
 esse mandatum , ne hominū maledictis , & con-  
 tumeliis succumbamus . Nouimus utilem pa-  
 nis sine fermento confecti obseruationem , nec  
 earum herbarum lucrum , aut diei quartadeci-  
 mæ usum ignoramus . Lex , ut paucis rationem  
 hanc explicemus , futurorum bonorum um-  
 bram cōtinens , unum illud propositum habet ,  
 ut uariis mādatis homo ab immixta naturæ suæ  
 malitia purgetur . Huc spectat circuncisio , huc  
 sabbati , huc ciborum , huc uariæ animalium im-  
 molationis , huc omnium denique legis cerimo-  
 niarum & institutorum obseruatio . Longum  
 autem esset , ea , quæ lex per ænigmata præscri-  
 bit , munditiam animi significantia , sigillatim re-  
 censere . Quemadmodum igitur per circunci-  
 sionem , quæ spiritu peragitur , natura cupidi-  
 tates abiicit , uitam carni obnoxiam amputans ,  
 & circuncidens : per sabbatum autem institu-  
 mur , ut quiescentes à peccatis abstineamus : &  
 animalium mactatio nos docet , ut perturbatio-  
 nes , & uitia mactemus : & ciborum immuni-

Matth. 5.

Heb. 10.



dorum interdictio nos monet, ut ab impura,  
 immundaq; uita recedamus: sic & hæc celebri-  
 tas illam indicat celebritatem, ad quam animus  
 per azyma præparatur, dum septem diebus à  
 fermento iubet abstinere. Septem enim die-  
 rum numerus prætereuntem hunc temporis  
 cursum significat, qui per hebdomadas circun-  
 uoluitur. Diligenter enim quotidie cauendum  
 est, ne dies instans ulla hesternæ malitiæ reli-  
 quias conseruet, ne quid acerbitalis, aut ama-  
 ritudinis hodierno fermento ueteris improbita-  
 tis mixtio pariat. Sol ne occidat super iracun- *Eph. 4.*  
 diam uestram, inquit Apostolus, qui præcipit,  
 ut diem festum celebremus, non in fermento  
 ueteri, nec fermento malitiæ, & nequitiae, sed in  
 azymis synceritatis & ueritatis. Quod autem *1. Cor. 5.*  
 de uno malitiæ genere didicimus, id simili ra-  
 tione de reliquis malitiæ generibus dictum exi-  
 stimemus. Amaritudo enim è uita torporem,  
 & ignauiam expellit, & illius loco fortem, &  
 duram, & asperam uiuendi rationem introdu-  
 cit. si quidem omnis disciplina principio uide-  
 tur non lætitiā, sed molestiam afferre. Quare  
 qui uitæ totius hebdomadem nulla ueteri mali-  
 tia commistam, sed ab ipsius fermento liberam  
 transigit, temperantiam in uictu tanquam obso-  
 nium adhibens, is ab omni tenebricosa mixtio-  
 ne se ipsum auocat. Hoc enim quartædecimæ  
 lunæ cursus significat. Nam cum totum ipsius  
 cursum nouem & uiginti dies cum dimidio con-



ficiant, quo quidem spatio luna tum crescendo circulum perficit, tum decrecendo minuitur, ut omni prorsus luce deficiat, fit, ut horum dierum dimidium numeri quatuordecim dies & paulo amplius contineat. Cum igitur proprio cursu progrediens nocturno spatio sic orbem suum luce compleuerit, ut diei splendori nitorem adiungat suum, sequitur, ut neque uespere, neque mane tenebras ullas finat interponi, quibus continua lucis series interrumpatur, cum in elementis perpetua luminis successio maneat. Priusquam enim solis occidentis radii plane deficiant, è regione cernitur luna, quæ luce sua mundum illustrat. Et rursus antequam hinc cursu confecto luna discedat, lucis eius reliquiis diei splendor adiungitur. Atque ita ex illa nocte, qua luna plena est, tenebræ penitus excluduntur, mutua solis & lunæ tum uespere, tum mane successione. Quod igitur luci sensibus expostæ quartadecima die cōtingit, ut per totam noctem atque diem nullam tenebrarum mixtionem admittat, id spiritualis lex uult esse documentum, ut per totam uitæ hebdomadam præclarum unum Pascha & à tenebris remotissimum celebrantes omne temporis spatium in luce transigamus. Hæc est celebrandi Paschæ apud Christianos institutio, atque observatio. Idcirco quartadecimā hanc diem attendimus, ut ex hac luce, quæ sensu percipitur, & in materia sita est, lucem à materia seiunctam, & quæ  
fola



sola mente comprehenditur, intelligamus, & dum uidemur lunam plenam inquirere, quæ perpetuum ex se lumen tota nocte præbeat, nihil aliud nobis ea re legem præscribere existimemus, nisi ut omne tempus, quod nox diesq; dimetitur, uirtutibus illustratum & splendidum, & nullis tenebrosis actionibus permixtum inquinatum ue traducamus. Ac de his quidem satis. Quæ uero ad crucis mysterium pertinent, quis ea facile dicendo queat explicare? Innumerales erant moriendi rationes, quibus mortis pro nobis obeundæ consilium expleri poterat. Hanc tamen ex omnibus unam is, qui mortis, quam uellet, optionem habebat, sibi delegit, atque præscripsit. Oportet enim, inquit, filium hominis. Non dixit; hæc, & hæc filius hominis patietur, ut aliquis futura prænuntians simpliciter dixisset, sed necessarium arcana quadam ratione, ac debitum esse significat, dum, oportet, inquit, filium hominis multa pati, & reprobari, & tertia die resurgere. Vim enim illius uerbi, oportet, mihi considera, & inuenies id in ea contineri, ut significet, fieri aliter non oportere, nisi ut per crucem mors opperatur. Quæ huiusce rei causa? Pauli solius est, eam exponere per arcana illa uerba, quæ in adytis Paradisi constitutus audiuit, solius, inquam, Pauli est, hoc crucis mysteriū explanare, quemadmodum etiam ex parte aliqua in epistola ad Ephesios facit, dum arcanū hoc patefaciens, Vt po-

Matth. 16.

Mar. 8.

Luc. 9.

10. 22.



Eph. 3.

fitis, inquit, comprehendere cum omnibus sanctis, quæ sit latitudo, & longitudo, & sublimitas, & profundum, scire etiam supereminentem scientiæ charitatem Christi, ut impleamini in omnem plenitudinem Dei. Neque enim frustra diuinus ille Apostoli oculus crucis figuram excogitauit. Sed ea item re facile ostendit, se, omnibus ignorantiæ squamis ab oculis mentis excussis, ipsam rerum ueritatem clare perspexisse. Nouit enim, ea figura, quatuor cornibus è medio prouenientibus descripta potètiā, & prouidentiam illius, qui ex ipsa pependit, declarari. & iccirco partes illius singulas propriis nominibus appellauit. eam enim, quæ à medio deorsum uergit, profundum uocat: quæ autem sursum, sublimitatem: latitudinem uero & longitudinem illas, quæ utrinque transuersæ protenduntur: ut, quæ hinc à medio produciuntur, latitudo, quæ autem illinc, longitudo nominetur. Potes, ea, quæ dicta sunt, in animo tuo de Deo cogitans intueri. Coelum enim suspice, & partes infimas animo complectere, extremosq; ac summos orbis terminos cogitatione comprehende, atque considera, quænam potentia tanquam uniuersitatis uinculum hæc omnia deuinciat, atque contineat. uidebisq; sponte sua in ea diuinæ potentiæ contemplatione crucis figuram exprimi in animo ac mente tua, à superis ad infera, ab extremis ad extrema protètiā, atque descriptam. Figuram hanc



Magnus etiam Dauid de se loquens expréssit;  
Quò ibo, inquit, à spiritu tuo, & quò à facie *Psal. 138.*

tua fugiam? Si ascendero in coelum (hæc est  
sublimitas) tu illic es. Si descendero in infernū  
(hoc est profundum) ades. Si sumpsero pen-  
nas meas diluculo, id est, ad orrum solis, (hæc  
est latitudo) & habitauero in extremis maris.

Sic enim occasum appellat. (hæc est lōgitudō.)

Cernis quo modo crucis figuram describat?

Tu es, inquit, qui per omnia cōmeas, qui cun-  
cta deuincis, qui in te ipso comprehendis uni-  
uersa. Tu supra es, Tu es infra, In hac extre-

ma parte manūs est dextera tua, in illa sinistra.

Ob id Magnus item Apostolus, cum omnia fi-  
de & cognitione repleta fuerint, fore dicit, ut is,  
qui super omnia est, in nomine Iesu Christi ado *Philip. 2.*

retur & à cœlestibus, & à terrestribus, & ab in-  
fernis, quibus uerbis per crucis figuram diui-  
dit Christi adorationem. Cœlestis enim regio  
partem sublimem, terrestris ambas medias, in-  
ferna profundam continet. Idem mea quidem

sententia significat etiam Iota illud, si cum api- *Matth. 5.*

ce coniunctum consideretur, quod & cœlo sta-  
bilius, & terra firmitus, & omni rerum cōstitū-  
tione certius est. Cœlum enim & terra transi-  
bunt, & huius mundi figura præterit: Iota au- *Matth. 24.*  
*1. Cor. 7.*

tem ex lege, & apex unus non præterit. Linea  
recta ē sublimi in imum descēdens Iota dicitur;  
oblique autem ad latera pertingens apex nomi-  
natur: id quod ab ipsis nauigantibus licet disce-



re, qui lignum illud transfuersum malo adiacens, cui uela suspendunt, græce eodem nomine, quo apicem nominant, nempe *κεράτιον*. Quamobrem diuina hæc Euangelii uerba mihi uidentur in crucis figura tanquam ænigmate & speculo quodam illud ostendere, in quo omnia constiterunt, quod omnibus, quæ in ipso continentur, stabilis est, atque æternum. Cuius potentia cuncta moderatur. Proinde Dominus ait, oportere filium hominis, non simpliciter mori, sed crucifigi, ut crux Deum gestans, aduersariis omnipotentem illius, qui in ipsa penderet, uim, quiq; omnia in omnibus est, figura sua patefaceret. Nobilis ille senator Ioseph, fratres, ab Arimathæa non est nobis silentio prætereundus, qui cum illius corporis munus accepisset, sindone mundo illud inuoluit, & in monumento nouo, ac puro collocauit. Quod ab honesto hoc senatore gestum est, nobis sit tanquam lex, ut idem nos quoque præstemus, cū illud corporis munus suscipimus, ne id sordido conscientia linteo inuoluamus, ne uic in cordis monumento mortuorum ossibus, omniq; immunditia pleno reponamus. Sed unusquisque, ut scribit Apostolus, se ipsum probet, ne munus suscipienti sit in iudicium. Verum, dum hæc loquor, lucida Angeli stola mentis aciem mihi præstringit, & dulcis ille terræ motus, quo grauis ille humani monumenti lapis reuolutus est, omnibusq; resurrectionis fores patefactæ

Matth. 20.

10. 12.

i. Cor. 5.

1. Cor. 10.



sunt, præuoluptute cor meum concutit. Curramus & nos ad conspiciendum spectaculum hoc nouum, & admirabile. Sabbatum enim iam illuxit. Ne permittamus, ut mulieres anteuertant. Sint etiam in manibus nostris aromata fidei, puræq; conscientiae. In his enim consistit bonus odor Christi. Ne quæramus amplius uiuentem cū mortuis. Dominus enim eos, à quibus hoc modo requiritur, reiicit, & arcet, Ne me, inquit, tangatis. Cum ascendero ad patrem, tunc me licebit attingere. Id est, cum nō corpoream amplius, seruilemq; formam, sed eum, qui est in gloria patris, qui est in forma Dei, & Deum Verbum, fide cōceperitis, tunc me, non autem simplicem serui formam, adoretis. Audiamus bonum nuntium, quem nobis mulier affert, quæ fide prior, quàm uir, accedit, ac merito quidem, ut incipiens ipsa ad bonum currere, diluat crimen, in quod incidit, cū ante cucurrit ad malum. Ecquid autem nuntiat? Ecquod est hoc mulieris Euangelium? Non ex hominibus profecto, neque per homines, sed per Iesum Christum. Audite, inquit, quod mihi Dominus, ut uobis, quos fratres etiam nominat, nuntiarem, ipse mandauit. Ascendo, inquit, ad patrem meum, & patrem uestrum, Deum meum, & Deum uestrum. O' nuntium præclarum, & bonum. Qui pro nobis factus est homo, is cum sit Vnigenitus, quo nos fratres efficiat suos, se hominem ad ue



rum patrem adducit, ut per se ipsum omnes cognatos secum trahat, ne possit illis amplius obici, quod eos, qui natura Dii non sunt, adorauerint. Etenim cum ad uiuentem & uerum Deum adorandum reuocati sint, ab hæreditate paterna tanquam reiecti reprobatiq; non possunt excludi, quoniam filium uerum ipsi per adoptionem filii secuti sunt. qui multis in fratribus primogenitum bonæ creaturæ se per carnem efficiens, omnem naturam humanam, cuius particeps esse uoluit, assumptæ carnis necessitudine sibi coniunxit. Sed quia panis azymus ante pascha pro obsonio herbas amaras habet, uideamus quaiucunditate post Resurrectionem panis efficiatur dulcis. Cernis in manibus Domini Petro piscante panem, & fauum mellis? Inde confidera, in quid amaritudo uitæ commutetur. Quare nos item ex piscatu uerborum Dei iam ad panem illum cœlestem accurramus, quem spei fauus dulcem reddit in Christo Iesu Domino nostro, cui gloria in secula seculorum.

Amen.



84  
DIVI GREGORII NYSSAE

PONTIFICIS IN DIEM ASCENSIO-

NIS D. N. IESV CHRISTI,

ORATIO.



V A' M dulcis ho-  
minum comes Pro-  
pheta David in o-  
mnibus uitæ itineri-  
bus, quàm aptus spi-  
ritalibus cunctis æta-  
tibus, quàm omni  
proficientium ordini  
conditioniq; cōmo-

us inuenitur. Cum illis, qui apud Deum pue-  
ri infantesq; sunt, colludit. Viris in certamine  
& pugna se socium præbet, Iuuentutem eru-  
dit, senectutem confirmat, omnium omnia fit.  
Militem arma, Magister pugilum, Palæstra  
certantium, Corona uictorum, In conuiujs  
hilaritas, In molestiis cōsolatio. Nulla denique  
pars humanæ uitæ illius munere & gratia uacat.  
Quænam est precationis facultas, quam David  
non sumministret? Quæ celebritatis lætitia,  
quam non exornet propheta? id, quod in præ-  
sentia quoque licet intueri. Hodiernam enim  
celebritatē, satis per se magnam, ipse maiorem  
efficit, dum illi gaudium ē psalmis apposite ad-

L iiii



*Psal. 22.*

GREG. NYSS. PONT.

iungit. In uno enim illorum ouem te iubet esse, quæ à Deo pascaris, & omnibus bonorum copiis affluas, ut cui & herba, & pabulum, & aqua refrigerii suppetat. Tibi & cibum, & tabernaculum, & uiam, & ducem, & omnia se præbet pastor egregius, gratiamq; suam ad omnem usum apte distribuit. Ex quibus omnibus iudicat primum oportere, ut bene initiatus euadas ouis boni pastoris, & ad diuinæ doctrinæ pascua & fontes deducaris, sepeliarisq; simul cum illo per baptismum in mortem, quæ tamen non est mors, sed mortis umbra & similitudo. Nam si ambulauero, inquit, in medio umbræ mortis, non timebo, ut malum, id, quod acciderit, quoniam tu mecum es. Deinde spiritus uirga consolatur. Spiritus enim consolator est. Tum mensam mysticam proponit ex aduerso mensæ Dæmonum instructam. per idololatriam enim hominum uitam afflixerunt Dæmones, quibus contraria est spiritus mensa. Ad hæc oleo spiritus caput ungit, & uinū, quod lætitia cor afficit, addens, sobriam illam animo ebrietatem iniicit, & à caducis fluxisq; rebus mentem trahit ad sempiternas. Etenim qui tali est affectus ebrietate, breuem uitā cū immortalitate commutat, & in longitudine dierum habitat in domo Domini. Hæc nobis in uno psalmorum elargitus, ad maiorem, & perfectiorem in altero, qui proxime sequitur, uoluptatem animum excitat. cuius sententiam uobis, si



videtur, paucis explicabo. Domini est terra & plenitudo eius. Quid igitur noui contigit, homo, si Deus noster in terra uisus est, si cum hominibus uixit? Ipse terram creauit, & condidit. Quare nec inusitatum, nec absurdum est, ut ad propria dominus ueniat. Neque enim in orbe uersatur alieno, sed in eo, quem ipse constituit, & fabricatus est. super maria terram fundauit, & super flumina præparauit eam, ut haberet aditum opportunum. Quam autem ob causam aduenit, nisi ut te ex peccati uoragine liberatum, & regni curram, id est, uirtutis institutum in ipso ascensu adhibentem, in montem adduceret? Neque enim licet in montem illum ascendere, nisi uirtutes tibi comites adiunxeris, & innocens manibus fueris, & nullo scelere contaminatus, sed mundo corde ad nullam uanitatem animum tuum applicueris, nec dolo proximum tuum decepteris. Istius ascensus præmium est ipsa felicitas, huic recondita, & celestia illa munera Dominus elargitur. Hæc est generatio quærentium eum, per uirtutem in sublime conscendentium, & quærentium faciem Dei Iacob. Huiusce Psalmi pars reliqua forsitan euangelica etiam uoce doctrinaq; sublimior est. Nam Euangelium Domini consuetudinem & uitam, quam egit in terra, & eius reditum in coelum narrat. Hic autem excelsus Propheta supra se ipsum egrediens, tanquam corporis onere nihil prematur, infert se celestibus



Potestatibus, & uoces earum nobis exponit, cum in cœlum redeuntem Dominum ipsæ comitantes, Angelis, qui uersantur in terris, quibusq; in humanam uitam ingressus commissus est, imperant ad hunc modum: Tollite portas Principes uestras, & eleuamini portæ æternales, & introibit Rex gloriæ. Et quoniam, ubicunque fuerit ille, qui in se ipso omnia continet, pro suscipientium captu se ipsum dimittitur; neque enim solum inter homines homo fit, uerum etiam, dum inter Angelos uersatur, ad illorum uocem sese demittit: iccirco narrantis Ianitores interrogant: Quis est iste Rex gloriæ? respondent ipsi, demonstrantq; fortem & potentem in prælio, qui pugnaturus erat contra illum, qui naturam humanam in seruitute captiuam detinebat, & euersurus eum, qui mortis habebat imperiū, ut, grauissimo hoste superato, genus hominum in libertatem & pacem uindicaret. Rursum repetit easdem uoces. Completū enim iam est mortis mysteriū, & uictoria de hostibus reportata, & contra ipsos excitatū crucis trophæum. Ascendit in altum captiuā ducens captiuitatem, qui uitam, & regnū, & præclara hæc documēta hominibus tribuit. Impositæ illi patefaciendæ sunt portæ. Occurrūt ei custodes, & portas iubent recludi, ut in ipsis rursum gloriam assequatur. Verum non agnoscunt eum, qui sordidam uitæ nostræ stolam indutus est, cuius rubra sunt uestimenta ex humanorum;

Heb. 2. d.

Psal. 67. d.

Esa. 63.



malorū torculari. Itaque rursus comites eius,  
uocibus illis interrogantur. Quis est iste Rex  
gloriæ? Respondetur autem non amplius: For-  
tis, & potens in prælio, sed Dominus uirtutum,  
qui mundi principatum obtinuit, qui summa-  
tim omnia in se collegit, qui pristinum in statu  
cuncta restituit, ipse est Rex gloriæ. Cernitis,  
quo modo dulciorem nobis celebritatem Da-  
uid effecerit, dum Ecclesiæ hilaritati gratiam  
unmisset suam. Proinde nos item, quantum  
possumus, imitemur Prophetam in charitate  
erga Deum, in mansuetudine uitæ, in tolerantia  
erga illos, qui nos odio prosequuntur, ut  
prophetæ doctrina nobis ad bene  
beateq; uiuendū dux magistraq;

fit in Christo Iesu Domi-

no nostro, cui glo-

ria in secula

seculorū.

Amen.



GREG. NYSS. PONT.  
DIVI GREGORII NYSSAE  
PONTIFICIS IN PENTECOSTEN.

ORATIO.



**N**ULLVM est tam  
clarū celebritatis ar-  
gumentū, quod non  
clarius efficiat Da-  
uid, dum apre suavis-  
simam illam citharā  
ad usum eius semper  
accōmodat. Quam-  
obrem spiritus ple-

*Psalm. 94.*

etro pulsans fides sapientiæ, canat idem prophe-  
ta, nobisq; magnam etiam Pentecostes celebra-  
tatem illustret. Dicat igitur cœlestem illū cantū  
hodiernæ gratiæ congruentem: Venite, exulte-  
mus Domino. Primo considerandum est,  
quænam sit hæc gratia, deinde argumento ac-  
commodanda sunt uerba prophetiæ. Liceat mi-  
hi per uos, quæ ad hæc pertinent, ordine quo-  
dam pro uiribus explicare. Initio aberrauerāt  
homines à cognitione Dei, relictoq; rerum o-  
mnium Domino, uel mundi colebant elementa,  
uel Dæmonum naturam uenerabantur, uel ma-  
nufactas etiam simulacrorum imagines loco  
numinis adorabant. His & aras, & templa, &  
sacra, & uictimas, & lucos, & delubra, & quæ



sunt eiusdem generis, omnia ad falsorum Deorum cultum dedicauerant. Benignis igitur oculis naturæ Dominus corruptam ac depravatam hominum naturam aspexit, & humanam uitam ab errore ad ueritatis cognitionem ratione atque ordine reuocauit. Quemadmodum enim qui diuturna fame confectos medica facultate curandos suscipiunt, imbecillitatis ipsorum habitata ratione, non statim concedunt, ut sese expleant, sed, posteaquam uictu moderato uires recuperarunt, permittunt eis, ut, quantum uolunt, cibi percipiant: eodem pacto, cum horrenda fame esset hominum natura consumpta, mysteriorum escam diuina prouidentia sic illis imberbiuit, ut ordine quodam in dies proficerent, atque ita ad perfectionis terminum peruenirēt. Vitalis enim uis, qua seruamur, est illa, quam in nomine patris, & filii, & spiritus sancti credidimus. Qui autem propter contractam ex fame imbecillitatem animorum ad cibum hunc totum percipiendum non erant idonei, prius per prophetas & legem à numero plurium Deorum sic abducti sunt, ut diuinitatē unam aspicerent, & cōfuescerent, atque in una diuinitate solā Dei patris potentiam agnoscere, quippe qui perfectionis cibum, ut dixi, capere non ualebant. Deinde per legē initiatis patefactus est ab euangelio Deus unigenitus. Postremo datus est nobis perfectus naturæ nostræ cibus spiritus sanctus, in quo est uita. Quod hodiernæ celebri-



Act. 2.

Gen. 1. 2. 4.

Act. 2.

ratis est argumentum . Quamobrem æquum  
 est, ut, cum ad spiritum celebrandum adhibiti  
 simus, chori principi Dauidi pareamus, ita di-  
 centi: Venite, exultemus Domino . Dominus  
 autem ( ut ait Apostolus ) spiritus est . Hodie  
 enim, ut anni ratio indicat; expleta die quinquā-  
 gesima; hac eadem hora ( si quidem horam  
 diei tertiam agimus ) datum est munus illud;  
 quod omnem dicendi vim superat . Rursum  
 enim homini admixtus est ille spiritus, qui,  
 quod homo esset caro, à natura nostra recesser-  
 rat, &, spiritualibus nequitia Potestatibus perue-  
 hementem illum flatum disiectis, cunctisq; di-  
 monibus ab aere depulsis adueniente spiritu, di-  
 uina uirtute speciem ignis præferente repleti  
 sunt, qui in coenaculo; id est, in superiore do-  
 mus parte commorabantur . Nemo enim san-  
 cti spiritus particeps fieri potest, qui non in ex-  
 celsa huius uitæ parte uersetur . Nam qui ea;  
 quæ sursum sunt, sapiunt, quiq; consuetudine  
 sua à terra in cœlum translata sublimem illam  
 Remp. colunt, spiritum sanctum assequuntur .  
 Etenim, ut tradit historia, qua res ab Apostolis  
 gesta continentur, ignis ille diuinus, omnisq;  
 materiæ expers pro numero discipulorum, qui  
 in coenaculo, hoc est, in superiore ædium loco  
 erant cōgregati, ad linguarum similitudinem di-  
 uisus est . Atque illi quidem Parthis, & Medis,  
 & Elamitis, ac reliquis gentibus loquebantur;  
 uoces suas singulorum linguis sic accommodari



res, ut ab omnibus intelligerentur. Ego autem  
 malo, ut inquit Apostolus, sensu meo quinque  
 uerba in Ecclesia loqui, ut aliis etiam prosum,  
 quam decem millia uerborum in lingua. Ve-  
 rum tunc utile fuit, ut uox alienis linguis accom-  
 modaretur, ne inanis esset apud eos, qui non  
 intelligerent, Euangelii promulgatio, si uaria  
 præconibus uox defuisset. Nunc autem, quo-  
 iam eadem lingua, eisdemq; uocibus utimur,  
 neam debemus spiritus linguam exquirere,  
 qua animos eorum, qui in erroris tenebris de-  
 gunt, illustremus. Ad hoc etiam nobis idem  
 David dux sit, sociumq; sibi adiungat Aposto-  
 lum. In hoc enim psalmo non ob id solum,  
 quod initium eius nobis lætitiæ & exultatio-  
 nem indicit, uenite, inquit, exultemus Do-  
 mino, ad sanctum spiritum laudandum & cele-  
 brandum adducimur, sed multo magis ex iis,  
 quæ sequuntur, ea, quæ ad diuinitatē illius per-  
 tinent, edocemur. Dicam uobis ipsius prophe-  
 tæ uerba, quibus Magnus item Apostolus suf-  
 fragatur. Sunt autem hæc: Hodie si uocē eius  
 audieritis, nolite obdurare corda uestra, sicut,  
 in exacerbatione, secundum diem tentationis  
 in deserto, ubi tentauerunt me patres uestri.  
 De his mētionem faciens Dominus Apostolus, sic  
 ait: Quapropter, sicut dicit spiritus sanctus. At-  
 que ita locutus, ipsa prophetæ uerba subiunxit,  
 tribuens ea personæ spiritus. Quis igitur est,  
 quem tentauerunt patres ipsorum in deserto?

1. Cor. 14.  
d.

Psal. 49.

Heb. 3.



*Psal. 77. f.*  
*Psal. 105.*  
*v.*

*Heb. 3. b.*

*Psal. 77.*

*Psal. 94.*

Quem irritauerunt? Disce ab eodem propheta dicente: Tentauerunt Deum excelsum. Atqui Apostolus sancti spiritus personam adhibens, has illi uoces assignat: Quapropter, inquit, sicut dicit spiritus sanctus, in die tentationis in deserto tentauerunt me patres uestri. Quocirca quem Deum excelsum nominauit propheta, hunc diuus Apostolus spiritum sanctum dicit esse. Quod si non credis, rursus considera, quæ dicta sunt: Quapropter, sicut dicit spiritus sanctus, nolite obdurare corda uestra, ut in exacerbatione, secundum diem tentationis in deserto, ubi tentauerunt me patres uestri. Prophe-  
ta uero testatur, eum, qui tentatus est in deserto, esse Deum excelsum. Quamobrem eorū, qui spiritum oppugnant, quiq; contra Deum iniuste obloquuntur, obstructa sunt ora, tum ab Apostolo, tum à propheta, qui per ea, quæ commemorauimus, spiritus diuinitatem perspicue prædicant, propheta quidem, dum ait: Deum excelsum tentauerunt. Ipso Deo uerbis illis Israelitas alloquente: In deserto tentauerunt me patres uestri. Magnus autem Paulus, dum eadem ipsa uerba spiritui sancto attribuit, ut manifesto cōster, Deum excelsum esse spiritum sanctum. Conspiciunt ne ergo aduersarii gloriæ, igneam diuinorum sermonum linguam, abscondita, atque obscura aperientem, & illustrantem? an ut plenos musto nos iridebunt? Ego uero, licet id nobis obiciant, uobis consulam,



consulam, fratres, ne conuitium eorum formi-  
detis, ne'ue derisioni succumbatis. Atque uti-  
nam ipsi quoque degustent hoc mustum, & ui-  
num hoc recens expressum, ac fluens ex torcu-  
lari, quod per Euangelium Dominus calcauit, *Es2.63.a.*  
ut nobis, tanquam racemi, proprii corporis san-  
guinem propinaret. Vtinam & ipsi repleantur  
hoc nouo uino, quod mustum appellauerunt,  
quod aquæ commixtione à cauponibus nō fuit  
deprauatum. Implerentur enim spiritu, quo  
quidem feruentes crassam limosamq; perfidiæ  
spumam ex animis suis effunderent, & abiice-  
rent. Sed mustum suscipere nequeunt isti, qui  
ueterem adhuc utrem circumferunt: qui cum  
huiusmodi uinum continere non possit, hære-  
tica opinione disrumpitur. Vos autem fratres,  
ut ait Propheta, uenite, exulemus Domino.  
Bibamus pietatis dulcedinem, ut Esdras præci-  
pit. Gaudeamus in Apostolorum & Pro-  
phetarum choris. Munere sancti spi-  
ritus exulemus, & lætemur in  
hac die, quam fecit Domi-  
nus, in Christo Iesu  
Domino nostro,  
cui gloria in  
æternum.  
Amen.

M



# DIVI GREGORII NYSSAE

PONTIFICIS AD EOS, QUI DV.

rius & acerbius alios iudicant, atque  
condemnant, quiq; cōuersione  
indigent, & poenitentia,

## ORATIO.



Luc. 7.e.

OMO Phariseus,  
ut ex Euangelio Lu-  
cæ nuper accepimus,  
Dominum ad conui-  
uium inuitat, do-  
mumq; ducit, & mē-  
sam communem ap-  
ponit. Dominus au-  
tem inuitatus nō gra-

natur accedere, nec inuitantem respuit, quam-  
uis ille nec discipulus sit, nec in se credat, sed le-  
gis scripto deuinctus inhæreat, nec ad ueritatis  
cognitionem oculos unquam aperuerit, & in  
Prophetarum promissionibus grauiter hallu-  
cinetur. Cur autem nobis Lucas scripsit hoc ca-  
put? an ea nimirum de causa, ut ea cognosca-  
mus, quæ Christus egit, dum in corpore uersa-  
retur, & ex historiæ cognitione utilitatem per-  
cipiamus, qua quidem utilitate documētisq; re-  
ferta hæc scripta nos ad uitam recte cōstanterq;



IN EOS, QVI ALIOS ACERB. IVD. 90  
instituendam erudiunt. Sic ego quidem existi-  
mo, uosq; idem sentire par est. Plerique enim  
eorum, qui se ipsi iudicant, sibi assentantur, se  
diligunt, sibi placent, inaniq; opinione tumidi  
atque inflati, eos, qui ad se accedunt, peccato-  
res appellant, & antequam ueri iudicii tempus  
ueniat, se tanquam agnos ab hoedis separāt, cœ-  
liq; fores sibi apertas intuentes nec domum cū  
reliqua multitudine, nec cibum dignantur habe-  
re communem, atque omnes, qui nō per sum-  
mam, sed per mediam uitæ semitam incedunt,  
detestantur. Lucas igitur, animorum magis,  
quàm corporū medicus, præsentem hanc no-  
bis non tam narrationem, quàm plane apposi-  
tam ægrotantibus medicinam exhibuit, osten-  
dens, ipsum Deum seruatoremq; nostrum, qui  
sine comparatione purus atque integer est, so-  
lusq; iustus, clementer admodum, benigneq;  
cum perditis, atque damnatis uersari, & cum  
iis, qui nondum puri, mundi q; sunt, uiuere,  
non ut eorum maculas accipiat, sed ut illis iu-  
stitiam suam impertiat, instar huiusce solis,  
quem cernimus, qui ( licet enim ex re procrea-  
ta procreatoris prouidentiam intelligere ) non  
planas solum regiones illustrat, sed illas etiam,  
quæ sunt antris, cauernisq; tortuosæ. Depona-  
mus igitur arrogantiam, si qui tales sumus, qua-  
lis est is, qui hac oratione descriptus est, imite-  
murq; Domini misericordiam, & humanita-  
tem, humiles, & afflictos ita complectentes,

M ii



non ut cum illis iacentibus consternamur, sed ut eos potius excitemus, & tanquam egregii quidam urinatores in aquis demersos, ac moribundos ad uitalem hūc aera extrahamus. Quoniam autem pulcherrimum, summēq; nobis utile signum proponunt hęc Euangelii scripta, age illuc mentis aciem intendamus. Vehementer admiror, quo modo isti, qui natura perturbationibus obnoxia, uoluptatumq; studiosa circumdati sunt, quiq; tum dormiēdi, tum edendi, & cæteris uentri necessariis usibus quotidie parent, atque iisdem cupiditatibus incitari se sentiunt, quas nos, qui una eademq; cum illis natura præditi sumus, experimur, iniquiores se, ac duriores in eos, qui peccant, iudices præbeant, sibiq; pugnatōres infirmi tam facile indulgeāt, in alios autem arbitri esse uelint inexorabiles, adeo ut Dei benignitatis spem auferāt, uberemq; misericordiæ fontē obstruant, ut ipsi putant, multaq; auctoritate regni aditum errantibus patefaciant. Quod cum nihil aliud sit, quā animis curationem quærentibus desperationem obiicere: cui enim curationis adempta spes est, is plane morbi seruus efficitur: tum ab omni alienum est scripturarum nostrarum promissione: in quibus, si diligenter explores, nihil tam graue reperitur, quod non & gratia condonet, & misericordia curet, atque expiet. Quis autem est adeo surdus, qui uerba Iob non exaudiuerit, clara uoce sic omnes alloquentis:



IN EOS, QVI ALIOS ACERB. IVD. 91

Nemo mundus à forde, ne infans quidem, cuius est unius diei uita super terram? Quamquam quis est tam frugi, quis tam modeste se gerit, qui, si modo sapiat, cum rationem totius uitæ suæ redditurus sit, idq̃, in Dei iudicio constitutus, superuacaneum putet, alteri ignoscere, & misericordiam impertiri? Quòd si ad summum iustitiæ probitatisq̃; fastigiũ peruenissent, adeo, ut, quemadmodum scriptum est, super scorpiones, atque serpentes calcarēt, pronuntiatiq̃; essent uictores, & de peccato triumphum repor-  
tassent, non tamen deberent aliorum omnium uitam ad fortitudinis suæ regulam dirigere, & explorare, sed uirtutem propriam acceptam referentes ei, cuius beneficio, & munere adiuti, uitam sapienter instituentes, aduersarii tentationibus non succubuiſſent, imbecillioribus afflictiſq̃; fraternæ benignitatis dexteram porrigere, eosq̃; è peccati luto & iniquationibus eripere, atque excitare. Hoc enim pacto duplicem laudem assecuti tum propriæ fortitudinis, tum fraternæ humanitatis, misericordiæ præmia perciperent. Nunc autem cum homines sint ex eorum numero, qui humi repunt, uitamq̃; degant, non Angelorum, & coelestium illarum Mentium, quæ corpore carent, uitæ similem, sed talem, quæ in iudicium uocari, atque redargui possit, seueros, & acerbos se iudices præbent, contractoq̃; supercilio sententiam ferunt, & damnāt, ut eorũ superbia arrogantiaq̃; com-

Iob. 15. b.

Luc. 10. b.

M iii



Matth. 7.

4.

motus cogar eos Euangelii uerbis compellare: qui cum trabes propriis in oculis existentes non cernant, ex aliorum oculis uelint festucas eiicere: cumq; grauissima onera cæterorum humeris imponant, seueri iudices incedunt: & cum imbecilles ipsi onus suum ferre non possint, Christi tribunal præoccupant, & iudicis sententiam præripiunt. Serui contumaces, qui conseruiis immites se, atque inexorabiles præbent. Si Deum cupitis æmulari, quod ad eius imaginem facti sitis, exemplum ipsius imitamini. Vos, qui christiani estis, qui nomine ipso humanitatem profitemini, imitamini Christi charitatem. Benignitatis eius diuitias considerate, qui cum per hominem ad homines uenturus esset, præmisit Ioannem poenitentiae præconem, & ducem, & ante Ioannem Prophetas omnes, qui docerent homines, ut resipiscerent, ut redirent in uiam, & ad meliorem frugem sese conuerterent. Mox ipse ueniens ore proprio clamabat ex persona sua: Venite ad me omnes, qui laboratis, & onerati estis, & ego reficiam uos. Quo modo autem uocem suam audientes accepit? facilem eis peccatorum ueniam largitus est. celeriter ipsos, & momento temporis ab iis, à quibus angebantur, liberauit. Verbum sanctos reddidit, spiritus confirmauit. Vetus homo in aqua sepultus est, nouus generatus, gratia floruit. Quid deinde cōsecutum est? Qui inimicus fuerat, amicus euasit: qui alienus, fi-

Matth. 11.

4.



Ius, qui profanus, facer, ac pius. Is ergo, qui  
 tam magnificis, & incredibilibus affectus mu-  
 neribus, benignum ac liberalem largitorem in-  
 gratus offendit, à nobis quidem doctoribus se-  
 uerisq; iudicibus statim indicta causa ad crucia-  
 tum raperetur, præsentiq; priuatus uita in alte-  
 ra supplicium inueniret. Verum, quoniam  
 alius est iudicii Dominus, qui in infinita milliū  
 millia misericordiā tribuit, nec uult mortē pec-  
 catoris, sed expectat, ut resipiscat, eo fit, ut ne  
 illi quidem, qui priorem gratiam contumelio-  
 sius abiecerunt, merito afficiantur supplicio,  
 sed à posteriore misericordia prior excipiat, &  
 obliuio cum uenia coniungatur, ut lacryma-  
 rum effusio lauacri uim habeat, gemitusq; re-  
 ducat gratiam, quæ paulisper recesserat. Si ora-  
 tioni nostræ fidem non habes, Petrum in ædi-  
 bus principis sacerdotum interroga, & dicet ti-  
 bi, quo modo abnegationis peccatum amare lu-  
 gens expiauerit, nec in Simonem mutatus sit,  
 sed Petrus permanserit Apostolus. Ego autem  
 & Iudam Iscariotem existimo, nisi sui ipsius  
 carnifex esse properasset, facinus suum gra-  
 uius putans, quàm ut sibi posset ignosci, sed sup-  
 plex ueniam petiisset, eius misericordiæ, quæ  
 per orbem erat diffusa, non fuisse expertem fu-  
 turum: cui quidem rei testimonio sunt Iudæi  
 illi, qui, cum Christum cruci suffixissent, cre-  
 dentes, baptismo mentes simul, & manus ab-  
 luerunt. Quòd si illi, qui Christum in crucem

Ezech. 18.

8.

Matth. 26.

M iiii



egerant, misericordiam sunt consecuti, & ipse profecto, qui illum prodiderat, ueniam impetrasset. Et Paulus aliquando christianos uinxit, sed idem ipse postea pro Christo cathenas gestauit, eodemq; cruciatus genere crimen dissoluit. Peccauit, dum Stephanum lapidibus peteret, & eius interfectores assentiret. post autē ipse quoque lapidibus cæsus peccatum aboleuit. Matthæus, & Zacchæus olim fuerunt publicani, sed mox, mensa publicanorum contempta, alter eorum domo, atque animo suo Iesum suscepit, alter rerum admirabilium promulgator, & scriptor effectus est. Oportet, ut publicanū pariter, & Phariseum memoria teneamus, & mulierum illam, quæ drachmam amissam inuenit. Si quis homines, qui seculis omnibus ad hoc usque tempus extiterunt, uniuersos animo complectatur, fuisse multos animaduertet, qui cum se prius flagitiis inquinassent, ad frugem bonam deinde redierunt. Illud enim Dei solius proprium est, ut ab omni peccato remotus omnia recte gerat. Homo autem, qui ortum, atque interitum subit, quiq; tam multis perturbationibus est obnoxius, nunquam effugere poterit, quin accusetur, & condemnetur, si ueniæ spes auferatur. Considera mihi Dauidem ipsum Israelis Regem, quem Deus sibi singularem elegerat, testimonioq; suo collaudarat, inueni, inquit, uirum secundum cor meum. Hic post præclarum illud diuinæ laudis

Matth. 9.

Luc. 19.

Luc. 15.



præconium mulieris pulchritudine captus, qui- 2. Reg. 18.  
 bus se peccatis obstrinxerit, omnes scimus. At- 2. Reg. 12.  
 tamen idem à Propheta reprehensus admissum  
 scelus agnouit, & poenitentiae modum posteris  
 scriptum reliquit. Quamobrem dolorem eius  
 in libro psalmorum tanquam in speculo uide-  
 mus expressum. Vbi nunc luctu, & squalore  
 corpus excruciat: nunc sibi noctes ad lugendum  
 præscribit. quod quidem tempus communi la-  
 borantium quieti datum est. nunc lacrymas è pal-  
 pebris suis, tanquam è fontibus, profundens le-  
 ctulum irrigat, & quinquagesimum Psalmum  
 nobis elaborat, in quo Deum poenitentia pla-  
 cantium exemplum effingitur. Neque uero lu-  
 ctus ipse inanis fuit. Sed graues eius gemitus  
 misericordiam inuenerunt, ut & imperii digni-  
 tate, & amicitia Dei libere frueretur. Rex item 10. 3.  
 ille Niniuitarum multitudine peccatorum ad exi-  
 tium contendebat, unâ cum populis, quibus  
 imperabat. Et is, qui peccata ipsorum redar-  
 guebat, diem supplicio præfinitam denuntiabat  
 appropinquare. Cumq; prudenter illi semet af-  
 fligentes calamitatem effugissent, dolebat Prophe-  
 ta, quod mala, quæ prædixerat, non euenissent,  
 Deiq; cōmiserationem iniquo animo ferebat.  
 At ille, qui ubique tū uerbis tum factis indicat,  
 quanta homines beneuolentia complectatur, fe-  
 cit, ut cucurbita nasceretur, quæ caput eius ab  
 iniuria solis defenderet. Sub umbra autē ipsius  
 eo dormiente statim exaruit. Qui, cum exper- 10. 4.

Psal. 6.

10. 3.

10. 4.



rectus rem ægre ferret, reprehenditur, quòd, cum ipse uirgultum exaruisse indigneretur, nolit Deum propinquo tantæ ciuitatis interitu commoueri. Vos igitur, qui duri estis atque immittes, eius, qui nos procreauit, benignitatem, & clementiam imitamini. Nolite, uos in consensu uestros præbere iudices acerbos, & graues, donec ueniat ille, qui arcana cordium patefaciet, & potestate sua cuique conuenientem statum tribuet in ea uita, quam expectamus. Nolite, tristiores in alios ac seueriores sententias ferre, ne eisdem uos sententiis condemnemini, & propriis uerbis tanquam dentibus acutissimis configamini. A quo quidem crimine uidentur mihi ea Euangelii uerba nos deterrere: Nolite iudicare, ut ne iudicemini. Quibus sane uerbis non aufertur nobis facultas humane benignèq; iudicandi, sed interdicitur, ne grauius & asperius iudicando condemnemus. Leuiora igitur fac aliorum pondera, ne in eadem damnationis trutina actiones tuæ deprimantur, quando uita nostra tanquam in lance Dei iudicio examinabuntur. Tu, qui corpore indutus es, & in carne uiuis, caue, ne medicæ artis curationem abicias, & asperneris. Nam licet commoda fruaris ualetudine, non tamen semper ita liber ab omni futurus es morbo, ut opera medici nunquam indigeas. Animum habes ad res terrenas, caducasq; propensum, quandiu oblitus sui impletur corporis affectionibus. Proinde

Matth. 7. c.



noli misericordiam denegare, ne ueniam ipse non inuenias, quādo ipsam desiderabis. Sacerdos est aliquis, populiq; regendi munus fortitus est? priuatorum casus commiseretur, meminertq; se, quāuis dignitate præster iis, quos gubernat, ac regit, naturam tamen eandem habere, ideoq; posse aliquando fortasse in eosdē errores incidere. Quæ cum Moses non ignoraret, quippe qui & homo erat, & hominis naturam perspectam & cognitam habebat, constituit, ut pro sacerdote uitulus immolaretur, peccante nimirum & ipso, expiationibusq; pluribus indigente. Quod autem tunc erat in carne uitulus, idem nunc est incorporea poenitentia, incruentaq; deprecatio: qua quidem, cauēdum est, ne elati, gloriantesq; humanitatem, & beneficentiam repudiemus, cum sciamus, Aaron sacerdotem illum probatissimū, populo Deos flagitanti indulgisse, & temere admodum murmure captum esse. Quōd si is, qui murmuraue rat, non supplicasset, supplicium non euassisset. Alius autem non est sacerdos, sed unus ē populo? caueat, ne grauius iudicando iugum subeat. Nam si is, qui ad expiandum populum delectus est, indiget ipse expiatione, quid fieri illi, qui eiusmodi munus non sustinet? Imitemur eam pascendi rationem, qua Dominus usus est. Euangelia contemplemur: ibiq; , tanquam in speculo, diligentia & benignitatis exemplū intuentes, eas perdiscamus. Illic enim in para-



bolis adumbratisq; sermonibus uideo centum  
ouium hominem pastorem, qui, cum illarum  
una à grege discessisset, & errabunda uagaretur,  
non mansit cum illis, quæ seruantes ordinem  
pascebantur. Sed ad eam requirendam profe-  
ctus, multas ualles saltusq; superauit, magnos  
atque arduos montes transcendit, in solitudini-  
bus peragrando multo cum labore tandiu per-  
uestigauit, donec errantem inuenit. Inuentam  
autem non uerberauit, nec urgendo uehemen-  
tius ad gregem compulit, sed humeris suis im-  
positam, & leniter tractans ad gregem gesta-  
uit, maiorem ex una illa inuenta, quam ex reli-  
quarum multitudine, lætitiā percipiens. Rem  
obscuritate similitudinis obuolutam, atque re-  
conditam consideremus. Ouis hæc non ouem  
omnino, nec pastor ille plane pastorem, sed  
aliud quiddam significat. His exemplis sacræ  
res continentur. Nos enim commonent, ne ho-  
mines pro perditis, ac desperatis habeamus,  
ne ue eos in periculis uersantes negligamus, aut  
seignes simus ad ferendum auxilium, sed eos à  
recta uiuendi ratione deflecentes, & errantes  
reducamus in uiam, eorumq; lætemur reditu,  
atque ipsos cum bene pieq; uiuentium multitu-  
dine coniungamus. Tam alienus autem à cæ-  
dendi acerbitate sacerdos esse debet, tanquam  
promptus & paratus ad excolendam humanita-  
tem, ut, etiam si Dominus aliquem, uti plan-  
tam inutilem, excindere iubeat, ipse tanquam



infitor debeat supplicare, ut ignoscat parumper, ac sententiam differat. Sic enim monet oratio illa de ficu, quam uti sterilem cum Dominus uellet concidere, orat agricola, ut illi paulisper parcat, & moram aliquam interponat: aliquid enim bonæ spei in diligentia sua reliquū esse. Noli igitur esse tam facilis ad amputandum, & excindendum tu, qui Dominum, ne id faciat, debes obsecrare, neque tam celeriter desperandum existima. Diligentiam adhibeto: reprehensionibus circumfodito: cohortationibus foeto, tanquam sinu: documentorum quasi aquarum copia irrigato: præceptis, ut uallo, communito. Tuum esto, placare iudicis animum. Demus operam, ut eodem nomine, quo Dominus, appellemur. is enim dicitur consolator, dum hominum generi patrem propitium reddit. Quo quidem nomine uocatur etiam ille ueritatis spiritus pro suo erga nos studio, atque beneuolentia. Hæc autem deprecationis, & consolationis munera pro peccatoribus suscipiuntur omnino, non pro iis, qui sunt innocentes, & nullis criminibus obnoxii. Mosi curam, sacerdos, & sollicitudinem imitare. Imitare illius erga populum animi affectionem: qui Deum obsecrans, ne populo, qui peccauerat, irascere- tur, cum rem longius duci, nec sibi id, quod petebat, concedi animaduerneret, supplicabat, ut sibi saltem liceret ante decedere, ne eorum, quos pauerat, & gubernarat, interitum specta-

Luc. 13.

Io. 14.



ret. Sed operæpretium est, ut uerba ipsius in medium afferamus: obsecro, inquit, peccauit populus peccatum magnum, feceruntq; sibi

Exod. 32. 8.

Deos aureos. Et nunc si dimittis eis peccatum hoc, dimitte: sin minus, dele me de libro, quem scripsisti. Cernis, quo modo propriæ salutis salutem multitudinis anteponebat, cui nisi impetrat impunitatem, flagitat, ut ipse deleatur? Nunc autem qui acerbiores se peccatoribus præstant, eos ad se accedentes propellunt, supplices, prostratosq; fugiunt, à lacrymantibus oculos remouent, & se totos auertunt. Cur igitur mihi

Luc. 15.

Lucas, immo uero spiritus sanctus descripsit filium illum prodigum, qui primum discessu suo ignominia patrem affecit, deinde uoluptatibus ebrietatiq; deditus & foëminarum amoribus captus paternas omnes diuitias dilapidauit, atque exhaustit? Post autem multo, cum satis iam in miseria uersatus esset, adeo, ut subulcus effectus mercenarius, eodem, quo porci, uesceretur cibo, tandem aliquando resipiscens cum ad patriam domum reuertisset, non auertit se pater, nec reuersum exclusit filium. Quinetiam accurrit obuiam appropinquanti, & complexus eum, atque inhærens collo, misericordia commotus lacrymas fudit, & pro misero rursus beatum reddidit, ingenuo illum induens uestimento, & in manu eius annulum imponens, ac diem festum agens, magnificumq; ac splendidum conuiuium celebrans. Hæc nobis simi-



litudo proposita est, ut resipiscantibus Eccle-  
 siam tanquam domum paternam aperiamus,  
 eosq; humaniter, & benigne suscipiamus, ne  
 cum porcis, id est, cum Dæmonibus uitam de-  
 gant, sed ex alienis rursus ad filiorum nume-  
 rum ascripti, ex Dei præscripto tanquam ex pa-  
 tris sententia uiuant, & sanctorum hominum,  
 ut fratrum consuetudine perfruantur. Noli fra-  
 tris maioris natu sententiam sequi, nec ob pa-  
 tris humanitatem indignari, quod nequissimū  
 filiū, qui familiæ dedecori fuit, suscepit. Dei  
 benignitatem potius, & clementiam admirans,  
 eos, qui relictis erroribus ad frugem bonam re-  
 deūt, amplectere, amantēq; foue. Sic enim eris  
 cæcorum dux, & uiam errantibus demonstrabis.  
 Satis multa ad eos, qui seueriore sunt animo,  
 quiq; acerbiter potius, quàm lenitatem, &  
 misericordiam exercent. Nunc mihi uos, qui-  
 bus in uiam redeundum est, ac resipiscendum,  
 attendite. Si uultis discere, quo modo peccatis  
 dolere, & erroribus uestris ingemiscere debeat  
 is, mulierem nobis à Luca in præsentia descri-  
 ptam considerate. Illius demissionem animi,  
 atque prudentiam æmulamini, absolutumq; in  
 ea uobis exemplum poenitentiae cōstituite, quæ  
 Pharisei domum ingressa nec conuiuiarum mul-  
 titudinem erubuit, nec conuiuii tempus impor-  
 tunum existimauit, quo minus ad confessionē  
 cōfugeret: sed dolore affecta, & peccata, quæ  
 commiserat, uehementer detestata, ne momen-



tum quidem temporis sibi interponendum existimauit, quo minus statim ad peccatorum medicum accederet. Nec tamen in conspectum eius adueniens supplicabat, sed ex habitu se indignam putans, quæ ipsum alloqueretur, à tergo locum occupauit, nec plane stans, sed retro prostrata pedes illius complexa est, solutisq; comis re ipsa moerentis animi affectionem ostendebat, & Iesu pedes lacrymis rigans multo cum dolore misericordiam postulabat. Tantā enim effudit uim lacrymarum, ut pedes eius ablueret, eosdemq; rursus capillis abstergeret, atque ita omnem animi afflictī demissionem declararet. Etenim, ut breuiter omnia complectar, sensibus, & membris omnibus, quibus peccauerat, mulier poenitentiam egit. Quantum autem postea per otium peccata fuerit detestata, quæ publice aperteq; ea tantopere luxit, conicientibus licet intelligere. Nos autem uerbis quidem poenitentiam pollicemur, factis uero nihil studii, laborisq; præstamus, sed eadem uiuendi consuetudine utimur, qua prius, quam peccata confitendo detestaremur, utebamur. Eadem in uultu hilaritas, idem in corporis cultu uictuq; splendor. Somno ad fatietatem usque indulgemus, negotiis, & occupationibus animo sedulitatis obliuionem iniicimus, poenitentia nomen inane duntaxat, & nullis expressum factis retinemus. A mysteriis quidem arcanorumq; communione sacramentorum culpa nostra



NT.

IN EOS, QUI ALIOS ACERB. IVD. 27

nostra decidimus, & separamur, nec tamen studium, ac diligentiam adhibemus; ut ad ea fruenda reuertamur, sed ut uilia, & quæ paruo pretio redimi possint, contemnimus. Considera, homo, qua dignitate iam ornatus fueris, nunc autem careas. Si regiae mensae particeps ab eo honore ob crimen aliquod excidisses, quantam pecuniam uim expenderes, ut in Regis gratiam redires, ut honorem pristinum redimeres? Quorum autem fores supplex, hæsitans, dolens frequentares? Vitam profecto ipsam tibi acerbam duceres, squalore, & luctu, & uultus demissione dolorem animi præferres, omnem denique, ut aiunt, moueres lapidem, ut ab ea te calamitate liberares. Nunc autem qui seiunctus est ab amicitia Dei, & uere sublimem illam dignitatem amisit, quem laborem impendit, quod studium adhibet, quid eximium gerit, quo demissum, atque humilem, & afflictum animum ostendat suum? Non est consentaneum, ut qui se ægrota re confiteretur, eadem uictus ratione utatur, quam utuntur illi, qui prospera sunt ualitudine. Alius enim ægrotantis, alius ualētis est uiuendi modus. Nonne uides, quanta sit inter ægrotantem, ualētemque differentia? Ille pro arbitrati suo uiuit, quocumque uult, proficiscitur, omni officio, & munere libere fungitur: hic autem in angusto iacet cubiculo, procul ab omnium consuetudine, omnibusque negotiis remotus. Agriculturam omittit, licet illius antea esset studiosissimus. Cumulan

N



dæ pecuniæ curam abiicit, quamuis ad rem uti  
 mercator iam esset attentior. Qui conuiujs olim  
 magnificis, & sybariticis delectabatur, aqua  
 nunc, & panis frustulo uestitur, nō liberis ope  
 ram dat, non uxoris utitur consuetudine: illi die  
 noctuq; res est cum medicis, quos magnis præ  
 mijs accersit, ut eorum opera conualecat. Hæc  
 qui corporis morbo laborat. Tu uero, cuius  
 animus æger est, cur non ad medicū properas?  
 cur non ei confitendo morbū ostendis tuum?  
 Quid pateris, ut depascatur, ut serpat, ut inflam  
 metur? Tandē aliquando resipisce, ac te ipsum  
 nosce. Deum offendisti, Procreatorem tuum  
 irritasti, eum, qui & præsentis uitæ potestatem  
 habet, & futuræ Dominus, ac iudex est. De  
 delicijs indulgens in morbum delapsus es, eum  
 inedia & ieiunijs cura. Animus laborat inconti  
 nentia, adhibeatur temperantiæ medicamentū.  
 Multiplici, ac nimia pecuniæ cupiditate in fe  
 brim incidisti, liberalitate & eleemosyna depel  
 latur. Hæc enim est nimium expletæ mentis cu  
 ratio. Læsit te rerum alienarum direptio: quæ  
 rapta sunt, ad proprios Dominos reuertantur.  
 Psal. 5. b. mēdacium te proxime duxit ad interitum (per  
 des enim, inquit, omnes, qui loquuntur menda  
 cium) ueritatis studio periculum euitetur. Iu  
 Luc. 3. risurandi uiolatio sublimem Zachariæ filii secu  
 rim sustulit per aerea uolitantem, ac eadem  
 minitantem? inducantur omnia arma poeniten  
 tiæ, ut securis acies, & ictus propulsetur. Im



piis hæreticorum opinionibus aliquis infectus est, rectis Ecclesiæ decretis se ipsum expiet, superstitioneniq; deponat. Quid enim aliud est poenitentia, nisi dissolutio, & euersio præteritorum, quæ uel re, uel cogitatione sunt admixta? Qui uero cognita poenitiæ utilitate adhuc in flagitiorum & impietatis cœno uolutatur, similis est illi seruo, qui dominum sibi iratum sciens, in eius conspectu scelerate se gerit, peccatumq; duplicat. Explora celeriter, & diligenter animaduerte morbum, quo affectus es. suscipe ex eo dolorem, quantum maximum potes. afflige te, fratresq; beneuolos, atque unanimes adhibe, qui simul doleant, adiumentoq; sint, ut libereris. Ostende mihi amaras, atque uberes lacrymas tuas, ut meas ego quoque cômisceam. Afflictionis participem, & socium sume sacerdotem, ut patrem. quis enim tam falso nominatur pater, aut tam duro, atque adamantino animo præditus est, qui non filiis, moerentibus doleat, & gaudētib; lateretur? Sacerdos ita tristatur ob peccatum illius, quem propter religionem habet loco filii, ut Iacob uisa tunica Ioseph sanguine conspersa querebatur, ut Dauid luxit Absolonis interitum, ut Eli Ophnim & Phineem, qui in acie ceciderant, ut Moses impium populum, qui rerum nouarum studiosius uitulum sibi conflauerat. Quamobrem maior tibi in eo fiducia sit, qui te in Deo genuit, quàm in illis, à quibus corpore procreatus es.

N ii

Gen. 37. 4.

2. Reg. 18.

3.

1. Reg. 4.

Exo. 32.



Audacter ostende illi, quæ sunt recondita. Ani-  
mi arcana tanquam occulta uulnera medico re-  
tege. Ipse & honoris, & ualitudinis tuæ ratio-  
nem habebit. Filiorum dedecore magis mouen-  
tur parentes, quàm ipsi filii. Nam ut filiorum  
gloria ad parentes pertinet, sic etiam dedecus &  
turpitudine. Incertus est, fratres, terminus uitæ.  
discessum è uita diligentia præuertamus. Absur-  
dum enim est, cum illi, qui corporis ualitudi-  
nis rationem habent, se ipsos expurgent ante ca-  
niculæ exortum, ne, quod humidum in illis est,  
uehementi ipsius ardore corrumpatur, & mor-  
bos pariat, eos, qui animi curam gerunt, incertum  
mortis diem non anteuertere, & ardorem exeru-  
ciantis illius ignis, qui in æternum comburit, &  
nullum unquam refrigerium admittit. Drach-  
mam Euangelicam, quam acceperas, & qua-  
diuies effectus fueras, ignauia tua perdidisti? po-  
nitentiæ lucernam accende. Inclina te diligen-  
ter. Illam in terrenis affectionibus defossam cõ-  
quire, inuentam tolle, atque conserua,  
ut nos uicini gratulemur, & eo gau-  
dio afficiamur, quod est in Chri-  
sto, cui gloria in secu-  
la seculorum.

Amen.

LUC. 15.



NT.  
recondita  
era medica  
dinis tuar  
re magis m  
am ut filia  
etiam de de  
s, terminat  
erratus.  
rporis uia  
purgetur  
indium m  
ampatu do  
am gerunt  
& ardorem  
rum combu  
admittit. D  
acceperis, &  
na perditit  
reclina re d  
ibus desola  
que consola  
& eozar  
est in Clu  
lecta.

29  
DIVI GREGORII NYSSÆ

PONTIFICIS, PERFECTI CHRI-

stiani hominis forma ad Olym-  
pium Monachum.



V A E R I S, quara  
tione uita ex uirtute  
possit institui, ut o-  
mnibus officiorum  
numeris absoluta at-  
que perfecta nullis  
reprehensionibus sit  
obnoxia. digna pro  
fecto professione tua

postulatio. Mihi uero nihil esset optatius,  
quàm ut eorum, quæ cupis, exempla possem  
ex mea uita tibi depromere, ut doctrinam abs  
te quæsitam factis potius, quàm uerbis explica-  
rem. Ea enim demum bene uiuendi institutio  
digna est, cui fides habeatur, quum docentis ui-  
ta congruit orationi. Cæterum quoniam me id,  
quod opto, nondum affecutum uideo, ut ora-  
tionis loco possim uitam ostendere, ne imper-  
fectus omnino uidear, & à signo præinscitia pe-  
nitus aberrare, breuem tibi recte uiuendi for-  
mulam tradam, atque illius quidem hinc iam  
nascatur exordium.

Bonus Dominus noster Iesus Christus nos,

N iii



qui in ipsum credidimus, adorandi nominis sui participes fecit, ut, siue diuites, siue nobiles, siue obscuro, siue inopes, siue doctrinae, aut dignitatis insignibus exornati simus, nulla tamen ex re, quae nobis adsit, nominemur, sed his omnibus reiectis, de uno nomine ipsius proprie appellemur christiani. Cum igitur hanc nobis ex coelo gratiam attulerit, operæpretium est, ut prius muneris magnitudinem consideremus, quo meritis largitori Deo gratias habeamus deinde tales in omni uita nos præstemus, quales requirit huiusce nominis excellentia. Quanta sit huius muneris magnitudo, quod illius, qui uitæ nostræ Dominus est, nomine nuncupemur, nobis perspicuum fiet, si, quid nomen ipsum à Christo deductum significet, animaduertemus, ut intelligamus, quando uniuersi Dominum in nostris precationibus hac uoce nominamus, quam animis nostris notionem concipiamus, aut quid per hoc nomen cogitantes, apte credamus ipsum appellare. Id ubi compertum habuerimus, ipso nomine ut magistro & duce ad bene beateque uiuendum utentes, quæ nobis uitæ studia sequenda sint, facile cognoscemus. Ad hæc autem duo, quæ inuestigamus, percipienda tutissimū aditum habebimus, si nobis D. Paulum itineris ducem proposuerimus. Hic enim maxime omnium exquisite, & quis Christus sit, nouit: & qualem esse oporteat, qui ab eo nomen accepit, ex iis, quæ gessit ipse, de-



clarauit. Nam adeo accurate illū imitatus est, ut  
in se Dominum ipsum expressum ostenderit.  
quippe qui diligentissima imitatione formam  
animi sui ita transtulit in ipsum exemplar, ut nō  
amplius, qui loquebatur, Paulus, sed Chri-  
stus esse uideretur, quemadmodum ipsemet di-  
cit, qui propria bona pulchre sentiebat. Quo-  
niam, experimentum, inquit, quæritis eius, qui  
in me loquitur, Christus. Et, uiuo ego iam non  
ego, uiuit autem in me Christus. Hic igitur no-  
bis, & quam uim nomen hoc Christus habeat,  
patefecit, cum diceret: Christum esse Dei uirtu-  
tem, & Dei sapientiam, cumq; & pacem ipsum  
nominaret, & lucem inaccessibile, in qua Deus  
inhabitat, expiationem, & redemptionem, &  
sacerdotem magnum, & Pascha, & propitiatio-  
nem animarum, splendorem gloriæ, & figuram  
substantiæ, & effectorem seculorum, cibum ac  
potum spirituales, petram & aquam, funda-  
mentum fidei, & anguli caput, & Dei inuisibi-  
lis imaginem, & magnum Deum, caput corpo-  
ris ecclesiæ, & nouæ creaturæ primogenitum,  
& primitias eorum qui dormierunt, & primo-  
genitum ex mortuis, & primogenitum in mul-  
tis fratribus, & mediatorem Dei & hominum,  
& filium unigenitum gloria & honore corona-  
tum, & Dominum gloriæ, & rerum principiū,  
& regem iustitiæ, ad hæc & regem pacis, & re-  
gem omniū, imperium regni nullis terminis cir-  
cumscriptionem obtinentem, his & aliis id genus

2. Cor. 13.

Gal. 2. d.

1. Tim. 6.  
d.

Heb. 1. a.

2. Cor. 6. c.

N iiii



nominibus eū appellauit, quæ tam multa sunt,  
 ut præ multitudine haud facile numero compre-  
 hendi possint. Quæ quidem omnia si inter se  
 componantur, & singulorum colligantur si-  
 gnificationes, mirabilem nobis huius nominis  
 Christi, uim aperient, & beatitudinis illius, quæ  
 uerbis explicari non potest, tantum ostendent,  
 quantum animis & cogitatione capere ualuerim-  
 us. Verum quoniam omni dignitati, & po-  
 tentiæ, & principatui regia præcellit amplitudo,  
 Christi autem nomine regium significatur im-  
 perium, nam ut ex literarum monumentis di-  
 dicimus, prius unguntur, qui futuri sunt Re-  
 ges, regno autem omnis reliquorum nominū  
 uis continetur, eo fit, ut qui ea, quæ compre-  
 henduntur, cognoscit, simul etiam illa comple-  
 tentem intelligat potestatem. hæc autem re-  
 gnum est, quod quidem regnum Christi appel-  
 latione indicatur. Quamobrem cum omnium  
 maximum, & diuinum, & primū nomen Do-  
 mini nostri bonitas nobis impertuerit, ut Chri-  
 sti cognomine decorati appellemur christiani,  
 necesse est, ut omnia nomina, quæ uocem hanc  
 interpretantur, in nobis item conspiciantur ex-  
 pressa, ne falso uocati christiani uideamur. Ne-  
 que enim ex appellatione res fiunt, sed earum  
 subiecta natura, quæcunque tandem illa sit, apti  
 nominis significatione declaratur. Exempli gra-  
 tia, si arbori, aut petrae hominis uocabulum tri-  
 buamus, ideo ne planta, aut lapis erit homo.



minime uero. sed oportet ut homo sit prius, de  
inde congrua ipsius naturæ appellatione nomi-  
netur. ac ne illis quidem, quæ similitudinem ali-  
quam habet inter se, idem nomen proprie con-  
uenit, ut si quis statuam hominem dicat, aut  
equum, illius imaginem, sed ut aliquid proprie  
& uere nuncupetur, germanam omnino appel-  
lationem natura demonstrabit. Si quid autem  
ars in ære, aut marmore, aut alio eiusmodi sub-  
iecto imitabitur, id ipsius materiæ nomen ob-  
tinebit. Quapropter qui se nominant christia-  
nos, id prius, oportet, ut sint, quod exigit ip-  
sum nomen, deinde eam sibi appellationem ac-  
commodent. Ac quemadmodum si quis uerū  
hominem ab homine sculpto uelit seiungere,  
ex utriusque proprietatibus id faciat, alterum  
asserens animal rationale atque iudicio prædi-  
tum, alterum uero materiam, quæ imitatione  
formam induerit: sic etiam uere christianum  
hominem ab eo, qui christiani tantum speciem  
habet, ex propria utriusque forma distingue-  
mus. Veri christiani formam exprimunt illa  
omnia, quæ de Christo commemorauimus.  
Ex quibus ea, quæ capere possumus, imita-  
mur: quæ uero in naturam nostram nō cadunt,  
ea ueneramur & colimus. Quamobrem, ut ali-  
quis sit perfectus homo Dei, ut inquit Aposto-  
lus, nullo modo per malitiam perfectionem im-  
minuens, oportet, ut omnia nomina, quæ Chri-  
sti significationem explicant, in eius uita par-

2. Tim. 3.  
d.



tim imitatione, partim ueneratione colluceant.  
 Quemadmodum enim qui commentitia fabu-  
 larum monstra uel oratione uel pictura confin-  
 gunt, bucephalos quosdam, aut hippocentau-  
 ros, aut anguipedes, aut quippiam aliud ex di-  
 uersis generibus componentes, nō ad exemplar  
 naturæ dirigunt imitationem, sed peruersa illa  
 inuentione naturam prætereuntes, non hominē,  
 sed aliud quiddam effingunt, quippe qui ex eo,  
 quod uidetur, id formant, quod non est: cuius  
 licet aliqua pars cuiusdam humani corporis parti  
 similis uideatur, nemo tamen id, quod absur-  
 da illa compositione conflatum est, hominem  
 dicat: eodem pacto haud recte perfectus chri-  
 stianus appellabitur, qui uel à ratione abhor-  
 rens caput obtineat, id est ipsum uniuersi cor-  
 poris caput, quod Verbum est, fide nō habeat,  
 quamuis cæteris partibus absolutus sit. uel eo  
 capite præditus reliquas corporis partes aut ca-  
 piti aut inter se minime conuenientes possideat,  
 hoc est uiuendi rationem à fide alienam insti-  
 tuat, cum & draconum furiis imbutus ira ex-  
 candescat, atque instar horum serpentium hu-  
 mi repat, & equinam rabiem apponens huma-  
 næ formæ foeminarum amoribus insanat; & ex  
 duplici natura, humana uidelicet, & ferina, ueluti  
 hippocentaurus coalescat. Eiusmodi autem ho-  
 minum genera passim licet intueri, qui uel in  
 bestię capite, in idololatriæ uidelicet disciplina  
 decore uitæ officiis excultam agunt. qualem si-

PART. CH  
 colline esse m  
 belluæ co  
 adiciunt  
 pedes fing  
 quemadmodu  
 conueni  
 quæ in Cl  
 uignatur  
 sili, qualem  
 dea uero in c  
 rias, quàm si  
 pignandum sit  
 teper uirtute  
 ut nulla raci  
 lantq; possis  
 bras? ut inq  
 contrarij sunt t  
 en, nullo med  
 ratiq; uerf  
 inter se cōtra  
 colliditur ne  
 pueri per m  
 contrarij sunt  
 car malitia rat  
 ne. Quoniam  
 ut amicitia  
 anque con  
 cōtra, cum a  
 pres dimissus  
 inuicta acie



mulant esse minotaurum, uel christianæ personæ bellæ corpus, id est, flagitiosum uiuendi genus adiiciunt, quales hippocentauros, aut anguipedes fingunt. consentaneum igitur est, ut, quemadmodum in corpore humano singulæ partes conueniunt, sic tota christiani uita omnibus, quæ in Christo ex fide considerantur, bonis insigniatur. Nam si una quidem ex parte talis sis, qualem christianum requirit nomen, ex altera uero in contrarium declines, nihil aliud facias, quàm si, cum aduersus hostilem aciem pugnandum sit, tu te ipse concidas, quòd eam in te per uirtutem & uitium seditionem concitaris, ut nulla ratione tibi ipse in uita placari conciliariq; possis. Etenim quæ societas luci ad tenebras? ut inquit Apostolus. luci enim adeo contrariæ sunt tenebræ, ut nullo modo commisceri, nullo medio coniungi possint. Qui autem in utrisque uersatur, & alteram negligit partem, illis inter se cõtrariis pugnantibus, ipse quoque conscinditur necessario. Si quidem eodem tempore in ea permistæ uitæ confusione & lux & tenebræ efficitur, cū & fides lucem immittat, & uitæ malitia rationis splendori tenebras offundat. Quoniam igitur nulla inter lucem & tenebras amicitia, nulla potest esse coniunctio, qui utrunque contrarium suscipit, ipse sibi hostis euadit, cum ad uirtutem & uitium ut duas in partes diuisus inclinetur, & more hostili tanquam instructa acie se ipsum oppugnet, ac quemad-

1. Cor. 6. 6.



modum illi, qui capitali odio dissidentes dimicant, utrique uictores esse nequeunt, unius enim uictoria alteri uicto prorsus interitum affert, sic in domestico intestinoq; dissidio, quod ex uitæ permissione nascitur, pars melior sine alterius interuisione uictrix esse non potest. Qui enim fiet, ut pietatis exercitus superior sit uitiorum multitudine ueluti phalange hostium contra pugnante, nisi hæc uti debilior à præstantiore penitus deleatur? tunc autem uirtus de malitia uicta triumphabit, cum rationis auxiliis superati omnes tibi cedent aduersarii. tunc implebitur id, quod ex persona Dei in prophetia dictum est. Ego occidam & uiuere faciam. nullo enim pacto id, quod in nobis est bonum, potest uiuere, nisi ex aduersarii morte uita illi comparetur. Quandiu autem duobus inhæremus, alterutra manu contraria complectentes, fieri nequit, ut utrumque consequamur. Quantum enim ex una parte malitiæ capimus, tantum ex altera uirtutis amittimus. Sed, ut eò, unde digressa est, reuertatur oratio, una est ad puram diuinamq; uitam, uirtutem amantibus uia, ut cognoscant, quid Christi uocabulum significet, eiq; uiuendi rationem ex ui sanctorum nominum uirtute expolitam & concinnam accommodent, Quæcunque igitur uerba ex sancta Pauli doctrina Christi significationem explicantia orationis initio recensuimus, ea si nobis ita proponamus, ut partim, quemadmodum diximus, imitemur;

Dent. 32. f.

2. 2.



partim colamus, tutissimum nobis ad bene bea-  
teq; uiuendum aditum muniamus. A primis  
igitur, cum seruantes ordinem, quem ipsa me-  
moriam suggerit, incipiamus. Christus Dei uir-  
tus & sapientia. Ex his discimus ea, quæ diuini-  
tati conueniunt, ex quibus Christi nomen no-  
bis uenerandum efficitur. Etenim quia res o-  
mnes, quæ uel sensu percipiuntur, uel sensus  
superant cognitionem, per ipsum effectæ sunt,  
& in ipso consistunt, necessario ad definiendam  
nominis illius, qui cuncta procreauit, significa-  
tionem, sapientia & uirtus coniunguntur. Nam  
ex duabus his uocibus ita copulatis id intelli-  
gimus. Neque enim essent hæc tam magna atque  
admiranda, quæ nulla oratione explicari possunt,  
nisi & sapientia eorum procreationem excogi-  
tasset, & uirtus, quæ per sapientiam excogitata  
fuerant, confecisset. per uirtutem enim ipsius  
sapientia cogitationes opera sunt. Christi igitur  
significatio in hanc duplicem uim, sapientiam  
scilicet uirtutemq; diuiditur, ut, quando rerum  
uniuersitatis magnitudinem aspiciamus, ex ea im-  
mensam Dei uirtutem cognoscamus. Quando  
autem consideramus, quonam modo ea, quæ  
nulla fuerant, genita sint, tam multiformi natu-  
ram rebus per diuinum spiritum existente, in-  
credibilem ipsius, qui illa excogitauit, sapien-  
tiam admiremur & suspiciamus. cuius cogitata  
ipsa, sunt facta. Neque uero ignaua erit hæc fi-  
des, qua Christum esse uirtutem & sapientiam

1. Cor. 1. d.



Pro. 2. a.

Eph. 2. c.

Ad Eph. 2.  
e.

credimus, sed ad boni diiudicationem nobis erit adiumento. Quod enim quis supplicans appellat, id ad se ipsum obsecrando trahit, & ducit, atque interiorem hominem uirtute ita corroborat, ut Apostolus ad uirtutem respiciens dicit: Christus autem est Dei uirtus. Et sapiens fit, ut in prouerbiis patet, qui sapientiam inuocat, quæ omnino Dominus esse intelligitur. Quare ille, qui nomen habet à Christo, uirtus & sapientia est: uirtus quidem, dum aduersus peccatum strenue ac fortiter pugnat. dum uero id, quod melius est, eligit, in se ipso sapientiā ostendit. Qua quidem sapientiæ uirtutisq; cōiunctiōe uita perfecta constituitur. altera, enim quæ recta honestaq; sunt, perspicimus, altera, quæ perspecta habemus, exequimur, & confirmamus. Iam uero Christum esse pacem cogitantes, ueram christiani appellationem ostendimus, si, cum ipse Christus, ut inquit Apostolus, inimiciā interfecerit, eam in nobis nullo modo reuiuiscere patiemur, sed in uita nostra plane mortuam esse declarabimus. Ne præclare pro salute nostra interfectam à Deo nos in nostrorum perniciem animorum irascentes, & iniuriarū reminiscences excitemus, ea, quæ bene mortua iacent, improbe in uitam reuocantes. Sed cum habeamus Christum, qui est pax, nos item inimiciā occidamus, ut, quod in ipso credimus, id in nostra uita prosequamur. Ille enim medium parietem maceræ soluens duos



condidit in se ipso in unum nouum hominem  
ad reconciliationem bonorum, non eos uideli-  
cet tantum, qui nos extrinsecus oppugnabant,  
sed illos etiam, qui in nobis ipsis seditiones com-  
mouebant, ut ne concupiscat amplius aduersus  
spiritum caro, & spiritus aduersus carnem, sed  
prudencia carnis legi diuinæ subiecta in unum  
nouum & pacificum hominem reedificati, &  
ex duobus unus effecti in nobis ipsis pacem ha-  
beamus. Dissidentium enim concordia pacis  
terminus est. Quamobrem, quando naturæ no-  
stræ bellum intestinum sublatum est, in nobis  
pacem colentes, pax efficimur, & ueram ac  
propriam in nobis hanc Christi appellationem  
declaramus. At Christum esse lucem ueram, &  
a mendacio remotissimam considerantes, disci-  
mus uitam quoque nostram ueræ lucis radiis il-  
lustrari oportere. Solis autem iustitiæ radii sunt  
ipsæ uirtutes, quæ ad nos illuminandos emanant,  
ut abiiciamus opera tenebrarum, & tanquam in  
die honeste ambulemus, & repudiâtes abscon-  
dita turpitudinis, atque omnia in luce facientes  
ipsi quoque lux euadamus, & quod proprium  
est lucis, aliis splendeamus. Quod si Christum  
ut sanctificationem considerabimus, ab impro-  
bis & impuris omnibus tum factis tum dictis  
abstinentes nos eius nominis uere participes o-  
stendimus, quippe qui re ipsa sanctificationis  
uirtutem in uita præ nobis feramus. Porro cū  
redemptionem esse Christum discimus, qui se-

1. 1.

Rom. 13. 2.

1. Cor. 1. 2.



1. Tim. 2. 6. ipsum ut nos redimeret, pretium dedit, ea uoce  
 intelligimus, cum tãquam mercedem cuiusque  
 animi præbendo nobis immortalitatem, nos è  
 morte à se per uitam coemptos propriam sibi  
 possessionem effecisse. Quod si eius, qui nos re-  
 demit, effecti sumus, dominum ita sequamur  
 omnino, ut non amplius nobis uiuamus, sed il-  
 li, qui nos uitæ suæ pretio cõparauit. non enim  
 1. Cor. 6. d. amplius nostri ipsorum domini sumus, sed ille,  
 qui nos coemit, dominus est, nos autem eius  
 dominio mancipati. Illius ergo uoluntas nobis  
 pro lege uiuendi proposita sit. Ut enim cum  
 mors impotenti dominatu nos premeret, pec-  
 cati lex in nobis omnia administrabat, sic, quan-  
 do uitæ iam addicti sumus par utique sit, ut ip-  
 sius rerum potentis arbitrio gubernemur, ne  
 quando à uitæ uoluntate per peccatum recederi-  
 tes, rursus ad improbum mortis in animos no-  
 1. Cor. 5. 6. stros dominatum ultro delabamur. Illa uero  
 Heb. 7. cogitatio nos obstringet Domino, si eũ à Pau-  
 lo tum Pascha, tum sacerdotẽ appellatũ esse au-  
 diuerimus: pro nobis enim uere pascha immo-  
 latus est Christus. sacerdos autem sacrificium  
 1. Tim. 2. obtulit Deo idẽ ipse Christus. se ipsum enim;  
 Eph. 5. 4. inquit, tradidit oblationem & hostiam pro no-  
 bis. Quæ quidem nobis documento sunt, ut  
 qui Christum Deo se oblationem & hostiam  
 dedisse, & factum esse pascha uidet, ipse quoque  
 Rom. 12. 4. corpus suum Deo hostiam uiuentem, sanctam,  
 bene placentem exhibeat, rationabile obse-  
 quium



quum factus . sacrificandi autem modus est , ut  
ne cōformetur huic seculo , sed transformetur  
in renouationem mentis suæ , ut probet , quæ  
sit uoluntas Dei bona , & beneplacens , & per-  
fecta . Neque enim in carne , bona Dei uolun-  
tas ostendi potest , nisi ex spiritus lege sacrificata  
sit . Quandoquidem prudentia carnis inimica  
est Deo , & legi Dei non est subiecta . Quocir-  
ca , nisi prius caro mortificatis membris , quæ  
sunt super terram , quibus obsequimur appeti-  
tui , per hostiam uiuentem sacrificetur , bene-  
placens & perfecta Dei uoluntas sine impedi-  
mento non potest in uita credentium obserua-  
ri . Sic etiam dum Christus in proprio sangui-  
ne propitiatio consideratur , edocemur , ut nos  
item nobis ipsis propitiatio simus , & membra  
mortificantes animos reddamus immortales .  
Quando autem gloriæ splendor & figura sub-  
stantiæ Christus dicitur , his uerbis adorandam  
eius maiestatem mente concipimus . Paulus enim  
diuino spiritu afflatus , & uere doctus à Deo , qui  
in altitudine diuitiarum & sapientiæ & scientiæ  
Dei diuinorum mysteriorum arcana & recon-  
dita scrutatus fuerat , cum ad diuinitus sibi osten-  
sos splendores earum rerū , quæ indagari inue-  
stigariq; nequeunt , declarandos lingua imbe-  
cillior esset , quatenus suam ipsius in mysterio  
intelligentiam aures excipientium caperent , si-  
gnificationibus quibusdam subindicauit , tan-  
tum uidelicet loquens , quantum cogitationi

Rom. 6. 6.

Heb. 1. 6.

2. Cor. 12.

O



feruiēs oratio poterat explicare. Nam cum omnia, quæ in naturam & potentiam humanam cadunt, de natura diuina cognouisset, supremæ illius essentiæ rationem nullis humanis cogitationibus capi comprehendiq; posse demonstrat. Itaque cum ea, quæ de ipsa considerantur, pacem nimirum, uirtutem, & uitā, & iustitiam, & lucem, & ueritatem, & id genus alia perfecteretur, rationem ipsius omnino posse concipi negauit, Deum enim nec uisum unquam fuisse, nec uisum iri. Quem nullus, inquit, hominum uidit, nec potest uidere. iccirco quærens, quo modo, quem cogitatio nō assequitur, nominaret, quia non inuenit nomen, quo eius excellentiam exprimeret, gloriam & substantiam appellauit id, quod omnibus partibus superat omne bonum, quod neque oculis cerni, nec mente percipi, nec uerbis explicari potest, atque ita præstantissimam illam rerum substantiam sine nomine præteriiuit. Artissimam autem necessitudinem, qua cum patre nullis terminis circumscripto & sempiterno filius ipse sine terminis perpetuo coniunctus consideratur, splendorem gloriæ, & figuram appellat, splendore quidem coniunctionem ostendens, figura autem indicans æqualitatem. Etenim neque inter splendorem & splendentem naturam mediū intelligitur, nec figura minor illa substantia, quæ sub ipsa signatur. Sed qui naturam splendentem cogitat, simul etiam omnino splendorem intel-

1. Tim 6. c.

1. Io. 4. c.



ligit. Et qui substantiæ magnitudinem animo  
concepit, eam figuræ in ipsa conspicuæ prorsus  
dimetitur æqualem. Qua de causa & formam  
Dei substantiam uocat, formæ notione non im-  
minuens Dominum, sed per formam, osten-  
dens magnitudinem Dei, qua intelligitur patris  
amplitudo, quæ propriam formam non exce-  
dit, neque extra figuram, quæ circa ipsam est,  
inuenitur. Nihil enim informe, nihil non pul-  
chrum in patre, nihil, quod non unigeniti decla-  
ret pulchritudinem. Quare, qui uidit me, in-  
quit Dominus, uidit patrem. Ex his nihil deesse,  
nihil superesse significans. Quinetiam cum o-  
mnia dicat eum portare uerbo uirtutis suæ, sol-  
uit dubitationem eorum, qui nimis diligenter  
& anxie uestigant ea, quæ sciri non possunt.  
Siquidem hi de materia requirentes rationem,  
nullo modo præ nimia curiositate consistunt  
aut conquiescunt. Vnde enim (inquiunt) ma-  
teria sit illi, qui à materia seiunctus est? aut quo-  
nam pacto ducatur quantum ex eo, qui caret  
quantitate? aut ex illo figura, qui figuram non  
habet? aut color ab eo, qui uideri non potest?  
aut ab illo, qui sine uacat, id, quod propriis fi-  
nibus includitur? Quod si nulla adest qualitas  
simplici & incompósito, unde materia suis qua-  
litatibus est implicita? Has enim omnes, & alias  
eiusmodi quæstiones soluit, qui dicit eum sic  
uerbo uirtutis omnia portare, ut generentur ex  
nihilō. Quæcunque enim, materiæ uel partici-

Io. 14.

Heb. 1. 2.



pem uel expertem naturam acceperunt, unam  
 substantiæ causam habet uerbum uirtutis illius,  
 quæ nullis uerbis dici potest. Ex quo admone-  
 mur, ut eum, unde res omnes ortæ generatæq;  
 sunt, intueamur. Etenim si ab illo procreati su-  
 mus, atque in eo consistimus, omnino necesse  
 est, ut nihil esse credamus, quod eius, qui nos  
 procrearit, in quo simus, in quem resoluamur,  
 cognitionem effugiat. Qua quidem cogitatio-  
 ne, ut æquum est, innocentia uitæ conseruatur.

Rom. 11. d.

Quis enim ex ipso, & per ipsum, & in ipso se  
 uiuere credens, turpis, & flagitiosæ uitæ testem  
 habere uelit eum, quem uniuscuiusque uitam

1. Cor. 10. d.

in se continere sciat? Escam autem & potum spi-  
 ritualem Dominum appellans Diuus Aposto-  
 lus nos commonefacit, ut naturam humanam  
 non simplicem, sed ex mente sensuq; compo-  
 sitam cogitemus, cuius quidem utrique parti sit  
 proprius cibus. solida enim esca corpus nutri-  
 tur. Spirituali alimento ualetudo animi conser-  
 uatur. Ac quemadmodum in corpore solida &  
 humida alimenta inter se mista naturam nu-  
 triunt & tuentur, dū mutuo cōcocta singulis par-  
 tibus, quæ in nobis ex elementis concretæ sunt,  
 cōmiscuntur: sic mentis alimentū ex propor-  
 tione diuidens Paulus, escam & potum uocat.  
 eadem enim res apte & proprie ad accipientiū  
 usum accommodatur. imbecillis, afflictisq; pa-  
 nis fit cor hominis confirmans. ægris autem  
 & huius uitæ miseria laborantibus, ac propte-

Psal. 103. c.



rea sitientibus fit uinum cordi lætitiā afferens.  
Oportet autem per ea, quæ dicta sunt, uim ora-  
tionis intelligere, quæ animus ex præsentī usu  
gratiam accipiens alitur, ut indicat Aenigma  
prophetæ, qui loco pascuæ, & aqua refectio-  
nis consolationem significat, quæ oratione la-  
borantibus & afflictis adhibetur. Sin aliquis  
etiam ad mysterium respiciens dicat cibum, &  
potum proprie Dominū nominari, ne id qui-  
dem à germana significatione recesserit, uere  
enim caro ipsius est cibus, & sanguis eius uere  
est potus. Atque in hac quidem significatione  
omnibus, ut eius participes sint, facultas datur.  
ipsa enim talis alimēti & potionis cōmunicatio  
fit accipientium sine discrimine cibus & potus.  
Cum tamen Apostolus ita definiuerit: prober  
autem, inquit, se ipsum quisque, & sic de pane  
illo edat, & de calice bibat. Qui enim indigne  
manducat, & bibit, iudicium sibi manducat &  
bibit. Huc autem respiciens Euangelista plane  
uidetur eandem significationem confirmasse.  
Cum mysticæ passionis tempore nobilis ille se-  
nator immaculata mundaq; sindone inuoluens  
Domini corpus in nouo & puro monumento  
posuit. Quamobrem & Apostoli præcepto &  
Euangelistæ obseruatione commonemur, ut sa-  
cro sanctum Domini corpus pura cōscientia su-  
scipiamus. Quod si aliqua peccati macula infe-  
sta sit, eam aqua lacrymarū abluamus & expur-  
gemus. Verum quia etiam petra dicitur Chri-

*Psal. 22. d.*

*Io. 6 f.*

*1. Cor. II f.*

*Luc. 23. g.*

*1. Cor. 10.  
b.*



1. Cor. 3. b.  
Eph. 2.  
Luc. 20. a.

Col. 1. d.

Gal. 3.

stus, eā nobis id nomen afferet utilitatem, ut re-  
ctam uiuendi rationem firmam ac stabilem te-  
neamus, & in rebus aduersis forriter perferen-  
dis constantes simus, aduersusq; omnem pec-  
cati impetum strenuos atque inuictos animos  
præstemus. ex his enim rebus & aliis eiusmodi  
nos item erimus petra, in natura fragili firmum  
& immutabile Domini robur pro uiribus imi-  
tantes. Quod autem à sapiente Architecto fun-  
damentum fidei & Anguli caput nuncupatur,  
id quoque nobis ad uitam ex uirtute instituen-  
dam expediet. Sic enim bonarum omnium &  
administrationum ciuiliū, & disciplinarum,  
& institutorum tum principium, tum etiam fi-  
nem esse Dominum dicimus. Nam & spes,  
quam pro capite accipimus, ad quam rectæ ho-  
nestæq; actiones nostræ omnes tendunt, ille no-  
minatus est à Paulo: & in principio huiusce ui-  
tæ ædificii, quod ad ipsum dirigitur, fides, in qua  
uitæ principia tanquam fundamenta iacimus, &  
quotidianis officiis puras tum cogitationes tum  
actiones nostras moderamur. atque ita, quod  
uniuersi est caput, nostrum etiam caput effici-  
tur, quum duobus uitæ nostræ, corporis uide-  
licet atque animi muris per honestatem & puri-  
tatem constructis angulari coniunctione apte  
cohæret. Quod si altera pars desit ædificio, ut  
uel animi puritas conspicuam extrinsecus hone-  
statem non habeat, uel hæc, quæ uidetur, ani-  
mi uirtute uacet, eius manca inchoataq; uitæ



caput non erit Christus, quippe qui duplici angulari; fabricat tantummodo quadrat. neque enim, nisi duo concurrant parietes, angulus fieri potest. Quare tunc imponetur ædificio nostro summi angularis fastigii pulchritudo, cum ex utraque parte ad rectam uirtutis normam duplex uita, & recta, & constans, & nihil obliqui curuiq; habens, perpendicularo cinne erit accommodata. At uero cum Dei inuisibilis imaginem Paulus Christum appellat, & in omnibus Deum & magnum Deum, & his enim uocibus ueri Domini magnitudinē prædicat, magni, inquit, Dei, & saluatoris nostri Iesu Christi: & ex quibus Christus secundum carnem, qui est in omnibus Deus benedictus in secula, nos docet, eum semper esse, qui est. Est autem ille maior, quàm ut humana mente comprehendi possit, si secum ipse uersetur, per felicitatem cœlestia sentiens, & æqualem undique mensuram. Hic igitur longe præstantior, quàm ut humana cognitione comprehendatur, qui nullis uerbis, nulla oratione, nulla ui dici, enarrari, declarari uel potest, ut se prorsus faceret imaginē Dei, ipse quoque pro sua erga hominem beneuolentia factus est imago Dei inuisibilis, hoc est, ad humanæ naturæ mēsuram sese demisit, ut nos ad diuinitatis mensuram extollamur. Ea enim fuit negotiatio filii Dei, ut propria forma, quam sumpsit, effectus homo, se rursus ad exemplaris pulchritu-

*Cal. 1. e.*

*Col. 3. b.*

*Lit. 2. d.*

*Rom. 9. b.*

O iiii



*Rom. 8. c.**1. Pet. 2. d.*

tudinis figuram effingeret, ut esset id, quod initio fuerat. Proinde ut nos item sumus imago inuisibilis Dei, ad propositum nobis exemplar uitæ, nostra uiuendi ratio exprimenda est. eo nimirum pacto, ut in carne uiuentes, minime uiuamus secundum carnem. Si quidē & princeps illa Dei inuisibilis imago, quæ ad nos per uirginitatem appropinquauit, per omnia ad humanæ naturæ similitudinem eatenus tentata est, ut nullum peccati experimentum susceperit. Qui peccatum non fecit, nec inuentus est dolus in ore eius. Quemadmodum igitur si pingendi artem disceremus, magister aliquam nobis pulcherrime depictam formam in tabula proponeret, cuius in sua quenque pictura oporteret pulchritudinem imitari, & omniū tabulæ ad propositum pulchritudinis exemplar expolirentur, sic quoniam suæ quisque uitæ pictor existit, artifex autem huiusce operis uoluntas est, colores uero ad exprimendam imaginem uirtutes sunt, non mediocriter periculum est, ne à pulchritudinis exemplari ad turpem ac deformem aliquam personam recedat imitatio, & pro Domini forma effigiem uitii sordidis coloribus adumbremus. Itaque pro nostra uirili nobis enitendum est, ut uirtutum colores puri sint, & scienter periteq; ad excipiendam imaginem commisceantur, ut imaginis imago simus, & quo ad eius fieri potest imitatione perspicua pulchritudinis exemplum exprimamus, ut facie-



bat Paulus, qui ex uirtute uitā instituens, Christi imitator fuit. Quod si clarius ea sigillatim oratione persequi uolumus, quibus imitando imaginem representamus, unus color est humilitas. Discite, inquit, à me, quia mitis sum & humilis corde: alter est patientia. Quæ quot modis in imagine inuisibilis Dei conspicitur? ubi gladii, & fustes, & uincula, uerbera, alapis maxillæ percussæ, facies sputis oblita, humeri uerberibus traditi, iudicium impium, crudelis sententia, milites subfannationibus, irrisiōibus, contumeliis, & calami percussionebus imitem sententiam per delicias exacerbantes, clauui, & fel, & acetum, & grauissima quæque ipsi sine causa illata, immo uero pro innumerabilibus beneficiis reddita. tunc ille quo modo ista patrans ultus est? pater, inquit, ignosce illis, quia nesciunt, quod faciunt. Nonne poterat contra eos superius uel cœlum perfringere? uel ipsos terræ hiatibus abolere, uel dimouere ex propriis terminis mare, & uoraginibus terram sommergere, uel sodomiticum ignis imbrem demittere unico uerbo, uel aliquod aliud acerbum supplicium irrogare? Attamen hæc omnia miti patientiq; animo pertulit, uitæq; tuæ per se ipsum leges patientiæ dedit. Sic alia omnia in principe Dei imagine, licet intueri ad quam qui respicit, & ad eius similitudinem formam exornat suam, ipse quoque fit imago Dei inuisibilis per tolerantiam expressa. Qui autem ec-

Matth. 11.

Luc. 23. 6.

Eph. 5. e.



Eph. 5. f.

1. Cor. 6.

clēsiæ caput Christum esse didicit, illud in pri-  
 mis cogitet: Vnam esse capitis & subiecti cor-  
 poris naturam, & singula membra cum toto,  
 naturali quadam necessitudine coniuncta esse,  
 quæ partes toti ita conciliat, ut, miro consensu  
 inter se conueniant. Ex quo fit, ut si quid ex-  
 tra corpus est, id etiam à capite omnino seiun-  
 ctum sit. Ex hoc igitur intelligimus, quod na-  
 tura caput est, idem fieri singula membra, ut  
 cum ipso capite proprie amicēq; consentiant.  
 Nos autem membra sumus, qui in Christi cor-  
 pus coalescimus. Quare si quis corpus Christi  
 tollens efficiat membra meretricis, is rabiem im-  
 probæ illius libidinis tanquam gladium arripies  
 membrum prorsus abscindit à capite. Sic item  
 reliqua malitiæ instrumenta sunt ueluti gladii,  
 quibus membra à proprio corpore amputan-  
 tur, & omnia seiunguntur à capite, quorum se-  
 ctionem perturbationes efficiunt. Ut igitur to-  
 tum corpus in naturali amicitia cum capite per-  
 maneat, æquum est, ut mutua concordia sin-  
 gula item membra inter se coniungantur. Quā-  
 obrem cum ipsum caput non modo purum,  
 integrum, castumq; sit, sed ipsa quodam modo  
 puritas, integritas, & castitas existimetur, quæ  
 sub eiusmodi caput membra concurrunt, ea  
 item pura, incorrupta, castaq; sint, consen-  
 taneum est. Denique quidquid de capite cogi-  
 tamus, ut pacem, sanctimoniam, ueritatem, &  
 alia omnia eiusdem generis, in mēbris quoque



conspicienda sunt. Hæc enim dum cernuntur  
in membris; ea capiti cognata esse, eiq; naturali  
necessitudine testificantur coherere. Sic enim  
Paulus dicit, Christum esse caput, ex quo to-  
tum corpus per nexus & coniunctiones submi-  
nistratum & constructum crescit in augmen-  
tū Dei. Illud præterea ex hoc capitis nomine  
discere debemus, quemadmodum in anima-  
libus ex capite prouenit corpori ad agendum  
ocasio atque incitatio, si quidem & pedum,  
& manuum motus atque opera omnia, oculo-  
rum & aurium ope diriguntur. etenim ni-  
si oculi præsent fatagenti, & aures imperium  
excipiant, nihil eorum, quæ proposita sunt,  
recte fieri potest: sic ex ueri capitis sententia cor-  
pus in rebus omnibus modo ad hoc, modo ad il-  
lud agendum dirigi & moueri oportere, quo-  
cunque ille, qui finxit oculum, & plantauit au-  
rem, ducet. Quando igitur caput, quæ supra  
sunt, respicit, opus est, ut, quæ capiti apte sub-  
nexa sunt membra, ipsius capitis ductum, se-  
quatur, & ad ea, quæ sancta sunt, tendant. Ve-  
rum quoniam eum esse primogenitū creaturæ  
discimus, & primogenitum ex mortuis, & pri-  
mogenitum in multis fratribus, primū quidem  
hæreticas opiniones refutemus, quarum impro-  
bitas ex prædictis uerbis, quæ nihil pro illis fa-  
ciunt, statuendi dogmatis occasionem accepit:  
deinde, quæ nobis ad uitam & mores ex his con-  
ducunt, considerabimus. Hostes igitur Dei

Col. 2. d.

Psal 93. b.

Col. 1. c.  
Rom. 8 f.



Rom. II. d.

Unigenitum Deum, uniuersi effectorem, ex quo, & per quē, & in quo omnia, factum esse dicunt & creatum à Deo, ideoq; ut creaturæ fratrem, dici Creaturæ primogenitum asserunt, cum temporis iure tantummodo præcellat, quemadmodū Ruben nō natura sed temporis prærogatiua propriis fratribus præponebatur. Illud in primis contra istos dicendum est, eundem nō posse & unigenitum & primogenitum credi: aut enim unigenitus est, aut ex fratribus primogenitus: si unigenitus, fratres nō habet: si fratrū primogenitus, unigenitus neque esse, neque dici potest omnino. Quare cum hæc nomina in eodem conuenire coniungi; nequeant, quōd fieri non possit, ut idem & unigenitus & primogenitus nominetur; in scriptura autem de uerbo illo, quod erat in principio, dicatur, unigenitus Deus; & rursus apud Paulum, primogenitus omnis creaturæ: ueritatis iudicio sic oportet hæc nomina separare & distinguere diligenter, ut unigenitum intelligamus id Verbum, quod est ante secula: omnis autem creaturæ in Christo factæ, Verbum carnem factum esse primogenitum. Quod si, quo modo ille & primogenitus ex mortuis & primogenitus in multis fratribus intelligatur, didicerimus, simul etiam, quo modo sit creaturæ primogenitus, cognoscemus. Est igitur ex mortuis primogenitus, aut primitiæ dormientium factus, ut omni carni ad resurrectionem iter

1o. 3. b.  
Col. I. c.

1. Cor. 15.  
c.



aperiret. Cumq; nos, qui natura eramus filii  
 ira, coelesti generatione per aquam & spiritum  
 filios lucis, & diei filios esset effecturus, eiusmo-  
 di generatione in Iordanis flumine dux ipse  
 praecessit, ut ad naturae nostrae primitias spiri-  
 tus, gratiam attraheret, id est, ut omnes ex spi-  
 rituali regeneratione ad uitam generatos fratres  
 ipse per aquam & spiritum antegenitus consti-  
 tueret. Ad eundem modum creaturae in Chri-  
 sto generatae ipsum primogenitum cogitantes  
 ab opinione pia minime recesserimus. Quonia  
 igitur uetus creatura ingressa est per peccatum  
 & inutilis reddita, necessario perditorum subi-  
 uit uia noua uitae creatura, quae per regeneratio-  
 nem & resurrectionem ex mortuis constituitur, cuius  
 princeps auctorq; uitae primogenitus est & ap-  
 pellatur. Atque haec quidem pauca studiosis ad re-  
 pellendos aduersarios & ad perspiciendam ueri-  
 tatem satis erunt. Quare iam, quam utilia sint haec  
 uerba ad uirtutem & uitam, breuiter percurramus.  
 Ruben eorum, qui post se geniti sunt fratres,  
 primogenitus fuit. cognationem autem, qua  
 cum ipso coniuncti erant signum quoque in eis  
 perspicuum primogenito simile testabatur, ut  
 fraterna sanguinis coniunctio formae similitudi-  
 ne declarata ignorari non posset. Quapropter  
 si nos item eodem modo per regenerationem  
 aquae & spiritus Domini fratres geniti sumus,  
 qui propter nos factus est primogenitus in mul-  
 tis fratribus, æquum est, ut uitae signis nostram

1. Tess. 5. 2.

Gen. 29. 2.



1. Petri. 2.  
d.

105. e.

cum ipso necessitudinem ostēdamus: uitæ enim nostræ formam impressit primogenitus creaturæ. Quæ autem sit eius formæ nota, ex scriptura sæpe commemorauimus. Qui peccatum, inquit, non fecit, nec inuentus est dolus in ore eius. proinde utrum illius, qui generatione præcessit, appellari fratres debeamus, innocentia uitæ testimonium dabit, si nulla macula à puritatis coniunctione nos separauerit. Præterea iustitia est primogenitus, & sanctificatio, & charitas, & alia eiusmodi. quibus si uita item nostra fuerit insignita, adeo præclara præbebimus nostræ nobilitatis indicia, ut, qui illa conspexerint in nostra uita, ipsi quoque, nos Christi fratres esse, sint testes futuri. Qui enim nobis ad resurrectionem aditum patefecit, & ob id primitiæ dormientium factus est, ut nos omnes resurgeremus in ictu oculi, in nouissima tuba, idem omnibus tam à se stantibus, quàm morte multatis exhibuit. Verum in ea, quæ futura est uita, non idem omnes è terræ tumultu surgentes excipit status. sed ibunt, inquit, qui bona fecerunt, in resurrectionem uitæ, qui uero male egerunt, in resurrectionem iudicii. Quamobrem si cuius uita ad formidandam illam spectat condemnationem, is tamen per regenerationem ad fratrum Domini numerum forte ascriptus sit, nomen eimentitur, in malitiæ forma nullam præse ferens affinitatem cum exemplari. Mediator autem Dei & hominum, qui per



seipsum sese coniungit Deo, quod quidem ea  
coniunctione dignum est, quemadmodum uir-  
tute diuina hominem induit eatenus quidem hu-  
manæ naturæ participem, ut nullis naturæ per-  
turbationibus ad peccatum excitantibus subia-  
ceret, peccatum enim, inquit, non fecit, nec in-  
uentus est dolus in ore eius: sic homines singu-  
los ad diuinitatis cōmunionem adducet, si nihil  
eadiuinitatis coniunctione indignum afferant.  
Si quis nimirum uere sit templum Dei, nul-  
lumq; malitiæ simulachrum aut statuum conti-  
neat, is à mediatore, ut diuinitatis particeps fiat,  
admittetur, cum purus sit, & ad puritatem ip-  
sius suscipiendam idoneus. Neque enim in ma-  
leuolam animam, ut scriptum est, introibit sa-  
pientia. Et qui mundus est corde, nihil in se ip-  
so præter Deum uidens, incorrupteq; sibi ipse  
cohærens, omne bonū regnū accepit. Cæte-  
rum id, quod dico, magis perspicuum fiet, si  
uerba, quæ Dominus Apostolis per Mariam  
nuntiari uoluit, considerabimus. Ascendo, in-  
quit, ad patrem meum & patrem uestrum, &  
Deum meum & Deum uestrum. Hæc enim ait  
mediator inter patrem & præcones suos, qui  
inimicos Dei conciliauit ueræ & soli diuinitati.  
Nam quia per peccatum homines à uentre, in  
quo formati fuerāt, pro ueritate mendacium lo-  
quentes, decepti sunt, ideo naturæ communis  
primitias per corpus & animam assumens, easq;  
nulla malitia mistas aut contaminatas in se con-

1. Pet. 2. d.

Sap. 1. a.

10. 22. d.



seruans sanctas effecit, ut eas incorruptas dedicans patri, simul etiam traheret, quidquid eis natura & genere cognatum esset, & eos, qui abdicati reiectiq; fuerant, filios redderet, & inimicos Dei, diuinitatis eius participes faceret. Vt ergo Massæ primitiæ puritate atque innocentia uero patri & Deo conciliatæ sunt, sic etiam nos, qui massa sumus, eisdem rationibus cum ueritatis patre coniungemur, si mediatoris innocentiam & constantiam pro uiribus imitabimur. Sic enim erimus unigeniti corona Dei, honor & gloria per uitam effecti. Nam Paulus dicit; quoniam minuisti eum paulo minus ab Angelis, propter cruciatum mortis. Maiores enim nostros in spinæ naturam ob peccatum conuersos sibi ipse ex mortis dispositione coronam fecit, & spinam in honorem & gloriam patiendo commutauit. Quocirca cum semel mundi peccatum sustulerit, & capiti coronam de spinis acceperit, ut ex honore & gloria coronam contexeret, non paruum periculum est, ne aliquo modo propter improbam uitam tribuli esse & spinæ deprehendamus. atque ita in media Domini corona, quæ per communionem corporis eius fit, inserti, uocem illam iustam omnino exaudiamus: Amice, quo modo huc intraisti, non habens uestem nuptialem? quo modo te, cum esses spina, inter eos, qui ad coronam meam ex honore & gloria conficiendam apti sunt, contexuisti? Quæ conuentio Christo ad Belial?

Heb. 2. d.

Matth. 22.  
b.

2. Cor. 9. c.



ad Belial? Quæ pars fidei cum infidei? Quæ so-  
cietas luci ad tenebras? Ne quādo igitur uita no-  
stra contra nos eiusmodi uerbis compelletur,  
omni studio nobis in eam curam est incumben-  
dum, ut spinosa omnia tum facta, tum dicta, tū  
cogitata ex omni nostra uita conuulsa proiicia-  
mus, ut pura innocentīq; uiuendi ratione ho-  
nor & gloria efficiamur, atque uniuersi caput  
nobismet ipsis uti re pretiosa coronemus. Nul-  
lius enim rei uilis uult esse Dominus ille, qui glo-  
riæ Dominus est. Quisquis igitur in lumine tum  
abscondito tum manifesto abhorret ab omni  
turpitudine & uanitate, eum, qui gloriæ non  
ignominia Dominus est, sibi principem consti-  
tuit. Præterea principium est, atque adeo rerū  
omnium principium minime alienum ab iis,  
quæ ex ipso cōsequuntur. Quamobrem si quis  
uitam principium esse definiet, uita post princi-  
pium intelligetur. Si lux est principium, & ea  
post principium cogitabitur. Quid igitur eum  
principium esse credentes assequimur? id nimi-  
rum, ut tales simus, quale principium nostrum  
esse credidimus. Neque enim tenebrarum prin-  
cipium lux dicitur: neque, cum ad principium  
uita sit instituta atque directa, eum ordinem &  
uitæ continuationem mortem esse didicimus.  
Quod si quis naturæ similitudine non sequatur  
principium, quod præcedit, eiq; apte innocen-  
tia uirtuteq; cohæreat, eius principium esse nō  
poterit ille, qui rerum principium est. Obscu-  
p

*Psal. 23. b.*

*Col. 1. c.*

*Io. 14. a.*

*Io. 8. b.*



Esa 9.6.

Apoc. 7.

ra tenebricosaq; uitae principium est mundi istius  
 ac tenebrarum princeps. Mortiferi peccati prin-  
 cipium est ille, qui mortis habet potestatem.  
 Iccirco non potest eum, qui bonorum omnium  
 principium est, principium suum esse dicere,  
 qui sub tenebrarum principio flagitiose uitam  
 instituit. Qui uoces diuinas ad propriam utilita-  
 tem excipiunt, eodem modo animis afficien-  
 tur, cum iustitiae pacisq; regem nominari Chri-  
 stum intelligent. Etenim qui ex precandi disci-  
 plina obsecrat, ut in se ipsum ueniat regnum  
 Domini, cum eum, qui uere est rex, iustitiae  
 & pacis regem esse cognouerit, iustitiam prorsus  
 & pacem in propria uita complectetur, ut  
 in se rex iustitiae & pacis regnet. Quod si huius  
 regis exercitum uirtutes faciunt, (nam iustitia &  
 pace arbitror uirtutes omnes intelligi) qui Dei  
 militiam deferens se tanquam malitiae inuentor-  
 is militem abiecto iustitiae thorace & omni ar-  
 matura pacifica in acie aduersariorum consti-  
 tueret, quo modo hic à ueritate alienus sub iusti-  
 tiae rege collocabitur? eius enim armaturae insi-  
 gne plane regem ipsius indicabit, quippe qui ui-  
 uendi ratione tanquam impressa armis imagine  
 ducem ostendat suum. Quare beatus ille, qui in  
 diuina militia constitutus est, & ordinibus eo-  
 rum, qui in millibus millium numerantur, ad-  
 scriptus, & contra malitiam uirtutibus arma-  
 tus, quae in eo, qui ipsas induerit, imaginem re-  
 gis demonstrant. Cæterum quid est necesse, ut



eas uoces, quibus Christi nomen explicatur,  
 & ad rectam ex uirtute uiuendi rationem perue-  
 nitur, cum ea nominis propria fit uis, ut nobis  
 omnino ad uitæ perfectionem conducatur, pro-  
 ponētes, atque ordine declarantes, longius pro-  
 grediamur? cum satis mea quidem sententia sit,  
 si ea, quæ commemorauimus, memoria bre-  
 uiter repetētes, in summam redigamus, quæ no-  
 bis ad eum finem tanquam dux existat, quem  
 orationis initio proposuimus, quum abs te  
 quæretur, quo modo quis in se ipso perfectum  
 uiuendi genus assequi possit. Si quis enim assi-  
 due meditetur & cogitet, se adorandi nominis  
 esse participem, & ex Apostolorum instituto  
 christianum dici, cum ego singularum uitæ ap-  
 pellationum compotem factum, necessario  
 etiam aliorum nominum, quibus filius nuncu-  
 patur, arbitror in se ipso ostensurum esse pote-  
 statem. Quod autem dico, sic fere habet. Tria  
 sunt, quæ Christiani uitam declarant, atque di-  
 stinguunt, Actio, Sermo, Cogitatio. Ex his  
 primas obtinet cogitatio. secundo loco ponitur  
 sermo, qui conceptā & impressam animo cogi-  
 tationem uerbis aperit & exponit. post cogita-  
 tionem & sermonem actio ordine collocatur,  
 quæ animo cogitata factis exequitur. Si quid  
 horum igitur nos, ut fit, aut ad agendum, aut  
 ad cogitandum, aut ad loquendum ducit, opus  
 est, ut omnia nostra tum dicta, tum facta, tum  
 cogitata ad diuinam earum notionum, quibus



Christus declaratur, regulam sic dirigantur, ut nihil cogitemus, nihil dicamus, nihil faciamus, quod à sublimi earum significatione recedat.

*Rom. 14. d.* Nam ut, quidquid non est ex fide, Paulus peccatū dicit, ita nos eodem modo cogitantes plane possumus affirmare, quæcunque nō respiciunt Christū, seu uerba, seu opera sint, seu cogitationes illa omnia ad id omnino spectare, quod Christo cōtrariū est. Qui enim extra lucem & uitam est, is in tenebris prorsus & morte non esse non potest. Quamobrem si, quod ex Christo non fit, & cogitatur, illi, quod est bono contrarium, coniunctum est: ex hoc, qui genitus est, à Christo seiunctum esse, cuius manifeste patet ex iis, quæ uel cogitat, uel agit, uel loquitur. Diuina igitur illa prophetæ uerba uerissima sunt. Præuaricantes reputaui omnes peccatores terræ. Vt enim qui Christū in persecutionibus negat, diuini nominis præuaricator est: sic etiam, si quis ueritatem, & iustitiam, & sanctitatem, & integritatem, & si quid aliud uirtuti conueniens cogitatur, negat, & quo tempore contra perturbationes et uitia fortiter pugnandum est, uitæ constantiam abiicit, is à propheta præuaricator appellatur. In his enim singulis à Christo, qui est illa omnia, uita recedit, & præuaricatur. Quid igitur aliud eum oportet facere, qui magno Christi cognomine dignus effectus est, nisi ut omnia sua tum cogitata, tum dicta, tum facta diligēter exploret, & utrum eorum singu-

*Psal. 118.*



la ad Christum tendant, an ab illo sint aliena, di-  
iudicet? Multis autem modis fit hæc præclara  
diinductio. Quidquid enim perturbatione ali-  
qua aut agitur, aut cogitur, aut dicitur, id cum  
Christo minime congruit, sed aduersarii notam  
& imaginem gerit, qui animi margaritæ pro  
coeno perturbationes admiscet, ut pretiosi lapi-  
dis splendorem deformet ac deleat. Quod uero  
ab omni turbida affectione uacuum & purum  
est, id ad tranquillitatis auctorem & principem  
spectat, qui Christus est, ex quo tanquam ex  
puro incorruptoq; fonte, qui suas animi notio-  
nes atque affectiones haurit & deriuat, talem  
cum principio atque origine similitudinem præ-  
se feret, qualem obtinet cum ipso fonte, quæ in  
riuulo decurrit, quæq; in amphora resplen-  
det aqua. Etenim una & eadē est, quæ in Chri-  
sto, & quæ in mentibus nostris conspicitur pu-  
ritas. sed illa in fonte nascitur, hæc inde manat  
& in nos deriuatur, eam notionum pulchritudi-  
nem ad uitam secum trahens, ut absconditi ma-  
nifestiq; hominis conuenientia & tanquam con-  
centus quidam appareat, cum uitæ modestiam  
& honestatem notiones ex Christo prouenien-  
tes moderetur & moueant. In hoc igitur ( meo  
quidem iudicio ) christianæ uitæ perfectio sita  
est, ut nominum, quibus Christi nomen signifi-  
catur, participes, eorum uim & animo, & ora-  
tione, & uiuendi institutis exprimamus, ut ab-  
solutam illam à Paulo commendatam sanctita- 1. Tess 5. d.



1. Tim. 2.  
4.

tem suscipientes nos integro & corpore, & animo, & spiritu nulla mali permissione contaminatos conseruemus. Quod si quis ad perfectam uirtutem assequendam difficillimam esse uiam obiiciat, cum ex omni creatura solus immutabilis sit Christus, inconstans autem natura humana, & ad mutationes procliuus, ideoq; fieri non posse ut ad eam perueniamus, ibiq; firmi & immutabiles consistamus: huic respondebimus, Athletam nullum coronari, qui non legitime certauerit: certamen porro non esse legitimum, si nullus, qui cum pugnes, adsit aduersarius. Quamobrem si aduersarius non est, corona non erit. uictoria enim, nisi aliquid uictum sit, esse non potest. Cum illo igitur, quod in natura nostra mutabile est, tanquam cum aduersario ea ratione compositi decertemus, ut ipsum non deiciētes, sed cadere non permittentes, uictores simus. Neque uero ad malum tantummodo propensionem habet homo. Nam si ad eam partem duntaxat natura procliuus esset, ad bonum sese non posset conuertere. Nunc autem pulcherrimum motionis opus est, ipsum in bonis incrementum. quum impetu illo, quo ad melius trahimur, is qui recte mouetur, assidue transfertur ad ea, quae diuiniora sunt. Id ergo, quod formidandum uidebatur, nempe naturam nostram mutabilem esse, nobis tanquam alas, quibus ad maiora uolumus, praebere demonstrauimus: damno enim id nobis futurum fuisse, si mutationem ad melius suscipe-

118. CH  
possent  
tribus a  
conquerat  
mens, &  
stans in  
et perfec  
bonis met  
ta enim uer  
in meli  
que ter  
ne



re non possemus. Ne quis igitur uim in natura  
mutationibus aptam & idoneam cernens doleat,  
aut conqueratur, sed sese continenter in melius  
promouens, & de gloria in gloriam transferens  
quotidianis incrementis ita uertatur, ut in dies  
melior & perfectior fiat, nec unquam se ad per-  
fectionis metam peruenisse sibi persuadeat.

Ea enim uere perfectio est, ut qui auge-  
tur in melius, nunquam consistat, ne-  
que terminis ullis perfectio-  
nem existimet esse  
conclusam.



DIVI GREGORII NYSSAE

PONTIFICIS ORATIO, QVA

docet, non esse dolendum ob eorum obitum, qui in fide dormierunt.



VI necessarium naturæ nostræ ordinem in iis, qui è uita discedunt, calamitatē existimant, & eos, qui ex hoc mundo migrant ad cœlestem patriam, dolore, & lacrymis prosequuntur,

non uidentur mihi huiusce uitæ conditionem considerasse, sed ita affecti esse, ut plerique è uulgo, qui consuetudine quadam homine indigna, quæcunque illis adsunt, ut bona diligunt, qualiacunque sint. quos tamen ut ratione cogitationeq; cæteris animantibus præstantes ad ea tantum propensos esse oporteret, quæ rationis iudicium honesta expetendaq; proponeret, nec illa prorsus appetere, quæ consuetudine, & inconsiderata quadam affectione iucunda, ac suaui uiderentur. Quamobrem operæpretium mihi uideor esse facturus, si operam dabo, ut eos liberem ab hoc opinionis errore, quo soliti sunt perturbari, & ad meliorem homineq; digniorem cogitationem pro uiribus traducam.



Quod quidem si erimus assecuti, temerarium illud dolendi moerendiq; studium, quo multi tenetur, ex hominū uita depelletur. Recte autē atque ordine quod proposuimus, persequemur, si primum, quid uere sit bonum, exquiremus: deinde propriam uitæ, quam in corpore agimus, conditionem considerabimus: postremo res præsentēs conferemus cū iis, quas per spem nobis reconditas expectamus. Sic enim disputatio finem propositum assequetur, ut multorum animi ab opinione uulgari ad rectā de uero bono sententiam traducantur. Nam cum omnibus hominibus insita sit naturalis quædam ad bonum propensio, ad illudq; consequendum semper omni studio contendant, fit, ut ex ueriboni ignorantia omnia fere peccata committant. Quod si cuncti uerum bonum perspectum & cognitum haberent, nunquā ab eo, in quo natura felicitatem sitam esse scirent, aberrantes, malis, quæ falsam boni speciem præseferunt, experiendo ultro sese implicarent. In primis igitur hac oratione, quid uere bonum sit, explicemus, ne illius inscitia malum unquam pro bono complectamur. Oportet enim illius, quod quærimus, definitionem quandam proponi, cuius tanquam indicio tuta ueri boni sit nobis inuestigatio. Ecquod autem erit indicium ueri boni? illud nimirum mea quidem sententia, ut quod non ad unam tantum aliquam rem utile, neque quod alio tempore commodum,



alio incommodum, neque quod ita cuiusque  
 prodest, ut alii obstat, sed quod & per se ac pro-  
 pria natura sua, & omnibus, & semper bonum  
 sit, id sine ulla dubitatione uerum bonum esse  
 iudicemus. Quod enim nec omnibus, nec sem-  
 per, nec per se sine ulla externa alterius adiun-  
 ctione bonum est, propriam boni naturam non  
 habet. Quamobrem multi minus considerate  
 res explorantes, in elementis mundi bonum esse  
 falso sunt suspicati. Si quis enim diligenter con-  
 sideret, nullum eorum nec per se, nec semper,  
 nec omnibus bonum inueniet. Nam quod in  
 unoquoque eorum utile est, contrarium aliquid  
 admistum habet. Ut aqua salutaris quidem est  
 animantibus in ipsa degentibus, perniciofa au-  
 tem mediterraneis, si demergantur. Aer contra  
 in ipso natura uiuentibus prodest, aquatilibus  
 autem in eo expositis exitium affert. Sic etiam  
 ignis aliquem nobis usum prebet, sed longe plu-  
 ra inuehit detrimenta. Quid? quod ne ipse qui-  
 dem sol utentibus, ubique aut semper, aut in o-  
 mnibus prodest, quippe qui & nimio nonnun-  
 quam ardore uehementer noceat, & quæ sibi  
 obiecta sunt, immoderatus exiccat, & morbo-  
 rum persæpe causa sit, & lippientibus, atque o-  
 culis imbecillioribus officiat, & ex humidorum  
 corruptione damna, molestiasque uiuentibus im-  
 portet. Proinde, quemadmodum diximus, id  
 solum ex omnibus bonum oportet existimare,  
 quod semper & omnibus æque exhibet natura



boni, nec pro ratione eorum, quæ extrinsecus obiiiciuntur, immutatur. Nam quæ praua quadam consuetudine uidentur hominibus bona, ut quæ ad corpus, ad res externas, ad robur, ad pulchritudinem, ad splendorem, ad opes, ad potentiam, & gloriam pertinent, & alia eiusdē generis, cum per se perspicua sint, silentio prætereunda censeo, ne tot rebus ex se clavis enumerandis frustra laborem infumam. Quis enim ignorat, quàm celeriter formæ dignitas deflorescat? quàm breui corporis robur extinguitur? quàm facile principatus dominum mutet? quàm caducus & fragilis sit gloriæ splendor? quàm stultum ac uanum hominum in cumulanda pecunia studium, qui ob inanem quandam, rar amq; speciem in tam abiectis rebus bonum esse positum arbitrentur? His ita constitutis cōsiderandum uidetur, an præsens hæc uita, quam in carne degimus, talis sit, ut ei nota boni conueniat, an contra. Quod enim de ipsa disputando reperietur, considerantium animos erudiet, quò modo in eorum discessu, qui ex illa migrant, affici oporteat. Est igitur nostri corporis uita repletio, atque exinanitio, quæ quidem dupliciter fiunt tum per cibum, & potum, tum per aeris attractionem, & emissionem. Sic enim natura comparatum est, ut sine his uiuere nequeamus. Nam tunc hominem uita deserit, quando horum contrariorum successio naturam non mouet. Talis enim actio cessat uniuersa



fa, cū nihil extrinsecus in defunctis nec influat,  
 nec effluat: cūq; singulæ cadaueris partes in co-  
 gnata sibi elemēta recedant ac dissoluantur, natu-  
 ra deinceps cōquiescit, suas cuique elemento co-  
 gnatas ac similes partes restituens, terræ, quod  
 terrenū est; quod aereum, aeri; aquæ, quod ex  
 aqua cōstat; & igni, quod illius est proprium.  
 Etenim cum illa corporis moles, quæ per uim  
 ex diuersis generibus coacta concretaq; erat, nō  
 amplius cōsistat, sed omnes illius partes ad suas  
 quæque sedes reuersæ sint, natura, quæ ex illa  
 constabat, uiolentamq; diuersorum generum  
 coniunctionem continebat, finem habet. Si  
 quis autē post illa, quæ dicta sunt, huic generi ui-  
 tæ somnū, & uigiliam adiunxerit, non aberrabi-  
 bit. Nam his quoque natura laborat, assidueq;  
 in cōtraria distrahitur, dum uel somno soluitur,  
 uel uigilia rursus confirmatur. Hac enim ui-  
 cissitudine ad exinaniendum, replendumq; dis-  
 ponitur. Quamobrem si uitæ nostræ propriū  
 illud est, ut à repletionē, exinanitionēq; pen-  
 deat, non alienum erit, ut boni notam & indi-  
 cium cum his, quæ istius uitæ propria sunt, con-  
 feramus, dispiciamusq; utrum ipsa sint uerum  
 bonum, nec ne. Quòd autem ipsa per se reple-  
 tio boni naturæ non quadret, omnibus uel ex  
 actione illi contraria perspicuum fit, exinani-  
 tionem dico, quam æque bonam arbitrantur.  
 Nam boni ratio ac definitio talis est, ut duobus  
 inter se contrariis nequeat conuenire, sed si uni



quadret ut bono, ab altero tanquam malo prorsus abhorreat. Hic autem in utroque natura suam utilitatem habet. Quare boni definitione nec repletio suscipit, nec exinanitio. Quo circa aliud quiddam, quam ipsum bonum sit, est ipsa repletio, cum nec ubique, nec semper, nec in omnibus omne genus ipsius à cunctis expendū iudicetur. Non solum enim noxiis cibis expleri perniciosum est, sed quotidianis etiam ac bonis mediocritatis usum transilire, plerumque periculum, & damnū affert. Quod si, cum corpus repletum est, leuariq; desiderat, alio adhuc oneretur cibo, tum uero contracto malorum cumulo in morbos incidit desperatos & insanabiles. Itaque nec semper, nec plane bonum est repletio, sed ad aliquid & aliquando usui est, & in quantitate, qualitateq; consistit eius utilitas. Eodem pacto & contrariam huic exinanitionem reperies periculosam iis, qui à moderato eius usu recesserint, non inutilem tamen, si prudenter adhibeatur, & eatenus fiat, quatenus ratio quantitatis, & qualitatis, & temporis postulabit. Constat igitur ex iis, quæ dicta sunt, cum boni nota non congruere uitam istam, quam uiuimus: ex quo sequitur, discessum ab ea, non esse seiunctionem ab ullo bono. Nam id, quod uere, & proprie, & primo bonum dicimus, nec repletio est, nec inanitio, quas aliquando, & ad aliquid, & in quibusdam tantum utiles demonstrauius. Quamobrem



GREG. NYSS. PONT.

cum uere bonum ei, quod non est uere bonum,  
ita contrarium fit, ut nullum inter ea medium  
detur, consentaneum est, eos, qui à non uero  
discedunt bono, ad uerum illud bonum accede  
re, quod semper, & omnibus, & omnino sit  
bonum, nec pro tempore, aut aliqua ex parte,  
aut in quibusdam, aut propter aliquid, sed sem  
per, & in eisdem, & eodem modo sese habeat.  
Ad hoc igitur animus à uita corporea profici  
scitur, & à præsenti diuersum uitæ statum asse  
quitur: quem nos, qui cum carne coniuncti su  
mus, plane intueri non possumus; ex compara  
tione tamen istius uitæ, coniectura quædam il  
lius fieri potest. Neque enim erit concreta ali  
qua corporis crassitudo, nec ulla contrariorum  
concurrentis æqualitas elementorum, quorum  
æqualis ac mutua pugna cōstitutionem nostrā,  
ualetudinemq; conseruat. Nam si eorum ali  
quod uel redundet, uel deficiat, natura pertur  
batur, ac morbis afficitur. Illa autem uita nec  
inedia laborat, nec cruditate, nec frigora, calo  
res ue, aut alias aeris iniurias sentit, & illic agi  
tur, ubi ab omnibus istis laboribus necessariis li  
beri erimus. Neque enim aut agro colendo,  
aut nauigando defatigabimur. non mercatura,  
non ullo quæstu coinquinabimur, sed ab ædi  
ficandi, texendi, omniq; sordidarum artium  
miseria uacui tranquillam, ut Paulus ait, ac quie  
tam agemus uitam: non terra, non mari pugna  
bimus: non equitatu, non peditatu manus

1. Tim. 2.



conferemus: in apparatibus bellicis non occupabimur; non exigemus tributa: non fossa, non muro nos muniemus, sed ab omnibus eiusmodi laboribus & molestiis remotissimi, nec habebimus ullum ipsi negotiū, nec exhibebimus alteri. Illic enim nec seruitus, nec dominatus; nec paupertas, nec diuitiæ; nec generis splendor, aut obscuritas; nec priuatorum humilitas, nec dignitas magistratuum, nec ulla talis fortunæ conditionis, & ordinis differentia locum habet. Etenim omnium eiusmodi rerum necessitatem excludit illa uita, quæ materiæ expers nulla re eget, in qua naturam animi non ex sicco, humidoq; constare, sed ex diuinæ naturæ cognitione, & huiusce spiritus aerii loco, uero illo sanctoq; spiritu frui non ambigimus. Quæ quidem bona non immutantur ad similitudinē eorum, quæ sunt in hac uita, dum ea uel assequimur, uel amittimus, dum iniicimus, uel eiicimus, sed nunquam explent, nunquam satiāt. Animi nanque deliciæ nō sunt graues, nec fruentium desiderio ullam unquam afferunt satietatem. Ideoq; beata est illa uita, atque immortalis, quippe quæ sensuum libidine non fallitur in bonis diiudicandis. Quid igitur est in ipsa re mali, quamobrem amicorum & familiarum obitu doleamus? nisi qui dolendum existimat, quod ad uitam perturbationum, ac miseriarum expertem profiscuntur, in qua plagarum dolores non metuunt, non ignis minas, non ferri



iulnere, non terræmotus, aut naufragii, aut fer-  
 uitutis calamitates, non immanium ferarum im-  
 petus, non uenenatos ac pestiferos serpentium  
 aculeos, morsusq; reformidant. In qua nemo  
 inflatur superbia, nemo humilitate deprimitur,  
 nemo efferatur audacia, nemo timore concu-  
 titur, nemo nec iracundia æstuans, & insaniens  
 excandescit, nec superantis impetum sustinere  
 non ualens metu cōtremiscit. In qua nulla sol-  
 licitudo est, quales sint Regum mores, à quo-  
 nam ferantur leges, quibus uel magistratus com-  
 mittantur, quæ decreta fiant, quæ quotannis  
 imponantur tributa, aut ne immoderata im-  
 brium multitudo fata deprimat, grando uel labo-  
 rum susceptorum spem auferat, aut siccitate,  
 quæ nata sunt, exarescant. Aliorum item ma-  
 lorum, quæ hic sunt, apud eos nullus est timor.  
 Neque enim aut orbitatis tristitia, aut uiduita-  
 tis molestia perturbantur. Illic ex tam multis  
 morborum generibus, quibus corpora nostra  
 uexantur, nullus adest. Illic nec felicibus inui-  
 detur, nec despiciuntur calamitosi. Omnes hæc  
 denique, & id genus aliæ miseriæ absunt ab illa  
 uita quam longissime. Contra uero iuris & le-  
 gum æquabilitas cum summa libertate & pace  
 in eo animorum populo uersatur, cum illud  
 quisque habeat, quod cuiusque uoluntas ex-  
 oprat. Quod si quis ob inopiam consilii, ac stul-  
 titiam suam pro bono malum amplexus sit,  
 nullam eius rei mors culpam sustineat, cum li-  
 berum



berum cuique fuerit, quod uellet, eligere. Cur igitur moerent, qui obeunteis lamentationibus prosequuntur? certe, nisi ab omni perturbatione liberi essent, qui una cum corpore uoluptatem & dolorem exuerunt, æquius illi superstites miserarentur, cum non aliter affecti sint, quàm ii, qui in carcere conclusi uiuunt. Mutua enim res asperas perpetiendi, in tenebrisq; uiuendi cōsuetudine deuincti, deceptiq; molesta & iniucunda nō putant, quæ perferunt. Itaque si qui eiiciantur è carcere, eorum uicem fortasse reliqui doleant, ignorantia splendoris illius, ad quem ueniunt, qui ab eorum tenebris discedunt. Etenim si, quæ sub die spectacula cernuntur, cognouissent, si pulchritudinem ætheris, si cœli sublimitatem, si nitorem fiderrum, stellarum choreas, solis ambitum, lunæq; cursum, si eorum, quæ terra gignit, tam uaria pulchraq; genera, si iucundum maris aspectum, cum nullis uentorum flatibus turbatur, sed leniter crispatur, & tanquam pulchre depictū splendet: si pulchratum priuata tum publica ædificia, quibus magnificæ ac splendida ciuitates exornantur: hæc, inquam, & his similia si cognouissent, qui in carcere continentur, non dolerent uicem eorum, qui priores è custodia dimissi sunt, tanquam à bono aliquo discessissent. contra potius, qui egressi essent, miseriam infelicium inclusorum uitam commiserarentur. Eodem modo qui istius uitæ carcere liberati

Q



Matth. 5. 4.

sunt, si fieri potest, ut dolendo lacrymandoq;  
 suam erga calamitosos misericordiam osten-  
 dant, videntur mihi lamentationibus & lacry-  
 mis commiserari conditionem illorum, qui in  
 istius vitæ molestiis, ac doloribus detinentur,  
 quod res illas pulcherrimas, & à materia remo-  
 tissimas, quæ supra mundum hunc sunt, nō con-  
 spiciant, nempe Thronos, Principatus, Domi-  
 nationes, Angelorum exercitus, piorumq; cœ-  
 tus, ac supremam illam ciuitatem, celeberr-  
 mumq; supra cœlum conuentum illorum, qui  
 in ea descripti sunt. Nam illa, quæ his omnibus  
 præstat, pulchritudo, quam ab iis, qui mundo  
 sunt corde, perspicere non possunt, qui non mentitur,  
 maior est, quàm ulla spe coniectura ue concipi  
 ualeat. Neque uero id solum in nobis gemitu,  
 doloreq; dignum putant, qui hinc decesserunt,  
 sed multo magis, quod, cum tam multis ærum-  
 nis miserisq; referta sit mortalium uita, tamen  
 eas perferendi consuetudine sic affecti sunt, ut  
 uiuendi moram non iam sibi ut necessariam to-  
 lerandam existiment, sed omni studio contem-  
 dunt, & exoptant, ut perpetua sit. Nam cupi-  
 ditas principatus, & opum, & uoluptatum, &  
 si quid aliud præterea est, quam obrem arma ca-  
 piantur, gerantur bella, cædes fiant, omnesq;  
 miseriæ uoluntariæ contingant, & fraudes ad-  
 mittantur, quid aliud sunt, nisi cumulus quidam  
 calamitatum, quem uitæ per se miseræ uolun-  
 tate, studio, ac libidine sua infelices adiungunt?



ceterum nec lacrymandi uis, nec ulla eiusmodi affectio adest iis, qui ex hac uita migrarunt: & qui à carne, & sanguine seiuncti sunt, non mole, sed mente consistunt. Itaque non ea iam est ipsorum natura, ut nos oculis cernere, aut per se monere mortales queant, quo à falsa, quam de rebus habent, opinione desistant. Quamobrem eorum munere mens nostra fungatur, nosq; comoneat. Ab ipsis corporibus, quoad fieri potest, cogitatione, atque animo recedamus, exuentesq; nos ea affectione, qua carnem complectimur, ita nos ipsi cōpellemus: ò homo, qui naturæ particeps es, quemadmodum Moses præcipit, attende tibi: nosce te ipsum, animoq; diligenter considera, qui nam uere sis tu, & quæ circa te uideantur, ne quando, quæ extra te sunt, aspiciens, putes te ipsum inueneri. Disce à Magno Paulo, qui naturam hominis plane perspectam & cognitam habebat. Ait enim, unum esse hominem exteriorem, alterum interiorem, eumq; corrumpi, hunc renouari. Quare cū illū, qui corrumpitur, cernis, te ipsum aspicere ne arbitreris. Et ille quidem aliquando erit à corruptione liber; cum in regeneratione mortalis, & qui dissoluitur, homo, cum immortalis, & qui non dissoluitur, coniungatur. Nunc autem qui extra nos uidetur, fluit, concidit, atque corrumpitur. Hic ergo spectandus non est, quando ne reliqua quidem, quæ cernuntur, spectanda sunt. Quoniam, ut Pau-

2. Cor. 4. d.

Q ii



2. Cor. 4. d.

Ius inquit, quæ uidentur, temporaria sunt, quæ autem non uidentur, æterna. Oportet autem, ut cogitationem ad ea, quæ in nobis non uidentur, conuertamus, id quod nos uere esse credamus, quod sensus cognitionem effugit. Nos igitur ipsos, ut prouerbiū iubet, cognoscamus. Hac enim cognitione expiantur peccata, quæ ab ignorantia proficiuntur. At non est facile, ut etiam is, qui uere atque ex animo cupit, se ipsum cognoscere, id assequatur. Nulla enim ratio tribuit, ut, quod fieri nequit, effici possit. Nam quod natura corporeis oculis datum est, ut, cum reliqua uideant, se ipsi nequeant intueri, idem animo contingit, ut, cum cætera omnia exploret, & quæ extra se sunt, diligenter inquirat, & peruestiget, se ipse uidere non possit. Itaque hac in re animus oculos imitetur, ac quemadmodum illi, cum à natura non habeant eam facultatem, ut semet ipsos in se conuertentes aspiciant, speciem ac formam proprii orbis in speculo conspiciati per imaginem illam sese conspiciunt, sic etiam ipse ad propriam imaginem se conuertat, & quod in exemplari, ad cuius similitudinem factus est, uiderit, id ipsum ut proprium contempletur, & suum. Ab exemplo tamen hoc paululum est discedendum, ut res ipsa proposito congruat. Nam imago, quæ in speculi forma conspicitur, ad oculi exemplar effingitur: in animi uero imagine contra fit. Ipsius enim species ad diuinæ pulchritudinis formam effi-



sta, expressa; est. Itaque tum uere se ipse per-  
 spicit animus, cum exemplar intuetur sui.  
 Quid igitur Deus est, cuius similitudinem ani-  
 mus refert? non corpus, non figura, non spe-  
 cies, non qualitas, non moles aspera, non pon-  
 dus, non locus, non tēpus, nō aliud quippiam  
 eorum, ex quibus ea, quæ ex materia sunt pro-  
 creata, cognoscuntur. Sed his omnibus earūq;  
 similibus rebus summotis, est quiddam, quod  
 mente constat, materiæq; est expers, nec tangi  
 potest, & corpore uacat, & omni dimensione  
 caret. Quocirca cum exemplar sit eiusmodi,  
 consequens est, ut, qui ad eius similitudinem for-  
 matus est animus, eisdem cognoscatur notis.  
 Expers igitur materiæ est, cerni nō potest, mēte  
 sola percipitur, caretq; corpore. Quæ cum ita  
 sint, age cōsideremus, quādo propius ad exem-  
 plaris pulchritudinem accedat humana natura,  
 cū in carne uiuimus, an cū ab illa separati sumus.  
 Nemini dubiū est, quin ut caro ex materia coa-  
 cta cōcretaq; uitæ isti crassæ cōiunctior est, sic ani-  
 mus tunc uere uiuat uitam illam à materia remo-  
 tam, quæ mente sola comprehenditur, quando  
 materiā sibi circuniectā excusserit, & abiecerit.  
 Quod si in corpore uerum ipsum bonū consiste-  
 ret, nobis profecto dolendū esset, cum à carne  
 distrahimur, quoniam discedētes à corpore, ab  
 ipsa boni coniunctione discederemus. Nunc  
 autem quoniam bonum illud, quāu cogi-  
 tari possit, longe præstantius, ad cuius similitu-

Q iii



dinem facti sumus, corporis expers est, mēteq;  
 sola percipitur, nobis autem persuasum esse de-  
 bet, quando per mortem corpus relinquimus,  
 ad naturam illam, quæ ab omni corporea craf-  
 situdine remota est, appropinquare, & carnis  
 exuias tanquam personam quandam nobis im-  
 positam deponentes ad eam redire pulchritudi-  
 nem, quam initio, cum ad exemplaris imaginē  
 creati sumus, habuimus. ea cogitatio lætitiā  
 nobis, non tristitiā deberet afferre, cum intel-  
 ligimus hominem necessario peregrinationis  
 perfunctum munere non amplius in alienis re-  
 gionibus uiuere, sed singulis elementis, quod  
 ab unoquoque ipsorum mutuauerat, reddito,  
 ad propriam sibi naturalemq; domum, puram,  
 ac coelestem illam sedem reuertisse. Hospitium  
 enim profecto, alienumq; domicilium est natu-  
 ræ illi materia carenti corpus hoc, cui mens in  
 ista uita à conditione ipsius prorsus abhorrenti  
 necessario coniuncta conflictatur. Nam mutua  
 hæc elementorum coniunctio est ueluti homi-  
 num variis & linguis & moribus utentium, qui  
 ex diuersis gentibus in unum confluerint, ui-  
 lenta quædam societas, atque dissentiens, cum  
 à sua unumquodque natura ad proprium co-  
 gnatumq; genus distrahatur. Animus autē, qui  
 non est compositus, sed simplici, atque unius  
 generis natura cōstat, inter hæc tanquā hospes,  
 ac peregrinus uiuit, nec cum elementorum, ut  
 ita dicam, populo potest congruere. Is enim



necessitate quadā ex multiplicibus corporeisq;  
 particulis coactus naturam suam cogit, & ex  
 contrariis generibus copulatur, atque unum ef-  
 ficitur. Verum cum elementa naturaliter inter  
 se dissident, ac dissoluantur, & ad suum pro-  
 priumq; genus singula contendunt, in ea con-  
 centus dissolutione sensus angitur necessario, &  
 una cum ipso sensu cruciatur animus: qui licet  
 ab ipso corpore semper afficiatur molestia, in  
 illud tamen ob consuetudinis necessitudinem  
 propensus est. Quamobrem tunc animus angitur  
 cruciariq; definit, cum à pugna, quæ ex contra-  
 riorum elementorum coniunctione consurgit,  
 euaserit. Etenim cum uel frigidum ab exupe-  
 rante calido uictum fuerit, uel calidum uel frigi-  
 di superatum, uel sicci potentia humidum suc-  
 cubuerit, contra uel siccum ipsum, humiditatis  
 copia dissolutum, cesserit, tunc bello per mor-  
 tem cōfecto, animus, relicto dimicationis cāpo,  
 id est, ipso corpore, pace utitur, & extra acies  
 instructas egressus, uiribusq; suis, quæ comple-  
 xu corporis afflictæ laborabant, per otium re-  
 cuperatis, secum ipse uiuit. His igitur mens ac  
 similibus uerbis in corpore uiuentes alloquitur,  
 talemq; propemodū uocem emittens, uos, in-  
 quit, homines nec plane nostis, ubinam fitis:  
 & quò proficiscendum sit uobis, nondum intel-  
 ligitis. nam & eorum, quæ hic sunt, naturam  
 nulla adhuc ratio potuit indagare. itaque solam  
 uiuendi consuetudinem spectatis, nec intellige-

Q. iiii



re potestis, quæ sit corporis natura: quæ sensuum vis: quæ membrorum, quibus ut instrumentis utimini, structura: quæ nervorum per se mouentium actio. Quo modo eorum, quæ in nobis sunt, aliud in ossis naturam, aliud in lucidum oculi splendorem coalescat. Quo modo eiusdem cibi, potusq; pars extenuetur in capillos, pars in ungues ad summos digitos dilateretur. Quo modo, qui semper in præcordiis ardet ignis, per arterias in totum corpus emanet. Quo modo id, quod bibitis, cum ad epatis latitudinem accesserit, speciem qualitatemq; commutet, & in sanguinem conuertatur. Horum uos omnium ad hoc usque tempus cognitio latuit, ut eam ipsam, in qua uersamini, uitam ignoretis, nedum illam, quæ à sensibus est remotissima, cum sensibus coniuncti cernere ualeatis. Quo modo enim quispiam per sensum id, quod sensu superius est, intuebitur? Vtraque igitur uita à uobis pariter ignoratur, & præsens hæc, quoniam id solum, quod apparet, inspicitis: & altera illa, quia sensus ad eam uestigando peruenire non potest. Quæ cum ita se habeant, cur, o mortales, sic affecti estis? cur hanc licet incognitam ut bonam complectimini? illam autem ut horribilem ac metuendam formidatis? non aliam utique ob causam id agitis, nisi quia, qualis ipsa sit, non cognoscitis. Quæ tamē non est iusta causa metuēdi, cum multa sint uel sensibus exposita, uel ab eis remota, quæ licet ignoretis,



non pertimescitis. Nam & quæ sit eorum natura, quæ in coelo cōspicitis, & quid circa polum cursu contrario motum cieat, quid'ue terræ soliditatem sustentet, aut quo modo fluxa aquarum natura assidue gignatur è terra, nec ipsa terra deficiat, ignoratis, nec tamen ob inscitiam hanc exhorrescitis. Quid? quòd diuinam ac beatissimam naturam rerum omnium præstantissimam, quæ nec cogitatione, nec animo, nec mente plene comprehendere potest, esse quidem creditis, in quo autem consistat, quid'ue ipsa sit, nulla adhuc ratione cōicere potuistis, atque eam tamen, quam nullis rationibus ualeatis intelligere, toto corde, animo, uirtuteq; diligitis? Cur igitur hæc stulta timoris ratio ualeat in illa sola, quæ nos post hanc exceptura est, uita, ut, quæ non nouimus, ob id ipsum solum, quòd ea non nouimus puerorum instar, qui inanibus opinionum figmentis deterrentur, formidemus? Qui enim rem aliquam habere cupit perspectam & cognitam, primum operam dat, ut, quæ sit eius natura, diligenter consideret, atque ita, utrum cōmoda, & admittenda, an grauis auertendaq; sit, intelligat. Quod autem incertū omnino, & incognitum est, quis eorum, qui sapiunt, ob id solum, quòd ab usu & consuetudine remotum sit, fugiendum, ut ignis, aut ferræ cuiuspiam impetum suspicetur? cum ipsa nos uita doceat, ne semper usum, & consuetudinem attendamus, sed ad ea, quæ recta hone-



Itaq; sunt, animos ac studia nostra cōuertamus.  
 Neque enim eadē semper hominibus est uita,  
 sed, dum in uisceribus foetus formatur, propriā  
 illis & conuenientem in utero uitam natura tri-  
 buit. Nec, cum ex utero egressi fuerint, semper  
 inhærent mammæ, sed quandiu imperfectæ il-  
 lorum ætatulæ id congruit & prodest. post au-  
 tem ad alia conuertuntur, nec ubera semper ob-  
 consuetudinem appetunt. Post autem, cum in-  
 fantiam exuerint, alia adolescentuli, alia iam  
 ætate prouectiore sequuntur studia, & sine mo-  
 lestia simul cum ætate consuetudinem mutant.  
 Quemadmodum igitur qui in materno uentre  
 nutritur foetus, si uocis usum haberet aliquē, dū  
 in ipso ortu ē uisceribus expellitur, conquere-  
 retur, seq; grauiā pati clamaret, quod à iucun-  
 da distraheretur uiuendi consuetudine, id quod  
 etiam facit, dum, simulac primum respirat in  
 hanc uitam ingressus, lacrymas fundit, & quo-  
 dam modo indignatur, & dolet, quod à solita  
 uita discesserit: sic mihi uidentur facere, qui  
 moerent in istius uitæ commutatione, & instar  
 eorum, qui in utero sunt, uelle semper in angu-  
 stis ac tetrīs ipsius in materia demersæ uitæ locis  
 uersari. Posteaquam enim mortis tanquam par-  
 tus dolores quasi obstetricem acciuerint, ut in  
 alteram uitam homines educantur, ipsi quidem,  
 cum ad illam lucem processerint, & purum il-  
 lum spiritum hauserint, experimento cogno-  
 scunt, quantum illa uita ab ista differat. At illi,



qui in humida putridaq; istius uitæ foeditate relin-  
 quuntur, ut plane foetus quidam in utero,  
 non autem homines, dolent uicem illius, qui  
 prior ex istis, quæ nos ambiunt, angustis egre-  
 ditur, tanquam ab aliquo bono discedat, ne-  
 scientes ei, ad similitudinem infantis, qui per  
 partum in lucem hanc editur, oculos aperiri, o-  
 culos, inquam, animi, quibus ueritatem rerū  
 intuetur: aurium sensum patefieri, quo exaudit  
 arcana uerba, quæ non licet, ut ait Apostolus, *2 Cor. 12.*  
 homini loqui: os patefieri, quo purum, à mate-  
 riaq; alienum haurit spiritum, per quem ad uer-  
 ba cœlestia, uerumq; sermonem edendum con-  
 firmatur, cum sanctorum canentium, & cho-  
 ros celebrantium numero admixtus fuerit: di-  
 uinum item gustandi sensum tribui, quo, ut in  
 Psalmis proditum est, percipit, bonum esse *Psal. 117.*  
 Dominum: odoratum præterea talem dari, *a.*  
 quo Christi fruatur suauitate: eamq; tangendi *Psal. 134.*  
 uim, qua ueritatem animus apprehendit, & uer-  
 bum ipsum contrectat, ut Ioannes testatur. *a.*  
 Quod si hæc, & alia eiusmodi post mortis par-  
 tum hominibus reposita sunt, quid sibi uult lu-  
 ctus, & mœror, & squalor? Respondeant hic *Eph. 1. cap. 1.*  
 nobis, qui rerum naturam explorant, utrum  
 melius putent, in bono diiudicando corporeis  
 sensibus decipi, an oculis animi ueritatem ip-  
 sam aspicere. Hic enim, ut bonum ipsum ani-  
 mus discernat, alieno iudicio cogitur inseruire.  
 Etenim cū perfectam ipsius uim corpus recens



compactum, ac pueriliter agens capere nequeat, perfecta autem sensuum actio simul cum infante nascatur, fit, ut in iudicando bono sensus animum praeuertant, & quod sensibus bonum apparuerit, animo quoque uideatur. Itaque propter institutam consuetudinem animis incōsiderate, ut bonum, amplectitur id, quod sensus colore, & succo, & aliis eiusmodi illecebris bonum dimetiens testimonio suo comprobavit. Quibus post discessum à corpore sublati, necesse est, ut animus id uere bonum existimet, quod proprium ipsi, & natura cōiunctum est. Neque enim amplius pulchra coloris specie illicietur obtutus, ademptis iam oculis. Nec aliud quidquam eorum, quæ sensum demulcent, eligitur, omnibus corporeis sensibus ablati, relictāq; sola mentis actione materiæ, & corporis experte diuinam pulchritudinem comprehendente, sine ullo impedimento natura proprium bonū percipiet, quod nec color est, nec figura, nec interuallum, nec quantitas, sed omnem coniecturæ similitudinem superat. Cur igitur, inquiet aliquis præsentis uitæ miseria dolens, factum est corpus, aut cur nobis datum? si quidem, ut ostendit oratio tua, uita ab illo seiuncta præstantior est? Respondemus, non paruum ex illo hicrum accedere, si quis omnē naturæ ordinem consideret. Beata quidem est illa Angelorum uita, quæ nulla eget corporis pondere. Attamen neque hæc, quatenus ad-



illam dirigitur, est imperfecta. Est enim præfens uita tanquam uia quædam nos ducens ad id, quod speramus. Vt in arboribus uidemus: in quibus cum fructus à flore principiū ducat, per ipsum florem eò progreditur, ut fructus fiat, licet flos non sit fructus. Et ipsæ segetes, quæ ex seminibus proueniunt, non statim spicam ostentant, sed herba primum enascitur, deinde culmus herba corrupta consurgit, tum in summa spica granum perficitur. Quæ cum fiunt, necessarium hunc ordinem, & seriem nō accusat agricola, nec ait, quorsum flos ante fructum? aut cur herba nascitur prius, quā ipsum granum? cum & flos defluat, & herba inaniter exarescat, humanoq; uictui nihil profit? Nouit enim, qui mirabile naturæ artificium intuetur, aliter fieri non posse, ut ex seminibus plantisq; fructus gignatur, nisi ad eius perfectionem artificioso hoc ordine natura uiam muniat. Neque enim, quoniam herba, quæ prius emittitur, inutilis est, eaq; non uescimur, ideo id, quod fit, est inane, ac superuacuum. Nam qui indiget cibo, nihil aliud nisi utilitatem considerat suam, naturæ uero unum illud propositum est, ut instituto ordine fructū ad absolutionem perducatur. Itaque multiplex primum è iacto semine radix emittitur, qua ex humore nutrimentum attrahatur. Tum herba pullulat, quæ radicem operit, ne ab aere detrimentum accipiat: ac licet ipsa fructus nō sit, uiam tamen præbet quo-



dam modo, & affert auxilium, quo fructus perficiatur. Erenim cum insitam semini uim sic expurgat natura, herbam tanquam fructus excrementum proiciens, tum ea radicem protegit defenditq; ab aeris iniuriis, quæ uel ex frigore, uel ex calore proueniunt. At cum radicibus in imo firmitus munitum est semen, neglecta deinceps herba, quod radix non eget amplius defensione, tota uis ad culmum extollendum, ac perficiendum incumbit. Natura enim artificiosa quadam sapientia sublinem fabricam machinatur, qua germen directum mutuis in circuitu distinguitur tunicis: in quibus principio culmus humidus, ac tener inoleseat, necesse est, & quod turior sit, geniculis per medium tanquam uinculis muniatur: ubi autem ad congruentem altitudinem ascendit, ita frugem emittit, ut extrematunica ex se spicam edat, quæ aristarum multitudine tanquam capillorum uallo distincta frugem tegit, & imis aristarum receptaculis innutritur. Cum igitur non indignetur agricola nec ob stirpium fibras, nec propter herbam, nec propter spicarum aristas, quæ quidem omnia proueniunt ex semine, sed in his singulis usum quendam perspicit necessarium, quo natura artificiose progrediens, & abiiciens quæ sunt inutilia, frugem perficit, & absoluit; ne tibi quidem iniquo ferendum est animo, quod natura nostra necessarias persequens uias ad proprium finem perueniat. Sed ut in exemplo se-



minum cernis, debes existimare, quod præfens est, ad utile, & necessarium aliquid omnino referri, ac dirigi, neque illud esse, cuius gratia geniti sumus. Neque enim foetum creator noster formauit, ut in matris utero permaneremus: neque inde nos educit, ut in infantia, aut in iis, quæ deinceps subsequuntur, ætatibus, natura semper aliam post aliam induente, & formam corporis commutante, degeremus: neque ut corpus ipsum accedente morte dissolueretur: sed ut per hæc, & alia eiusmodi, quæ sunt, tanquam partes illius viæ, per quam incedimus, ad statum nostrum pristinum, hoc est, ad similitudinem Dei perueniremus. Ac quemadmodum ad perficiendam spicam ex naturæ instituto herbam ostendimus esse necessariam, nec tamen propter ipsam herbam, nec propter tunicas, aut aristas, aut culmum instituitur agricultura, sed propter frugem victui accommodatam, ad cuius perfectionem natura per illa progreditur, sic expectatus huius uitæ finis est beatitudo. Quæ vero nunc corpori eueniunt, ut mors, senectus, forma incuruata, infantia, informatio foetus in utero, ut herbæ, & aristæ, & culmi, sunt ueluti viæ, per quas ad perfectionem speratam contendimus. Quam tibi ipse propones, si sapias, nec propter hæc indignaberis, nec ullo modo sic animo afficeris, ut uel ab hac uita decedens angaris, uel sponte mortem præripias. Iam illud, licet à proposito nostro alienum esse



uideatur, fortasse non erit inutile ut adiungamus. Nempe naturam assidue in mortē incumbere, uitāq; tempore antecedenti mortem prorsus instare atque inhærere. Etenim cum uita præteriens semper ad futurum contendat, nec ad præteritum unquam reuertatur, quid aliud est, quàm mors, id, quod uitalem actionem usque subsequitur? Quare cū in tempore, quod ante fluxit, desinat motus omnis & actio uitalis, mortisq; proprium sit, res ad interitum, nihilumq; redigere, quod quidem semper actioni præteritæ omnino contingit, non mentitur, qui huic uitæ mortem dicit esse coniunctam. Hoc autem res ipsa uerum esse confirmat, quando quidem, quod ad subiectam materiam pertinet, homo non est idem hodie, qui hieri fuit. Aliud quid enim ex eo momentis singulis moritur, & foetet, & corrumpitur, & abiicitur: cum tetrum natura foetorem ex corpore, tanquam funus ex inane aliquadomo, efferat, & quod uitalem facultatem iam exiit, terræ tradat. Quamobrem, ut Paulus ait, quotidie morimur, quippe qui non iidem semper manemus in ipso corporis domicilio, sed accessione decessioneq; continua alii ex alio reddimur, & in nouum assidue corpus immutatur. Quid igitur cū mortem nos ut hospites peregrinosq; gerimus, cum demonstratum sit, uitam hanc, quam in carne degimus, nihil aliud esse, nisi perpetuam mortis commutationem ac studium? Quid? ipse somnus, atque uigilia,

1. Cor. 15.  
d.



uigilia, quid aliud sunt, nisi mortis, uitæq; complexus, atque coniunctio? cum & dormientes tanquam extinctos sensus nos deserat, & excitatos uigilia speratæ resurrectionis admoneat? Verum digressionem hac ad alia cōsideranda nos adducite, quod proposuimus, nondum explicauimus. Quare ad propositum reuertamur, ostendamusq; ne corporis quidem naturā inutilem esse ad spem honorum, quæ à nobis expectantur. Etenim si tales mansissemus, quales initio fuimus procreati, Dei similitudine in nobis elucēte, pellicea tunica neutrūquā indiguissemus. Diuina enim, quæ principio in nobis cernebatur nota, non in qualicunque figuræ coloris uel proprietate consistebat, sed quibus insignibus Dei pulchritudo conspicitur, iisdem homo decoratus per beatitudinem ægritudinis & corruptionis expertem exemplaris gratiam exprimebat. Sed posteaquam à uitæ nostræ inimico dolis deceptus ad bestiarum rationiq; contrariam uitam amplectendam uoluntate sua propensior euasit, inconsideratius fortasse rem expendentibus uideretur utile, ut à malo disceremus inuiti, coactiq; ad bonum reuerteremur. At humanæ naturæ effectori inutile uisum est, atque iniquum, ut ob eam dispositionem natura maximi boni iacturam faceret. Nam cū Deo similis, beatusq; ea re esset homo, quod libera præditus erat uolūtate: Iuris enim esse sui, & nullius subiectum imperio, diuinæ est beati-

R



GREG. NYSS. PONT.

tudinis proprium: si necessitate illum, & ui ad aliquid impulisset, ea spoliasset ipsum dignitate. Qui enim sponte motuq; uoluntario naturam suam ad aliquid eorum, quæ non conueniunt, conuerterunt, si per uim ab iis, quæ sibi ipsi delegerunt, desistere cogantur, bonum illis adimitur, quod habebant prius, eaq; res est priuatio diuini honoris. Liberum enim uoluntatis arbitrium est honor diuino æqualis. Quam obrem ut simul & humanæ naturæ relinquere- tur dignitas liberæ uoluntatis, & ipsum auferre- tur malum, hanc diuina sapientia rationem ex- cogitauit, ut in iis hominem esse sineret, quæ si- bi ipse elegisset, quo, gustatis malis, quæ concu- piuerat, experiendoq; discens, quæ quibus com- mutasset, ea cupiditate rursus incenderetur, ut uitiorum perturbationumq; , quæ rationi ini- micæ sunt, onere deposito, & uel in præsentī ui- ta precibus sapiētiaq; studio purgatus, uel post obitum per expurgantis ignis fornacem expia- tus ad pristinam uellet redire felicitatem. Ut enim si quis medicæ facultatis, & eorum, quæ ualitudini uel profint, uel obsint, peritissimus adolescentulo quidem consuleret salutaria, sed ei tamen propter ætatis prudentiaq; imbecilli- tatem consilio suo persuadere non posset, quo minus à fructu, aut herba aliqua perniciosa tem- peraret, is, si omne remediorū genus in prom- ptu haberet, permetteret filio, ut re noxia ue- sceretur, quo morbi molestia, aut dolore ali-

NON ESS  
affectu,  
volentem  
suis in  
propter st  
sic hui  
aus pater  
fuit homi  
ne pe  
deioris c  
indignit,  
reuocaret  
uocem an  
dum mod  
ferri, p  
ob eius p  
qua quā  
monetate  
uic, quæ  
sunt, natu  
renum co  
miferens  
um natur  
dum, gur  
uis, hom  
utrum  
uui mater  
mætu suo  
um est,  
tur, ratio  
præsent



quo affectū, reſq; ipſa paterni conſilii utilitatem agnoſcentem, ualeitudinisq; cupidiorem medicamētis ſuis in priſtinum reduceret ſtatum, unde propter ſtultā cibi peſtiferi cupiditatem excidiſſet: ſic humanæ naturæ dulciſſimus, atque optimus pater, quæ ſalutaria, quæ ue pernicioſa eſſent homini, plane nouerat. itaque illū admonuit, ne pernicioſa cōtingeret. Verū cum rei deterioris cupiditate uictus eſſet, medicamētis non indiguit, quibus eum ad priſtinam ſanitatem reuocaret. Etenim cum corpoream iſtam uoluptatem animi lætitiæ prætuliffet, uiſus eſt quodam modo Deus permittere, hominem eo impetu ferri, propter tunicam illam pelliceam, quam ob eius propenſionem ad malum induit illum, qua quidem tunica naturæ ratione uacantis proprietates homini admixtæ ſunt. Sapientia enim illa, quæ per contraria, quod melius eſt, diſponit, naturæ ratione præditæ beſtiarum indumentum confecit. Nam tunica illa pellicea ſecum ferens omnes proprietates, quas ex beſtiarum natura cōtinet, nempe uoluptatem, iracundiam, gutturiſ, uentriſq; uitia, & alia eiufdē generis, hominis propoſito præbet occaſionē, ut, ad utrum uelit, ſeſe conuertat, cum uirtutis & uitii materia ſit, in quibus, dum hic uiuit, pro arbitratu ſuo uerſatur. Si neglecto, quod beſtiarum eſt, urbanius uiuendi genus completetur, ratione uincens, quod rationi contrariū eſt, præſenti hac uita uitium ſibi admixtum ex-



piabit. Sin quò perturbationum impetus du-  
cet, inclinabit, bestiarumq; pellem ad uitia mi-  
nistram & adiutricem adhibebit, aliud ei deinde  
ineundum erit consilium, ut ad bonum perue-  
niat, cum è corpore egressus, cognita, quæ inter  
uirtutem & uitium est, differentia, non poterit  
diuinitatis particeps fieri, nisi maculas animo  
immistas purgatorius ignis abstulerit. His de  
causis corporis usus nobis est necessarius. Eo  
nanque & liberum nobis adest arbitrium, & re-  
ditus non intercluditur, sed hoc ordine & uersu  
uolentes ad bonum prouehimur, aliis quidem  
iam inde ab eo tempore, quo uiuunt hic, spiri-  
talem, & à uitiiis, ac perturbationibus alienam  
uitam instituētib; quales intelligimus Patriar-  
chas, & Prophetas extitisse, & qui unâ cum ip-  
sis, & post ipsos per uirtutē & sapientiæ studiū  
ad perfectionem reuerterunt, discipulos, & A-  
postolos, & Martyres dico, & quicunque cor-  
poreo in materiaq; demerso honestum & cum  
uirtute coniunctum uiuendi genus anteposue-  
runt: qui licet numero pauciores fuerint, quàm  
illi, qui ad deteriora deflexerunt, exemplo ta-  
men ac testimonio suo uirtutem in carne coli,  
comparariq; posse testantur: Aliis autem post  
hanc uitam purgatorio igne materiæ labes &  
propensionem ad malum abstergentibus, & ad  
gratiam initio naturæ concessam uoluntaria bo-  
norum cupiditate redeuntibus. Alienorū enim  
cupiditas in natura perpetuo nō inhæret. Quo-



niam naturæ non est propria, quodq; nullam  
 principio cum ipsa societatem habebat, unicui-  
 que satietatem & fastidium affert, solumq; id,  
 quod illi cognatum, ac simile est, optandum  
 ipsi semper amandumq; relinquitur. Quod si vi-  
 tio deprauatæ uoluntatis aliquo modo degene-  
 rauit, tunc inest illi cupiditas rerum externarū,  
 quibus fruendis non ipsa natura, sed naturæ af-  
 fectio delectatur, qua quidem affectione depul-  
 sa rerum etiam externarum cupiditas discedit:  
 & quod illi suum, ac propriū est, rursus ama-  
 bile manet, & expetendum. id autem est pu-  
 rum, & à materia corporeq; seiunctum: quod si  
 quis præstantissimæ rerum omnium diuinitatis  
 proprium dicat, non errabit. Quemadmodum  
 enim corporis oculis, si acutior aliqua destilla-  
 tio nervos, uidēdi spiritum subministrātes, per-  
 turbauerit, amicæ sunt tenebræ, propter simili-  
 tudinem, quam obtusi iam, atque hebetes cum  
 illis habent: at si curatione aliqua conficiatur,  
 ac deleatur id, quod nervis illis officiebat, lu-  
 cem oculi rursus, ut propriam sibiq; cōgruen-  
 tē amant, quæ pupillæ puræ, & per se uidenti  
 commiscetur: eodem modo, posteaquam ini-  
 mici fraude uitium instar cuiusdam destillatio-  
 nis defluxit in oculos animi, uitam tenebrico-  
 sam ut sibi propter ægritudinem convenientem  
 adamarunt. Quisquis enim male agit, odit lu-  
 cem, ut uox diuina testatur. Malo autem con-  
 sumpto, & rursus ad nihilum redacto, natura

10.3.c.

R iii



eo depulso, quod animi oculos hebetabat, cum uoluptate lucem iterum intuetur. Ex his igitur, quæ dicta sunt, patet, carnis naturā iniquo animo prosequi, stultū esse. Neque enim ab illa pēdet malorū causa. Nam si sic esset, eandem haberet in omnes uim, qui corpoream sortiti sunt uitam. Verum cum ii, quos commemorauimus, sic ex uirtute uixerint, ut, cum in carne essent, nullis tamen se uitiis obstringerent, perspicuum est, corpus non esse uitiorum causam, sed propriam cuiusque uoluntatem, quæ se uitiis contaminat. Corpus enim naturæ suæ conuenienter mouetur, ad eaq; quibus statum suum tuetur, atque conseruat, impulsu proprio fertur, & trahitur. Exēpli gratia cibo, potioneq; indiget, ut, quod deperditur uirium, instauretur. itaque cibum potionemq; appetit. Natura corporis, quæ mortalis est, procreationis ferre fit immortalis. iccirco conueniens illi procreandi appetitus insitus est. Ad hæc cū idoneo pilorum præsidio corpora nostra munita non sint, uestimētis extrinsecus admotis indigemus, cumq; caloris, & frigoris, & imbrium uim perferre nequeamus, domos, & tecta nobis construimus. Qui prudenter necessitatem confiderat, eius habita ratione hæc & alia eiusmodi sine sollicitudine comparat, appetitioniq; terminum constituit, usum necessarium. domum igitur, uestimentum, coniugium, cibumq; naturæ supeditat, ut rebus necessariis sustentetur. Qui ue-



ro voluptatum est seruus, per necessarios usus  
uitis aditū aperit, alimentiq; loco delicias qua-  
rit: pro uestimento sectatur elegantiam orna-  
mentorum: pro ædium usu colit amplissima ma-  
gnificentissimaq; palatia: pro legitima liberorū  
suscceptione, legibus contrarias, atque nefarias  
libidines aucupatur. Quibus de causis latis por-  
tis ingressa est in hominū uitam auaritia, molli-  
ties, & otium, & superbia, & ostentatio, multi-  
plexq; luxuria. Hæc & horum similia uitia, ut  
stolones, aut rami quidam inutiles, præter uitæ  
usus necessarios prouenerunt, dum necessitatis  
terminos transilit appetitus, hominesq; non cu-  
rant, honestis studiis, ut arbores utilibus ramis,  
dilatari, & edere uirtutis fructus. Quid alendo  
corpori profunt argentea uasa, auro, gemmisq;  
tanquā floribus distincta atque exornata? Quæ  
usum afferunt uestes aureis purpureisq; filis cō-  
textæ, & uaria elaboratæ pictura, qua & prælia,  
& uenationes, & aliæ res eiusmodi in tunicis &  
indumentis ab artificibus describuntur? Quæ  
quidē luxuria semper auaritiā comitē habet. aua-  
ritia uero patefacit aditū inexplebili cupiditati.  
est enim, ut ait Solomon, doliū pertusum, quod  
qui conātur implere, frustra laborāt, & uaciū  
semper inueniūt. Corpus ergo nō affert malo-  
rū causas, sed ipsa uoluntas, quæ necessariū usum  
ad absurdas & inutiles cupiditates detorquet. Ne-  
mo igitur temere & incōsiderate nostrū accuset  
corpus, quo postea per regenerationē in statū di-

R iiii



GREG. NYSS. PONT.

iuniorē cōmutato alimur decorabitur, cum  
 ab inutilibus illud & superuacaneis sordibus &  
 incōmodis mors expurgauerit, ut uita futura  
 perfruatur. Nam quæ illi nunc cōgruentia sunt,  
 iis non utetur in altera uita, ad cuius fruenda bo-  
 na fiet apta accōmodataq; corporis nostri cōsti-  
 tutio. Non alienū autem erit, ut, quod dicimus,  
 notæ peruulgatāq; rei cuiuspiam exemplo de-  
 claremus. Arti ærariæ utilis est ferri infecti illa-  
 boratīq; massa, dum ea pro incude faber utitur.  
 At cū opus est ferro ad opus aliquod subtilius,  
 & magis elaboratū cōficiendū, tunc igne diligen-  
 ter expurgātur massæ illius, terreę atque inutiles  
 feces, quas, qui artis eius periti sunt, scoriam ap-  
 pellant. Atque ita quod olim erat incus, rudis uē  
 ferri massa, subtiliter elaboratū lorica fit, aut ali-  
 quod aliud opus egregium, & expolitū, super-  
 uacaneis in fornace excoctis abiectisq; sordibus,  
 quæ tamen in ipso incude aut massa considerata  
 superuacua nō putabantur. Confert enim ali-  
 quid ad ferri molem etiam scoria in massa per-  
 mixta. Perspicuū quidem exemplū, sed quor-  
 sum spectat? Illuc nimirū. Multas nunc habet  
 natura corporis sordes, ac ueluti scoriam quan-  
 dam, præsentī uitæ nō inutilem illam quidem ali-  
 quo modo, sed tamen alienam ab ea felicitate,  
 quam expectamus. Quemadmodū igitur in for-  
 nace ignis aufert, & absomit, quidquid in fer-  
 ro est inutile, sic in ipsa morte corpus ab omni  
 re superuacanea atque inutili per mortalitatis so-



lutionem liberatur . Quæ autē sint ea , à quibus corpus in posterum expurgabitur , quæ nisi hic adessent , præsens hæc uita damnū faceret , licet cuius studiose cōsideranti facile sit intelligere , tamen quo planius etiam constet , ut à proposito exemplo nō recedamus , breuiter à nobis etiā recensebuntur . Massa igitur sit appetitio , quæ naturaliter est omnibus insita . scoria autem , & feces , ea , ad quæ nunc impetu ducitur , & trahitur appetitio , nempe uoluptates , diuitiæ , gloria , principatus , iracundia , tumor , arrogātia , & id genus alia , à quibus omnibus nos expiātō mors , ac plane liberos reddit . His enim exuta uacuaq; appetitio ad id , quod solum expetendū , optandum , amandumq; est , uim transfert suam , non extinguens penitus insitos ad hæc impetus à natura , sed eos cōuertens ad illa bona perfruēda , quæ à materia seiuncta sunt . Nam illic uiger ueræ pulchritudinis amor , qui nunquam extinguitur . Illic laudabilis adest sapientiæ diuitiarū cupiditas , & præclarum ac bonum gloriæ studium , quod in Dei regni societate cōsumitur , honestumq; diuinarū epularum desiderium , quæ degustatæ nullam unquam afferunt satietatem . Quamobrem qui nouit , totius orbis auctorem & opificem Deū opportuno tempore corporis molem ac massam in arma bonæ uoluntati suæ grata acceptaq; conflaturū , & lorica iustitiæ , ut inquit Apostolus , gladiumq; spiritus , & galeam spei , atqne omnem diuinam armaturam

Eph. 6. e.  
1. Tess. 5. b.



*Eph. 5. f.*

perfecturam, diligit corpus suum ex præscripto legis, quam tulit Apostolus, nemo, inquit, proprium corpus odit. Purum igitur ac mundum corpus oportet diligere, non autem sordidam eius scoriam, quæ repudiatur & abiicitur.

*2 Cor. 5. a:*

Verum est enim, quod continet diuina scriptura, nos, si terrestris domus nostra huius tabernaculi destruat, tunc ipsam inuenturos ædificationem à Deo factam, domum non manu constructam æternam in cœlis, dignam, quæ Dei sit domicilium in spiritu. Ac domus quidem illius non manufactæ figuram, & formam, & exemplum mihi nemo describat ad similitudinem earum, quibus proprietate distinguimur.

*1. Thes. 4. d.*

Etenim cum diuinis oraculis non solum prædictum sit nobis, nos in uitam esse reuocandos, & resurrekturos, uerum etiam promittatur in ipsa diuina scriptura per ipsam resurrectionem immutari atque renouari nos oportere, omnino necesse est, ut, in quid immutandi simus, ideo prorsus ignoremus, quod nullum eorum, quæ speramus, exemplum in hac uita simile contuemur. Nunc enim, quæ crassa, & solida sunt, natura deorsum feruntur. Tunc autem sic immutabuntur, ut sursum tendant. Nos enim, ut scriptum est, posteaquã natura per resurrectionem in omnibus in uitam reuocatis fuerit commutata, rapiemur in nubibus obuiam Domino in aera, atque ita semper cum Domino erimus. Si igitur qui immutantur, corporis pondus nõ re-



tinent, sed diuiniorem in statum translati simul  
 cum natura incorporea in sublimi uersantur, pla-  
 ne consentaneū est, ut color, figura, circumscri-  
 ptio, & reliquæ corporis proprietates aliqua ra-  
 tione diuinius cōmutentur. Idcirco tamen si ui-  
 demus non esse necessarium, ut in iis, qui resur-  
 rectione immutabūtur, ulla eiusmodi appareat  
 differentia, qualem propter eorum, qui succe-  
 dunt, ordinem, necessario natura nunc habet,  
 nō tamen possumus explicare quales futuri sint,  
 in illa cōmutatione. Vnū quidem fore omniū  
 genus, unumq; Christi corpus futuros omnes,  
 atque unam omnibus formā imprimendam, di-  
 uina in cunctis imagine æqualiter elucente, non  
 ambigimus. idq; , quod talium proprietatū lo-  
 co in naturæ immutatione sumus habituri, præ-  
 stantius esse dicimus, quàm ut ulla cogitatione  
 coniecere ualeamus. Ac ne tali in re nostra pla-  
 ne rudis oratio deprehēdatur, dicimus, maris, &  
 foeminæ differentiam nullū naturæ usum præ-  
 biturā, nisi quandam ueluti filiorū susceptionis  
 similitudinem promissa illa à Deo bonorum co-  
 pia dignam intelligamus, ut eiusmodi partui gi-  
 gnendi uis naturalis inseruiat, qualē sentiebat E-  
 saias, cū diceret: Ex timore tuo domine cōcepi- *Esa. 26. d.*  
 mus, & parturiuimus, & peperimus, spiritūq; sa-  
 lutis tuæ fecimus in terra. Nā si bonus est partus  
 huiusmodi, salutisq; causa est procreatio filio-  
 rū, ut ait Apostolus, nullus unquam illic gigner- *i. Tim. 2.*  
 di salutis spiritū finē faciet, qui tali partu sibi co- *d.*



piam bonorū semel pepererit. Sin aliquis eandem formam nobis reuiuiscantibus futuram dicat, ego nec, ut eius sententiæ subscribā facile adduci queam, nec, utrum res aliter habeat, cogitare. Multa enim absurda illius, qui ita sentit, opinionem consequuntur, cū non eadem semper in eodem homine species formaq; maneat, sed pro ætatum affectionumq; uarietate assidue commutetur. Etenim qui nunc est adolescens, infans puerq; fuit, mox erit uir, deinde ad uitæ medium terminum ueniet, post illum transibit, fietq; iam ætate prouectus, & senex. Et qui horum in aliquo sunt ætatis gradu, nō sunt inter se similes, sed alius regio morbo squalidus est, alius aqua intercute inflatus, alius confectus tabe, alius praua carnis redundantia corpulentus, alius bilis, alius sanguinis, alius pituitæ nimia laborat copia, qui quidem omnes, ut tales reuiuiscant, & iisdem cum morbis maneant, minime putandum est, cum omnia tunc in meliorē, diuinioremq; statum immutatione sint conuertenda, nec facile rursus est explicare, qualis futura sit præclara illa forma, qua decorabimur, cum spe nobis proposita sint ea bona, quæ nec oculis, nec auribus, nec cogitatione possumus comprehendere. Quod si quis formam, qua dignosci ualeamus, in certa morum qualitate diceret sitam collocatamq; fore, is nō prorsus forsitan aberraret. Vt quemadmodū nunc quadam elementorum in nobis mutatione



differentes in unoquoque notas impressas cernimus, prout alicuius eorū maiore minore'ue copia propria cuiusque forma colorq, fingitur, ita quæ tunc propriam singulorū formā exprimant, non elementa futura sint, sed uitiorū, aut uirtutū quædam inter se hoc, aut illo modo cōmixtio, qua expressa uniuscuiusque species apparebit: Cuius rei simile quiddam propemodū hic etiam contingit, cum ipse uultus intīmā animi affectionē indicat, ut hunc mœrore uinci, illū efferrī iracūdia, aliū flagrare cupiditate, aut contra hunc natura lætum, illum minime iracundū, aliū insigni quadam modestia præditū, facile cognoscamus. Quemadmodū igitur in hac uita animi affectio est ueluti forma quædā in uultu, atque oculis expressa, qua, quo modo se intus habeat homo, declaratur: sic mihi uidetur, cum natura hominis diuiniorē adepta sit statū, ex moribus quisque suis effingi, nec aliud esse, aliud uideri, sed qualis est, talis omnino cognosci, ut qui castus, qui iustus, qui māsuetus, qui purus, qui benignus, qui pius, atque inter hos qui bonis omnibus, aut qui uno tantū, aut pluribus ornatus, quiq; in uno quidē inferior sit, in alio autē superior, cōstet. Ex his enim similibusq; magis, minus'ue præstātibus proprietatibus, quæ in ipsis cōspicue sunt uariæ, singulorū differentia distinguuntur, donec nouissima tandem, ut Paulus 1. Cor. 15. ait, inimica morte destructa, maloq; cunctis è re d. bus penitus exturbato, atque deletō, una in o-



Matth. 13.  
f.

1. Theff. 4.  
d.

mnibus diuina pulchritudo fulgebit, ad cuius exemplar initio formati sumus. Hæc autem est lux, puritas, immortalitas, uita, & ueritas, & alia eiusdē generis. Neque enim dedecet, diei, lucisq; filios & esse, & uideri. Lucis autē, & puritatis, & immortalitatis nulla mutatio, differentia ue in eodem genere reperietur, sed una gratia in omnibus elucebit, cum filii lucis effecti fulgebūt ut sol, quemadmodū uoce sua uerissima Dominus ipse denuntiat, cumq; ex diuina promissione perfecti erunt, idemq; sentient, una eadēq; in omnibus gratia sic effulgente, ut proximo quisque suo lætitiā impertiatur. Ex quo fiet, ut aliorū alii pulchritudinē cōtuentes mutuis inter se gaudiis uicissim afficiantur, nulla mali, aut uitii, aut turpitudinis macula decus illud in deformem speciem cōmutante. Hæc uobis mens nostra pro decedētib; ex hac uita, uoces eorū nobis, ut fieri potest, indicans, disseruit. Nos autē Pauli uerbis utentes consiliū nostrū ad eos, qui in squalore luctuq; uersantur, cōcludemus. Nolo uos ignorare, fratres, de dormiētibus, ne contristemini, sicut & cæteri, qui spem nō habent. Si quid ergo studio dignū de iis, qui dormierūt, didicimus, degenerem istum seruilēq; mœrorem amplius ne suscipiamus, aut, si lugendū est, laudabilem illū complectamur luctum, qui cum uirtute cōiunctus est. Vt enim uoluptas alia peccudibus cōuenit, rationiq; aduersatur, alia pura est, & à materiæ sordibus remota, sic id, quod



uoluptati contrariū est, in uitium uirtutemq; di-  
 uiditur. Est igitur lugendi genus unū, quod bea-  
 tum uocatur, & in excolenda, parandaq; uir-  
 tute non abiicitur, quod quidem ab insana ista  
 feruiliq; moestitia longe diuersum est. In hac  
 enim quicumque uersatur, in posterū poenitebit,  
 quippe qui ē cōstantiæ gradu depulsus se à per-  
 turbatione superari permiserit. At beatus ille lu-  
 dus minime repudiandam pudendā ue tristitiā  
 præbet iis, qui per illū ex uirtute uitam suā in-  
 stituunt. Dolet enim ex animo uereq; luget is,  
 qui illa bona cōsiderat, à quibus excidimus, dū  
 mortalem istam ac sordidam uitam comparat  
 cum immortali illa beatitudine, qua potiebatur  
 ante, quā potestate ad bonū abuteretur, quā-  
 toq; magis in hac uita eiusmodi luctū intendit,  
 tanto celerius ad optatam bonorū possessionem  
 aspirat. Nam qui boni iacturam animaduertit,  
 ad illud recuperandum ardentiore studio conci-  
 tatur. Proinde, cū salutare lugendi genus, ut o-  
 stēdimus, inueniatur, animaduertite, qui ad mœ-  
 rorem & luctū estis propensiores, nos non in-  
 terdicere, quō minus mœreatis, & lacrymetis,  
 sed uobis consulere, ut pro malo dānatoq; luctu  
 bonū & laudabilem cōplectamini. Itaque nolite  
 mundi luctum tristitiāq; suscipere, quæ, ut in-  
 quit Apostolus, mortis causam affert, sed eam  
 moestitiā sumite, quæ Deo placet, cuius finis  
 est animi salus. Etenim inanes temereq; effusæ  
 pro defunctis lacrymæ fortasse causa damnatio-

2. Cor. 7.



nis erunt illi, qui re abutitur bona. Nā si tristem hanc animi affectionem iccirco nobis inseruit is, qui cuncta sapiēter egit, ut à malo, quod nos inuasit, expiaret, & ad ea bona, quæ speramus, fruenda perduceret, forte qui frustra, atque inaniter lacrymas fundunt, uocabuntur in crimen apud dominū suū, ut malus ille uillicus, qui, ut in Euāgelio legimus, diuitias sibi creditas inutiliter dissipauerat. Quæcūque enim ad bonos usus referri possunt, diuitiæ sunt in thesauris cœlestibus enumeratæ. Nolo igitur ignorare uos, fratres, quæ de iis, qui dormierunt, didicimus, & si quid præterea spiritus sanctus perfectioribus patefacit, ne tristitia, mœrorēq; afficiamini, ut cæteri qui spem nō habent. Soli enim, qui à fide alieni sunt, præsentis uitæ finibus uiuendi spem termināt, & circumscribūt, ideoq; mortē deplorandā putant, quòd ea, quæ nos credimus, nō sperant. Nos autē, qui magno, locupletiq; resurrectionis à mortuis sponsori uadiq; credidimus, ipsi rerū omnium procreatorū Domino, qui ob id mortuus est, & resurrexit, ut re ipsa resurrectionis rationē cōfirmaret, & cōprobarer, certā, atque exploratā bonorū spem habeamus, qua præsentē luctus in eorū obitu, qui ex hac uita decedūt, nullū habebit locū. Deus autē noster, & Dominus Iesus Christus, qui afflictos atq; humiles cōsolatur, cōsoletur animos uestros, & misericordia, benignantēq; sua uos ad se diligendū inflāmet, atq; corroboret, quoniā ipsi est gl'ia in secl'a secl'orū. Amē.

DIVI

Luc. 16. a.  
Matth. 24.



<sup>137</sup>  
DIVI GREGORII NYSSAE

PONTIFICIS, MAGNI BASILII FRA

TRIS, DE PAVPERIBVS AMAN-

DIS, ET BENIGNITATE

COMPLECTENDIS.

ORATIO. I.



VI HVIC Ec-  
clesiæ præsidet, atque  
adeo omnes, qui se  
ueræ pietatis, & eius  
uiuendi rationis, quæ  
ex uirtute est, magis  
stros profitentur, ho-  
minibus illis sunt ad-  
modum similes, qui

grammaticam docent, & prima tradunt elemen-  
ta literarum. Etenim quemadmodum hi pueros  
è parentum manibus susceptos adhuc infantes  
& balbutientes non protinus abditis disciplina-  
rum præceptionibus onerant, sed primo litera-  
rum formas insculpunt in cæris, earumq; no-  
mina declarant, & ipsorum manus per impressos  
illos literarum ductus agunt & exercent, mox  
eos ad syllabarum cognitionem prouehunt, at-  
que ita deinceps ad uerborum expressionem per-  
ducunt: sic ecclesiæ Duces initio documenta-

S



quædam, quæ sint instar elementorum, auditoribus proponunt, deinde gradatim ea, quæ perfectiora magisque recôdita sunt, patefaciunt. Quoniam igitur duobus superioribus diebus cupiditatem illam, quæ gulæ uentrisque uoluptatem sectatur, castigauimus, hodierna item die iisdem de rebus me uerba facturum ne existimetis, quòd uidelicet conueniat & carne non uesci: & à uino, cuius fere risus & infania comites sunt, abstinere: & cohibere coquorum studium: & pincernarum manus miscendis porrigendisque poculis fatigatas comprimere. De his enim & nos satis multa diximus, & uos consilium admonitionemque nostram re ipsa & factis comprobauistis. Quare dum primum hoc documentum excolitis, operæpretium est, ut ad ea uobis tradenda, quæ maiora grauioraque sunt, progrediamur. Est igitur ieiunii & abstinentiæ genus, quod à corpore & materia seiunctum est, cumque animam duntaxat respiciat, ea re perficitur, ut à uitiis temperemus. atque huius quidem ieiunii gratia etiam illud indictum est, ut à cibis abstineamus. Quod cum ita sit, à malitia ieiunante, cohibete rerum alienarum cupiditatem, à turpi & iniusto quæstu uobis temperate. Auaritiam Mammonæ fame interficite. Nihil domi reconditum habere, quod sit per uim & rapinas comparatum. Quid enim proderit, ore carnem non attingere, si maledicentia fratrem laeres? Quænam erit utilitas, si, dum tua non co-



medis, ea, quæ pauperis sunt, per iniuriam surri-  
 pueris? Quæ porro pieras ista, si aquam bibens  
 struas fraudem, consuas dolos, & ex impro-  
 bitate sanguinē sitias? Quid? Non ne Iudas etiā  
 cum Vndecim ieiunabat? attamen quia mores  
 auaritiæ deditos non refrenauit, nihil ad salutem  
 illi ieiunium profuit? Quid? quòd Diabolus,  
 cum spiritus sit corporis expers, nihil unquam  
 edit omnino, & tamen propter improbitatem  
 è sublimi illo cecidit dignitatis gradu? eademq;  
 ratione nullus Dæmonum est, qui, quòd aut se  
 obsoniis ingurgitet, aut immodice bibat, ebrio-  
 sus'ue sit, accusari possit. Natura enim à bibe-  
 di edendiq; necessitate liberi sunt. Neque tamē  
 iccirco uel die, uel nocte, per aera oberrare un-  
 quam cessant flagitiorum auctores & ministri.  
 Nobis autem omni studio moliuntur insidias.  
 Quippe liuore liquefiunt, & tabescunt inuidia,  
 quòd ad eam nos homines necessitudinis con-  
 iunctionem cum ipso Deo, & felicitatis posses-  
 sionem, è qua ipsi deiecti sunt, simus peruen-  
 turi. Honestis igitur, ac bonis moribus institua-  
 tur Christianorum uita. Eorum animi decli-  
 nent, & fugiant malitiæ detrimentum. Nam si  
 uino, & carne temperantes obstrictos uitiis ani-  
 mos habuerimus, nihil quicquam nobis, cum  
 aliter animo, quàm extrinsecus, affecti simus,  
 aut aquam, aut olera, aut mensas sine sanguine  
 structas profutura prædico atque testificor.  
 Propter munditiam animæ sunt indicta ieiunia



GREG. NYSS. PONT.

Quæ si tum uoluntate, tum factis coinquinatur, quid frustra, quam bibimus, aquam insumimus? Cur ingens hoc cœnum, quod elui expurgariq; non potest, excolitur? Quid confert ieiunium corporis, nisi mens pura mundaq; sit? Nihil enim profit, currum ualidum, ac strenuis quadrigis instructum esse, si auriga insaniat. Nulla erit bene fabricatæ nauis utilitas, si ebrius sit ipse gubernator. Ieiunium uirtutis fundamentum est. Quemadmodum autem nauium carinæ, & fundamenta domus, licet ingentia subicias, inutilia uanaq; sint, nisi reliquas item partes perite & sciēter exædificaueris: sic istius abstinentiæ nullum erit emolumentum, nisi aliæ iustitiæ partes accesserint. Timor Dei erudiat linguam, ea, quæ decet, loqui: tacere contraria: temporis occasionem animaduertere: modum obseruare: fari necessaria: apte respondere: modestè dicere: ne uerborum ui ueluti grandine colloquentes obruat. Idcirco enim & tenuis illa membranula, quæ cum ipsa lingua mentum inferius deuincit, frenum dicitur, ne inepte loquatur & inconcinne. Laudibus igitur, nō conuitiis utatur: cantibus, non male dictis: cōmendationibus, non obtrectionibus. Manus petulans Dei memoria tanquam cathena uincta cohibetur. Has enim ob causas ieiunamus. AGNVS noster prius, quàm clauis affigeretur cruci, contumeliis affectus, & alapis cæsus est. Morem iudaicū ne imitemur nos CHRISTI



discipuli . Alioqui si eo pacto erimus affecti,  
 uerbis illis nos Esaias increpabit: Cur ad lites *Esa. 54.*  
 & contentiones ieiunatis, & pugnis pauperem  
 percutitis? Disce ab eodem Propheta synceri  
 puriq; ieiunii opera. Dissolue colligationes im-  
 pietatis. Solue fasciculos deprimentes. Dimitte  
 eos, qui cōfracti sunt, liberos, & omne onus  
 disrumpe. Frange esurienti panem tuum, &  
 egenos uagosq; induc in domum tuam. Cum ui-  
 deris nudum, operi eum, & carnem tuam ne  
 despexeris. Multam nobis hoc tempus affert nu-  
 dorum, uagorumq; copiam. Magna enim cu-  
 iusque fores frequentat captiuorum multitu-  
 do. Hospites exulesq; non desunt. Ubique li-  
 cet protensas opem implorantium manus aspi-  
 cere. His aer sub dio tectum præbet. Porticus  
 & biuia, & partes fori magis desertæ sunt hospi-  
 tia. Nycticoracum, & noctuarum more in ca-  
 uernis latitant. Pannosis, attritis, & laceratis te-  
 guntur indumentis. Agriculturæ fructus est il-  
 lis miserantium animus & benignitas. Cibus, si  
 quid ab accedente quopiam impetrauerint. Po-  
 tio eadē, quæ rationis expertibus animantibus,  
 nimirum fontes. Pocula, manuum uolæ. Pe-  
 nu, sinus ipse, nisi plane diffluet, sed possit ea,  
 quæ iniiciantur, operire. Mensa, contracta ge-  
 nua. Lectulus, solum. Balneū, id, quod Deus  
 omnibus commune & sine industria constructū  
 dedit, flumen, aut palus. Vagam & agrestem  
 traducunt uitam, nō quòd initio sic instituerint,



sed quòd ad eā calamitatibus & necessitate compulsi sint. His necessaria uictui suppedita tu, qui ieiunas. Erga fratres calamitosos benignus esto. Quod uentri subtrahis, tribue esurienti. Exæquet omnia iustus Dei timor. Duas inter se contrarias affectiones, tuam uidelicet satietatem, & fratris famem, modesta continentia tempera atque moderare. Sic enim faciunt & medici. Alios exinaniunt, alios replent, ut accessione, decessioneq; uniuscuiusque sanitas cōseruetur. Honestæ admonitioni obtemperate. Aperiat ratio pauperibus diuitum fores. Consilium inopi ad locupletem aditum patefaciat. Egentes ne ditet humana ratiocinatio. Sed illis & domum, & lectulum, & mensam tribuat Dei uerbum sempiternum. Dulci & humana oratione usui necessaria ex tuis facultatibus subministra. Apud te multitudo pauperum atque languentium sibi profugium inueniat. Quisque diligenter uicinorum curam gerat. Studium promerendi de propinquis tibi ab alio præripi ne permittas. Caue, ne capiat alius thesaurum repositum tibi. Calamitate affectum ut aurum amplectere. Infirmam pauperis uoletudinem ita fove, ut in ea & sanitatem tuam, & salutem uxoris, & filiorum, & seruorum, & totius denique familiæ positam putes. Nam cum omnes pauperes fouendi adiuuandiq; sunt, tum illi, qui ægrotant, præcipue sunt complectendi. Qui enim egens & æger est, duplici laborat paupertate. Inopes



enim, qui ualenti sunt corpore, ex hoc ad illud  
ostium accedentes, qui aliquid dent, aliquando  
tandem inueniunt. Præterea sedent in triuiis, &  
præterintes omnes interpellant opem implo-  
rantes. At illi pauperes, qui aduersa præpediti  
ualetudine, angustoq; hospitio, immo uero  
angustis hospitio angulis conclusi sunt uti Da  
niel in lacu, te benignum & pauperum studio-  
sum atque amantem tanquã Abacuc expectant.  
Quamobrem per eleemosynam Prophetæ so-  
cius efficere. Celeriter & impigre ad alendum  
egentē accede. Nullã facies in promerendo ias-  
turam, ne uerearis. Multiplex enim & copio-  
sus gignitur fructus ex eleemosyna. Sere bene-  
ficio, ut metere possis fructum, & bonis ma-  
nipulis domũ replere. At enim te quoque pau-  
pere in dices. Fac sis. attamen dato. Da quod  
habet. Neque enim supra uires tuas quicquam  
ab te requirit Deus. Da tu panem, ille poculũ  
uini, alius uestimentum dabit. atque ita ex mul-  
torũ benignitate unius calamitas subleuabitur.  
Ne Moses quidem id, quod impedit in taberna-  
culum, ab uno tantum homine accepit, sed ab  
uniuerso populo. Alii enim aurum, argentum  
alii, ut magis, minus uel diuitiis affluebant, obtu-  
lerunt. Pauperes uero uel pelles, uel etiam ca-  
prarum pilos, si quis grauius inopia premeba-  
tur. Nõ ne uides pauperis etiã illius Viduæ qua-  
drantem diuitum munera superasse? Illa enim  
quidquid habebat, exhausit, cum ex horum co-

Dan. 14. 4.

Exo. 25.

S iiii



piis uix pusillum quiddam exciderit. Iacentes  
 pauperes, tanquam nullius præti sint, ne despe-  
 xeris. Considera, quinam sint, & eorū cogno-  
 sces dignitatem. Seruatoris nostri personam in-  
 duerunt. Propriam enim benignus ille perso-  
 nam eis largitus est, ut, quemadmodum illi, qui  
 aduersus uim inferentes tanquam propugnacu-  
 lum regias prætendunt imagines, quo principis  
 effigie irruentium impetus frangatur, & retar-  
 detur, sic ipsi eos, qui nulla mouentur commise-  
 ratione, quiq; pauperes odio prosequuntur, per  
 illam flectant, mitigent, & exorent. Hi bono-  
 rum, quæ speramus, & expectamus, sunt pro-  
 micondi. Hi ianitores Regni cœlorum, qui fo-  
 res aperiant benignis & bonis, occludant malis  
 & inhumanis. Hi & uehementes sunt accusato-  
 res, & optimi patroni. Accusant autem, & de-  
 fendunt, nō oratione, sed aspectu ipso, dum cō-  
 spiciuntur à Iudice. Quæ enim in eos fiunt,  
 apud eum, qui corda scrutatur, qui cogitatio-  
 nes hominum omnes atque intimos animi sen-  
 sus nouit, quouis præcone clarius, apertius, si-  
 gnificantius uociferantur & clamant. Propter  
 hos nobis & formidādum illud Iudicium, quod  
 sæpe audiuiſtis, in Euangelio perscriptum est.  
 Illic enim uideo filium hominis uenientem è  
 cœlis, per æthera nō secus atque per terram in-  
 cedentem innumerabilibus stipatum millibus  
 Angelorum. Deinde gloriæ Thronum erectū  
 in sublime, atque in eo confidentem Regem.



Tum omnes hominum tribus, omnes gentes, nationes omnes, quæ in hanc uitam ingressæ sint, quæ hunc spiritu aera duxerint, quæ hanc solis lucem aspexerint, duas in partes segregatas ad Tribunal iudicis astitisse. Audio, eos, qui à dextra sunt, agnos uocari: hoedos, qui à sinistra. Nam ex morum similitudine sumunt appellationem. Audio illic eos interrogantem Iudicem, & rationes conficientem. Audio, quid ipsi respondeant Regi. Denique pro suis quenque meritis ornatum cerno. Illis, qui boni, benignique fuerint, atque optime uitam egerint, summa & perpetua quies tribuitur in Regno cœlesti: inhumanis autem & improbis supplicium ignis, idque sempiternum. Hæc omnia ibi diligenter, ut scitis, sunt explicata. Non alia autem de causa Iudicium illud tam accurata oratione tanquam penicillo depictum, nobisque ante oculos positum esse crediderim, nisi ut perdiscamus beneficentiam, & benignitatem complectamur. Hæc enim est quæ continet uitam. Hæc est pauperum mater, Magistradiuitem, Bona pupillorum nutrix, Conseruatricem senum, Egentium penum, Communis miserorum portus, Omnium ætatum curam gerens, Omnibus ærumnis & calamitatibus consulens. Quemadmodum enim illi, qui in stultitiæ certaminibus præmia proponunt, tuba liberalitatem suam significantes, omnibus in palæstra decertantibus pecuniæ largitionem pollicentur atque denuntiant, sic ipsa



beneficentia omnes in miseriis & calamitatibus  
positos ad se uocat, non uulnerum & plagarū  
præmia, sed erumnarum & incommodorum  
remedia & curationem accedētib; impertiens.  
Hæc est omnium laudatarum actionum præ-  
stantissima. Hæc assidet Deo, & magna est cū  
ipso necessitudine coniuncta. Sic autem Deum  
ipsum nobis omnium, quæ recte benignèq; fa-  
cimus, in primis auctore effectoremq; esse con-  
stat. Si quidem & terram procreauit: & orna-  
tum cœli fabricatus est: & temporum uicissitu-  
dines statuit: & solis calorem, & glaciei refrige-  
rantem naturam, omnia denique Deus ipse nō  
sibi, cum nullius horum indigeat, sed nobis con-  
tineret præstat & conseruat. Nam mirabili  
quadam ratione mortalium aciem effugiente  
præbet hominibus alimenta, seminans oppor-  
tune, & scienter irrigans. ipse enim, ut scribit  
Esaïas, dat semē ferenti. & ex nubibus nūc sen-  
sim imbrem emittit in terrā, nunc autem sulco-  
rū latera & toros abunde perfundit. At ubi sege-  
tes creuerint, & uiriditas accesserit, tunc dissi-  
etis dissipatisq; nubibus, ab omnibus integu-  
mentis nudum & apertum ipsis ostentat & im-  
mittit solem, ut calidis atque ardentibus ipsius  
radiis tepefactæ perueniant ad maturitatem, &  
opportunas ad metendum spicas exhibeant.  
Quid? quod uitam etiam enutrit, atque ita ido-  
neo tempore sitientibus potum tribuit? Quid?  
quod uaria item alit animalium genera, ut ho-

Esa. 55. c.



minibus & carnes ad uestendum; & pelles ad  
 protegendum, & lanas ad uestes conficiendas  
 præbeant? Cernis quo modo primæ beneficen-  
 tiæ auctor & origo sit Deus, esurientē nutriens,  
 sitienti largiens potum, & nudum operiens, ut  
 ante diximus? Si uis autem intelligere, quo mo-  
 do morbo laborantes, male affectos, atque af-  
 flictos curet, audi. Quis Apem docuit, cæras, &  
 mella conficere? Quis è pinu, Quis è Terebin-  
 tho, Quis è Mastiches arbore pingues illos resi-  
 næ succos destillare fecit? Quis Indorum regio-  
 nem constituit ficcorum atque fragrantium fru-  
 ctuum, & odorum suauium matrem? Quis o-  
 leam corporis laboribus & doloribus opitulan-  
 tem procreauit? Quis nobis radicum & herba-  
 rum notitiam, quis qualitatū, & uirium, quæ  
 in ipsis sunt, peritiā tribuit? Quis effectricem  
 conseruatricemq; sanitatis Medicinam reperit?  
 Quis calidarum aquarum fontes eduxit è terra,  
 ut earum ui tum frigidis & humidis, tum aridis  
 & adustis affectionibus & morbis medeamur?  
 Non ne Deus? Merito igitur & opportune po-  
 teram uerba Baruch usurpare: Hic adinuenit om-  
 nem uiam disciplinæ, & tradidit illam Iacob  
 puero suo, & Israel dilecto suo. Per hunc ar-  
 tes omnes, quæ uel in igne, uel sine igne, uel in  
 aquis exercentur, inuentæ: per hunc scientiæ  
 innumerabiles excogitatæ: ut nihil omnino de-  
 sit hominibus, quod ad transigendæ uitæ neces-  
 sitatem & commoditatem pertineat. Ac Deus

Bar. 3.6.



quidem hoc modo beneficentiæ & liberalitatis inuentor, & fons, omnia, quæ nobis necessaria sunt, ditissimus ipse benigne subministrat. Nos autē, qui singulis diuinæ scripturæ uerbis ad dominū & procreatorē nostrum imitandū (quatenus mortalis beatum & immortalem imitari potest) instituimur, ad utilitatem nostram omnia rapimus, omnia uoluptatibus nostris metimur: & alia quidem uitæ nostræ deliciis elargimur, alia recondimus hæredum auiditati. Misericordiæ uero nulla habetur ratio, nulla pauperum idonea cura, nulla sollicitudo. O' crudeles animos, o' mentes ab omni remotas humanitate, ab omni misericordia alienas. Homo hominem uidet egentem pane, non habentem alimenta uitæ necessaria, neque tamen illi prompto alacriq; animo subuenit, & salutem præbet? sed illum despicit, & tanquam uirentem plantam aquarū penuria finit arescere, præsertim cum maximis inundet ipse atque circumfluat copiis, ut ex sua abundantia facile multorum inopiam reficere & recreare possit? Quemadmodum enim ex uno fonte profluens aqua multas camporū longe lateq; protensas planities fecundas & uberes reddit: sic unius domus opulētia multitudinem pauperum ex egestatis angustiis eripere potest & sustentare: modo ne parcus & auarus animus ueluti prolapsus lapis uenas & riuulos ē benignitate tanquam ē fonte publice defluētes auertat atque intercipiat. Ne uiuamus carni in rebus

DE P  
 bus: in al  
 epularum  
 tantulum u  
 dent, quant  
 uenitur. I  
 idunt, put  
 alunt. Miser  
 est Deo g  
 ueriat, eum  
 bono quam  
 illius, atq  
 uentis natura  
 studii labori  
 dem præclara  
 diuinem, pos  
 uenit ipso  
 ueris, uitam  
 en, nullis mali  
 tatis, quæq;  
 indi non poss  
 zibus. Vos i  
 rerum diui  
 uenit estis, ne  
 alucarum bl  
 allici, & cap  
 qui posside  
 ti. Vt uiu  
 existimare  
 torum Dei  
 en habemus



omnibus: in aliqua uiuamus & Deo. Deliciæ enim epularum, & quæ in uentrem ingrediuntur, tantulum uoluptatis carni duntaxat afferre possunt, quantulum est illud spatium, quo fauces cōtinentur. Nam simulatque in uentrem delapsæ sunt, putrescunt, & per inferiores partes secedunt. Misericordia uero & beneficentia uirtutes sunt Deo gratissimæ: quæ si cuius animū incoluerint, eum diuinum efficiunt, & summo illi Bono quamsimillimum reddunt, adeo ut primæ illius, atque immortalis, & mētem omnē superantis naturæ decoretur imagine. At qualem studii laborisq; finem pollicentur? Nunc quidem præclaram spem, & lætitiæ plenam expectationem, post autem quando istius assidue fluentis carnis spoliis exuti immortalitatem induerimus, uitam beatam, nullum finem habituram, nullis malis obnoxia, in summis & admirandis, quæq; hic à nobis cognitione comprehendi non possunt, uersantem gaudiis & uoluptatibus. Vos igitur, qui ratione præditi, & mente rerum diuinarum interprete ac magistra decorati estis, ne (quæso) uos rerum fluxarum & caducarum blanditiis deliniri, & tanquam esca allici, & capi patiamini. Complectimini eum, qui possidentem se nunquam est derelicturus. V sui uitæ modum imponite. ne omnia uestra existimate. sit pars etiam pauperum & amicorum Dei. illius enim uere sunt omnia, quem habemus patrem. nos autem frates su-



mus. Quapropter ut genere coniunctos ac fratres melius quidem, & iustius erat, æquis partibus cernere hæreditatem. Verum, quando id factum non est, sed unus, aut alter plus interuerit, reliqui partem unā saltem accipiant. Quod si quis omnium prorsus esse dominus, & uniuersam uult hæreditatem auertere, & sexta, aut quinta parte fratres excludere, ille frater nō est, sed acerbus tyrānus, immitis barbarus, immo uero inexplēbilis fera, quæ hianti ore sola suaues deuoret dapes, uel potius ipsis etiam fēris fauuior, & agrestior. Si quidem & lūpus ad deuorandam prædam lūpum sibi socium adiungit. & canes multi nonnunquam simul idem dilaniant corpus. At iste diuitiarum suarum nullum eiusdem generis hominem participem facit. Moderata mēsa sufficit tibi. Ne te in illud luxuriæ pelagus demittas, ut conuiuia omni genere ciborum instructa uelis. Illic enim graue naufragium fit, quo nō scopulis sub salo latentibus collideris, sed in altissimam & obscurissimam uoraginem detruderis, in quam qui semel incidit, nunquam emerget. Vtere igitur, utere, ne abutaris. Sic enim Paulus etiam edocuit. Modesta oblectatione te recrea, temperanter animum relaxa. Ne te deliciæ sic obruant, ut nimia lætitiæ gestias, & insanis uoluptatibus debaccheris. Ne sis animalium plane omnium perniciēs, ingentium, mediocrium, minorum, gradientium, uolantium, natantium, siue inuentu faci-

I. Cor. 7. 2.



ha, siue difficilia sint. Seu magno, seu uili pre-  
 tio ueneant. Multorum uenantiū sudore uen-  
 trem unum ne repleas. Ne sint fauces tuæ uelu-  
 ti uorago, aut gurgēs, aut uastissimus, ac profun-  
 dissimus puteus, ad quem obruendum multo-  
 rum laborent manus. Propter hominum luxu-  
 riam atque delicias non modo maris profundū  
 turbatur: non aquis solum innatantes capiun-  
 tur pisces: sed marina animalia coguntur solū  
 uertere, & in aquis fluminum degere. Inde in  
 terram & cœlum hoc extrahuntur. Sic ostrea-  
 rum genera non latuerunt. Sic captus Echinus.  
 Sic serpentes irretitæ sunt Sepiæ. Sic Polypus sa-  
 xis, quibus inhærebat, auulsus. Sic ex locis altis-  
 simis extracta conchilia. Nullum denique est  
 animalium genus, quod uel summas, uel infi-  
 mas partes maris incolat, quod non humana  
 fraus deceptum ad hanc cœli lucem aspiciendam  
 eduxerit. Adeo hominū uoluptates undique  
 captantium ingenia ad uarias insidias & dolos re-  
 periendo elaborarunt. Sed qualia nam delicias  
 eiusmodi consequuntur? Neceſse est, ut luxu-  
 ria, ubi semel radices egerit & coaluerit, reliquā  
 secum nequitiae materiam trahat. Quamobrem  
 qui molliter, & delicate uiuere instituerunt, ne-  
 cessario ad excogitandos magnificos ædificiorū  
 apparatus alliciuntur. In his construendis &  
 exornandis maxima uis pecuniarum profundi-  
 um, gatur. Ad hæc cœtus hominum libenter conuo-  
 cant, & inuitant, splendidam, & uariam supel-



lectilem studiose comparant. Menfas pretio-  
 sissimas ex ære conflandas curant, alias leuitate  
 politissime exæquatas, alias uario artificio scul-  
 ptas & fabrefactas, ut liceat conuiujs simul &  
 gulam epulis delinire, & oculos intuendis & le-  
 gendis historijs oblectare. Hic mihi deinceps  
 tute reliqua cōsidera: Crateras, Tripodas, Ca-  
 dos, Gutturina, Lances, innumerabilia pocu-  
 lorum genera. Scurras, Mimos, Citharistas,  
 Poetas, Oratores, Cantores, Cantatrices, Sal-  
 tatores, Saltatrices, totum denique petulantia  
 ludum. Pueros comis effoeminatos, puellas in-  
 uerecundas, quas propter immodestiam meri-  
 to sorores Herodiadis appelles, Ioannem, id  
 est, diuinum in unoquoque sapientiāq; studio-  
 sum animum è medio tollentes. Atque dum  
 hæc intus geruntur, assident ad uestibuli fores  
 innumerabiles Lazari, partim grauibz ulce-  
 ribz pleni, partim oculis orbat, partim pedi-  
 bus mutili. Quidam ipsoz quauis sint o-  
 mnibz fere membris spoliati, serpere tamen  
 audent, & utcumque progrediuntur. Concla-  
 mant autem, nec tamen exaudiuntur. Impe-  
 dit enim tibiæz strepitus, & carmina, quæ ab  
 ipsis cantoribz concinuntur, & solute riden-  
 tium Cachinnatio. Quod si pauperes paulo ue-  
 hementius fores pulsauerint, immitis ac sæuis  
 alicunde profiliens Domini Ianitor eos baculo  
 propellit, & canes appellans uerberibus plagas  
 infligit & uulnera. Abeunt igitur CHRI-  
 STI



STI amici, in quibus sita est mandatorum summa, cum nec panis frustum, nec obsonii quicquam acceperint, sed potius contumelias, & uerbera lucrati sint. Intus autem in officina Mammonæ alii tanquam nimis onusta nauigia renouunt cibum, alii presentibus poculis indormiunt mensæ. Duplex autem in turpi domo exercetur peccatum, unum propter ebriorum satietatem, alterum propter expulsorum pauperum famem. Si Deus hæc aspicit, ut perfecto aspicit, quam uitæ cōmutationem, quem exitum fore cogitatis? dicite, quæso uos, o pauperum inimici, An nescitis horum causa in sacro Euangelio poni, & commemorari exempla omnia horrenda, & terribilia? Non ne graues illius cruciatus & gemitus recensentur, qui in Byssō fuerat enutritus? an non in malorum Abyssō describitur coerceri. Quid? huic alter ille similis, non ne cum uesperis de matutinis deliciis cogitaret, tam inexpectata & repentina damnatus est morte, ut ne orientis quidem solis radium potuerit intueri? Proinde, cum mortales simus, fidem ne abiiciamus, ne'ue fruamur uoluptatibus ut immortales. Sic enim fere affecti sumus, quicumque genio indulgere, & carni in omnibus obsequi uolumus. Tanquā patres familias successorem nunquam habituri, & perpetui rerum humanarum domini, messis tempore sementem facimus, & quando seminandum est, speramus lætitiā messis. Pla-

Luc. 16. f.

Luc. 12. c.

T



tanum serimus, & proceræ arboris umbram  
 moramur. Palmæ semen terræ committimus,  
 & fructuum dulcedinem expectamus. Hæc au-  
 tem fere in ipsa senectute, quando iam adest  
 ætatis autumnus, & mortis hyems aduentat, &  
 uitæ residuum tēpus est non integer annus, sed  
 tres aut quatuor dies. Cogitemus igitur, nos,  
 qui ratione præditi sumus, quàm fragilis flu-  
 xaq; sit uita nostra, quàm uelociter labatur tem-  
 pus, ut fisti cohiberiq; non possit, ut omnia, quæ  
 meretur, ad interitū ducat & trahat. Atque uti-  
 nam breue tantum esset spatium uitæ, modo  
 certum esset, modo reddendæ rationi non es-  
 semus obnoxii. Nunc autem illud merito tor-  
 quere nos debet, quòd & singulis horis instat  
 periculum, & incorruptus, atque integer ad-  
 eundus est iudex, apud quem non solum eo-  
 rum, quæ fecimus, sed omnium, quæ diximus,  
 reddenda nobis est ratio. Quamobrem hæc se-  
 cum ipse animo uolens beatus ille Vates auct  
 intelligere præfinitum sibi terminum uitæ. Ita-  
 que Deum precatur, ut sibi numerum dierum,  
 qui reliqui sint, annuntiet, quo accingat sese ad  
 ea, quæ ad exitum pertinent, ne tanquam Via-  
 tor improvidus, dum iter facit, & uiaticum ne-  
 cessarium quærit, repente turbetur. Sic igitur  
 inquit. Notum fac mihi Domine finem me-  
 um, & numerum dierum meorum quis est, ut  
 sciam, quid desit mihi. Ecce mensurabiles po-  
 suisti dies meos, & substantia mea tanquam ni-

psal. 39.



hilum ante te. Cernis animæ bonæ prudentem  
sollicitudinem, idq; in homine in regia digni-  
tate constituto. Nec mirum: intuetur enim Re-  
gem Regum, & Iudicum Iudicem. Illud au-  
tem obsecrat, ut absoluta mandatorum obser-  
uantia decoratus discedat integer & per-

fectus coelestis illius patriæ ciuis,

quam nos item omnes ut asse-

quamur, & opto, & spe-

ro per gratiam &

benignitatē Do-

mini nostri

**IESV CHRISTI,**

cui gloria in æter-

num. Amen.



DIVI GREGORII NYSSAE  
PONTIFICIS, MAGNI BASILII FRA  
TRIS, DE PAUPERIBVS AMAN  
DIS, ET BENIGNITATE  
COMPLECTENDIS,  
ALTERA  
ORATIO,

IN EA EVANGELII VERBA:  
Quatenus uni ex his fecistis,  
mihi fecistis.



DHVC IN for-  
midolosi, Magni il-  
lius Regis aduentus  
nobis ab Euangelio  
descripti contempla-  
tione detineor. Ad-  
huc attente confide-  
ranti metum, quem  
iniicit ea commemo-  
ratio, refugit horretq; animus. Nam coelestem  
ipsum regem in Throno maiestatis, ut ibi de-  
scribitur, terribili quodam modo praesidentem  
mihi uideor intueri. Magnificum illum Thro-  
num, quicumque Thronus ille sit, eum, qui  
nullo coercetur loco, continentem cerno. In-



numerabilia Angelorum Regem constipantium millia uideo. Magnum quinetiam ipsum ac formidandum Regem aspicio ex immensa gloria in naturam humanam despicientem, & uniuersa genera hominum, quicumque ex eo tempore, quo primum generari homines cæperunt, usque ad metuendi illius aduentus diem reperiantur, ad se congregantem, singulisq; ex institutæ, & antea actæ uitæ ratione & meritis, uel præmia dantem, uel irrogantem supplicia. Illis, qui recte sancteq; uixerint ad dexteram partem, ut dictum est, collocatis, qui uero flagitiose & improbe, ad sinistram positis, & condemnatis. Utrosque autem diuersa tamen ratione appellantem audio. Alios enim dulcissimis illis ac faustissimis uerbis alloquitur: Venite benedicti patris mei. Alios horribili ac metuenda illa comminatione: ite maledicti in ignem æternum. Sic autem mihi hæc legenti & consideranti affectus & perterrefactus est animus, ut ea non legi, sed fieri, non pronuntiari, sed agi quodam modo existimem. Iamq; non audire, sed plane rebus ipsis interesse mihi uideor. Itaque præsentium nihil amplius sentio, nec menti uacat respicere ad aliud quidquam eorum, quæ mihi ad explorandum & contemplandum proposita sunt, quanuis ea profecto nec parua sint, nec exiguam indagationem requirant. Quo modo uidelicet uenire intelligatur, qui semper adest, præsertim cum ipse dicat: Ecce



*Matth. 28.* uobiscum sum omnibus diebus usque ad con-  
*d.* sumationem sæculi. & si nobiscum esse credi-

*Act. 17. c.*

tur, quo modo uenturus, tanquam non adfit,  
 existimetur? Si enim in ipso (ut inquit Aposto-  
 lus) uiuimus, mouemur, & sumus, qui fieri  
 potest, ut ab illo, qui complectitur omnia, ii,  
 quos ipse comprehendit, loco discludantur?  
 Quod si nunc adesse rebus, quas in se ipse cohi-  
 bet & coercet, negemus, quo modo posterius  
 unquam affuturum expectemus? Præterea,  
 quæ possit esse illius aut sedes, aut præsentia, aut  
 forma, aut in Throno circumscripção, qui & cor-  
 pore caret, & uideri non potest, & formam nul-  
 lam habet, & ubique sic adest, ut nusquam con-  
 cludi secludiue possit. Hæc igitur & cætera id ge-  
 nus tanquam maiora, quàm ut à nobis in præ-  
 sentia explicari ualeant, omitemus, & com-  
 munis utilitatis gratia illuc orationem nostram  
 conuertemus, ut, quo pacto fieri possit, ne re-  
 digamur in reproborum ordinem, pro uiribus  
 ostendamus. Equidem, ut ingenue fatear per-  
 turbationem animi mei, uehementer, ô fratres,  
 uehementer illa comminatione cōterritus sum.  
 Hoc autem timore uos item affici uelim, neque  
*Pro. 28. c.* eum ulla ratione despiciere. Beatus enim uir,  
 qui semper est pauidus, ut quodam loco inquit  
 sapientia, qui autem contemnit, contemnetur.  
 Priusquam igitur irruant mala, demus operam  
 diligenter, ne nobis hæc tristitia necesse sit expe-  
 riri. Verum quonam modo ea declinabimus?



hoc nimirum, ut eam uiuēdi rationem & uiam, quam in præsētia scriptura nobis ostendit, quæ nunc uiget, & uere uiuit, ingrediamur. Quænam hæc est ratio? quænam hæc uia? Esuriui, sitiui, hospes eram, & nudus, & infirmus, & in carcere. Quod uni eorum fecistis, mihi fecistis. Iccirco uenire, inquit, Benedicti patris mei. Quid ex his discimus? Benedictionem ac summum bonum in diligentia & obseruantia mandatorum positum esse: maledictionem & malorum extremum ex desidia mādatorumq; desipientia proficisci. Eam igitur amplectamur, hanc fugiamus, quando in nostra manu situm est, ut, utram uolumus, adipiscamur. Ad quod enim egregia animi alacritate propenderimus, in eo futuri sumus. Quare benedictionis dominum, qui perinde nobis acceptum laturus est quidquid studii & officii in pauperes contulerimus, ac si in ipsum contulissemus, conciliemus nobis & obstringamus, præsertim hoc tempore, quo nobis, dum uiuimus, magna exequendi mandati facultas præbetur, multiq; sunt, qui rebus necessariis, multi, qui & ipso corpore indigeant, ab ipsa ui morbi confecti atque consumpti. Sic igitur nos in hac re, hoc est, ut planius loquar, in iis, qui morbo grauissimo mutilati sunt, fouendis curandisq; studiose diligenterq; geramus, ut præclarum illud promissum præmium assequamur. Quo enim grauior in his morbus reperitur, eo maius præ-

Matth. 25.

T iiii



miū laboriosū illud mandati munus obeun-  
 res manet. Quid igitur faciendum est? illud uti-  
 que, ut Sancti Spiritus uoluntati ne resistamus.  
 ea autem est, ut eos, qui eadem natura præditi  
 sunt, tanquam alienos non euitemus, neque  
 imitemur reprehensos illos in Euangelio, Sa-  
 cerdotem, & Leuitam dico, qui miserabilem il-  
 lum, quem historia à latronibus semimortuum  
 relictum tradit, nulla commoti commiseratio-  
 ne præterierunt. Nam si coarguuntur illi, quòd  
 ad plagas in nudo corpore intumescences non  
 respexerint, quo modo nos, qui illos imitamur,  
 non in eandem reprehensionem incuremus?  
 neque enim profecto tam miserandum specta-  
 culum præbuit ille, qui in latrones inciderat, ut  
 præbenthi, qui eiusmodi oppressi sunt calami-  
 tate. Vides hominem ex improbitate morbi in  
 quadrupedis formam commutatum, & ungu-  
 læ atque unguium loco ligna manibus induisse,  
 atque ita nouum uestigii genus humanis semitis  
 imprimentem. Quis ex ea forma queat agno-  
 scere, hominis gressu eiusmodi esse facta uesti-  
 gia? Homo eo corporis habitu & figura forma-  
 tus, ut rectus in cœlū aspiciat, cui manuum in-  
 strumētum ad res agendas Natura dedit, incur-  
 uatur in terram, & quadrupes fit, & parum ab-  
 est, quin rationis expers esse uideatur. Cum dif-  
 ficultate spiritum trahit, irrauescit, & ex inti-  
 mis uisceribus fremitus elicit, ipsis etiam ratio-  
 nis expertibus animalibus effectus (liceat auda

DE  
 uidicare  
 ipso ortu fe  
 que consu  
 morbu  
 Hic autem  
 ad amplius  
 uidetur esse  
 a. Genua p  
 seplante nati  
 a. uelut app  
 ere manibus  
 aut hominem  
 in rauerens?  
 estis calami  
 Homini  
 decet h  
 hanc cogita  
 in corpore n  
 homo, tamen  
 mutum atq  
 um Angelos  
 um, ipse  
 ere factus se  
 iq; carnis ex  
 erat indura,  
 argitudinil  
 eandem es cu  
 eis homines  
 laceat consili  
 consulas,



At id dicere) calamitosior. siquidē illa, quam  
ab ipso ortu formam acceperunt, eam ad finem  
usque conseruant: nec ullum ex iis propter ali-  
quem morbum ex ea forma in aliam conuer-  
tur. Hic autem, tanquam commutata natura,  
non id amplius, quod erat, sed aliud quoddā ani-  
mal uidetur esse. Pedū munere funguntur ma-  
nus. Genua præbent plantarum usum. Nam  
ipsæ plantæ naturales, & tali, aut plane deficiūt,  
aut, ueluti appendices quædam extrinsecus te-  
mere nauibus admotæ, fortuito trahuntur. In  
his tu hominem cernis, nec sanguinis cōiunctio-  
nem reuereris? nec miseraris propinquum? sed  
auerfari calamitatem, & odio supplicem prose-  
queris? Hominis accessum tanquam feræ alicu-  
ius imperiū declinas? Atqui, ne id faceres, debe-  
bas uel ea cogitatione prohiberi: Nempe Ange-  
lum à corpore materiaq; liberum te, quamuis  
sis homo, tamen attingere, nec carne & sangui-  
ne mixtum atque concretum aspernari. Quid  
autem Angelos dico? cum ipse Dominus An-  
gelorum, ipse cœlestis beatitudinis Rex pro-  
pter te factus sit homo? & sordidas istas abie-  
ctasq; carnis exuiuiolas unā cum anima, quæ ip-  
sis erat induta, sibi circumdederit, ut tactu suo  
tuis ægritudinibus mederetur? Tu uero, qui na-  
tura idem es cum ægrotante, fugis eiusdem ge-  
neris hominem. Ne tibi, frater, ne, obsecro,  
placeat consilium prauum. Qui sis, & de qui-  
bus consulas, considera: homo nimirum, de ho-



GREG. NYSS. PONT.

minibus, qui nihil in te proprium, & à natura  
communi seiunctum obtines. Futuris de rebus  
ne præiudicium facias. Dum enim affectionem  
in alieno corpore conspicuam damnas, incer-  
tam de tota natura sententiam pronuntias. Eius  
autem naturæ tu quoque particeps, ut reliqui  
omnes. Quapropter tanquam communi de re  
consultatur. Cur, quæ in aliis uides misera & ca-  
lamitosa, non eate æque ad cōmiserandum ad-  
ducunt, ac si in te ipso conspiceres? Cernis ho-  
mines uagos tanquam ex Nomadum genere ad  
ea comparanda, quæ gregibus sibiq; necessaria  
sint, dissipatos. His uestimenta sunt lacerata,  
ex attritis centonibus confuta. in manibus ba-  
culus, non ab ipsis digitis comprehensus, sed lo-  
ris quibusdam ad palmas alligatus. Hoc illi pro  
gladio, hoc pro uehiculo utuntur. sacculus ad-  
est ad seruandum panem situ carieq; confectus.  
Pera rimosa: in hac illis & focus, & domus, &  
stragulum, & lectulus, & penu, & mensa, o-  
mnis denique supellex in hac pera consistit.  
At tu hæc aspicias, & quis in illis sit, minime co-  
gitas. Hic enim, si nescis, est homo, factus ad  
imaginem Dei. Huic, ut terræ dominetur, con-  
cessum est. Huic in reliqua animalia datum im-  
perium. Eò tamen calamitate redactus, atque  
sic inuersus est, ut, quidnam sit, ambigatur.  
Nam neque hominis plane, neque aliorum ani-  
mantium cuiusquam indicia præsefert. Si cum  
homine conferas, effigies humana respuit eam



deformitatem . si cum rationis expertibus animalibus, ea quoque similitudinem eiusmodi nō admittunt. Soli igitur ad se ipsos solos respiciūt, & miseriæ similitudine inter se congregantur. Qui ab aliis despiciuntur, se ipsi præ necessitate non dispiciunt. Undique expulsi confluent unum in locum, & proprium quendam populum conficiunt. Vides homines iniucundos flebilem tristemq; chorum efficientes. At uero ut ipsis sese quodammodo iactitant calamitatibus? Ut in se ipsis naturam ostentāt deturpatam? Ut varios adeuntibus se tanquam præstigiatores quidam morbos demonstrant. Poetæ carminum luctuosorum, tristium narrationum inuentores, grauium illarum modulatores cationum, auctores nouæ istius miseræq; Tragediæ, in qua non ex alienis, sed ex propriis calamitatibus exempla sumunt ad permouendos animos, atque ita sibi audiētiā faciunt. O quæ figuræ, bone Deus, quæ narrationes, quid ipsos dicentes audimus? Quo modo ab illis, qui ipsos procrearunt, nulla sua culpa reiecti sunt. Quo modo expellūtur è ciuitatibus. Quo modo ex colloquiis communibus, ex publicis festisq; congressibus extruduntur, tanquam homicidæ, tanquam parricidæ exilio perpetuo mulctati, immo quàm illi longe infeliciores. Si quidem homicidis solum uertentibus licet alibi cum hominibus uiuere. At isti omnium soli tanquam communes declarati hostes undique exturban-



rur ut canes. Quid? quòd eodem lecto, eadem  
 mensa, eodem uasorum usu iudicantur indigni?  
 Quid? quòd, quasi hæc satis graui non sint, ar-  
 centur à fontibus; qui reliquis hominibus sunt  
 còmunēs? Ipsa quinetiam flumina creduntur  
 ipsoꝝ ægritudine coinquinari. Si lingua cruen-  
 ta canis aquam lamberit, non eam iccirco res-  
 puunt homines. At si ad illam æger accesserit,  
 continuo propter hominē ipsa quoque aqua de-  
 testabilis prædicatur. Hæc enarrant. Hæc de-  
 plorāt. Ob hæc necessario se ad hominū pedes abi-  
 ciunt miseri, & omnibus occurrētibus suppli-  
 cāt. Sæpe tristi spectaculo illacrymaui. Sæpe de  
 natura cōquestus sum. Et ea me recordatio me-  
 moriaq; nūc etiā mouet atque perturbat. Vidi  
 ægritudinem miserandam. Vidi spectaculum  
 plenum lacrymarū iuxta uias celebres, & à præ-  
 tereuntibus frequentatas iacent homines mor-  
 tui, immo ne homines quidem, sed infelices ho-  
 minum reliquiæ, signis & indiciis aliquibus indi-  
 gentes, ut, se homines esse, fidem faciāt. Neque  
 enim ex naturæ notis quidquam est reliquum,  
 ut agnosci possint. Hi soli ex omnibus se ipsos  
 oderunt. soli diem suum natalē execrātur. ac iu-  
 re quidem detestantur illum diem, qui talis uitæ  
 principium fuit. Homines qui se communi ap-  
 pellatione nominare erubescunt, ne ex ipsa no-  
 minis communione naturam cōmunem dede-  
 corent. Semper in miseriis uitam degunt. Per-  
 petuam luctus materiā habent. Quandiu enim

DE  
 ipsos aspice  
 nem. Dul  
 corporis par  
 illas, quæ  
 a quæ n  
 adum ne m  
 acernant, a  
 uidendi fac  
 alide se nar  
 narbo erepra  
 aplicare. Qu  
 ello quidem  
 i propter ori  
 uendi pote  
 monum fi  
 conditio etiā  
 in mendi  
 Vi reuquo  
 m depalene  
 ma gntur uag  
 animalia rati  
 rentes. Occ  
 randaq; ciba  
 applicationis  
 ne. Propte  
 gent, à quib  
 se uicissim c  
 tur memb  
 ni per se sine  
 que fulciant



se ipsos aspiciunt, tandiu lugendi habent occasi-  
 onem. Dubitant autem quas magis deplorent  
 corporis partes, eas ne, quæ nō adfunt amplius,  
 an illas, quæ supersunt. Quas morbus absum-  
 pfit, an quæ morbo relictæ sunt absumendæ. Do-  
 lendum ne magis sit, quod in se ipsis eas mise-  
 rias cernant, an quod eas, adempta etiam à mor-  
 bo uidendi facultate, intueri non possint. Quod  
 talia de se narrare queant, an quod sibi ab ipso  
 morbo erepta etiam uoce ne illa quidem ualeant  
 explicare. Quod tali uescantur cibo, an quod  
 ne illo quidem commode uesci possint, impedi-  
 ta propter oris corruptas à morbo particu-  
 las edendi potestate. Quod sentiendo, ea, quæ  
 mortuorum sunt propria, perpetiantur, an  
 quod ipsis etiā sensibus spoliati sint. Vbi enim  
 illis aut uidendi, aut odorandi, aut tangendi uis?  
 Vbi reliquorum sensuum sedes, quas paula-  
 tim depascente morbo caries arrodit? Per o-  
 mnia igitur uagantur loca, ad uberiores pasto-  
 res, ut animalia rationis expertia, identidem se trās-  
 ferentes. Occasionem ad negotiandum com-  
 parandāq; cibaria circumferunt calamitatem. &  
 supplicationis loco morbum omnibus osten-  
 dunt. Propter ægritudinem autem ministris  
 egent, à quibus manu ducantur. sed ob inopiā  
 sese uicissim confirmant. Sic enim alter alterius  
 utitur membris pro iis, quæ sibi desunt, ut,  
 qui per se singuli sunt imbecilli, mutua illa acces-  
 sione fulciantur. Itaque in hominū cōspectum



figillatim non ueniunt, sed (adeo egestas etiā ad parandum uictum ingeniosos & solertes facit) uniuerſi atque inter ſe congregati conſpici uolunt. Inde fit, ut, cum ſinguli miſerabiles ſint, hominibus ita coniuncti magis miſerandi coadiuuandiq; uideātur. Aliquid enim quiſque in cōmune confert, & alius ex alia calamitate miſericordiam cōparat. Hic prætēdit mutilatas manus. Ille tumidū uentrem oſtendit. alius dilaniatam faciem. Crus aut brachium putreſcens alius. Qua denique quiſque ægrotat corporis parte, eam denudat, & ſuam miſeriam oſtentat. Quid ergo faciendum eſt nobis, ut nihil in naturæ legē peccaſſe uideamur? ſatis'ne ſit, eorū affectiones deplorare, & oratione morbū extollere, atque ipſa commemoratione commoueri? an neceſſe eſt, ut factō etiā aliquo miſericordiam & beneuolentiam erga illos noſtram declaremus? Sic eſt profeſto. Nam quæ proportio eſt inter res ueras & adumbratas picturas, eandem obtinent uerba, ſi ab operibus ſeiungantur. Non enim in uerbis ſalutem conſiſtere dicit Dominus, ſed in ſalutis operibus faciendis. Quamobrem, quod nobis ipſorum cauſa mandatum eſt, id, oportet, ut ipſimet exequamur. Neque enim illud omnino quiſpiam dicat, eſſe ſatis, ſi procul à nobis in extremam aliquam noſtræ regionis partem, tanquam in coloniam deductis alimenta ſuppeditentur. Ea nanque ſententia nullam ueræ clementiæ & cōmiſerationis ſigni-

Matth. 7.  
Luc. 6.g.



ficationem habet, sed sub ea misericordiæ spe-  
 cie illud consilium latet, ut homines è uita no-  
 stra prorsus exterminentur. Deinde nostræ nos  
 uiuendi consuetudinis non pudet? qui fues, &  
 canes contubernales habeamus, adeo, ut ne suo  
 quidem lectulo uenator catulum arceat, & agri-  
 cola uitulum exosculetur, & propriis manibus  
 uiator asini pedes lauet, & curandis uulneribus  
 medicas manus adhibeat, stercusq; auferat, &  
 cubile substernat, eos autem, qui generis neces-  
 situdine nobis coniuncti sunt, ipsis etiam ratio-  
 nis expertibus animalibus postponamus? Ne  
 fiant hæc, quæso, ne fiant, o fratres. Ea senten-  
 tia aduersus homines rata ne habeatur. Operæ-  
 pretium est meminisse, qui simus, de quibus  
 consilium capiamus. Nempe de hominibus ho-  
 mines, qui nihil propriū, & à natura communi  
 seiunctum possidemus. Vnus omnibus in hanc  
 uitam introitus, idem omnibus uitæ modus. Ea-  
 dendi, bibendi, uiuendi similis ratio. eadem cor-  
 porum constructio. idem è uita exitus. Omnia  
 enim composita dissoluuntur, & ad interitum  
 ueniunt. Nihil eorum, quæ mixta concretaq;  
 sunt, semper eodem statu manet. Exiguū ad  
 tempus bullarum instar spiritui nostro circūcie-  
 ctum est corpus. Mox autem extinguimur, nul-  
 lo huius tumoris in uita relicto uestigio, in co-  
 lumnis, & lapidibus, & titulis monumenta, ac  
 ne illa quidem sempiterna. Hæc tecum ipse re-  
 putans noli altum sapere, ut scribit Apostolus, *Rom. II. c.*



sed, quod incertum est, time. Ne in te ipsum  
 statuas salutis legem. Aegrotantem ne fugis?  
 Dic, amabo, ecquid prætexas id facis? An quia  
 in illo corruptus est humor, & putridus quidā  
 succus, atra bile cum ipso humore confusa, san-  
 guinem infecit? Has enim causas medici, cum  
 de morbis differunt, afferre solent. Quodnam  
 igitur est hominis crimen, si naturæ materia mo-  
 bilis & incōstans ad illud ægritudinis genus de-  
 fluxit? Tu uero non cernis in ipsis etiam ualen-  
 tium corporibus sæpe contingere, ut qui cætera  
 sanus est, inflammatione, aut carbunculo, aut  
 eiusmodi aliquo morbo corripitur, incensa, su-  
 pra quàm opus sit, materia humida, & iccirco  
 in tumorem, & ruborem, & putridam saniem  
 cōuersa? Quādo igitur sic affecti sumus, eam ne  
 carnis partem ægrotantem auersamur, an cōtra  
 potius reliquas corporis partes sanas omnes ad  
 illius laborantis curationem conuertimus? Non  
 igitur eā ob causam homines despiciamus, quod  
 morbus detestabilis uideatur. Alioquin in no-  
 bis etiam ipsis ab ea parte curanda, quæ morbo  
 affecta est, sanæ partes abhorrent. Quid ergo  
 nos ab illis disiungit? quid tandem est? illud pro-  
 fecto, quod non timemus minas illius, qui di-  
 cit: *Disceditis à me in ignem æternum: quate-*  
*nus enim uni ex his non fecistis, nec mihi feci-*  
*stis. Qui enim hæc ita habere arbitrarētur, nun-*  
*quam adduci in eam sententiā possent, ut ægro-*  
*tantes à se repellerent, nec studium, quod in ca-*  
*lamitosos*

Matth. 25.  
d.



laniatosos impenderetur, uitæ nostræ contagiū  
 existimarent. Quamobrem si fidelem eum, qui  
 promisit, arbitramur, Mandatis illius, sine qui-  
 bus digni promissis eius esse non possumus, ob-  
 temperemus. Nudus, indigens cibo, infirmus,  
 in carcere clausus, & omnia, quæ commemo-  
 rantur in Euangelio, in hoc misero tibi propo-  
 sita sunt. Vagus oberrat & nudus, infirmus, &  
 propter inopiam, quæ morbum ipsum conse-  
 quitur, rerum egens necessariorum, Qui enim  
 nec domi habet, unde alatur, nec aliunde labore  
 potest questum facere, huic utique desunt ea,  
 quæ uitæ usus requirit. Vincitur autem propte-  
 rea est, quoniam morbi uinculis constringitur.  
 Itaque Mandatorum omnium summam in hoc  
 expletam habes, & ipsum omnium Dominum  
 ob ea, quæ benigne ipsi præstiteris, obstrictum  
 & obligatum. Cur igitur in tuæ uitæ perniciem  
 niteris? Qui enim rerum omnium Dominum  
 amicum habere non uult; is sibi ipse grauis est  
 inimicus. Quemadmodum autem Mandati ob-  
 seruantia conciliatur, sic ab alienatur crudelita-  
 te. Tollite (inquit) iugum meum super uos. *Matth. 23.*  
 Mandatorum obseruantiam iugum appellat.  
 Iubēti pareamus. Efficiamur iumentū CHRI-  
 STI induentes uincula charitatis. Tale iugū  
 ne detrectemus, ne excutiamus. suaue est, leue  
 est. Subeuntis ceruicem non atterit, sed demul-  
 cet. seminemus in benedictione (inquit Apo- *2. Cor. 2. 6*  
 stolus) ut etiam in benedictionibus metamus.



Multiplex spica ex tali semente pullulabit. Ampla est Domini Mandatorum seges. sublimes benedictionis stirpes. Vis intelligere, in quam altitudinem extollatur harum stirpium incrementum? ipsos coeli uertices attingunt. Quidquid enim in hos contuleris, in coeli thesauris conditum inuenies. Ne diffidas iis, quæ dicta sunt, neue horum amicitiam contemnendam putes. Manus quidem ipsorum sunt mutilatæ, sed ad ferendum auxiliū non imbecillæ. Pedes inutiles effecti sunt, sed currere ad Dominum non prohibentur. Effluxit lux oculorum, sed animo cernunt illa bona, quæ oculorum acies intueri non potest. Quamobrem corporis deformitatem ne despicias. Parūper expecta, & quod superet omnis miraculi fidem, intueberis. Non enim quæcunque materiæ fluxæ contingunt, eadem in perpetuum manent: sed quando anima huius caduci terreniq; carceris nexu soluta est, tunc propria splendet pulchritudine. Hoc autem uel inde coniicito, quod post hanc uitam non despexit pauperis manum uoluptarius ille diues, qui etiam optauit, ut, qui olim corruptus erat pauperis digitus, sibi aquæ guttā ministraret, cupiens ipsa lingua stillantem ipsius digitum circumlambere, id neutiquam desideraturus, si ex corpore prouenientē tristem illam turpitudinem in animæ quoque forma conspexisset. Quam multa in ea uitæ commutatione uerisimile est, diuitem recantasse? Quam multis

loc. 16.



nominibus beatū existimasse pauperem illum  
 propter angustias, quibus oppressus fuerat in  
 hac uita? Quot modis fortunā suam, cui in per-  
 niciem animæ diuitiæ datæ fuerant, inculasse?  
 Quod si reuiuiscere licuisset, quidnam data op-  
 tione fuisse creditis electurum? in eorum ne esse  
 numero, qui in hac uita beati cēsentur, an in eo-  
 rum potius, qui miseri iudicantur? Non est du-  
 bium, quin infeliciū conditionem fuerit acce-  
 pturus. orat enim, ut ad fratres nuntius ex mor-  
 tuis mittatur aliquis, ne ipsi quoque diuitiarum  
 splendore elati ac tumidi, & propter lubricum  
 uoluptatis prolapsi, in eundem Inferni hiatum  
 atque uoraginē detrudātur. Cur igitur eiusmodi  
 exemplis admoniti nōdum resipiscimus? cur  
 præclarum illud negociationis genus (ut consu-  
 lit Apostolus) nō exercemus? Vestra (inquit) 1. Cor. 8. 6.  
 copia eorum inopiam sustentet, ut eorū opes in  
 ea, quæ post secutura est, uita, uobis ad salutem  
 opitulentur. Si quid igitur benignitatis perci-  
 pere uolumus, bene merendo anteuertamus. Si  
 posthac refici, eos in præsentia recreemus. Si Luc. 16. 6.  
 ab illis in æternā recipi tabernacula, nunc eos in  
 nostra recipiamus. Si peccatorum nostrorum  
 uulnera curari, illorum corporum plagis  
 idem præstemus. Beati enim misericordes, Matth. 5. 4.  
 quoniam ipsi misericordiam consequentur. At  
 aliquis fortasse dicer, utile quidem in posterum  
 esse mandatum, sed hoc tempore sibi adhi-  
 bendam esse cautionem, ne eiusdem morbi cō-



ragione contaminetur. Atque ita ne temerita-  
 tis poenas det, & aliquid eorum, quæ nollet, per-  
 periat, sibi eorum, congressum ac consue-  
 tudinem uitandam putat. Nugæ sunt hæc, &  
 excusationes fictæ, ac commentitiæ, quibus ue-  
 luti quibusdam integumentis, inertia ad confi-  
 cienda Mandata Dei protegitur. Non autem  
 ita se res habet. Nullus enim in exequendo Man-  
 danto timor inest. Nemo malo malum curet.  
 Quot enim homines licet uidere, qui iam inde à  
 pueritia ad ipsam usque senectutem suam in eius-  
 modi curatione operam collocarunt, neque ta-  
 men ob id studium bona ipsorum habitudo cor-  
 porum naturalis est ullo modo facta deterior?  
 Neque uero ulla probabili ratione id fieri po-  
 test. Cæterum quoniam aliquando faciunt quæ-  
 dam morborum genera, ut pestilentia, & alia  
 eiusmodi, quæ ex causis externis pendent, quæ  
 uidelicet aere aquaue corrupta generantur: hæc  
 autem tanquam ab illis, qui prius correpti sunt,  
 eos, qui appropinquant, inuadant atque coin-  
 quinent, multis suspecta sunt: quanquam meo  
 quidem iudicio neque affectio illa ex successio-  
 ne sanis morbum dispertitur, sed communis pe-  
 stilentia faciitiam morbi similitudinem affert:  
 Quando igitur eiusmodi contagiones grassan-  
 tur, ualeat excusatio, quod morbus ex eo la-  
 borantibus ad alios serpat. At hic quoniam af-  
 fectionis uis intus contrahitur & consistit, & ex  
 tabificorum humorum permixtione quodam-



modo sanguis corrumpitur, in ægrotante so-  
lum hareret & circumscribitur affectio. Hoc au-  
tem sic habere, illud indicium sit. Qui morbo  
laborant, aliquid ne melioris habitudinis ac-  
quirunt ex consuetudine & familiaritate eo-  
rum, qui comoda fruuntur ualitudine, quan-  
uis curentur ab eis diligentissime? Nihil omni-  
no. Sic igitur è contrario fieri par est, ut nihil  
ex ægrotantibus ad recte ualentes incommo-  
di perueniat. Quare, cum tanta Mandati uti-  
litas sit, ut inde regnum cœlorum compare-  
tur, in eo autem exercendo nullum periculum,  
ut corpus detrimenti quicquam accipiat, quid  
impedimento est, quominus ipsum Charita-  
tis mandatum excolatur? Difficile, & magni  
laboris est (inquies) ut homines ad hæc, à qui-  
bus naturaliter & inductione quadam animi ab-  
horrent, amplectenda pertrahantur. belle. ra-  
tionem admitto, & laboriosum esse confiteor.  
Verum quid nam eorum, quæ ex uirtute per-  
ficiuntur, à labore uacuum ostendes? Sudores  
& labores multos rerum cœlestium spei  
Lex diuina proposuit, arduamq; ad uitam du-  
centem uiam hominibus demonstrauit, eamq;  
laboriosissimis ac difficillimis quibusque do-  
cumentis peranguste referciens undique coar-  
ctauit. Angusta enim est porta, & arcta (in-  
quid) est uia, quæ ducit ad uitam. Quid ergo?  
illamne summi boni spem iccirco contemne-  
mus, quòd ad illud ignauis & inertibus aspira-

Matth. 7.

c.



re non licet? Interrogemus adolescentes, utrū laboriosius sit, sobrie, caste, continenter uiuere, an relaxare habenas cupiditati, & solute ac libere conquisitis undique uoluptatibus frui, & hæc an illa uiuendi ratio suauior, & magis optanda uideatur. Quid ipsi sint responsuri, nemini dubiū est. Nos ergo propterea id, quod iucundum & facile est, complectemur, à uirtute autem, quòd difficilis laboriosaq; sit, per ignauiam deficiemus? Atqui illi, qui uitæ leges tulit, ista non probantur. Proinde spatiofa illa deorsum ad perniciem tendente nobis interdicta uia, intrate (inquit) per angustam & arctam portam. Vnum igitur ex illis institutis, quæ recte per laborem exercentur, & hoc existimemus, ut reiectum è uita atque exoletum mandatum in consuetudinem inducamus, & naturalem offensionem, atque fastidium animi, quo ab illo abhorremus, exercitationis assiduitate leniamus, & emendemus. Magna est consuetudinis uis, & rebus etiam difficilioribus solet uoluptatem quandam aspergere. Quamobrem ne quis amplius mandatum esse difficile ac laboriosum obiiciat: sed potius omnes utile ac fructuosum illud recte obeuntibus fateantur. Et quoniam apparet lucri magnitudo, labor omnis alacriter suscipiatur. Nam quod principio molestum & arduum uidetur, id ipsa dies & consuetudo facile ac iucundum efficiet. Iam uero si iis, quæ dicta sunt,



uolumus aliquid adiungere, misericordiam erga calamitosos in hac item uita frugiferam esse reperiemus. Nemo est enim, qui sapiat, quin tanquam egregium præmium ante reconditum putet id, quod in alterius calamitatibus humaniter & benigne confertur. Quoniam enim humana omnia moderatur una eademq; natura; & sibi perpetuo prosperas & secundas res fore, certum est nemini; in omni uita Euangelicum illud præceptum expedit meminisse, ut, quæ uolumus, ut faciant nobis homines, eadem faciamus. Quandiu ergo feliciter nauigas, illi manum porrigito, qui naufragium fecit. commune est mare. tempestas communis. communis fluctuum perturbatio. saxa sub undis latentia, syrtes, scopuli, & omnia denique huius uitæ navigationis incommoda parem cum ceteris nauigantibus metum iniiciunt. Dum integer es, dum uitæ pelagus tuto pertransis, ne inhumane prætereas eum, qui prius nauem illisit. Quis tibi sponfor, ut felicem nauigationem perpetuo sis habiturus? Nondum in portum quietis appulisti. Nondum extra fluctuum periculum es constitutus. Tibi nondum in loco tuto constitit uita. Adhuc in uitæ pelago iactaris obnoxius tempestati. Qualem te calamitoso præstiteris, tales ergate eos, qui simul nauigant, experieris. Omnes igitur in quietis portum secundo Sæcti Spiritus afflatu prouecti contendamus. Adsit diligens mandatorum exer-

Matth. 7.



GREG. NYSS. PONT.  
citatio, & gubernaculum Charitatis. Quibus  
adiuti tandem Promissionis Terram assequa-  
mur, in qua sita est magna illa ciuitas, cuius ar-  
chitectus & ædificator est CHRISTVS  
Deus noster, cui gloria in æternum. Amen.

EX LIBRO BEATI HIE-  
RONYMI DE SCRIPTORI-  
BUS ECCLESIASTICIS.



REGORIVS prius Sasimorum, de-  
inde Nazanzenus episcopus, uir elo-  
quentissimus, præceptor meus, à quo  
scripturas explanante didici, ad trigin-  
ta millia uersuum omnia opera sua  
composuit, è quibus illa sunt: de morte fratris Cesarij,  
περί Φιλοπρωχίας, laudes Machabæorum, laudes  
Cypriani, laudes Athanasij, laudes Maximi philosophi,  
post exilium reuersi, quem falso nomine quidam Hero-  
nis inscripserunt, quia est & alius liber, uituperatio-  
nem eiusdem Maximi continens, quasi non licuerit eun-  
dem & laudare, & uituperare pro tempore, & liber  
hexametro uersu uirginitatis & nuptiarum contra se  
differentium, aduersus Eunomium liber unus, de spiri-  
tu sancto liber unus, contra Iulianum Imperatorem li-  
ber unus, secutus est autem Polemonem dicendi chara-  
ctere, uinoq; se episcopum in loco suo ordinans, ruri uir-  
tam monachi exercuit, decessitq; ante hoc ferme trien-  
nium, sub Theodosio principe.




157  
D. GREGORII NAZANZENI

THEOLOGI DE PAUPERIBVS

AMANDIS ET BENIGNITAS

TE COMPLECTENDIS

ORATIO.



IRI fratres, quiq;  
in eadem mecum ege  
stare uersamini (licet  
enim alius alium ha  
bēdo superare uidea  
mur, dum nos exi  
guis modulis meti  
mur; pauperestamē  
sumus omnes, & di

uinæ gratiæ indigemus) hunc de subleuandis be  
neuolentiāq; prosequendis pauperibus sermo  
nem non angustis, sed benignis animis suscipi  
te, ut regni cœlorum diuitias consequamini;  
Deumq; simul orate, ut dicenti mihi adsit, ora  
tionisq; copiam præbeat, qua ueluti diuino illo  
cibo è cœlo demisso, aut paucis illis panibus,  
ego quoque, ut Moses olim, & IESVS po  
stea, uerus panis, uerāq; uitæ auctor, tot homi  
num millia ad satietatem usque pauerunt in soli  
tudine, animos uestros alere saturareq; possim,  
atque ita spiritalem esurientibus panem frange-

Exod 16. c.  
Mar. 8. b.  
Io. 6. b.



D. GREGORII NAZAN.

re ac subministrare. Certe quemadmodum in prato multis & odoratis floribus referto haud facile est, pulcherrimum omnium, & fragrantissimum inuenire, unoquoque tum odore, tum pulchritudine trahente spectantium oculos, sequi, ut primum carpant, inuitante: sic inter uirtutes difficile est, cui tanquam præcellenti palmatri buenda sit, sententiam ferre. Quamobrem, ut id inuestigemus, ita considerandum censeo.

Gen. 15. b.  
Rom. 4. a.  
Gen. 4. d.

Præclaræ sunt hæ tres uirtutes, fides, spes, charitas: ac fidei quidem testis est Abraham iustificatus ex fide: spei autem Enos, qui primus ad inuocandum dominum adductus est spe, cum etiam iusti, qui propter spem res aduersas per-

Rom. 9. a.

perpsi sunt: charitatis uero Diuus Apostolus, qui propter Israelem ausus est aliquid etiam contra se loqui, & Deus ipse, qui charitas uo-

Io. 4. c.  
Gen. 19.

catur. Præclara uirtus est hospitalitas, declaraturque id ut ex iustis Lotincola quidem Sodomæ, sed à Sodomorum moribus alienissimus: sic ex

Ios. 2. a.

peccatoribus Raab meretrix, nec tamen meretrix proposito, quippe quæ laudem & salutem est assecuta propter hospitalitatem. Præclara

Matt. 12. d.

uirtus est mutua inter fratres beneuolentia. testimonio sit ipse IESVS, qui non modo fratrem se nostrum uocari non recusauit, sed mortem ipsam pro nobis subire uoluit. Præclara

Gen. 1. c.

uirtus est humanitas, quod facile ostendit idem IESVS, qui non solum hominem fecit, ut bene beateque uiueret, eamque pulueri imagi-



nem adiunxit, quæ ipsum ad honestissima quæ-  
 que perduceret, rebusq; diuinis conciliaret, ue-  
 rum etiã pro nobis ipse factus est homo. Præ-  
 clara uirtus est lenitas animi, ut idem IESVS  
 ostendit, cum nec legiones Angelorum popo-  
 scit aduersus eos, à quibus oppugnabatur op-  
 primebaturq; ; & Petrum, qui gladium eduxif-  
 set, increpuit, atque auriculam ei, cui abscissa  
 fuerat, restituit: utq; testatus est postea Christi  
 discipulus Stephanus, dum pro iis, à quibus la-  
 pidibus obruebatur, precaretur. Præclara uir-  
 tus est mansuetudo, cuius sane rei locupletissi-  
 mi testes sunt Moses, & Dauid, eorumq; magi-  
 ster non contendens, neque clamans, neque in  
 plateis uocem emittens, neque resistēs iis, à qui-  
 bus ducebatur. Præclara uirtus est zelus. testa-  
 tur id Phinees, qui Madianitem cum Israelita  
 confodit, ut dedecus à filiis Israel remoueret;  
 quo sane facto gloriam etiam adeptus est: et qui  
 post illum dixerunt, Zelans zelaui Deo Domi-  
 no omnipotenti: &, Zelo enim uos Dei zelo:  
 &, Zelus domus tuæ comedit me: quiq; non so-  
 lum ita locuti sunt, sed rebus ipsis uerba confir-  
 marunt. Præclara uirtus est corporis afflictio.  
 persuadeat id tibi cum Paulus se ipsum adhuc e-  
 rudians, & Israelis exemplo terrorem incutiens  
 iis, qui sibi fidunt, & corpori indulgent: tum ip-  
 se IESVS, dum ieiunat, dum tentatur, tenta-  
 toremq; superat. Præclara uirtus est precatio  
 & uigilia. persuadeat id tibi IESVS, qui an-

Matth. 1.

Matth. 26.

e.

Luc. 22. f.

Act. 7. 6.

Num. 12. 4.

Reg. 1. et. 2.

Matth. 12. b.

Num. 25. d.

3. Reg. 19. b.

2. Cor. 11. a.

Psal. 68. b.

1. Cor. 9. d.

Rom. 11.

Matth. 4.

Matth. 26. d.



D. GREGORII NAZAN.

1. Cor. 7.  
Luc. 2. 4.

2. Reg. 23.  
6.

3. Reg. 18.  
Luc. 3.  
Luc. 6. b.

3. Reg. 17.  
Matth. 3. a

Matth. 27.

Io. 13. 4.

Luc. 19.  
Matth. 19.  
e.

re cruciatus et mortem uigiliæ precationiq; incu-  
buit. Præclara uirtus est castitas & uirginitas:  
persuadeat id tibi Paulus, qui de his leges tulit,  
æquaq; tum coniugio, tum cœlibatui præmia  
constituit, I E S V S etiam ipse natus ex Vir-  
gine, ut et legitimam liberorum procreationem  
commendaret, & ei tamen uirginitatem antefere-  
ret. Præclara uirtus est temperantia: persuadeat  
id tibi Dauid, qui potitus aqua ex puteo Bethle-  
hem, eam non bibit, sed libauit tantummodo,  
nec cupiditatem suam explere uoluit re alieno  
capitis periculo comparata. Præclara est solitu-  
do, & quies, quod docet Carmelus Eliæ, Ioan-  
nis solitudo, mons I E S V, super quem sæ-  
pe secessisse eum constat, atque ita secum tran-  
quille uersatum esse. Præclara uirtus est frugali-  
tas, ut docet Elias quiescens apud uiduam, Ioan-  
nes tectus Cameli pilis, Petrus denarioli lupinis  
enutritus. Præclara uirtus est animi summissio:  
cuius rei cū multa undique exempla se offerant,  
in primis excellit illud seruatoris & domini, qui  
ita sese summisit abiecitq; ut serui persona susce-  
pta non modo se contumeliose conspui, atque  
inter facinorosos enumerari sustinuerit ipse mū-  
di peccatorum expulsor; uerum etiam in figura  
habituq; seruili discipulorum pedes abluerit.  
Præclara uirtus est inopia & contemptus pecu-  
niarum, ut Zacchæus, & ipse CHRISTVS  
testatur, dum ille quidē ad ingressum CHRI-  
STI omnia ferè distribuit; hic autem in eare



perfectam uiuendi rationem cōsistere, diuitem docet. Atque ut breuius adhuc hęc omnia complectar, præclara est illa uitæ ratio, quæ in contemplatione, præclara etiam illa, quæ in actione uersatur. altera nos à terrenis ad sublimia erigit, & in sancta sanctorum ingrediens mentem nostram reducit ad id, cui necessitudine quadā coninncta est: altera **CHRISTVM** suscipit; eiq; inserviēs factis ipsis amoris magnitudinem indicat. Harum uirtutum singulæ sunt singulæ ueluti uiæ, quæ ducunt nos ad aliquam feliciū illarum sedium & sempiternarum. Quemadmodum enim sunt uariæ uiuendi rationes, ita multæ sunt apud Deum sedes pro sua cuique dignitate distributæ & assignatæ. Proinde unus quidem hanc uirtutem exerceat, alius illam, hic plures, ille omnes, si fieri potest; modo progrediatur, ad idq; , quod est ante, contendat, et pro uiribus sequatur egregium itineris ducem, qui per uiæ, portæq; angustias ad beatitudinis planitiē perducit. Quod si ex Pauli atq; adeo ipsius **CHRISTI** sententia omnium mandatorum primū & maximum Charitatem, ut summam legis & prophetarum, oportet existimare; in ea nihil præstantius inuenio, quàm pauperes nobisq; coniunctos beneuolentia, liberalitate, misericordiaq; complecti. Nulla enim re perinde conciliatur, deuinciturq; Deus, atque misericordia: ea nanque nihil eius naturæ magis coniunctum aut proprium est, si quidem ante ipsum misericor-

Matth. 7. 6

Matth. 22.

Ro 13. 6.

Psal. 88. 6.



D. GREGORII NAZAN.

Rom. 12. c.

dia & ueritas ita præcedunt, ut iudicio tamen misericordia præferatur. nec ulla re magis quam benignitate benignitas rependitur ab eo, qui iuste remuneratur, quiq; in lance statera; ponit misericordiam. Cæterum cum omnibus pauperibus & in miseria, & calamitate quacunque de causa constitutis patefaciendæ sunt misericordiæ fores; ut illi præcepto, quod gaudere cum gaudentibus, & flere cum flentibus iubet, obtemperemus, cumq; homines simus, humanitatis & beneficentiæ signa debemus erga homines exhibere, siue in egestate positi sint, quod aut cōiuges, aut parentes amiserint, aut procul absint à patria, siue propter dominorum crudelitatem, siue propter audaciam principū, Quæstorum uel inhumanitatem, aut sicariorum cædem, aut furum improbitatem, siue propter proscriptionem, aut naufragium: isti enim omnes commiseratione sunt digni, atque ita manus nostras attendunt, quemadmodum nos Dei manus respicimus, cum indigemus. Magis tamen ad misericordiam mouere nos debent, qui insolitis calamitatibus affecti sunt, quàm illi, qui in uulgatis quotidianisq; miseriis uersantur. Maxime autem omnium miserandi sunt, quos facer morbus ita corripuit, ut ad carnem usque, et ossa, atque medullas, ut de quibusdam est execratio, consumpti corrosiq; sunt, et ab isto abiecto infidoq; corpore proditi. Cui sane corpori quo modo coniunctus sim, ut ex luto compactus Dei



imaginem gestem, ignoro. Hoc me, si bene ha-  
 bet, impugnat: excruciat, si male. Hoc & tan-  
 quam conseruum diligo, & auersor ut inimicū.  
 Hoc & tanquam uinculum fugio, & reuereor  
 ut cohæredem. Hoc conficere studeo: at si con-  
 fecero, cuius opera ad res præclarissimas utar,  
 non habebō. Quare quoniam scio, ad eum fi-  
 nem, ad quem genitus sum, ad Deumq; mihi  
 per opera ascendendum, ei ueluti collegæ adiu-  
 toriq; ignosco; sed quo modo impetum eius de-  
 clinem, aut à Deo nō excidam, compedibus de-  
 trahentibus, humiq; me affligentibus non inue-  
 nio. Est inimicus iucundus, & amicus infidio-  
 sus. Proh coniunctionem alienissimam. Quod  
 timeo, complector: & quod amo, idem metuo.  
 concilior, antequam pugnem: & priusquam  
 pacem faciam, inimicitias gero. Quænam me sa-  
 pientia et magnum arcanum circumfilit? an eo  
 consilio hoc factum est, ut nos, qui diuinitatis  
 participes sumus, è cœloq; originem ducimus,  
 ne propter dignitatem inflati elatiq; creatorē de-  
 spiciamus, sed ipsius opē in lucta belloq;, quod  
 cum corpore gerimus, imploremus, imbecilli-  
 tatemq; nostram ueluti magistrā ac ducem ha-  
 beamus, quæ nos officii, conditionisq; nostræ  
 commonefaciat: ut nos, prout ad alterutram  
 partem inclinauerimus, ita maximos, uel abie-  
 ctissimos; cœlestes, aut terrenos; temporarios,  
 aut immortales; lucis aut ignis, tenebrarumue  
 fore hæredes intelligamus? hoc sane modo &



D. GREGORII NAZAN.

has ob causas, meo quidem iudicio, compati sumus, ut, quando propter imaginis formæq; præstantiam efferimur, luti, materiæq; humilitate deprimamur. In his igitur, qui uolunt, philosophentur; nos item opportunius aliàs philosophabimur. Nunc autem quanquam aliena calamitate commotum dicendi me impetustulit, ut propriæ carnis miseriam imbecillitatemq; dolerem; tamen sic statuo, fratres, ut id, quod tanto nobis necessitudinis, eiusdemq; seruitutis uinculo coniunctum est, seruemus. licet enim affectione permotus in illud tanquã in hostem inuectus sim, ipsum tamen amore illius, qui coniunctionem eiusmodi fabricatus est, diligo, completoq;, nec minori curæ nobis esse debere existimo corpora proximorũ, quàm cuique sit suũ, siue ea ualeant, siue ab ipso morbo cõficiantur. Si quidem unum sumus omnes in Domino, siue opulenti, siue pauperes, siue serui, siue liberi, siue ualenti corpore, siue ægrotanti simus: & unum omniũ caput, & ex quo omnia **CHRISTVS**; & quam proportionem habent inter se corporis membra, eandẽ inter nos habemus tũ singuli, tũ uniuersi. Quamobrẽ non sunt despicienda, negligendaue corpora eorum, quos communis infirmitas prius inuasit. Neque maior nobis lætitia ex commoda nostra, quam ex incommoda fratrum ualitudine molestia percipienda est. Præsertim cum humanitas, quam illis præstamus, unicum nobis ualitudinis nostrorum

Ro. 12.

Col. 1. c.



strorum tum corporum, tum animorum præ-  
 fidium sit. Sed consideremus, quæso, quo mo-  
 do, qui sacro morbo laborant, præ omnibus  
 sunt miserandi. Alii nanque unaduntaxat, qua  
 premuntur, subleuandi sunt egestate, qua ta-  
 men eos aut ipsa dies, aut industria, aut amico-  
 rum propinquorumq; benignitas, aut rerum ui-  
 cissitudo fortasse liberabit. Hos autem cum ea-  
 dem, atque haud scio an maior etiã inopia pre-  
 mat, cum nulla sibi ipsi industria opitulari que-  
 ant, quippe qui una cum rebus necessariis car-  
 nes etiam amiserint, magisq; quotidie ingraue-  
 scentis morbi formidine, quam ulla conualescē-  
 di spe teneantur; ut ne commune quidem infe-  
 licium solatium, spes, ullam ipsis miseriæ leua-  
 tionem afferat: inopiæ præterea morbus con-  
 iunctus est, & is morbus, qui omnium maxime  
 est detestandus, cunctorumq; execrationibus  
 in primis expositus, ut postrema illa eorum mi-  
 seriæ calamitas accedat, quæ magis etiam, quam  
 morbus ipse eos excruciat, cum animaduer-  
 tunt congressum aspectumq; suum à pluribus  
 euitari, seq; nulla alia de causa auerti, declina-  
 riq;, & inuisos esse, nisi quòd sunt calamitosi.  
 Equidem cum eorum miseriæ intuitu lacrymis  
 temperare, tum recordatione non possum non  
 comoueri. Eadem uos item miseratione com-  
 mouemini, fratres, ut lacrymis lacrymas effu-  
 giatis. Quod tamen euenire scio præsentibus  
 iis, qui & CHRISTI, & pauperum cupi-



di amantesq; sunt; quiq; & Dei, & à Deo mise-  
 ricordiam habent, eiusq; rei nos testes sumus.  
 Proponitur ante oculos nostros spectaculum  
 graue & miserandum, omnibus qui ipsum non  
 uiderint, incredibile; homines mortui, qui ui-  
 uunt, cum plurimæ illis corporis partes sint am-  
 putatæ; neque quinā olim fuerint, neque unde  
 sint, propemodum cognosci possunt; sed pa-  
 rentum, fratrum, patriæq; nominibus recen-  
 sendis se infelices hominum reliquias esse testan-  
 tur. Ego, inquiunt, patrem illum habui, ea mi-  
 hi mater fuit, hoc nomine appellor, tu mihi a-  
 micus olim fuisti, & familiaris. hoc modo sedi-  
 gnoscendos præbent. Quo enim alio pristino  
 signo facere id queant homines nō modo pecu-  
 nia, cognatione, amicis exhausti, sed ipsis cor-  
 poribus mutilati? homines omnium soli, qui se  
 ipsos & miserantur, & oderunt simul. qui nesciunt,  
 utrum magis doleant eas corporis partes, quas  
 amiserunt, an illas quas habet: eas quæ morbo  
 præreptæ sunt, an quæ derelictæ. Illæ nanque  
 sunt infelicitè cōsumptæ, hæ infelicius seruatæ.  
 Illæ ante sepulturæ tempus euanuerunt, hæ non  
 habent, à quo afficiantur sepultura. Etenim qui  
 alioqui benigni sunt singulariq; humanitate  
 præditi, nulla in istos commiseratione tangun-  
 tur, ut in hac una re, quod caro simus, quodq;  
 nos abiectissima corpora circudent, oblici  
 esse uideamur. Tantumq; abest, ut homines  
 eiusmodi curare uelimus, ut nos tum demum



tutos atque incolumes existimemus, si ab ipsis  
 quam longissime recesserimus: cumq; non de-  
 sint, qui cadaueribus, eisq; forte iampridem  
 foerentibus appropinquauerint, putidaq; ani-  
 malium rationis expertiū corpora pertulerint,  
 ac coeno oppleri se sustinuerint; hos tamen pro  
 uiribus fugimus, ac propemodum (proh inhu-  
 manitas) quod eundem cum ipsis aera spiritu  
 ducimus, indignamur. Quid patre cōiunctius?  
 Quid clementius matre? atqui natura ab iis etiā  
 uidetur excludi. Ac pater filium suum, quem  
 genuit, quem educauit, quem unicum uitæ ocu-  
 lum habere se existimabat, pro quo multa sæ-  
 pe Deo uota faciebat, deplorat illum quidem,  
 sed tamen expellit; atque alterum uolens, alte-  
 rum coactus facit. Mater autem partus dolorū  
 reminiscitur, eiq; præ dolore uiscera disrum-  
 puntur; uoce admodum miserabili clamat, fi-  
 liumq; ante positum atque uiuentem ueluti de-  
 functum deslet: Fili, inquit, infelix, & ab infe-  
 lici matre genite, quem mihi dimidiatum acerbè  
 morbus abstulit: Fili miserande, fili qui nullo si-  
 gno dignosci potes; fili, quem speluncis, & mō-  
 tibus, & solitudinibus alui, cum feris habitabis,  
 petra tibi tectum erit, inuisent te homines illi  
 duntaxat, qui incredibili erunt pietate insignes.  
 Vsurpat etiam miseranda illa Iob uerba: Cur  
 formatus es in utero matris? cur è uentre ip-  
 sius egressus non statim interiisti, ut cum ortu  
 mors coniungeretur? cur immaturus non di-



scelsisti prius, quàm mala uitæ degustares? cur  
 tibi genua compacta sunt? cur ubera fuxisti in-  
 feliciter uicturus uitam morte acerbiorē? &  
 cum hæc dicit, tum emittit fontes lacrymarum,  
 & quæ complecti cupit filii membra, ea tan-  
 quam hostilia reformidat. Quid? quòd ple-  
 rique omnes uociferantur & sæuiunt non ad-  
 uersum eos, qui in facinoribus, sed qui in mi-  
 seriis ærumnisq; uersantur? non desunt, qui ha-  
 bitent cum homicidis, qui eadem cum adulte-  
 ris non solum domo, sed etiam mensa utantur;  
 qui cum sacrilegis uiuendi societatem institu-  
 tam habeant, quiq; illis etiam, à quibus læsi sunt,  
 propinēt; at eos, qui eiusmodi affecti sunt mor-  
 bo, cum nihil commiserint, tanquam crimen  
 auersantur. Atque ita meliori loco malitia est,  
 quam ægrotatio. Et quod inhumanum est,  
 tanquam liberale complectimur; quod autem  
 commiseratione, humanaq; pietate dignum,  
 ceu turpe spernimus atque despiciamus. Ex-  
 pelluntur à ciuitatibus, extruduntur ab ædi-  
 bus, à foro, à congressibus, à uiciis, ab ipsa (ò  
 calamitas) aqua; ut fontes etiam ac flumina,  
 quæ illis cōmuniter cū aliis hominibus fluunt,  
 contagione inquinari, contaminariq; credan-  
 tur. Cæterum, quod maxima admiratione di-  
 gnum est, quos, ubicunque fuerint, tanquam  
 nocentes, ac ueluti piacula expellimus, quosq;  
 ad nos rursus tanquam innoxios reuocamus,  
 iis non ad habitandum loca decernimus, non



quæ uictui, uulneribusq; curandis necessaria sunt, exhibemus, quo morbum ipsum pro uiribus contegamus. Ea re fit, ut diu noctuq; inopes, nudi, incertis sedibus uagentur, morbum ostentantes, enarrantes originem, creatoris opem implorantes, utentes alienis membris loco eorum, quæ sibi defunt, inuenientes uidelicet membra ueluti Sophistæ, quibus misericordiam moueant. Postulant autem frustulum panis, aut paululum obsonii, aut detritæ uestis particulam, qua foeditatem operiant, aut ulcerum aliquod ex consolatione solatium. Verum humanus erga illos uidetur non qui subuenit indigentiae, sed qui non acerbius eos dimittit. Plerique tamen ipsorum non detinentur pudore, quominus in conspectum & frequentiam hominum ueniant; quin ob id potius ab inopia pelluntur ad hæc concilia & solennes ac sacros hos cætus, quos ad excolendos animos excogitauimus, uel cum ad mysterium aliquod conuenimus, uel festos dies in honorem martyrum ueritatis celebramus; ut quorum certamina ueneramur, eorum pietatem imitemur. Ac tamen si uerentur hominum aspectum propter calamitatem, quippe qui ipsi quoque sint homines; & montibus ac speluncis, aut syluis, aut nocte denique ac tenebris obregi mallēt, repunt tamen in medium miserabile pondus & lacrymis prosequendum. Quod tamen fortasse non temere fit, sed ut nos infirmitatis nostræ



D. GREGORII NAZAN.

commonefacti intelligamus, rebus, quæ adfunt  
quæq; uidentur, nullis tanquam stabilibus,  
aut firmis inhærendum innitendumue esse.  
Prosterunt autem se partim audiendi, partim  
uidendi homines desiderio; partim ut parua ui-  
tæ uatica ab iis, qui diuitiis affluunt corrogent.  
Omnes quidem certe miseras suas publice ex-  
ponunt, ut aliquo modo subleuentur. Cuius  
animus non horum lugubrem concentum mo-  
dulantium lamentationibus perfringatur? Quis  
aut auribus cantum, aut oculis spectaculū per-  
ferre possit? quidam iacent inter se male pro-  
pter morbum coniuncti, & alius alii calamitatis  
aliquid ad excitandam misericordiam mutua-  
tur; atque ita quisque ueluti miseriæ cumulus  
accedit, ipsa quidem calamitate miserabiles, sed  
calamitatis consensu coniunctioneq; miserabi-  
liores. Circumstat ipsos commista hominum co-  
rona, qui eorum quidem miseria, sed exiguum  
ad tempus commouentur ac dolent. Quidam  
uero ad pedes hominum prouoluuntur sole,  
pulvere, sæuo nonnunquam frigore, & imbre,  
uentorumq; turbine eo magis excruciatī affli-  
ctiq;, quo magis eorum tactū perhorrescimus  
ac detestamur. At sacris, quæ in ecclesia peragū-  
tur cantibus eiulantium luctus respondet; & ad-  
uersus arcanas uoces cantilena miserabilis exci-  
tatur. Verum non est necesse uniuersam eo-  
rum calamitatem nobis diem festum celebra-  
ntibus explicare. Nam si diligentius singula,

que tragic  
sem forali  
mis latian  
nem dico, q  
biare ncess  
no aliquam  
pondum po  
tiam calami  
memorau; e  
lousiue fra  
iti naturam,  
mam geni  
bus consuti;  
quodam loco  
cans philoso  
niam contem  
inest dicere  
ginem & acc  
ur, quam ne  
leant: eunde  
riorem hor  
is sancti pig  
nati orum,  
misteriorum  
CHRIST  
a peccatum  
des, quami  
dum exciden  
STO, una  
glorificen



quæ tragice dici possent, persequerer, uos  
 item fortasse in luctum adducerem, & celebri-  
 tatis lætitiā commiseratio superaret. Hæc au-  
 tem dico, quoniam dolorem uoluptate, cele-  
 britate mœstitiam, indecoro risu honestas lacry-  
 mas aliquando potiora esse uobis persuadere  
 nondum possum. Isti quidem ita, ac multo  
 etiam calamitosius affecti sunt, quam ego com-  
 memorauī; qui tamen apud Deū, uelimus, no-  
 limus sunt fratres nostri, eandem, quā nos, for-  
 titi naturam, eodem luto compacti, quo pri-  
 mum geniti sumus, neruis ossibusq; simili-  
 bus confuti, pelle & carne similiter amicti, ut  
 quodam loco inquit beatus Iob, cum inter cru-  
 ciatus philosopharetur, & ea, quæ uidentur in  
 nobis, contemneret. Quinetiam, si id quod ma-  
 ius est, dicere oportet, eandem, quam nos ima-  
 ginem & acceperunt, & fortasse melius tuen-  
 tur, quam nos, etiam si corpora confecta ha-  
 beant: eundem **CHRISTVM** secundū in-  
 teriorem hominem induerunt: eodem Spiritu  
 sancti pignore donati; earundem legum,  
 oraculorum, testamentorum, sacramentorum,  
 mysteriorum, spei participes. pro iisdem item  
**CHRISTVS** mortuus est, qui totius mun-  
 di peccatum tollit: coelestis uitæ sunt cohære-  
 des, quanuis præsentis possessione propem-  
 dum exciderint: sepeliuntur una cum **CHRI-  
 STO**, unaq; consurgunt, si quidē cōpatiuntur,  
 ut glorificentur. Nos autē, qui magni, nouiq;

Cap. 10. b.

X iiii



1. Pet. 2.

nominis hereditatem accepimus ; ut appellemur à CHRISTO gens sancta , regale sacerdotium , populus acquisitionis , & electus , bonorum ac salutarium operum æmulatores ; CHRISTI discipuli illius mansueti atque humani , qui infirmitates nostras portauit , qui semetipsum abiecit , ut formam nostram sumeret , carnemq; hanc atque terrenum hoc tabernaculum gestaret , qui denique pro nobis , doloribus , molestiisq; cum latus est , ut nos diuinitatem consequeremur. Quid nos , inquam , qui tam ingens pietatis , atque cōmiserationis exemplum accepimus , de iis cogitabimus ? quid faciemus ? despiciemus ne ? præteribimus ? derelinquemus ut mortuos ? ut detestabiles ? ut serpentes ac feras teterimas ? nequaquam , fratres. Neque enim id decet alumnos CHRISTI pastoris illius boni , qui quod aberrauerat , reducit : quod perierat , exquirat : & quod est infirmum corroborat : neque etiā patitur humana natura : quæ ex æquali imbecillitate pietatem & benignitatem ediscens misericordiae leges in animis nostris inscripsit. Verum illi quidem sub dio misere uitam agent , nos autē ædes splendidissimas habitabimus mar moribus uariis exornatas , auro atque argento , lapillorumq; subtilium ac minorum textura , tabularumq; uarietate quasi quibusdam illecebris spectantium oculos capientes ac perstringentes. Et cum has incolemus , tum alias ædificabimus. At quibus ? fortasse ne nostris quidem heredibus .

Ezech. 33.  
d.



sed peregritis alienisq; , qui nos non modo non  
amant; sed, quòd est malorum extremum, capi  
tali odio atque incredibili inuidia prosequuntur.  
Et illis quidem detritum lacerumq; , uel forte  
etiam nullum suppetet uestimentum, quo se ab  
iniuria frigorum defendant. Nos autem uestiū  
mollium in terramq; circumfluentium copia a-  
bundabimus ex tenuissimis aereisq; tum lini, tū  
Serum telis contextarum. Ex iis autem & illæ,  
quas gestabimus, nobis dedecori potius erunt,  
quam ornamento: quicquid enim modum at-  
que usum excedit, id ego ignominiam afferre  
magis, quàm laudem existimo: et quæ intus e-  
runt recòditæ, præterquam quod inutili nos mo-  
lestaq; sollicitudine afficient, escam tineis ac tem-  
pori cuncta consumenti suppeditabunt. Illi ne  
rebus quidem uictui necessariis abundabunt (ò  
delicias meas, & miseras eorū angustias) sed an-  
te fores nostras exclusi atque esurientes iace-  
bunt, corpore sibi ne occasiones quidem, quib-  
us ad postulandum utantur, subministrante;  
quippe qui & uocibus ad conquerendū careant,  
& manibus, quas in supplicationibus proten-  
dant, & pedibus, quibus ad diuites accedant, &  
respirationibus, quibus uocem in lamentationi-  
bus commode possint intendere. id unum, quod  
omnium malorum grauissimum est, ipsi leuissi-  
mum putant, cæcitatem; quinetiam oculis, qui-  
bus capti sunt, gratulantur, quoniam propriam  
calamitatem non cernunt. Atque illi quidem ita



D. GREGORII NAZAN.

se habent. nos uero in sublimibus, altisq; toris,  
superfluisq;, & intactis stragulis splendidi splen-  
dide recumbemus, indignantes, si uel querela-  
rum uocem exaudiamus. Oportet præterea flo-  
ribus sæpe etiam præter tempus conspersa no-  
bis pauimenta redolere, mensasq; unguentis  
quum odore tum artificio & sumptu pretiosis-  
simis redundare, ut magis etiam effoeminemur.  
Ad hæc pueros astare partim cum ornatu atque  
ordine promissis capillis & molles, casariaq; fa-  
ciei elaborate magis, quam expediat, accom-  
modata, prucacibus oculis exornatos: partim  
calices summis digitis elegantissime simul ac tu-  
tissime sustinentes: partim flabellis super caput  
uentulum ingeniose facientes, aurisq; de mani-  
bus emissis carniū multitudinē & reliqua re-  
frigerantes. Mensas porro & conquistissimis  
impleri cibis, elementis omnibus luxuriæ no-  
stræ copiam subministrantibus, aere, terra, aqua;  
& coquorum, popinatorumq; artibus contra-  
hi, & in angustum redigi, propositis præmiis, si  
quis excogitet nouos modos, quibus gulæ no-  
stræ blandiatur, & ingratum alliciat uentrem  
grauē pondus, malorumq; fontem, ac ferā ma-  
xime tum insatiabilem tum infidam, quæ cum  
ipsis cibis, quos deuorauit, statim consumitur.  
Atque cum illis sane bene agitur, si possint aqua  
sitim extinguere. Nos autem maxima uini po-  
cula ingurgitabimus, ad ebrietatē usque; & su-  
pra ebrietatem etiam, si qui sunt intemperantio-



res. Ac alia quidem uina repudiabimus, aliud  
ut odoriferum laudabimus, de alio facunde dis-  
feremus; damnumq; nos fecisse putabimus, nisi  
ex laudatis peregrinum aliquod uinum, quod  
inter domestica atque nostratia quodam modo  
dominetur, adfuerit. oportet enim nos delica-  
tos, neque iis, quæ fert usus, contentos aut esse,  
aut certe uideri; quasi turpe ducamus, nisi existi-  
memur serui tum uentris, tum eorum quæ sub  
ventre sunt. Cur hæc facimus, fratres? cur nos  
itē animis ægrotamus? qui sane morbus eo dif-  
ficilior est corporis morbo, quod hunc quidem  
nouimus ad inuitos accedere, illum uero uolen-  
tes inuadere. Vnum simul cum ipsa uita dis-  
soluitur, alter è uita decedentes consequitur.

Vnum miseratione, alterum odio prosequen-  
dum existimant omnes, qui sapiunt. Cur non  
opitulamur naturæ, dum facultas conceditur?  
cur non tuemur carnis humilitatem, qui caro su-  
mus? cur in fratrum calamitatibus delicias agi-  
mus? absit, ut uel diuitiis abundem his in egesta-  
te constitutis, uel bona ualerudine fruam, nisi ho-  
rum uulneribus opem feram; uel uictum abun-  
de, aut uestitum, aut tectum possideam, nisi his  
& panem frangam, & uestimenta pro facultate  
distribuam, & tectum ad quiescendum conce-  
dam. Omnia nimirū aut reponenda sunt CHRI-  
STO, ut ipsum sublata cruce uere & ex ani-  
mo sequamur, & nullo detrahente nos pon-  
dere leues expeditiq; ad superiora uolemus.



D. GREGORII NAZAN.

unumq; CHRISTVM pro rebus omni-  
bus lucremur, per humilitatē sublimes, per pau-  
pertatem diuites effecti: aut certe cum CHRI-  
STO partienda, ut quodam modo id etiam,  
quod possidemus, propterea quod eo recte ho-  
nesteq; utamur, & cum iis qui non habent, com-  
municemus, expietur sanctumq; efficiatur.  
*Cap. 31. d.* Quod si mihi uni seminauero; seminem utique,  
& alii comedant. Atque ut iterum utar uerbis  
Iob, pro frumento oriatur mihi tribulus, et pro  
hordeo spina: urens uetus auferat, & tollat pro-  
cella labores meos, ut incassum laborauerim.  
Etsi horrea construxero ex iis, quæ Mammo-  
næ sunt, congregans, etiam à Mammona hac ip-  
sa nocte reposcar animam, redditurus rationem  
eorum, quæ male parauī & condidi. Nonne tan-  
dem aliquando resipiscemus? Nonne indolen-  
tiam, ne dicam contemptum, abiiciemus? non  
quæ sunt hominum cogitabimus? non in alienis  
malis nostra bene componemus? nihil enim est  
in rebus humanis natura stabile, nihil æquabile,  
nihil sufficiens, nihil in eodem statu permanēs:  
sed omnia quadam ueluti rota circumuoluun-  
tū, diuersas sæpe diebus singulis atque etiam  
horis uicissitudines afferēte; ut instabilibus uen-  
lis, & nauigii mare secantis uestigiis, & fallaci-  
bus noctis insomniis, quorum breuis est gratia,  
& iis quæ per ludum in arena fingunt pueri, ma-  
gis fidendum sit, quàm præsentī hominū pro-  
speritati. Quare prudenter faciunt, qui, propte-



rea quòd non fidunt rebus præsentibus, rationi-  
bus suis consulunt in futurum. Et propter insta-  
bilem incertamq; humanæ felicitatis conditio-  
nem, benignitatem, & misericordiam, quæ nun-  
quam deficit, complectuntur: ut unum ex tri-  
bus omnino consequantur, uel ut nunquam in-  
digeant, quandoquidē Deus hæc bona sæpe lar-  
gitur hominibus piis; ut eos benignitate ad mise-  
ricordiam incitet: uel ut fiduciam habeant in se-  
metipsis apud Deum, quippe qui non propter  
improbritatem, sed quendam dispositionis ordi-  
nem mala perpessi sint: uel denique ut ab iis, qui  
bus res prosperæ, secundæq; fluunt, tanquā de-  
bitam sibi reposcant humanitatem, quam indi-  
gentibus præstiterunt ipsi, cum in secunda fortu-  
na uersarentur. Ne gloriatur (inquit) sapiens in  
sapientia sua, neque diues in diuitiis suis, neque  
fortis in fortitudine sua, etiam si ad summum  
uel sapientiæ, uel opum, uel potentiæ peruene-  
rint: atque, ut ego addam, quæ sequuntur, ne-  
que illustris, & gloriosus in gloria, neque sanus  
in sanitate, neque formosus in pulchritudine, ne-  
que adolescens in adolescentia; neque (ut pau-  
cis omnia complectar) alia ulla in re ex iis, quæ  
hic laudantur, ab ipsa inflatus. Sed in hoc so-  
lum gloriatur, qui gloriatur, quòd intelligit &  
exquirat Dominum, quodq; calamitosos com-  
miseratur, & in futurum sibi aliquid benignita-  
tis reponit. Cætera enim fluxa & temporaria  
sunt, & quæ ueluti in taxillorum ludo huc illuc

Iere. 9. d.



D. GREGORII NAZAN.

transmutantur, & transferuntur, cum nihil sit possidentis tam proprium, quod non uel tempore deficiat, uel inuidia dominum mutet: hæc autem stabilia certa quæ sunt, neque recedunt, neque decidunt, neque spes credentium frustrantur. Mihi quidem & propter hanc causam nihil esse certum & diuturnum uidetur in rebus humanis, & illud potissimum, si quid aliud, mirabili consilio ac sapientia illa, quæ omnem intelligentiam superat, constitutum esse, ut ludamur in iis, quæ uidentur, quæque alium aliàs & locum & dominum inuenientes sursum deorsum feruntur, & commutantur; priusque discedunt, & aufugiunt, quam capiantur, ut incerta earum uolubilitate perspecta omni animi impetu ad ea, quæ futura sunt, contendamus. Quid enim faceremus, si prosperi rerum successus in eodem statu nobis persisterent, qui incertis caducisque tantopere addicti sumus? adeoque rerum presentium uoluptate deceptioneque delinimur & capimur, ut iis nihil melius, nihil sublimius cogitare possimus; præsertim cum ad imaginem Dei & audiamus & credamus nos esse factos, quæ & coelestis est, & nos ad seipsam trahit? Quis sapiens & intelliget hæc? Quis prætercurrentia pertransibit? Quis permanentibus adhærebit? Quis præsentia tanquam abeuntia, quis ea quæ sperantur ut permanentia considerabit? Quis ea, quæ uera sunt, ab iis, quæ ueri speciem prætendunt, ita discernet, ut illa sequatur, hæc asper-



netur? Quis imaginem à ueritate? Quis terrenum habitaculum à ciuitate coelesti? Quis hospitium à patria? Quis tenebras à luce? Quis limbum profundi à terra sancta? Quis carnem à spiritu? Quis Deum à mundi principe? Quis mortis umbram à uita illa sempiterna separabit? Quis emet præsentiis futura? Quis fluentibus diuitiis eas, quæ non dissoluantur? Quis iis, quæ cernuntur, ea, quæ non uidentur? Beatus qui hæc diiudicat, quiq; acri rationis indagine diuidens ac secans præstantius à deteriore ascensiones in corde suo facit, ut inquit diuinus ille David, & uallem lacrymarum hanc fugiens totis uiribus superna quærit, & mundo crucifixus cum CHRISTO consurgit, & cum CHRISTO conscendit, illius uitæ, quæ nunquam deficit, quæ nunquam fallit, aditurus hæreditatem, ubi serpens capiti suo cauens calcaneum non obseruat. At nobis reliquis idem David, ut quidam præco clarissima uoce præditus, ex alto & celebri aliquo loco apposite exclamat, nos graui corde homines, & diligentes mendacium appellans, ne ea, quæ uidentur, admodum complectamur, ne ue aliud quàm satietatem cibi & potus, qui corrumpuntur, omnem, quæ hinc colligitur, felicitatem existimemus. id quod forte beatus etiã Michæas cogitans & aduersus eos qui humi serpunt & boni uidentur, insurgens, Appropinquate, inquit, montibus æternis; surge, & ingredere, quo-

psal. 83. b



Matt. 26. d. **niam non est tibi hæc requies. Quæ sane oratio**  
**uerbis illis propemodum congruit, quibus Do-**  
**minus & seruator noster cohortatur, Surgite,**  
**inquiens, abeamus hinc, non undecim illos tan-**  
**tum ex uno illo loco abducens, ut posset aliquis**  
**existimare, sed semper, et omnes discipulos suos**  
**à terra terrenisq; rebus ad coelum cœlestiaq; in-**  
**uitans & trahens. Rationem igitur aliquando se-**  
**quamur: quæramus requiem illam: præsentem**  
**opulentiam abiiciamus, siquid tamen in ea boni**  
**est, id tanquam lucrum sumamus, uidelicet ut**  
**elemosynis lucremur animas nostras. Com-**  
**municemus hæc bona pauperibus, ut illa conse-**  
**quamur. Da partem etiam animæ, ne carni tan-**  
**tum: da partem etiam Deo, ne mundo solum.**  
**subtrahe aliquid uentri, quod spiritui sacres. Eri-**  
**pe aliquid ab igne, repone paululum aliquid à**  
**depasscente flamma. Eripe tyranno, & crede**  
 Eccl. 9. a. **Domino. Da partes septem uitæ huic, & octo**  
**ei, quæ post hanc nos est exceptura. Da pau-**  
**lulum illi, à quo multum habes; immo da quic-**  
**quid habes ei, qui cuncta largitus est. nunquam**  
**Dei munificentia uinces, etiam si uniuersa pro-**  
**fuderis, & præterea te ipsum adiunxeris. id enim**  
**est accipere, quod Deo donas. Quantuncun-**  
**que intuleris, plus semper relinquetur, & nihil**  
**proprium dabis; quoniam à Deo sunt omnia.**  
**Ac quemadmodum umbram nostram supera-**  
**re nobis non datur, quippe quæ tantum præit,**  
**quantum progredimur, & æqua portione sem-**  
 per



per antecedit: neque supra caput esse potest corporis magnitudo, cum illud semper supra corpus positum sit: sic neque Deum largiēdo uincere possumus. Neque enim quippiam largimur, quod illius non sit, aut magnificentia & liberalitatem eius antecedit. Considera, unde sit tibi idipsum, quod es, quod spiras, quod sapis, & id quod maximum est, quod Deum cognoscis, quod speras regnum celorum, æqualem Angelis dignitatem, perfectā, puramq; gloriæ, quam nunc in speculis & ænigmatibus cernis, cōtemplationem; quod factus es filius Dei, cohæres CHRISTI (audacter dicā) & Deus ipse. Vnde tibi hæc omnia, & à quo? uel, ut parua, & quæ oculis cernuntur, persequar; quis tibi concessit, uidere pulchritudinem cœli, Solis cursum, circulum lunæ, multitudinē stellarum, & qui in iis omnibus, tanquam suauissimus quidam in lyra concentus ordoq; seruatur? Quis horarum uarietates, temporum uicissitudines, circuitus annorum, æqualem diei noctisq; partitionem, fructus terræ, aeris amplitudinem, maris accedentis recedentisq; profunditates, flatus uentorum? Quis imbres, agriculturam, alimenta, artes, domicilia, leges, rerum publicarum administrationes, mansuetam uiuendi societatem hominum inter se? unde tibi animalia partim ad usus uitæ mansuefacta sunt, partim ad uestendum concessa? Quis te dominum regemq; constituit omnium quæ

Y



D. GREGORII NAZAN.

sunt in terra? Quis denique, ne singula enume-  
rem, omnia, quibus homo cæteris antecellit,  
largitus est? nonne hic, qui nunc ante omnia,  
& pro omnibus abs te petit, ut sis benignus, ut  
misericors, ut humanus? deinde non erubesci-  
mus, si, cum ab ipso tam multa & acceperimus,  
& expectemus, ne unum quidem hoc Deo hu-  
manitatis ueluti tributum pendamus? ille nos à  
feris seiunxit, & ex omnibus animantibus, quæ  
sunt super terram, solos ratione decorauit; ipsi  
autem nos efferabimus? adeo'ne deliciis corru-  
pti sumus, aut infanimus, aut (quo modo id di-  
cam, nō habeo) ut, simulac panem asperum &  
cibarium, eumq; fortasse etiam maligne suppe-  
ditauerimus, continuo nos illis natura quoque  
præstāiores existimemus? atque ut fuisse olim  
quoddam gigantum genus ex fabulis audimus,  
quod reliquis hominibus præcelleret; sic nos  
item inter hos sublimes & plusquam homines  
erimus? ut Nemrod ille, uel genus Enach, quod  
olim exclusit Israelem, aut illi, propter quos  
eliuius terram expurgauit? Ille cum sit Deus &  
Dominus, uocari pater nō erubescit: nos gene-  
re nobis cōiunctos abnegabimus? neutiquam,  
o amici & fratres mei; ne simus mali dispensa-  
tores eorum, quæ nobis commissa sunt, ne ue-  
audiamus Perrum dicentem: Erubescite, qui  
detinetis aliena, & imitamini æquitatem Dei, &  
nemo erit pauper. parandis tuendisq; diuitiis  
ne laboremus, cum alii premantur egellare, ne

Gen. 10.  
Num. 13.

conchatur  
cunus Ar  
is, aliquan  
musenam  
tus. & qu  
us, qui ma  
Deiconc  
glam fortal  
sacere con  
molliem eo  
gunt, seq; ex  
neris uilis  
sumps imp  
plaudunt, ac  
elle & firmu  
tam grana po  
fantes nulla  
tanguntur.  
diungit. Q  
deo deliciis  
uocemam  
qui uenemes  
neque simul  
ceat uerfu  
sum & prin  
los & pecc  
nfacit, qui  
cautq; ter  
penigeris  
maqs uiu



inuehat in nos, & acerbius comminetur tum  
 diuinus Amos his uerbis: Age nunc qui dici- cap. 8. d.  
 tis, aliquando transibit mensis, uenundabi-  
 mus etiam sabbatis, & horrea ac cellas aperie-  
 mus. & quæ sequuntur. propter quæ contra  
 eos, qui magnam & paruam stateram habent,  
 ira Dei concitatur: tum beatus Michæas eandē  
 ipsam fortasse luxuriam insectans, tanquam ex  
 satietate contumelia nascatur, & delicias ac  
 mollitiem eorum qui in lectulis eburneis de-  
 gunt, seq; exquisitis unguentis oblectant, & re-  
 neris uitulis ex armentis hœdisq; ex gregibus  
 sumptis impinguantur, & ad organorū uocem  
 plaudunt, ac præterea stabile quidquam ex his  
 esse & firmum arbitrantur. Sed ista forte non  
 tam grauiā putat, quā quod ipsi in deliciis uer-  
 santes nulla Ioseph calamitatis commiseratione Amos 6. b.  
 tanguntur. id enim ad luxuriæ reprehensionem  
 adiungit. Quod ne contingat nobis, ne simus  
 adeo deliciis ac uoluptatibus addicti, ut etiam  
 contemnamus humanitatem lenitatemq; Dei,  
 qui uehementer iis indignatur, etiā si nō statim,  
 neque simulac flagitiū admissum est, iram exer-  
 ceat aduersus peccatores. imitemur supremam  
 illam & primam legem Dei, qui pluit super iu-  
 stos & peccatores, & solē similiter omnibus ori-  
 ri facit, qui animantibus & terrenis expandit di-  
 cavitq; terram, & fontes, & fluuios, & syluas; &  
 pennigeris aerem; & aquatilibus aquam: pri-  
 masq; uiuendi cunctis largitus est facultates

*In Michæa  
 id non in-  
 uenitur, sed  
 in Amos  
 cap. 6. qua  
 re arbitror  
 codicē græcū  
 corruptum esse.*

*Matt. 5. g.*

Y ii



nulli subiectas principatui, nullis legibus circumscriptas, nullis terminis definitas, sed tum communes, tum proprias, & copiosas, ac nulla præterea re deficientes, ut & æqualem naturæ honorem æqualitate muneris honestaret, & benignitatis suæ diuitias ostenderet. At homines auro, argento, pretiosiori, ac minus necessaria ueste, lapillisq; splendidioribus defossis, belli, seditionum, præcipuæq; dominationis insignibus, tollunt supercilium, & pauperibus sibi natura coniunctis ita claudunt misericordiæ fores, ut iis ne ex rebus quidem superfluentibus ac redundantibus uelint necessaria subministrare. ò stultitiam, ò imperitiā hominum, qui ne illud quidem cogitent paupertatem, opulentiam, & quam libertatem uocamus, seruitutemq; , & alia id genus nomina non fuisse principio; sed postea simul cum malitia, cuius inuenta sunt, ad homines tanquam pestes quasdam peruenisse. initio enim, ut scriptura testatur, non fuit sic, sed qui ab initio formauit hominem, liberum, suiq; iuris & diuitem unica tantum indicta præcepti lege in Paradisi deliciis dimisit eo consilio, ut omnes deinceps posteri eodem libertatis munere fruerentur. Itaque libertas & diuitiæ à sola illius mādati pendebant obseruantia; ut uera paupertas & seruitus ab eiusdem transgressione. ex quo inuidia, & lites, & dolo sus serpentis dominatus semper illecebra uoluptatis alliciens, & aduersus imbecilliores concitatus.

Gen. 2. c.



tans eos, qui audacia præstant, scidit id, quod naturali cognatione coniunctum & unum erat, in nominum diuersitates; & generis nobilitatem auaritia cōfregit, legem sanciens, qua principatum tueretur, ac defenderet. Verum intueretur mihi primam illam æquabilitatem, non ultimam istam diuisionem, non dominatoris legem, sed creatoris. Opitulare naturæ quantum potes, priscam libertatem cole, te ipsum reuerere, ignobilitatem generis contege, morbo subueni. Tu, qui uales, qui abundas, ægro- tantis, egentisq; miseriam & tenuitatem susten- ta: qui non offendisti, prolapsam collisumq; subleua; qui lætus es, moerentem consolare, qui rebus secundis frueris, aduersis fractum & la- borantem adiuua; age gratias Deo, & signum aliquod præbe grati animi, quod unus eorum es, qui benigne facere possunt, non qui beni- gnitatem coguntur implorare: quod non respi- cis ad alienas manus, sed alii ad tuas. non rei fa- miliaris tantum, sed pietatis diuitias para: non aurum modo, sed etiam uirtutem, immo so- lam potius uirtutem. Esto proximo nobilior, maiori utens liberalitate. Esto indigenti Deus, imitans misericordiam Dei. nihil enim æque diuinum habet homo, quàm quod misericor- dia benigne utitur. licet enim maiora De- us, homo minora beneficia tribuat, uterque ta- men pro sua, ut arbitror, facultate. ille fecit, & solutum iterum componit, tu cadentem ne def-



D. GREGORII NAZAN.

pexeris. Ille misericordiam ostēdit in rebus māximis, super omnia legē tradens, et prophetas; cum tamen antea naturæ legem dedisset exploratricem actionum, redarguens, admonens, erudiens, ad extremum seipsum pretium redemptionis præbens pro mundi uita, largitus Apostolos, euangelistas, doctores, pastores, curationes, miracula, reditum ad uitam, mortis interitum, de uictore triumphum, testamentum in tenebris, testamentum in ueritate, spiritus sancti partitiones, nouæ salutis mysterium. Tu igitur, si potes maiora illa beneficia conferre, quæ ad animum pertinent (fecit enim te Deus diuitem etiam in eo genere, modo uolueris) si igitur potes, ne desistas ab eiusmodi beneficentia. Sed primum ac potissimum petenti te tribue; immo antequam petaris, tota die miserans & rationes colligens, repetens id, quod commodasti cum fœnore accessionis, quam solet adiungere is, qui subleuatur, paulatim in se ipso augens pietatis semina. Sin autem hæc maiora non potes, at secunda & minora illa cōfer, quæ facultates tuas non excedunt. fer opem, alimētum præbe, præbe uestimentum aliquod, medicamentum affer, alliga uulnera, interroga aliquid de calamitate, de tolerantia dislere. accede, cōfide, nō euades propterea te ipso deterior, cōtagio non inquinaberis: & si illi, qui sunt delictiores, rationibus uanis decepti id suspiciātur, uel potius eiusmodi defensione ignauia, seu im-

petatem  
ueluti ad  
confugiend  
riculum cu  
domestici a  
faciant, quo  
accesisse. T  
Dei æque h  
ueatq; uid  
des tibi am  
indine mise  
res. argumē  
tēplens, ne p  
paciū, tanc  
trare aucte  
lanitate tor  
animo præ  
quā Deo, si  
proportur  
ibenefacien  
modum om  
eltantōq; p  
quicūque c  
& obnoxio  
magis, quo  
me se iace  
nanū illi, q  
res es, in m  
expectare,  
inimamit



pietatem suam tegunt ac uelant, ad timiditatem ueluti ad magnum ac sapiens aliquod præsidium confugientes. Cæterum ab ea re nullum esse periculum cum ratio ipsa, tum medicorum pueri, & domestici ægrotantium ipsorum ministri tibi fidem faciant, quorum nulli unquam fraudi fuit, ad illos accessisse. Tu uero, ô serue Christi, & amator Dei atque hominum, quauis res formidabilis, cauendaq; uideatur, nihil in generosi commiseris. fides tibi animû & fiduciam præbeât, uincat formidinem misericordia, Dei timor mollitiem superer. argumētis carnalibus præstet pietas. ne contempseris, ne præterieris, ne, tanquā scelus, tanquā piaculū, tanquā rem fugiendam detestandamq;, fratrem auerteris. Tuum est membrū, quauis calamitate torqueatur. tibi, licet magno admodum animo prætercurras, derelictus est pauper tanquā Deo, (fortasse enim te flectā his uerbis) tibi proponitur humanitatis argumentum, quauis à benefaciendo te deterreat inimicus. Quemadmodum omnis, qui nauigat, prope naufragium est, tantoq; propius, quanto audacius id facit: ita quicumque circumseptus est corpore, propinquus & obnoxius est corporis calamitatibus, & eo magis, quo elatius incedit, nec respicit eos, qui ante se iacent. dum uentis secundis nauigas, da manū illi, qui naufragiū fecit; dum sanus ac diues es, in miseria constitutum amplectere. Noli expectare, ut in te ipso perdisceas, quantum sit malū inhumanitas, & quale bonū sit, egentibus aperi-



D. GREGORII NAZAN.

Deut. 22. 4.

re uiscera misericordiae . ne uelis tollere manus  
ad Deum contra eos, qui superbiunt, & preter-  
currunt pauperes ; sed in alienis calamitatibus  
erudiare . Da aliquid uel exiguum inopi : non  
erit exiguum ei, qui rerum omnium eget ; ne  
Deo quidem, modo pro facultate tribuatur : lo-  
co magni muneris affer consolationem . si nihil  
habes, collacryma . magna calamitosa medici-  
na misericordia ex animo proficiscens : ueraq;  
& sincera commiseratio magnam doloris &  
miseriae leuationem affert . Viliorem iumento  
hominem esse non dices , ò homo ; quod tamē  
si in foueam ceciderit , aut aberrauerit , lex iu-  
bet, ut erigas, & reducas . Equidem utrum eo  
mandato, ut saepe fit, in duplici legis profundita-  
te etiam aliud quippiam magis reconditum ab-  
scondatur, haud facile dixerim, neque enim est  
meum id scire, sed spiritus illius, qui scrutatur  
& cognoscit omnia ; quantum autem ego inge-  
nio rationeq; comprehendere possum, iccirco  
praeceptum id arbitror fuisse, ut ab exercenda  
paruis in rebus humanitate nos ad perfectiorē  
maiorēq; perduceret . Quales enim erga eos,  
qui eiusdem nobiscum sortis cōditionisq; sunt,  
esse nos oportebit, cū tales aduersum bruta esse  
debeamus ? Hæc quidem, quæ tum ratio, tum  
lex iubet, modestissimi quique homines, qui &  
dare quam accipere præstantius, & lucro mise-  
ricordiam potiorē existimant, cōprobabunt .  
Sed quid de istis , qui sunt apud nos, sapien-

tibus dico  
Deos sibi  
cro, cui p  
xerint. E  
& immola  
esse putant  
rais genus  
iphi quida  
fari oetario  
igitur omi  
quidem lac  
a commiser  
toforum, u  
ciant, & op  
phannr, se  
quiterrena  
prohemum  
tis abhorre  
rum miseri  
felicitatis ad  
solam de  
doleant, eg  
in tantum  
aut perula  
sus misero  
res suas ad  
bis facile  
cogitatio  
qui Deu  
lorem a



tibus dices? omitto enim externos illos, qui Deos sibi, quum cæteris affectionibus, tum lucro, cui primas tribuunt, patrocinantibus confinxerunt. Etenim, quod magis etiam impium est, & immolare homines quibusdam dæmoniis fas esse putant nationes quædā; ut apud eos sit pietatis genus immanitas, qui eiusmodi sacrificiis et ipsi gaudeant, & Deos suos delectari putent nefarii nefariorum sacerdotes & ministri. Vt hos igitur omittamus, sunt quidam è nostris, quod quidem lacrymis dignum est, qui tātum absunt à commiserandis subleuandisq; miseriis calamitosorum, ut eos acerbis etiam contumeliis afficiant, & oppugnent. quinetiam eade re philosophantur, sed uanis stultisq; rationibus, quippe qui terrena plane inaniaq; & absurda loquantur prudentium auribus indigna, & à diuinis decretis abhorrentia. Audent enim dicere Deum illorum miseriæ causam esse, eundem item nostræ felicitatis auctorem. Quis autem sum ego, qui soluam decretū Dei, & Deo benignior uidear? doleant, egeant, affligantur, sic uisum superis. ibi tantum sunt pii, ubi pecuniæ parcendum est; aut petulanter & contumeliose quippiam aduersus miseros faciendum. Quod autem secundas res suas acceptas Deo non referant, ex eorū uerbis facile conici potest. Quis enim sic animo cogitationeq; aduersum inopes affectus esset, qui Deum bonorum, quæ ipse possideat, largitorem agnosceret? Eiusdem enim est, & Deo



D. GREGORII NAZAN.

acceptum referre quicquid habet; & eo, quod habet, uti ex Dei sententia. Illorum uero calamitates utrum à Deo profectæ sint, nondum constat, donec à seipsa materia tanquam in fluxu confusionem profert. Quis autem nouit, utrum hic propter flagitia puniatur, ille, quod laude dignus sit, extollatur; an contra potius & qui effertur, propter scelera efferatur, & qui poena afficitur, propter uirtutem probetur? ut scelestus, quāto magis tollitur in sublime, tanto grauius etiam cadat, cum illi prius permittatur quasi morbū quendam efferre nequitiam suā, ut iustius afficiatur supplicio: probus autem etiam innoxius plectatur, ut tanquam aurum in fornace probatum, siquid uitii reliquum habet, eiiciatur? mundus enim à peccato nullus omnino in mortali duntaxat genere, quemadmodum audiuius, quāuis melior uideatur. Tale enim inuenio etiam in diuina scriptura mysterium. Sed longum esset enumerare spiritus uoces, quibus in hanc sententiam adducor. Quis enim arenam maris, quis guttas aquæ, & profundi magnitudinem dimeriatur? Quis cunctis in rebus ualeat inuestigare sapiētiam Dei, per quam omnia & fecit, & gubernat eo modo, quo ipse & uult, & scit? satis est enim, ut Diuinū Apostolum imitati, admirantes illius rationem, quam nulla mentis intentione cōiectura uē assequi possumus, prætereamus. O altitudo diuitiarum sapientię & scientię Dei, quā incompressi-

Ro. ca. 2. d



bilia sunt iudicia illius, & imperuestigabiles viæ  
 eius. Quis enim nouit sensum domini, ad ter-  
 minos autem sapientiæ illius quis peruenit? ait  
 Iob. Quis sapiens & cognoscet hæc? & non  
 metietur re finita id, quod est super mensuram?  
 alius igitur audacter animoseq; de his pronun-  
 ciaret, uel nemo potius. Ego certe non ausim  
 aut malitiositati supplicium imputare, aut pieta-  
 ti lenitatem. Verum aliquid nonnunquam uti-  
 litatis affert, ut uel improbitate cæsa cernatur  
 malorum impatientia, uel correctâ uirtute pa-  
 tientia meliorum. Sed ita, ut id neque in omnibus,  
 neque perpetuum sit. Certa uero iustitiæ ratio  
 in futurum tempus seruatur, quo sane tempore  
 pro suis quisq; uel uirtutibus uel uitiis aut præ-  
 mia feret, aut poenas dabit. Resurgent enim (in- 10. 5. e.  
 quit) hi quidem in resurrectionem uitæ, illi uero  
 in resurrectionem iudicii. In iis autem, quæ ad  
 uitam hanc pertinent, cum illuc omnia tendant,  
 expedit, ut alia forma regulaq; teneatur, quæ cū  
 apud Deum æqualis omnino certa q; sit, nobis  
 tamen uideatur inæqualis & incerta. Quemad-  
 modum in corporibus fit, in quibus cum alia e-  
 mineant, alia depressa sint, alia sint magna, alia  
 parua: & item in terra, quæ cū alibi tollatur, ali-  
 bi deprimatur, ex partium tamen tam diuersa-  
 rum apta inter ipsas compositione mirabilis pul-  
 chritudo cōsurgit. idem accidit in iis rebus, quæ  
 hominum opera & arte conficiuntur. Quam  
 enim materiam artifex, cum adhuc rudis sca-



D. GREGORII NAZAN.

brāq; esset, aptam commodamq; iudicabat, si ad operis alicuius apparatus accommodaretur, tum demum nos quoque talē esse intelligemus, & confitebimur, cum eam artificis manu cerneamus absolutam alicuius formæ pulchritudinem suscepisse. Sed neque ille artis est imperitus, ut nos, neque propterea temere inordinateq; agit, quod non item nobis ratio cognita, perspectaq; sit. Quod si huiusce nostræ affectionis & morbi similitudinem afferre volumus, nauseantibus æstuantibusq; non admodum dissimiles sumus, quibus omnia ueri uidentur, cum ipsi soli uertantur. Sic etiam illi, de quibus institutus est sermo: non enim patiuntur Deum esse sapientiorē, quam ipsi sint, si in reddenda ratione eorū, quæ contingunt, hæsitauerint. Cum oporteat uel laborare in uestiganda ratione, si forte studio laboreq; possit ad ueritatē perueniri: uel de iis cum sapientioribus & magis spiritalibus colloqui; cum illud quoque sit Dei munus, neque ad omnes cognitio spectet: uel puritate uitæ ipsam uenari, & ab ea, quæ uere sapientia est, sapientiam quærere. Nunc autem isti, proh imperitiam, ad id quod in promptu est, sese uertunt, & temeritate omnia regi mentiuntur, propterea quod ipsi rationem, & causas non didicerunt; et imperitia sunt sapientes, uel sapientia (ut ita dicam) nimia insipientes & stulti. Hinc quidam fortunam et casum excogitauerunt, inuēta profecto temere casuq; conficta. alii siderum uim

rationis  
suo res no  
cationem  
rundam,  
susq; & p  
que uenie  
neri trades  
uidentiam  
induerfas  
Nonnulli  
gustam, n  
pranos su  
lamad no  
gemus, n  
ipsum uid  
stendere  
detargar  
ceret. Sa  
niam & re  
Euanuerū  
curatum e  
se sapiente  
nam incor  
tenebris p  
tedecorari  
itraporter  
participes  
mus; nec  
quoniam o  
te utatru



rationis expertem atque insolubilem arbitratu suo res nostras implicantium, atque adeo implicationem ipsam cogentium, & errantium quorundam, minimeq; errantium congressus recessusq;, & proprium coeli motum. alii, ut quid cuique ueniebat in mentem infelici hominum generi tradentes addiderunt, ea, quæ ad ipsam providentiam pertinent, penitus abstrusa arcanaq; in diuersas opiniones & nomina disperientes. Nonnulli Providentiam quidem, sed ualde angustam, malignamq; cognouerunt. Sic quæ supranos sunt, providentia regi existimarunt, illam ad nos usque deducere, qui ea maxime indigemus, non sunt ausi. ueriti, credo, ne Deum ipsum uideretur nimis bonum & benignum ostendere, si de pluribus bene mereretur, aut ne defatigaretur, si in tam multis benignitatē exerceret. Sed isti quidē, ut dixi, reiecti sunt, quoniam & recte ipsos præuertens ratio ulta est. Euanuerūt, inquit, in cogitationibus suis, & obscuratum est insipiens cor eorum: dicentes se esse sapientes stulti facti sunt, & mutauerunt gloriam incorruptibilis Dei fabulis quibusdam, & tenebris prudentiam, quæ cuncta complectitur, dedecorantes. Nos autē neque eiusmodi monstra portentaque proferamus, si modo rationis participes ministriq; curam ipsius aliquam habemus; neque ea proferentibus acquiescamus, quanuis orationis cursu, eaq; linguæ uolubilitate utantur explicandis rationibus ac sententiis

Rom I. c.



## D. GREGORII NAZAN.

suis, ut etiam inanitate ipsa delectent. Verum  
 tum rerum omnium credamus effectorem esse  
 ac procreatorem deum: quo modo enim mun-  
 dus aliter subsistere potuisset, si illius essentiae na-  
 turæq; non extaret auctor & coaptator? tū pro-  
 uidentiam ipsius esse rerum uniuersitatis conser-  
 uatricem moderatricemq; contendamus, quo-  
 niam ea, quæ auctorem habent, moderatorem  
 etiam habere necesse est: alioquin uniuersitas ip-  
 sa, si spōte sua ueluti nauis à tempestate feratur,  
 soluetur continuo perturbato materiæ ordine,  
 disrumpeturq; , & in pristinam illam confusam  
 inornatamq; molem redigetur. Et quum re-  
 bus omnibus, tum iis potissimum, quæ ad nos  
 pertinent, præesse, providereq; nostrum creda-  
 mus siue effectorem, siue procreatorem uis ap-  
 pellare, licet uita nostra per contraria & idcirco  
 forte etiam incognita traducatur, ut cognitionis  
 difficultate rationē in primis admiremur. quid-  
 quid enim facile percipitur, facile etiam contem-  
 nitur. Quod uero captū hominis superat, quan-  
 to difficilius cognitu, tanto est admirabilius: &  
 id, quod cupimus, quo magis nos fugit, eo ma-  
 iori accendimur assequendi cupiditate. Neque  
 fanitatem igitur admiremur omnē, neque mor-  
 bum despiciamus, neque diuitiis fluentibus fa-  
 ueamus rei fluxæ magis inhaerentes, quàm æquū  
 est, eiq; tanquam animæ partem impendentes;  
 neque paupertatē ut rem omni ex parte despe-  
 ctam, damnatamq; & inuisam insectemur; sed

sciamus  
 eius pecc  
 in pretio  
 tolerand  
 inter æg  
 res, uene  
 reat, quan  
 plaga, ab  
 mus etiam  
 quas meri  
 stillam ex  
 pertatem,  
 danti quier  
 ob id etiam  
 gainopes  
 sunt, silen  
 manis cedat  
 delicias.  
 num obseru  
 dem mand  
 gium fr  
 quiperibus  
 neque paro  
 magis, alio  
 tu momen  
 homines,  
 tum, uel  
 quidem ho  
 nonnunqu  
 eos qui fu



sciamus & sanitatem stultā despiciere, cuius fructus peccatum est : & morbum pium honorare, in pretio honoreq; habentes illos, qui patiēdo tolerandoq; uicerunt, ne quis etiam alicubi Iob inter ægrotantes lateat magis, quā ipsi ualentes, uenerandus colendusq;, quamuis sanie scaeat, quamuis nocte dieq; sub dio misere degat, à plaga, ab uxore, ab amicis discruciat. discamus etiam diuitias iniustas repudiare, propter quas merito laborat in flāma diues ille, petitq; Luc. c. 16. c stillam exiguam refrigerationis : & laudare paupertatem, per quam seruetur Lazarus, & abundanti quiete fruitur in sinu Abrahæ. Mihi uero ob id etiam necessaria uidetur humanitas, & erga inopes misericordia, ut istis, qui sic affecti sunt, silentium imponamus, & ne rationibus uanis cedamus ferentes contra nos legem crudelitatis. Maxime autem omnium mandatum obseruemus & exemplum. Quod quidem mandatum uidete, quā constans & legitimum sit. Neque enim semel, aut bis de pauperibus locuti uiri spiritales discesserunt. neque partim etiam, partim non, aut aliqui magis, aliqui minus, tanquā de re haud magni momenti, neque admodum urgente, sed & omnes, & magno quisque studio, uel primum, uel in primis hoc iubent, & aliquando quidem hortantur, aliquando comminantur, nonnunquam etiam iurgiis agunt, & interdum eos, qui funguntur officio, commendant. Vt



D. GREGORII NAZAN.

afsiduitate recordationis mandatum exequi faciant, propter miseriam inopum, & gemitum pauperum nunc exurgam dicit Dominus, inquit *Psal. 11. b.* Dauid. Ecquis non formidet Dominum exurgentem? & : Exurge Domine Deus meus, exaltetur manus tua, ne obliuiscaris pauperum. *Psal. 9. c.* Exaltationem eiusmodi deprecemur, & ne uelimus uidere sublatam manum aduersus contumaces, magis adhuc intensam contra duriores. & : Non oblitus est clamorem pauperis. Et : Oculi eius in pauperem respiciunt, qui sane aspectus melior, Dominoque conuenientior est, quam ille, qui palpebris fit. Palpebrae autem eius interrogant filios hominum, qui deterior intuitus est. At, dicet aliquis, pro pauperibus & mendicis illis haec dicta sunt, qui iniuria afficiuntur. non nego. Verum id ipsum te stimulet ad humanitatem. Quorum enim tanta habetur ratio, si laedantur, multo maior profecto gratia erit, si subleuentur. Nam si is, qui pauperem despicit, eum, a quo factus est pauper, ad iram concitat; ille effectorem honorat, qui complectitur opus eius. Rursum si quando audieris: Dives & pauper obuiauerunt tibi, ambos autem Dominus fecit: ne pauperem & diuitem ita suscipias, ut aduersus pauperem magis consurgas. nondum enim perspicuum est, utrum a Deo sit talis distinctio. Facti quidem a Deo sunt ambo, etsi, quae sunt extrinsecus, inaequalia uideantur. Illud te ad commiserandum & complectendum fratrem adducat, ut quando

bonis illis  
ris, & te i  
Fecerat  
ris. Quis  
um in tem  
acceperit  
za. Expiet  
hac pulch  
lis, & effie  
ali ut nix  
aliquid et  
dum, nihil  
uulnus ard  
tagii signu  
parum les  
gent curaro  
languires  
ris autem  
& humanu  
rimus anir  
lem in Hi  
mem & in  
ut uire po  
fuerat  
um ita sis  
as, & me  
nim, uere  
calamitati  
omino d  
non et

bonis

*Prou. 22. a*



bonis illis extraneis extolleris, ab ea re corripia-  
 ris, & te ipso modestior fias. Quid præterea?  
 Foeneratur Deo, inquit, qui miseretur paupe-  
 ris. Quis recuset eiusmodi debitorem redditu-  
 rum in tempore cum foenore id, quod mutuum  
 acceperit à Eleemofynis & fide delentur pecca-  
 ta. Expiemur igitur eleemofynis. expurgenus  
 hac pulchra herba sordes animarum & macu-  
 las, & efficiamur candidi, alii quidem ut uellus,  
 alii ut nix pro portione misericordiæ. Dicam  
 aliquid etiam formidabilius. Etsi nihil confrac-  
 tum, nihil contusum habes, & si nullum tibi  
 uulnus ardens, nulla lepra animæ, nullum con-  
 tagii signum aut obscurum aut perspicuū, quæ  
 parum lex expiabat, sed **CHRISTO** indi-  
 gent curatore, tu tamen eum, qui uulnera, qui  
 languores nostros pertulit, reuerere: reuerere be-  
 ris autem, si **CHRISTI** membris benignus  
 & humanus uideberis. Quòd si te latro & ty-  
 rannus animarum nostrarum, uel ab Hierusa-  
 lem in Hierico descendente, uel alibi iner-  
 mem & imparatum adortus adeo uulnerauit,  
 ut iure possis dicere: Putruerunt & corruptæ  
 sunt cicatrices meæ à facie insipientiæ meæ. Si  
 tum ita sis affectus, ut neque curationem inqui-  
 ras, & medicinæ rationem nullam scias, te mise-  
 rum, uere letali uulnere laboras, & ad extremū  
 calamitatum redactus es. Sin animum nondum  
 omnino despondisti, neque res ita male habet,  
 ut non etiam adhuc medicinæ aliquis relictus sit

Pro. 19.6.

Psal. 37.4.



D. GREGORII NAZAN.

locus, accede ad medicum, supplica illi, uulnera uulneribus cura, re simili similem assequere,  
*Psal. 34. a.* immo minoribus maiora sana. Dicit animæ  
*Luc. 8. 6.* tuæ, salus tua ego sum. Et: fides tua te saluum  
*Io. 5. c.* fecit. Et: ecce sanus factus es, & omnia humani-  
*Matth. 5. a.* tatis uerba, modo uideat te humanum in illos,  
*Psal. 40.* qui in miseria sunt constituti. Beati, inquit, mi-  
*a.* sericordes, quoniam ipsi misericordiam conse-  
*Psal. 3.* quenter. frequens est in beatitudinibus miseri-  
*Psal. 36. e.* cordiæ mentio. Beatus qui intelligit super ege-  
*Pro. 3. d.* num & pauperem. Et beatus uir, qui miseretur  
*Esa. cap. 58* & commodat. & tota die miseretur & commo-  
*c.* dat iustus. rapiamus beatitudinem, prudentes  
*Rom. 12 b.* uocemur, benigni efficiamur, ne nox quidem  
*Esa. cap. 58* interrumpat misericordiam tuam. ne dixeris:  
*c.* abi & reuertere, & cras dabo tibi. inter animi  
*Rom. 12 b.* motum & beneficentiam nihil medium interce-  
*Esa. cap. 58* dat. Sola nanque humanitas nullam suscipit di-  
*c.* lationem. Frange esurienti panem tuum, & er-  
*Rom. 12 b.* rantes & uagos introduc in domum tuam, & hæc  
*Esa. cap. 58* præsta cum animi alacritate. Qui miseretur, in-  
*c.* quit, in hilaritate. Et quod pròpto animo præ-  
*Rom. 12 b.* betur, duplicatur. Nam quod ex mœstitia &  
*Esa. cap. 58* necessitate prouenit, ingratum est, & inuenus-  
*c.* tum. Cum lætitia, non cum luctu benignitas  
*Rom. 12 b.* exhibenda est. Si sustuleris de medio tui obli-  
*Esa. cap. 58* gationem, inquit, & ordinationem (anxiā ani-  
*c.* mi diligentiam intelligo) & probationem, &  
*Rom. 12 b.* hæsitantiam, & uerbum murmurationis, quid  
*Esa. cap. 58* magnū & mirabile tum fiet? qualis & quāta hu-

inter m  
 mum lu  
 tur. Qu  
 sermo an  
 ad alend  
 ni eode  
 hunc diu  
 & adole  
 tum, ap  
 bus dare  
 tate ad ex  
 quoque  
 collum  
 & hedi  
 duntis  
 an adole  
 que sunt  
 CHR  
 perit. C  
 & fratre  
 CHR  
 ministr  
 CHR  
 STV  
 honore  
 aut ung  
 ut Iosep  
 que ad  
 qui ex  
 neque



ius rei merces erit? erumpet, inquit, matutinum lumen tuum, & sanitates tuæ cito orientur. Quis non experit lumen & sanitatem? obferuo autem & loculos CHRISTI, qui nos ad alendos pauperes exhortantur, Pauli; & Petri eodem tendentes sententias, quod euangelium diuidentes participes effecerunt pauperes, & adolescentis illius perfectionem ea re definitam, atque præscriptam, ut bona sua pauperibus daret. Putas, te non necessitate, sed uoluntate ad exercendam humanitatem adduci? ego quoque uehementer id cupiebam, atque etiam exstimabam, sed terret me sinistra illa manus, & hoedi illi, & quæ exprobrantur in eo ordine damnatis, non quod furtum, sacrilegium uel aut adulterium, uel aliud quippiam eorum, quæ sunt interdicta, commiserint, sed quod CHRISTVM in pauperibus non susceperint. Quamobrem, serui CHRISTI, & fratres, & coheredes, dum tempus est, CHRISTVM inuisamus, CHRISTO minillremus, CHRISTVM alamus, CHRISTVM induamus, CHRISTVM hospitemur, CHRISTVM honoremus, neque mensa tantum, ut quidam: aut unguentis, ut Maria: neque sepulchro solū, ut Ioseph Arimathæus: neque iis rebus modo, quæ ad sepulturam pertinent, ut Nicodemus, qui ex dimidia parte erat amicus CHRISTI, neque auro, thure, & myrrha tantū modo, ut se

Io. 12. 4.

Matt. 12. 6

Matth. 25.

Mar. 16. 4.

Io. 19. 8.

Matt. 2. 4.

Z ii



GREG. NYSS. PONT.

cerunt Magi ante omnes illos, quos supra dixi:  
sed, quando misericordiam uult, & non sacri-  
cium Dominus omnium, & innumerabilibus  
agnis pinguibus præstat commiseratio & bene-  
ficentia, hanc illi per manus eorum pauperum,  
qui hodie humi prostrati iacent, offera-  
mus, ut, quando hinc decesserimus,

LUC. 6. b.

recipiant nos in æterna taber-

nacula in ipso CHRI-

STO Domino no-

stro, cui gloria

in æternum.

Amen.



supradici  
non facit  
meritibus  
no debet  
parum,  
et, omni  
rimus,  
per-







REGORIVS, qui & Theodorus dictus est, cognomēto Θεωμωδωρὸς hoc est, rerum mirabilium effector, Neocæsareæ, quæ in Ponto est, Episcopus, admodum adolescens Græcorum, Romanarumq; literarum studio incensus è Capadocia Berytum profectus est, atque inde Cæsaream, quæ in Palæstina est, cum fratre Athenodoro se contulit. Hos in Christi religione sigillatim Origenes instituens sui studiosos amantesq; reddidit. Quinquennium igitur in eius disciplina uersati in patriam redeunt. Vbi Gregorius Eucharistiæ laudationē ad Origenem scripsit, eamq; populo conuocato, & ipso Origine præsentē legit. Quæ quidem oratio extat usque ad præsentem diem. scripsit & Metaphrasim in Ecclesiastem breuissimam illam quidem, sed sane quādam admirabilem. Multas præterea & uarias Epistolas composuit. Denique factus Episcopus signis & miraculis humanas vires superantibus clarus Iuliano imperante decessit. Huius uitam Gregorius Episcopus Nissæ litterarum monumentis commendauit.



& iis, qui  
amant, or  
id cupis,  
iam ita sis  
stitutioni  
argumen  
eos, qui a  
beri non  
eiusmodi  
tes circun  
causis ad  
nitus imp  
lentia tu  
Te enim



180  
D. GREGORII RERV M AD-  
MIRABILIVM EFFECTORIS BRE-  
VIS DE ANIMA, ET PER CA-  
PITA DISPVTATIO.



VSSISTI, præ-  
clare Tatiane, ut ad te  
de anima perspicuū,  
& certum aliquid cō-  
scriberem, in eaq; re  
nullis uterer testimo-  
niis scripturarum.  
Quauis enim ea do-  
cendi ratio & uera sit,

& iis, qui cum pietate prudentiam coniunctam  
amant, omni humana ratione certior, tu tamen,  
id cupis, non ut tibi ipse satisfacias, quippe qui  
iam ita sis institutus, ut diuinis & scripturis & cō-  
stitutionibus acquiescas, neque ullis hominum  
argumentis de sententia dimoueri queas, sed ut  
eos, qui aliter sentiunt, quiq; scripturis fidem ha-  
beri non sinunt, & quadam dicendi uī homines  
eiusmodi disputationum ignaros atque insolentes  
circunuenire conantur, conuincas. Quibus de  
causis adductus sum, ut non hæc tractandi deter-  
ritus imperitia, sed tua erga me confusus beneuo-  
lentia tuæ libenter morem gesserim uoluntati.  
Te enim pro tua humanitate proq; amicitia no-

Z iiii



stra, et ea, quæ minus bene dicta uiderentur, scire  
 suppressere, minime dubitabam. Quamobrem  
 omni fiducia animum ad scribendum appuli.  
 Eam autem differendi rationem & ordinem ob-  
 seruabo, quo ad eos, qui scienter, & perite quæ-  
 runt, edocendos utuntur ii, qui res huiusmodi  
 profitentur. Primum enim, quo indicio anima  
 comprehendere naturaliter possit, & quibus ra-  
 tionibus esse ostendatur: post, utrum essen-  
 tia, an accidens sit: mox, corpus ne sit, an corpo-  
 re careat: præterea, simplex, an composita: tum,  
 mortalis, an immortalis: postremo, rationis par-  
 ticeps, an expers sit, exponam. Hæc enim in di-  
 sputatione de anima, ut maxime propria, et uim  
 ac naturam ipsius exprimentia, quæri consueue-  
 runt. Ad ea uero, de quibus differemus, proban-  
 da, confirmandaq; demonstrationes nostræ erunt  
 notiones illæ communes, per quas rebus, quæ  
 manibus tractantur, assensus comparatur. Sed  
 breuitatis utilitatisq; gratia iis duntaxat ratio-  
 cinationibus utemur, quæ ad demonstranda illa, quæ  
 inuestigamus, erunt necessaria, ut earum manife-  
 stis promptisq; copiis instructi repugnantibus  
 occurramus. Hinc igitur orationis ducatur ini-  
 tium, ut, quo indicio anima comprehendatur,  
 appareat.

Res aut sensu percipiuntur, aut intelligentia:  
 Quæ sub sensum cadunt, ipso sensu idonee de-  
 monstrantur. Nam simulatque ad motus ille fue-  
 rit, subiectæ rei imaginem representat. Quæ ue-

ro co  
 se, lo  
 Quam  
 queat  
 cum c  
 cus, a  
 trinfe  
 neque  
 mara  
 tamen  
 quand  
 corpus  
 tamen  
 mouer  
 ignis, a  
 submi  
 præber  
 actioni  
 anima  
 niam il  
 ea est h  
 atque i  
 pit. Q  
 recede  
 Quam  
 ut dinc  
 rum,  
 que an  
 sit, an  
 que e



ro comprehenduntur intelligentia, nō ipsæ per se, sed ex ipsarum actionibus cognoscuntur. Quamobrem cum anima per se cognosci nequeat, ex actionibus ipsius intelligitur. Etenim cum corpus nostrum moueatur, aut extrinsecus, aut intrinsecus mouetur. Non moueri extrinsecus, ex eo patet, quod neque impulsione, neque tractione mouetur, ut ea, quæ sunt inanimata. Cum igitur moueatur intrinsecus, non tamen naturaliter, ut ignis, mouetur. Ignis enim quandiu est, nunquam intermittit motum. At corpus, ubi cadauer euaserit, moueri desinit, cū tamen sit corpus. Quare si neque extrinsecus mouetur, ut inanimata, neque naturaliter, ut ignis, mouetur ab anima, quæ illi uitam etiam subministrat. Cum igitur nostro corpori uitā præbere animam intelligamus, eam ex propriis actionibus cognitam habemus. Porro quod anima sit essentia, sic ostenditur. Primo, quoniam illi quoque congruit essentiæ definitio. ea est huiusmodi. essentia est id, quod cū unū, atque idem sit numero, contraria uicissim suscipit. Quod autem anima à natura propria non recedens contraria suscipiat, manifestum est. Quamobrem cum ea sit essentiæ proprietas, ut diuersis temporibus sit susceptrix contrariorum, idemq; animæ conueniat, essentia utique anima est. Præterea cum corpus essentia sit, animam item essentiam esse, necesse est. Neque enim fieri potest, ut, quod uitā accipit ef-



sentia sit, illud autem non sit essentia, quod  
 uitam largitur. Nisi quis ita insaniat, ut id, quod  
 non est, eius quod est, causam esse dicat, aut id,  
 cuius illud ipsum quod est, ex alio ita pender, ut  
 sine illo esse non possit, eius ipsius, ex quo pen-  
 der, causam esse contendat. In corpore quidem  
 nostro animā esse, superius ostensum est, quo-  
 modo autem in corpore sit, oportet intelligere.  
 Nam si illi sic adhæret, ut lapis lapidi, sequitur,  
 ut corpus sit anima, nec totū corpus animatum  
 sit, cum parti cuidam adhæreat. Sin cum corpo-  
 re mista confusaq; est, è propria ratione deiecta  
 multis partibus constabit, nec simplex erit.  
 Quod enim multas habet partes, diuidi, dissol-  
 uiq; potest. Quod autem potest diuidi, compo-  
 situm est. corpus uero tripliciter diuidi potest.  
 Atqui corpus adiunctum corpori molē auget.  
 Anima uero in corpore existens illud non tumi-  
 dum, sed uiuum efficit. Non igitur corpus, sed  
 expers corporis est anima. Ad hæc si corpus es-  
 set anima, qualitates haberet, quæ percipiuntur  
 sensibus, & nutriretur. caret autem eiusmodi  
 qualitatibus. neque enim oculis cernitur iusti-  
 tia, aut fortitudo, aut alia eiusdem generis, quæ  
 sunt animæ qualitates. Quocirca corpus non est  
 anima. corpore igitur uacat. Præterea cū om-  
 nis essentia corporea, aut animata sit, aut ina-  
 nimata, dicant, qui animam corpus asserunt, ani-  
 matam ne, an inanimatam uelint. postremo si  
 corpus omne colorem, quantitatem, & figurā

habe  
 tur, a  
 autem  
 mun  
 pus no  
 & con  
 quide  
 reat, fi  
 nec pl  
 uideru  
 Quom  
 ipsum  
 stituer  
 corrum  
 dissolu  
 positu  
 bus cor  
 bus: qu  
 inde cu  
 constet  
 solui po  
 sit imm  
 ra, nec e  
 bet uiue  
 ad ab ag  
 rit, & ip  
 necesse  
 nunquā  
 tur. Quo  
 per mo



habet, nihil autem, huiusmodi in anima perspicitur, anima profecto non est corpus. Ex quibus autem corporis expers ostenditur, ex iis potissimum simplex etiam declaratur. Etenim si corpus non est, & corpus omne compositum est, & compositum ex partibus constat, ne partes quidem multas habebit. Cum autem corpore careat, simplex est, siquidem nec est composita, nec plurium partium. Consequens uero mihi uidetur, ut quod est simplex, sit immortale. Quomodo autem id efficiam accipe. Nihil se ipsum corrumpit, alioquin ne initio quidē constitisset. Sed quæ corrumpuntur, ex contrariis corrumpuntur. Quicquid igitur corrumpitur, dissoluitur: quod dissoluitur, cōpositum est: cōpositum multarum est partium: quod ex partibus constat, ex iis nimirum constat differentiis: quod autem differens est, idē non est. Proinde cum anima simplex sit, neque ex pluribus constet partibus, quia nec composita est, nec dissolui potest, sequitur, ut corrumpi nequeat, & sit immortalis. Præterea, quod alieno cietur motu, nec ex se ipso, sed ex eo, unde mouetur, habet uiuendi facultatē, id tandiu permanet, quoad ab agitante illa ui non deferitur, at ubi ea deferit, & ipsum, quod ab illa mouebatur, deficiat necesse est. Quare cum anima se ipsam mouet, nunquā esse desinit. Hæc enim ita se consequuntur. Quod sese mouet, semper mouet: quod semper mouet, nunquam cessat: quod nunquam



cessat finem non habet, quod non habet finem non corrumpitur, quod non corrumpitur, est immortale. Quamobrem si anima, ut iam demonstrauiamus, sese mouet, ex ui superioris rationationis, nec corrumpetur, & est immortalis. Denique quod à propria peste non corrumpitur, corrumpi nequit. Vitium autem honesto contrarium est, ideo illius corrumpendi potestatem habet. Quemadmodum autem non aliæ sunt corporis pestes, nisi debilitas, & morbi, & ipsa mors: cōtraq; uires, pulchritudo, & uita, bona eiusdem ualeitudo & status: sic propriæ animi pestes sunt metus, intemperantia, inuidia, & similia, quæ tamen omnia, cum animæ nec uiuendi, nec mouendi adimant facultatem, fit, ut ea sit immortalis. Restat, ut animam nostram esse ratione præditam ostendamus. Quod multis argumētis colligi potest. Ac primo quidem ex eo, quod artes huic uitæ utiles excogitauerit. Quis enim eas temere, aut casu repertas dicat, cum nec otiosas esse, nec uitæ inutiles ualeat demonstrare? Si igitur artes ad uitæ usus conducunt, & quæ sunt eiusmodi, laudabilia sunt, laudabilia uero ratione comparantur, cum artes animæ inuēta sint, anima nimirū nostra rationis est compos. Talem autem esse animam, illud item argumento fit, quod sensus ad res comprehendendas non sunt idonei. Ac quia nec in his uolumus immorari, id protinus inde pateat, quod sensus, nisi ratione adiuuentur, ea, quæ si-

gura  
men  
possi  
imagi  
prehe  
da est  
prære  
cogni  
piunt  
atque  
à nobi  
quod e  
& om  
mus.  
hendi  
desitu  
& opio  
ne cura  
scit. na  
Quap  
streme  
præfer  
animæ  
uerit  
bus ex  
pingit  
aliud e  
re, qua  
tur rat



gura æqualia sunt, & colore similia, natura tamen differentia, distinguere, & diiudicare non possunt. Quocirca, cum sensus falsas nobis rerū imagines obiciant, si uere illas uolumus comprehendere, ad eas percipiendas ratio adhibenda est. Itaque, si res percipiuntur, alia nobis præter sensus uis præstantior est, qua ad earum cognitionem peruenimus. Quod si non percipiuntur, ne illa quidem assequimur, quæ aliter atque sunt, consideramus. Cæterum, quod res à nobis comprehendantur, ex eo perspicuū est, quod eas apposite ad usus nostros adhibemus, & omnino in quodcunque uolumus transmutamus. Quod si res à nobis percipi, & comprehendendi, demonstratum est, idq; à sensibus ratione destitutis effici nequit, quippe qui falsas species, & opiniones repræsentant, mens est, quæ ratione cuncta distinguit, & res uti uere sunt, cognoscit. mens autem est animæ pars ratione ornata. Quapropter anima rationis est particeps. Postremo nihil agimus, quod non prius nobis ipsi præscripserimus. Id autē nihil aliud est, quam animæ dignitas, siquidem ei non extrinsecus aduenit rerum cognitio, sed ipsa tanquam rationibus externis res exornat. ob id in se ipsa ante depingit, quod in medium est allatura. Nihil autē aliud est animæ dignitas, nisi ratione omnia facere, qua quidē à sensibus etiā differt. Animā igitur rationis participem esse demonstrauimus.

F I N I S.



REGISTRVM.

ABCDEFGHIKLMNOPQRST  
VXYZ.

Omnes quaterniones.



Venetis, in ædibus Pauli Manutii, Aldi filii,  
M. D. LIII. X. Cal. Septembris.



005044780



